

7. ዓይነቱ ማግኔጥ ዓይ. 126ይዳ ዓይናዲንጎቴ ጎይጾ ቦንቾ ኬሊያኦ ቦንቻኒኩ።

ጎኔና ሚርጌ ዓይነቱ ማሊፃ ፔቴ ማሊሢዳፓ ዑሣ ማዓኒ ዳንዳዓኔ። ኑ ጎዳ ዩሱስ ኪሪሰቶሴ ቃኦሎ ኬኤዜያና፣ ጊንሣ ሃሣ ዲማ ዲማ ባኮ ዔርዜያና ዓይነቱ ማግኔጥ ጌኪ ዔኪ ሚርጌ ባኦዚ ኬኤዜኔ። ዓኮ ጫኦቁሞ ማግኔጥ ፃኦፔ ዓሳኦ ሚርጌ ቤስካ ዩያ ዓይነቱ ጌኪ ዔኪ ፃኦፔ። ዩያ ሌሊቱዋንቴ ቤርታዲ ኪሪሰቶሴ ጉሙርቂ ዔኪ ዓሳኦ ጾኦሲ ዩሱስ ኪሪሰቶሴ ዛሎና ማዴ ኮዦ ባኮ ዩያ ዓይነቱ ኬኤዚ ኬኤዚ ጾኦሲ ካኦሽኬኔ። ዩያኮ ኮኦኪንሢ ማዓይ ዓይነቱ ማግኔጥ ዓይ. 118ኮ ፓይዲ 22ይዳ ዓኦ ማሊፃ ዓኮ ጫኦቁሞ ማግኔጥ ይላ ማይንጎቴ ፃኦፔንጎቴ።

ማግኔጥ ዲማ ዲማ ዓርቂ ባኮ

ዓይነቱ ማግኔጥ ዳካ ዳካ ቤሲ ደንጎ ፓቂንጎቴ፤ ዩያቶይዳፓ ባሽዞንሢ ጌይጾ ቤርታሶና ላሞዓሶ ማዒ ፓቂንጎቴ ማሊፃ ፃኦፔሢ ካኦቴ ዳውቴኬ። ሃይሣሶ ማዒ ፓቂንጎቴ ዓይነቱ ፃኦፔሢ ዓሳኦፔ፣ ሃንጎ ቆሬኬ ጌይንጎቴ።

ዓይሢ 120—134 ሄላንዳኦና ዓኦ ዓይነቱ ቦንቾ ኬሊ ቦንቻንጎቴና ዓይናዲንጎቴ ዓይነቱ። ሃካፓ ዲማ ዓይነቱ ማግኔጥ ዳካ ዳካ ደንጎ ቤሲ ፓቂንጎቴ ጎይጾ ኬኤዚንጎቴ፡-

- ዓይነቱ ማግኔጥ ዓይ. 1—41
- ዓይነቱ ማግኔጥ ዓይ. 42—72
- ዓይነቱ ማግኔጥ ዓይ. 73—89
- ዓይነቱ ማግኔጥ ዓይ. 90—106
- ዓይነቱ ማግኔጥ ዓይ. 107—150

ቤርታሳ ፓቂጾ

1

(ዓይነቱ ማግኔጥ ዓይ. 1—41)

ኮሺ ዓሲና ፑርታ ዓሲናኮ ናንጊ

- 1 ፑርቶ ዓሶ ዞር ዋይዞዋኦሢ
 - ጎሞ ዓሳ ሃንጎጎቴ ጎይጾ ሃንጎጎቴ
 - ጾኦሲ ባኮ ቦሃ ዓሶና ፔቴ ማዒባኦሢ ዓንጂንጎቴያኬ።
- 2 ዩያ ጉዴ ዓሢ
 - ናንጊና ናንጎ ጎዳኮ ዎጎና ዎዛዳኔ፤
 - ዩያ ዎጎዎ ዎንቶና ሮኦሮና ፔ ዒኖና ማላኔ።
- 3 ዒዚ፡-

ዎዶና ዎዶና ዓኣፒ ዓኣፓያ
ዒላዠኣ ዲኢኦዎያ
ዓልቃ ዎኣሢ ዓሸካ ቱኪንቴ ሚሢጉዲ ማዓኔ፤
ዒዚ ማዳ ባካኣ ቢያ ዒዛም ጊኢጋኔ።

- 4 ፑርቶ ማዳ ዓሳ ጋዓንቴ ያዲቱዎሴ፤
 ዠባሬ ፒፂ ዔኪ ዓኣዳ ዲልባጉዲኬ።
- 5 ዬያሮ ፑርቶ ማዳ ዓሳ
 ያኦሲ ዎጎ ዎጋ ኬሎና ቶላዓኬ፤
 ጎም ዓሳኣ ፃሎ ዓሶ ባኣካ ጴዳዓኬ።
- 6 ፃሎ ዓሳ ሃንታ ጎይያ ናንጊና ናንጋ ጎዳ ዔራኔ፤
 ፑርቶ ማዳ ዓሶ ጎይፃ ጋዓንቴ ባይሲንታ ባንሢ ዔኪ ዓኣዳያኬ።

2

ያኦሲ ዶኦሚ ካኣታሢ ካኣቲ

- 1 ዴራ ዓይጎሮ ጉንዲማይ?
 ዓሳኣ ጌኔ ማዳኒ ዓይጋ ዘርታይ?
- 2 ዓጮ ካኣታ ዔቄኔ፤
 ዔያቶ ዎይሢ ዓሳኣ ናንጊና ናንጋ ጎዳና
 ዒዚ ዶኦሚ ካኣታሢ ካኣቲናም ጌኔ ማዳኒ
 ሂዚ ጌይ ዘርቴኔ፡-
- 3 «ኦና ዔያታ ቱኬ ዓንጎ ዲያ ቶካፓ ኦ ቲቆም፤
 ሱዞዎ ዲኡዚ ኦኡኒ ኬኤሮም» ጌዔኔ።
- 4 ጫሪንጫ፥ ካኣቱም ቤዛ ዳዔሢ ዔያቶ ሚኢጫኔ፤
 ዬያ ዔያቶኮ ፓሡዎ ማሊያ ናንጊና ናንጋ ጎዳ ቶኦቻኔ።
- 5 ሃካፓ ሴካ ዒዚ ፔ ዳጎና ዔያቶ ጎራንዳኔ፤
 ታምጉይ ዳጎና ዔያቶ ዒዚ ዒጊቻንዳኔ።
- 6 «ታኣኮ ዲማዳ ፃዮኔ ዲኮይዳ
 ታኣኒ ዶኦሚ ካኣቲ ታ ካኣታሢ» ጋዓንዳኔ።
- 7 «ናንጊና ናንጋ ጎዳ ጌዔ ባኮ ዒላቲ ታ ኬኤዛንዳኔ፤
 ዒዚ ታኣም ሂዚ ጌዔኔ፡-
 ሄኤኒ ታኣኮ ናዓሢኬ፤
 ታ ኔና ሃኖ ሾዔኔ፤

1:3 1:3 ዔር. 17:8። 2:2 2:2 ዳኪ. ማዳ 4:25-26። 2:7 2:7 ዳኪ. ማዳ 13:33፤ ዔ.ብ. 1:5፤ 5:5።

- 8 ታና ሸኢቁ፤ ዳራ ቢያ
ኔ ቢታንቶ ዳማ ዋርቃንዳጉዲ ታ ማሃንዳኔ፤
ዓጪ ማዔ ካራና ቢያ ኔ ዳኔ ማዓንዳኔ።
- 9 ዓንገ ኮኦሎና ኔ ዔያቶ ጳርቃንዳኔ፤
ዓጪና ማዢንቲ ማሄጉዲ ኔ ዔያቶ ጋኦጫንዳኔ » ጌዔ።
- 10 ዒንሢ፣ ካኣታ ማሊ ጳቂሠታዎቲ፤
ዒንሢ፣ ዓጮ ዎይሣ ዓሳ ዒንሢና ዔሩዎቲ።
- 11 ናንገና ናንጋ ጎዳም ዒጊቹሞና ማዲዎቲ፤
ጎጋይቂ ጎጋይቂያኣ ዒዛ ቢታንቶ ዳማ ዋርቁዎቲ።
- 12 ዳጋ ዒዛኮ ዔኤታንዳሢኮ ቤርታ
ዒንሢያ ዒ ባይዙዋንቲ ቤርታ
ጎጋይቂ ጎጋይቂ ናዓሢም ዳዲ ባዑዎቲ፤
ዒዛ ፑኖ ካይዚ ማሃዙንሢ ቢያ ዓንጂንቲያኩ።

3

ዳውቲ ፔ ናኣዚ ዓብሴሎሜፓ ቶላኒ ጳሽኬያና ዓይናዳ ዓይነቱ

- ማእደር ጉቲና ሸኢቁንቲ ሸኢጲሢ
- 1 ናንገና ናንጋ ጎዳሢያ! ሞርካ ታኣኮ ዎዚ ሚርጌያ!
ዓኣፒኒ ዓሲ ታ ዑፃ ፑርቲሞና ዔቂያ!
- 2 ሜርጌ ዓሳ፡- «ጾኦሲ ዒዛ ዓውሲንዳዎሴ» ጌይ ጌይ
ታ ዛሎ ጌሰታኔ።
- 3 ናንገና ናንጋ ጎዳሢያ! ኔኤኒ ታኣኮ ገቲማሢኩ፤
ታ ባሻንዳጉዲ ማሢ ቦንቾ ታኣም ዒንጌሢ ኔናኩ።
- 4 ታኣኒ ዑኡዙ ዳጊዲ ናንገና ናንጋ ጎዳ ባንሢ ዒላታኔ፤
ዒዚያኣ ፔኤኮ ዳሚዳ ዳኮ ዑፃ ማዒ ታ ዒላቶ ዋይዛኔ።
- 5 ታ ላሃኔ፣ ገንዓኔ፤
ናንገና ናንጋ ጎዳ ዋንቶ ቢያ ታና ካፔሢር
ገንዓሰካፓኣ ገንሣ ታኣኒ ጳጫኔ።
- 6 ዓጮ ታኣኮ ማንገ ዓኣ
ፓይዲንቲዎ ታ ሞርኮ ታኣኒ ዒጊጩዎሴ።
- 7 ናንገና ናንጋ ጎዳሢያ! ዔቂ!
ታ ጾኦዛሢያ! ሙኪ ታና ዓውሴ!

2:9 2:9 ዮሃ. ጾፔጳ 2:26-27፤ 12:5፤ 19:15።

ታ ሞርኮኮ ባንጋሎ ማንህ፤
 ዓጮቹ ዓይኖቹ ከይሱ።
 8 ዓሲ ዓውሳይ ናንገና ናንጋ ጎዳኬ፤
 ያኦሲዮ! ዓንጃ ኔኤሲ ኔ ዴሮም ማግኔ።

4

ዓይነቱ ሱኡጋህ ዓይህ ጎይያና ጎኦላና ዓይናዲንታ ዳውቴ
 ዓይነቱ

ያኦሲ ጉሙርቁ ሺኢቁንታ ሺኢጲህ
 1 ታኦኮ ዲሎ ያኦከህዮ!
 ታኦከ ዓኤላ ዋደና ታኦም ዩህ፤
 ሚርጌና ታ ዋኦያ ዋኦዪያፓ ታና ሃውሺሴ፤
 ታና ማኦሬ፥ ሺኢጲያዋ ታኦሲ ዋይዜ።

2 ዒንህ፥ ሃይ ዓሳ
 ዋማ ሄላንዳኦና ታና ዒንህ ቶኦቻይ?
 ዓይዴ ሄላንዳኦና ፓሁቱ ባኦዚ ዒንህ ናሽካይ?
 ዋማ ሄላንዳኦናዳያ ሉኡዙም ዒንህ ኮዓህ?

3 ናንገና ናንጋ ጎዳ ጉሙርቁንታ ዓሶ ፔኤም ማህ ዶኦሬህ ዔሩቀቴ፤
 ዩያሮ ታኦከ ዒዛ ሺኢቃ ዋደና ዒዚ ታኦም ዋይዜ።

4 ዋዚ ዒንህ ዲጋዴቴያ ጎሜ ማዲፖቴ፤
 ዒንህ ላሃ ቤዛ ዓኦያ ዚቲ ጌይ
 ዒኖ ዒንህኮ ኮሺ ማህ ዛጉዋቴ።

5 ናንገና ናንጋ ጎዳም
 ፒዜ ማዔ ዒንጎ ባኦዚ ሺኢሹዋቴ፤
 ዒዛ ጉሙርቁዋቴ።

6 «ዓይጌ ኑና ኮሺ ባኦዚ ዳዋንዳይ?»
 ጋዓ ዓሳ ሚርጌኬ፤
 ናንገና ናንጋ ጎዳህዮ!

ኔ ዓኦፖ ካሮ ፖዓ ኑኡም ፖግንጎ *
 7 ማሌ ዓሳ ሃኦኮንታ ዋይኖ ዓኦፖ ዴንቃያ ዋዛዳ ዋዛፓ

3:8 3:8 2ሳሙ. 15:13—17:22። 4:4 4:4 ዓፕ. 4:26። * 4:6 4:6 ኔ ዓኦፖ ካሮ ፖዓ ኑኡም ፖግንጎ ጋዓዙ- ዒሰራዔኤሌ ዓሳ ያኦሲፓ ዓንጃ ዴንቃኒ ኮዓየ ሃዚ ጌይ ሺኢቃ ሺኢጲህኬ።

ኔኤኒ ታ ዒኖ ዎዛሴሢ ሳሽኬ።

8 ናንጊና ናንጋ ጎዳሢዮ!
ኮሺ ናንጊ ታና ናንጊሻሢ ኔናታሢሮ
ሂርጋ ባኣያ ታ ላሃኔ፣ ጊንዒያ ታ ጊንዒኔ።

5

ዓይነቱ ስሉጋሢ ዓይሣ ጎይዖና ሹሉንጎና ዓይናዲንታ ዳውቴ
ዓይነቱ

ጾኦ ማኣዳንዳጉዲ ሸኢቁንታ ሸኢጰሢ
1 ናንጊና ናንጋ ጎዳሢዮ! ታ ዑኡዞ ዎይዜ፤
ጋርሲና ታ ዚኢሊንቲ ጋዓ ባኮ ዔኬ።
2 ታ ካኣቲዮ፣ ታኣኮ ጾኦዛሢዮ!
ታ ኔና ሸኢቃሢሮ
ታና ኔ ማኣዳንዳጉዲ ታ ዒላታ ዒላቶ ዎይዜ።

3 ናንጊና ናንጋ ጎዳሢዮ!
ጉቶ ጉቶ ታ ሸኢቃ ሸኢጰያ ዎይዜ፤
ኔኤኒ ታኣም ዎዚ ጋዓቴያ ጉሙርቂ ታ ካፓኔ።

4 ኔኤኒ ፑርታ ማደና ዎዛደ ጾኦቲቱዎሴ፤
ፑርቶ ማደ ዓሳኣ ኔኤና ዎላ ናንጉዎሴ።

5 ጾቶርቃ ዓሳ ኔ ቤርታ ዔቁዎሴ፤
ፑርቶ ማደ ዓሳዎ ቢያ ኔኤኒ ዒፃኔ።

6 ሉኡዞም ጌሰታ ዓሶ ቢያ ኔ ባይዛኔ፤
ዓሲ ዎደ ዓሶንታ ጌሻ ዓሶዎ ኔኤኒ ሻኣኪንታኔ።

7 ታኣኒ ጋዓንቲ ኔኤኮ ደኤፖ ማኣሪዖና ኔ ማኣሪ ጌላንዳኔ፤
ኔኤም ዲማዴ ጌኤዦ ማኣሮ ባንሢያ ቦንቾና ታ ዚጋንዳኔ።

8 ናንጊና ናንጋ ጎዳሢዮ! ታኣኮ ሚርጌ ሞርኬ ዓኣሢሮ
ኔ ዲሉሞና ኔኤኒ ታና ዔኪ ዓኣደ፤
ኔ ጎይዖዎ ኔኤኒ ታኣም ኮሺ።

9 ዔያታ ጌሰታ ጌኤዞይዳ ጎኑም ባኣሴ፤
ማሊያ ዔያቶሲዳ ጌኔ ኩሚያኬ፤
ቆርጫ ዔያቶሲ ሲንሢንቲባኣ ዲኡፒ ዔቴጉዲኬ፤

- ደንጋ ዔያቶሲያኣ ዓሲ ጌሻያኩ።
- 10 ያኦሲዮ! ዔያቶ ዒንሢ ደቢንቴያኩ ጌዔ፤
ጌኖ ማዳ ዔያቶሲ ዔያቶ ባይዘንጎ፤
ዔያቶኮ ጎማ ሚርጌሢሮ ዔያቶ ባይዜ።
- 11 ኔና ፑኖ ካዮ ማሃዘንሢ ቢያ ዎዛደንጎ፤
ናንጊና ዔያታ ዒላሾንጎ፤
ሱንዖ ኔኤኮ ናሽካ ዓሳ ቢያ ዒናፓ ዎዛደንዳጉዲ
ኔኤኒ ዔያቶኮ ጊቲማ ማዒ ካፔ።
- 12 ናንጊና ናንጋ ጎዳሢዮ! ኔኤኒ ጂሎ ዓሶ ዓንጃኔ፤
ኔኤኮ ሚጨንጎታጎ ጊቲማ ማዒ ኔ ዔያቶ ዓውሳኔ።

6

ዓይነቱ ሱኡጋሢ ዓይሢ ጎይዖና ሳሊ ሻሺ ጎኦላና ዓይናደንታ ዳውቲ ዓይነቱ

- ማቶ ዎዳና ሺኦቁንታ ሺኦጲሢ
- 1 ናንጊና ናንጋ ጎዳሢዮ! ኔ ዳጎና ታና ጎሪፖ፤
ኔኤኮ ታሞጉዴ ዳጎና ታጊዳ ማቶ ዓጊፖ።
- 2 ናንጊና ናንጋ ጎዳሢዮ! ታኦኒ ላኣፓታሢሮ ታና ሚጨንጎቲ፤
ማጌፃ ታኦኮ ኮልኮልቁሢሮ ሃዳራ ታና ዓውሴ።
- 3 ናንጊና ናንጋ ጎዳሢዮ!
ሺሞፓሢ ታኦኮ ጉቤ ካራ ባይዚ ማታዳኔ፤
ኔኤኒ ማኦዲዎፖ ደዓሢ ዎማ ሃላንዳኦናዳይ?
- 4 ናንጊና ናንጋ ጎዳሢዮ! ጊንሣ ማዒ ታና ዓውሴ፤
ኔኤኮ ናንጊና ናንጋ ናሹሞና ታና ፓሢ።
- 5 ሃይቄ ዓሶይዳፓ ኔና ማሊ ጳቁሣይ ባኦሴ፤
ዲኡኪንቴ ቤዛ ዓኦፖ ኔና ጋላታይ ዖናዳይ?
- 6 ዖዪዖ ሚርጊያፓ ዔቄያና ታኦኒ ላቤኔ፤
ዬኤፓ ታኦኮ ሚርጊሢሮ ዎንቶ ሻኦላ ታኦኮ ዎዓኔ፤
ኬራኦ ታኦኮ ማሰኪንታኔ።
- 7 ታ ሞርኮኮ ማኪፃፓ ዔቄያና
ሚርጌ ታ ዬኤኬሢሮ ዓኦፓ ታኦኮ ዳይ ዔቴኔ፤
ዴንቃኒያ ታኦኒ ዳንደዑሞሴ።

- 8 ናንጊና ናንጋ ጎዳ ዩኤፖ ዒላቶ ታኣኮ ዋይዘሣር
ዒንሣ ፑርቶ ማዳ ዓሳ ታ ኮራፓ ባይቁዋቴ!
- 9 ናንጊና ናንጋ ጎዳ ሺኢጲያ ታኣኮ ዋይዘኔ፤
ታ ሺኢቁ ሺኢጲያዋ ዒዚ ዔኬኔ።
- 10 ሞርካ ታኣኮ ቢያ ቦርሲንታንዳኔ፤
ማሊባኣ ዳውሲንቲ ጊንሣም ዔያታ ጳሽካንዳኔ።

7

- ዳውቲ ቢኢኒያሜ ዓሣ ኩዛ ዛሎ ያኦሲም ዓይናዳ ዓይኑም
ፒዚ ዋጌ ዋጊንታንዳጉዲ ሺኢቁንቲ ሺኢጲሣ
- 1 ናንጊና ናንጋ ጎዳ ማዔ ታ ያኣዛሣዮ!
ኔኤኒ ታኣኮ ዓኣሺንቲ ቶሎ ካያሣኬ፤
ታና ዳውሳ ዓሶ ቢያሣፓ ማኣዲ ዓውሴ።
 - 2 ኔኤኒ ዩያይዲባኣያ ማዔቲ
ዔያታ ታና ዓዳ ዙቢጉዲ ሸኦላንዳኔ፤
ዓውሳ ዓሲባኣ ቤሰካ ዳርዚ ታና ዔያታ ላኣላንዳኔ።
 - 3-4 ናንጊና ናንጋ ጎዳ ማዔ ታ ያኣዛሣዮ!
ፔቲ ዓሲምታዎ ፑርታ ባኣዚ ታ ማዳቲ
ታ ላጋሣ ታኣም ማዳ ኮዡ ባኮ ዛሎ ፑርታ ማዲ ታ ማሄቲ
ታ ሞርካሣ ዚቲ ጋዓያ ታኣኒ ቡሬያ ማዔቲ
ዩያ ባኮ ቢያይዲፓ ፔቲማታዎ ታ ማዳያታቲ።
 - 5 ታ ሞርካሣ ዳውሲ ታና ዓርቆንጎ!
ሲላሎይዳ ኮላሲ ቦንቾ ታኣኮ ባይዘንጎ፤
ዒዚ ታና ዎዎደንጎ።
 - 6 ናንጊና ናንጋ ጎዳሣዮ! ኔ ዳጎና ዔቁ፤
ታ ሞርኮኮ ዳጎ ኔኤኒ ባይዘ፤
ዎጋ ፒዜ ማዓንዳጉዲ ኔኤኒ ዓይሣ ጎይዖና
ታና ማኣዳኒ ዔቁ።
 - 7 ሜሌ ዳር ኔ ባንሣ ቡኩሲ
ዑፃ ዔያቶኮ ካኣቲ ማዒ ዎይሣ።
 - 8 ናንጊና ናንጋ ጎዳ ሜሌ ዳር ዑፃ ዎጋኔ፤
ናንጊና ናንጋ ጎዳሣዮ! ታ ዒሉሞጉዴያ ታኣም ዎጋ፤
ዴኤፖ ያኣዛሣዮ! ታ ፒዙሞጉዴያ ታኣም ዒንጌ።

- 9 ዓሲኮ ዓኔና ማሊሢና ዛጋ ዲሎ ያኑዛሢያ!
ፑርቶ ዓሲኮ ዋይዞ ዒዲያ ባይዜ፤
ዲሎ ዓሲ ጋዓገቴ ኔኤኒ ካፔ።
- 10 ታኣኮ ገቲማሢ፣ ዴኤፖ ያኑዛሢኬ፤
ዒና ፒዜ ዓሲ ዒዚ ዓውሳኔ።
- 11 ያኑሲ ዲሎ ዋጌ ዋጋያኬ፤
ዳጎዋ ፔኤሲ ኬላ ኬላ ፔጋሲ ዳዋያኬ።
- 12 ዓሲ ፔኤኮ ጎሞ ቡኡዲ ሃሹዋያ ማዔቴ
ዒዚ ጨንቶ ዓፓር ፔኤሲ ዋርቃኔ፤
ሂኢደዋ ፔኤኮ ዓኣሣኔ።
- 13 ዒዚ ፔኤኮ ዋዳ ያሎ ዓንጋሞ ኮሻኔ፤
ታሚጉዲ ዔኤታ ሂኢደዋ ገኢገሻኔ።
- 14 ፑርቱሞ ማሊ ማሊ ዓኣ ዓሲ
ጌኔ ማዳ ጎዳዲ፣ ሉኡዙሞ ሾዓኔ።
- 15 ማሊ ዓሲሞ ኬሴ ዔቴ ቦኣካ ዓሲ
ዩያ ዒ ቦኣኬ ዔታ ፔኤር ጌላኔ።
- 16 ዒዚ ማዴ ጌኖ ማዳ ዒዛሞ ማዓኔ፤
ዒ ማዴ ፑርቶ ባካ ዒዛ ቶኣካ ኬዳኔ።
- 17 ናንጊና ናንጋ ጎዳኮ ዲሎሞር ታ ዒዛ ጋላታንዳኔ፤
ዴኤፖ ያኑዛሢ ሱንያ ቦንቶ ጋላታ ዓይነቱ ታ ዓይናዳንዳኔ።

8

ዓይነቱ ሱኡጋሢ ዓይሣ ጎይያና ሹሉንጎና ዓይናዲንታ ዳውቴ
ዓይነቱ
ያኑሲ ዴኤፑሞና ዓሲኮዋ ቦንቶ
1 ናንጊና ናንጋ ጎዳ ማዔ ኑ ያኑዛሢያ!
ሱንያ ኔኤኮ ሳያ ቢያይዳ ዴኤፒ ዔርቲያኬ።
ኔኤኮ ቦንቻኣ ጨሪንጮኮ ዑፃ ማዒ ዴጌኔ።

2 ኔ ሞርኮኮ ዳንጎ ባይዛኒ
ዳኮ ናኣቶንታ ዳንያ ዳንቃ ናኣቶንታ ኔና ጋላታንዳጉዲ ኔ
ማሄኔ።

3 ኔ ማገፔ ጨሪንጮ ታ ዛጋኣና

7:9 7:9 ዮሃ. ያፔዳ 2:23። 8:2 8:2 ማቴ. 21:16።

- ፔ ቤዛ ቤዛ ኔኤኒ ጌሄ
 ዓገሎንታ ዠኦጋሂንታ ታ ዛጋኣና
 4 ኔ ማሊ ጳቂሣንዳጉዲ ዓሲንሂሂ ዓይኅ ባኣዚዳይ?
 ሃሃ ኔ ዔያቶ ዛሎ ማላንዳጉዲ ዓሲ ዓይጌንዴዳይ?
 5 ከኢታንቻ ዓኣ ጎይፃፓ ዳካሮ ኔ ዔያቶ ከይሴቴያ
 ቦንቾና ዳኤፑሞና ኔ ዔያቶም ዒንጌኔ።
 6 ኔ ማጌቤ ባኮኮ ቢያ 0-ፃ ማሂ
 ዔያቶ ኔኤኒ ዶኦሬኔ፤
 ቢያ ባኮ ዔያታ ዎይሣንዳጉዲ ኔኤኒ ማሄኔ።
 7 ማራቶንታ ባኣቶንታ፣ ካዮ ቦዎዎ ዓይሱዎዎ
 8 ጫሪንጮ ካፖንታ ባዛ ሞላሂንታ
 ባዛ ዎኣፆ ዴማ ናንጋ ባኮ ቢያ
 ዔያታ ዎይሣንዳጉዲ ኔኤኒ ማሄኔ።
 9 ናንገና ናንጋ ጎዳ ማዔ ኦ ፆኦዛሂዮ!
 ሱንፃ ኔኤኮ ሳዎ ቢያይዳ ዳኤፕ ጫርቴያኬ።

9

ዓይኑም ሱኦጋሂሂ ዓይሃ ጎይፆና «ናኣዚ ሃይቦና» ጌይ ዓይናደ ዳውቴ ዓይኑም

- ፒዜ ዎጋያ ማዔ ፆኦሲም ሸኢካ ጋላታ
 1 ናንገና ናንጋ ጎዳሂዮ! ጉቤ ዒናፓ ታ ኔና ጋላታኔ፤
 ኔኤኮ ዲቃሂ ሄርሺሳ ማደ ዛሎ ቢያ ታኣኒ ከኤዛኔ።
 2 ኔኤና ዔኤቢ ታኣም ኮሸካሂሮ ታ ዎዛዳኔ፤
 ዳኤፖ ፆኦዛሂዮ!
 ኔ ሱንፆ ጋላታ ዓይኑምና ታ ሄርሻኔ።
 3 ኔኤኒ ፔጋዲ ጴዳኣና ታ ሞርካ ገንሂም ማዓንዳኔ፤
 ዲቁንቲ ሎኦሚ ኔ ቤርታፓ ዔያታ ባይቃንዳኔ።
 4 ኔኤኮ ካኣቱም ፆዶይዳ ኔኤኒ ዴዒ
 ፒዜ ዎጌ ዎጋያኬ፤
 ታ ጌኤዞዎ ጌሰቲ ፒዜና ኔ ታኣም ዎጋንዳኔ።
 5 ሜሌ ዳር ኔኤኒ ጎሬኔ፤
 ፑርቶ ማደ ዓሰዎ ኔ ባይዜኔ፤

8:4 8:4 ዓ.ዮ. 7:17-18፤ ዓይኑ. 144:3፤ ዔ.ብ. 2:6-8። 8:6 8:6 1ቆር. 15:27፤
 ዓፕ. 1:22፤ ዔ.ብ. 2:8።

- ሱንጾታ ኔ ዔያቶኮ ናንጊና ዲርካቺ ባይዜኔ።
 6 ሞርካ ኑኡኮ ናንጊና ባይቄኔ፤
 ካታሞቀ ኔ ዔያቶኮ ደይሲ ጋፒሴኔ፤
 ማሊ ዔያቶ ጸቂሃ ባኣዚ ባኣያ ማዒ ባይቄኔ።
- 7 ናንጊና ናንጋ ጎዳ ጋዓንቴ ካኣታዲ ናኣና ናንጋኔ፤
 ካኣቱሞ ሃይቶሞ ዒኢካ ዴዒ ዎጋኒ ዒዚ ጊኢጊሸኔ።
- 8 ዓጮሞ ዒዚ ጂሉሞና ዎጋንዳኔ፤
 ማሌ ዴሮዎ ፒዙሞና ዒ ዎይሣንዳኔ።
- 9 ናንጊና ናንጋ ጎዳ ሄርቁንቴ ዎርቃ ዓሶሞ ፑኖ ካይዚኬ፤
 ማታሣ ዎደና ዴጌ ቤዞ ማዒ ዒዚ ማኣዳኔ።
- 10 ሱንጾ ኔኡኮ ዔራ ዓሳ ኔና ጉሙርቃኔ፤
 ናንጊና ናንጋ ጎዳሣዮ! ኔና ኮዓ ዓሶሞ ኔ ሃሹሞሴ።
- 11 ጂዮኔይዳ ናንጋ፥ ናንጊና ናንጋ ጎዳሞ
 ጋላታ ዓይኑሞ ዓይናዲሞቴ!
 ዒዛኮ ዲቃሣ ሄርሺሳ ማዶዎ
 ዴሮ ባኣካ ኬኤዙሞቴ!
- 12 ሱንጾ ማሃሣ ዔያቶሞ ማሌኔ፤
 ሄርቁንቴ ዎርቃ ዓሶኮ ዒላቶ ዒዚ ዎሊባኣሴ።
- 13 ናንጊና ናንጋ ጎዳሣዮ!
 ታኣኮ ሞርካ ታና ማታሳ ማቶ ዛጌ!
 ታኣሞ ማጠገንቴ!
 ሃይሶ ቤዛፓኣ ዔኪ ታና ማሄ።
- 14 ዔያ ኔኤኒ ታኣሞ ማዴቴ
 ጂዮኔይዳ ዓሳ ቡካ ቤዛ
 ዴጊዲ ታ ኔና ጋላታንዳኔ፤
 ኔኤኒ ታና ዓይሴሣሮዎ ታ ዎዛዳንዳኔ።
- 15 ማሌ ዴራ ፔ ቦኣኬ ዔታ ፔኤሮ ሎኦሜኔ፤
 ዔያታ ዓኣቺ ፒሬ ፒራሣዳ ቶካ ዔያቶኮ ዓዲንቴኔ።
- 16 ናንጊና ናንጋ ጎዳ ፒዜ ዎጊሣና ዔርቴያኬ፤
 ፑርቶ ማዳ ዓሳ ፔኤኮ ፑርቶ ማዶ ፒራሣና ዓዲንቴኔ።
- 17 ፑርቶ ማዳ ዓሳ ሃይቄ ዓሶ ዓጮ ዴንዳንዳኔ፤
 ያኡሲ ዎሊ ሃሻ ዓሳኣ ቢያ ዒማዒ ማዓንዳኔ።

- 18 ማግኔግ ዓሳ ጋዓንቴ ቢያ ዎዴ ዋሊንቴንዲቶሴ፤
ማንቆ ዓሳኮ ሃጊ ማዓ ዎዛኦ ናንጊና ጉሪ ማዒ ዓቱዋሴ።
- 19 ናንጊና ናንጋ ጎዳሂዮ! ዓሲ ፔ ደዲሞና
ኔጊዳፓ ዑሣ ዎልቃዳንጉዲ ማሂፖ፤
ኔኤኒ ዔቁ፣ ሜሌ ዴሮ ዑፃ ኔ ዎጌ።
- 20 ናንጊና ናንጋ ጎዳሂዮ!
ዲቃሣ ባኣዚ ዔያቶ ዑፃ ከይሴ፤
ዔያታ ዓሲ ማዒ ማኸንቴሂያ ኔኤኒ ዔያቶ ዔርዘ።

10

ጊዜ ዎጌ ዎጊንታንዳጉዲ ሸኢቁንቴ ሸኢጲሂ

- 1 ናንጊና ናንጋ ጎዳሂዮ!
ዓይጎሮ ኔኤኒ ሃያይዲ ሃኪ ዔቁይ?
ማጋሂ ዎደና ዓይጋ ኔ ዓኣሸንታይ?
- 2 ፑርቶ ማዳ ዓሳ ያቶርቃኔ፣ ማንቆ ዓሳዎ ዔያታ ዳውሳኔ፤
ሜሌ ዓሳሞ ዔያታ ፒራ ፒራሂዳ ፔኤሮ ዓዲንቶንጎ።
- 3 ፑርቶ ዓሳ ፔኤኮ ፑርቶ ዓፁሞና ሄርሸንታኔ፤
ዔኤቢ ጊዴኔ ጎፀ-ዎ ጎጋይቁ ሸራ ዓሳ ዔያታ ዓንጃኔ፤
ናንጊና ናንጋ ጎዳ ዔያታ ጫጫሸካኔ።
- 4 ፑርቶ ማዳ ዓሳ ያኦሲ ዔኤቢኬ ጎፀ-ዋሴ፤
ዔያታ ፔ ያቶርሙሞና ያኦሲ ባኣሴ ጌይ ማላኔ።
- 5 ፑርቶ ዓሳሞ ዔኤቢ ቢያ ዎዴ ጊኢጋኔ፤
ያኦሲ ዎጎ ዔያታ ዔራኒ ዳንዳፀ-ዋሴ፤
ዩያሮ ዒዚ ፔ ሞርኮ ማሚኢጫኔ።
- 6 ዔያታ ፔ ማሊያና፡- «ኑና ዓጊሣንዳይ ባኣሴ፤
ዓይጎ ማጋኦ ባኣያ ቢያ ዎዴ ኑ ዎዛዳንዳኔ» ጋዓኔ።
- 7 ዔያታ ጌሰታ ጌኤዘይዳ
ጋዳማንታ ሉኡዙሞንታ ዚርቁሂያ ኩሚያከ፤
ጌኔ ባኣዚንታ ፑርቱሞዎ ዔያቶ ዳንጋከ።
- 8 ጉርደኮ ጎይፆ ዓጫ ካቲ ዔያታ ዴዓኔ፤
ጂሎ ዓሳዎ ዉቱንቃ ካርካ ዔያታ ዎዳኔ፤
ዓኣፓ ዔያቶኮ ማንቆ ዓሳ ፑርቱሞና ዛጋኔ።

10:7 10:7 ሮሜ 3:14።

9 ካይዚዳ ናንጋ ዘቢጉዲ ዓኣሺንቲ ዔያታ ዳዓኔ፤
ማንቆ ዓሶ ዓርቃኒ ዒኢካ ካታኔ፤
ዔያቶኮ ፒራሢና ዓይሢ ጎቹ ዔያታ ዔካኔ።

10 ማንቆ ዓሶ ጳርቂ ዔያታ ኮኤራኔ፤
ማኣዳይ ባኣ ላቤ ዓሳ
ዔያቶ ኩጮ ጋሮ ጌሊ ሎኦሚ ዓታኔ።

11 ፑርታ ማዳ ዓሲ ፔ ዒኖና፡-
«ጾኦሲ ታና ዋሌኔ፤
ዓኣፖ ካሮ ፔኤኮ ካንቂ ታና ዳንቁዋሴ!» ጋዓኔ።

12 ናንጊና ናንጋ ጎዳሢዮ ዔቁ!
ጾኦዛሢዮ ኔኤኮ ዋልቆ ኩጮ ዔቂሴ!
ሄርቂንቲ ዋርቃ ዓሶ ዋሊፖ።

13 ፑርቶ ማዳ ዓሳ
ጾኦሲ ዑፃ ዓይጋ ፑርታ ጌሰታይ?
ፔ ዒኖና፡-
«ታ ማዳ ባኮሮ ዒ ታጊዳ ሜቶ ዓጋዓኬ» ዓይጋ ጋዓይ?

14 ጾኦሲዮ! ኔኤኒ ጋዓንቲ ሜቶና ዋኣዮና ዛጊ
ዬያ ሹሌዒሶንዶ ጎይሢ ጊኢጊሻኔ፤
ሜታዳ ዓሳ ፔና ኔኤም ሃሻኔ፤
ዜኤሮ ናኣቶዋ ኔኤኒ ማኣዳኔ።

15 ጎሞ ዓሶንታ ፑርቶ ዓሶንታኮ ዋልቆ ላቢሴ፤
ሃካፓ ሴካ ፑርታ ባኣዚ ዔያታ ማዲዋጉዲ
ዔያታ ማዳ ፑርቶ ማዶሮ ሜቶ ዔያቶይዳ ዓጌ።

16 ናንጊና ናንጋ ጎዳ ካኣቲ ማዒ ናኣናና ናንጋኔ፤
ሜሌ ጾኦዘም ዚጋ ሜሌ ዳራ ጋዓንቲ
ጎይይዳፓ ጋፒ ባይቃንዳኔ።

17 ናንጊና ናንጋ ጎዳሢዮ!
ኔኤኒ ማንቆ ዓሶኮ ሸኢጲያ ዋይዛኔ፤
ዔያታ ሸኢቃ ሸኢጲያ ዋይዚ ኔ ዔያቶ ዶዲሻኔ።

18 ጎይይዳ ዓሲ ማዒ ማዢንቲ ዓሲ
ሜሌ ዓሶ ዲቃሡዋጉዲ
ዜኤሮ ናኣቶንታ ሄርቂንቲ ዋርቃ ዓሶንታ ዛሎ
ኔኤኒ ሞኦታኔ።

11

ዓይነቱ ሱኩጋሢ ዓይሣ ጎይጾና ዓይናዲንታ ዳውቴ ዓይነቱ ጾኦሲ ጉሙርቁሢ

- 1 ናንጊና ናንጋ ጎዳ ታኣኮ ፑኖ ካያሢኬ፤
 ዓካሪ ዒንሢ ታኣኮ ሸምፔሎ
 «ካፒጉዲ ዲኮ ባንሢ ባራኒ ዓኣሽንቴ» ዓይጎሮ ጋዓዖ?
- 2 ፑርቶ ማዳ ዓሳ ሃይሾ ቆኦዞ ፔኤኮ ዴንሢ፤
 ዒና ፒዜ ማዔዞንሢ ዲሞና ዔያታ ዲካኒ
 ሂኢኮ ዔያታ ዓኣሢ።
- 3 ጻጺ ማዔ ባካ ደዓዛ
 ዲሎ ዓሲ ዓይጎ ሞኦታኒ ዳንዳዓይ?
- 4 ናንጊና ናንጋ ጎዳ ፔኤኮ ዲማዳ ማኣራ ዓኣ፤
 ካኣቱሞ ምታ ዒዛኮ ጫሪንጮይዳኬ፤
 ዒዚ ዓሶ ሲያ ዛጋ፤፤
 ጊኸገ ጌይ ዛጊጾና
 ዓሳ ዓይጎ ማዳቴያ ዓኣፓ ዒዛኮ ዴንቃ።
- 5 ናንጊና ናንጋ ጎዳ
 ዲሎ ዓሶንታ ጎሞ ዓሶሞ ምታቴያ ዛጋ፤፤
 ፑርቱሞ ናሽካ ዓሶ ጋዓንቴ ዒዚ ዒዒፃ።
- 6 ዒዚ ፑርቶ ማዳ ዓሶ ዑፃ
 ታሚ ቁንሢና ሙርቁንሢና ኬይሳ፤፤
 ዔያቶሞ ዓጊንቴ ባካ ታሚጉዲ ሸሸኤላ ዢባሬኬ።
- 7 ናንጊና ናንጋ ጎዳ ዲሎ ማዔሢሮ ዲሎ ማዳ ዒ ናሽካ፤፤
 ፒዜ ማዳ ማዳ ዓሲ ሲያ ዒዛኮ ዓኣፓ ካሮ ዛጋንዳ።

12

ዓይነቱ ሱኩጋሢ ዓይሣ ጎይጾ ሳሊ ሻሺና ዴንሣ ጎኦላና ዓይናዲንታ ዳውቴ ዓይነቱ

- ማኣዶ ዴንቃኒ ሸኢቁንቴ ሸኢሲሢ
- 1 ናንጊና ናንጋ ጎዳሢ! ማኣዳ፤
 ዓሶ ባኣካ ፔቴታጾ ጉሙርቁንታ ዓሲ ጴዳሞሴ።
- 2 ሞሊም ዔያታ ሉሉኦቃ፤፤
 ላምጾ ዒኔና ማዒ ሞሊ ጌሺ ዔያታ ጌሰታ።።

3 ጌሺህ ጌሻ ዳንጋንታ ሃይሴ ሚርገሻ ዒንዲርሲያ
ናንገና ናንጋ ጎዳ ባይዘንጎ!

4 ዔያታ፡- «ኵኡኒ ጌሰቲፆና ኮዔ ባአዚ ዴንቃንዳኔ፤
ሼኔ ጌዔ ጎይሂያአ ኵኡኒ ጌሰታንዳኔ፤
ለአጋኒ ኵና ዳንዳዓሂ ፆናዳይ?» ጋዓኔ።

5 ናንገና ናንጋ ጎዳ ጋዓንቲ
«ሜታጴ ዓሳ ካራ ባይዘኔ፤
ዳውሲንቲ ዓሳአ ሜታሂ ዲቡሞፓ ዔቄያና ዚኢሊንታኔ፤
ዬያሮ ዔያቶ ሄላ ባካፓ ጎኑቢ ቃዛኒ ታ ዔቃንዳኔ» ጋዓኔ።

6 ናንገና ናንጋ ጎዳኮ ሃጊ ማዓንዳ ዎዞ ቃአላ ጉሙርቂንታያኬ፤
ናአቦ ታሚዳ ለንካይ ማይንቲ ሼኤሾና ቢራ ዓንገጉዲ
ጌኤሺኬ።

7 ናንገና ናንጋ ጎዳሂዮ!
ኔኤኒ ቢያ ዎይ ኵና ካፔ፤
ፑርታ ማዔ ሃያ ዎዶ ዓሶይዳፓ ኔ ኵና ዓውሴ።

8 ፑርታ ማዲሂ ዓሲ ጋላቲሳ ዎይይዳ
ፑርቶ ማዳ ዓሳ ፆቶርቂ ታአካኔ።

13

ዓይነቱ ስኡጋሂ ዓይህ ጎይፆና ዓይናዲንታ ዳውቲ ዓይነቱ
ማአዶ ዴንቃኒ ሺኢቂንቲ ሺኢጲሂ

1 ናንገና ናንጋ ጎዳሂዮ!
ዎማ ሄላንዳአና ኔኤኒ ታና ዋላይ?

ናአናና ጋፒ ኔ ታና ዋላንዳ?
ዎማ ሄላንዳአና ታ ዓአፓፓ ኔኤኒ ኔና ሺርሻይ?

2 ታ ማሊፆና ታአኒ ሞኑቲንታሂ
ታ ዒኖና ሮኦር ጉቤ ታአኒ ፆያሂ

ዓይዲ ሄላንዳአናዳይ?
ዓይዲ ሄላንዳአና ታ ሞርካሂ

ታና ባሺ ናንጋንዳይ?

3 ናንገና ናንጋ ጎዳ ማዔ ታ ፆአዛሂዮ!
ሃዳራ ታና ዛጌ፣ ታ ጋዓ ባኮ ዎይዘ፤
ሃይቄያ ማዒ ገንዒ ታ ዓቱዋጉዲ

ደዲሞ ታኣሞ ዒንጌ።
 4 ታ ሞርካ፡- «ኑ ዒዛ ባሽኔ» ጌይ ሄርሺንታንዳጉዲ
 ታ ሎኦሚያና ዔያቶ ዋዛሲ።

5 ታኣኒ ኔኤኮ ጋፑዋ ናሹሞ ጉሙርቃኔ፤
 ዒና ታኣኮ ኔ ዓውሴሄረ ዋዛዳኔ።

6 ናንጊና ናንጋ ጎዳሂዮ!
 ኔኤኒ ታኣሞ ኮሺ ባኣዚ ማዳሂረ
 ኔ ቦንቾሞ ታ ዓይናዳኔ።

14

ዓይነቱ ሱኡጋሂ ዓይህ ጎይያና ዓይናዲንታ ዳውቴ ዓይነቱ
 ዓሲኮ ፑርቱሞ
 (ዓይኑ. 53)

1 ዔኤዮ ዓሳ ፔ ዒኖና፡- «ያኦሲ ባኣሴ» ጋዓኔ፤
 ዩያጉዴ ዓሳ ማኣሳኔ ዓሲኬ፤
 ዔያታ ሻኣካ ማዳ ማዳኔ፤
 ዔያቶ ባኣኮይዳ ኮሺ ባኣዚ ማዳ ዓሲ ፔቲታ? ባኣሴ።

2 ማሊ ጳቂህ ዓሲንታ
 ናንጊና ናንጋ ጎዳ ኮዓ ዓሲያኣ ዓኣቶ ዴንቃኒ
 ናንጊና ናንጋ ጎዳ ጫሪንጫፓ ሊካ ዓሶ ዛጌኔ።

3 ጋዓንቴ ዓሳ ቢያሂ ዣኣሌኔ፤
 ጉቤሂ ፔቲ ማዒ ፑርቱኔ፤
 ዔያቶይዳፓ ፔቲ ዓሲታዎ ኮሺ ማዳይ ባኣሴ።

4 ናንጊና ናንጋ ጎዳ፡- «ያኦሲ ዔሪ ሺኢቁሞ ዓሶኮ
 ታኣኮ ዴሮ ዓዳ ካህጉዲ ሙዓ
 ፑርቶ ማዳ ዓሶኮ ማሊ ጳቂህ ዒኔ ባኣዓዳ?» ጋዓኔ።

5 ናንጊና ናንጋ ጎዳ ዒሎ ዓሶ ባኣካ ዓኣሂረ
 ዔያታ ዓኣ ቤዛ ዓኣፆ ዲቃቲ ጋፔኔ።

6 ዒንሂ ማንቆ ዓሶኮ ማሊፆ ዲቃኒ ማሌያታቲያ
 ናንጊና ናንጋ ጎዳ ጋዓንቴ ዔያቶኮ ጊቲማሂኬ።

7 ዒሰራዔኤሌ ዓሶሞ ዳቂንታ ዒዮኔይዳፓ ሙካቴ ዓይጎ!

14:3 14:3 ሮሜ 3:10-12።

ናንገና ናንጋ ጎዳ ፔ ዴሮኮ ዲዒንቴ ባኮ ማሃ ዎዶና
 ያይቆኦቤ ዎዛዳንዳኔ፤
 ዒሰራዔኤሌ ዴራኣ ዒላሻንዳኔ።

15

ዳውቲ ዓይነቱ

ናንገና ናንጋ ጎዳ ዓሲዳፓ ኮዓ ባኣዚ

1 ናንገና ናንጋ ጎዳሂዮ!
 ኔኤኮ ጌኤኩ ማኣሪ ጌላኒ ያኣኒ ዳንዳዓይ?
 ኔኤኮ ዳማዴ ዳኩይዳ
 ናንጋኒ ዳንዳዓሂ ያናዳይ?

2 ሃይ ፓጩኔ ጌይሳ ባኣዚ ባኣ ዓሲ
 ዒሎ ማዶ ማዳ ዓሲ
 ዒናፓ ጎኔ ማዔ ባኣዚ ጌሰታ ዓሲ፤

3 ጌሰታ ጌኤዘና ዓሲ ጌሹዎ ዓሲ
 ፔ ላጎም ፑርታ ባኣዚ ማዲዎ ዓሲ
 ፔ ዓሺኖ ደንኩዎ ዓሲ፤

4 ፑርቶ ማዳ ዓሶኮ ማሊያ ዔኩዎ ዓሲ
 ናንገና ናንጋ ጎዳም ዓይሂንታ ዓሶ ጋዓንቴ ቦንቻ ዓሲ
 ዎዚ ዴኤፃያ ማዔታቴያ ጫኣቄ ጫኣቄም ማዲ ኩንሣ ዓሲ፤

5 ማኢሾ ፔኤሲ ሾይቸና ዔካኒ ታልዑዎ ዓሲ
 ዒሎ ዓሶ ማቶይዳ ዓጋኒ ዴሜና ማኢሾ ዔኩዎ ዓሲ
 ያኣዴ ማዔ ዓሲ ፔቲታዎ ዓገፃዓኬ፤
 ኮሺ ናንገ ናንጋንዳኔ።

16

ዳውቲ ካላሎ

ያኦሲ ጉሙርቄ ሺኢቁንቴ ሺኢጲሂ

1 ያኦሲዮ!
 ታኣኒ ኔና ጉሙርቃሂሮ ታና ካፔ።
 2 ናንገና ናንጋ ጎዳም ታኣኒ፡- «ኔኤኒ ታኣኮ ጎዳኬ፤
 ኔኤፓ ዓታዛ ኮሺ ባኣዚ ታኣም ባኣሴ» ጌዔኔ።

3 ያኦሲም ዳማዴያ ማዒ ሳይዳ ናንጋ ዓሳ
 ቦንቸንቴያኬ፤ ታኣኒያኣ ዔያቶ ዛጋዎ ዎዛዳኔ።

- 4 ማሌ ያኦዞ ካኣሽካ ዓሶ
 ማርጌ ያዪሳ ባኣዚ ሄላንዳኔ፤
 ታኣኒ ዬያጉዴ ማሌ ያኦዞ ሹኪ ዑሻዓኬ፤
 ዬያቶም ታኣኒ ዚጊያኣ ካኣሽካዓኬ።
- 5 ናንጊና ናንጋ ጎዳሢዮ! ታኣኮ ዴናሢንታ ዑዣሢያ ኔናኬ፤
 ታ ዛላ ባኣዚ ቢያ ኔ ኩጮ ጋራኬ።
- 6 ታኣም ዴና ፓቃኒ ዓጊንቴ ሱዛ ኮሺ ቤሰካ ኬዴኔ፤
 ጎኔና ታና ዋዛሳ ኮሺ ዴኔ ታና ሄሌኔ።
- 7 ታና ዘራ ናንጊና ናንጋ ጎዳ ታኣኒ ጋላታኔ፤
 ዋንቶ ማዔቴያ ዒና ታኣኮ ፒዜ ማዔ ባኣዚ ታና ዔርዛኔ።
- 8 ቢያ ዋዴ ታኣኒ ናንጊና ናንጋ ጎዳ ቤርታሳኔ፤
 ዒዚ ታኣኮ ማዛቆ ዛሊናታሢሮ ታኣኒ ዓጊፃዓኬ።
- 9 ዬያሮ ዒና ታኣኮ ኮሺ ዋዛዳኔ፤
 ዑፃኣ ታኣኮ ሂርጋ ባኣያ ሃውሻኔ።
- 10 ኔኤኒ ሸምፓሢ ታኣኮ ዱኡፖ ዔታ ሃሸንዱዋሴ፤
 ኔኤም ዱማዴሢያኣ ኔኤኒ ዋዒሲንዱዋሴ።
- 11 ኔኤኒ ናንጊ ጎይሢ ታና ዳዋንዳኔ፤
 ኔ ኮራ ማርጌ ዋዛ ኩሜያኬ፤
 ኔኤኮ ማዛቆ ዛላ ናንጊና ሃውሸሢያኣ ዓኣኔ።

17

- ዳውቴ ሸኢጲያ
 ጌኤሽ ዓሲኮ ሸኢጲሢ
- 1 ናንጊና ናንጋ ጎዳሢዮ!
 ፒዜ ዋጌ ታኣም ዋጊንታንዳጉዲ
 ታ ሸኢቃ ሸኢጲያ ዋይዜ፤
 ዒላቶዋ ታኣኮ ዒና ዔኬ፤
 - ጌሸሢናቱዋንቴ ጎኔና ታ ኔና ሸኢቃሢ ዋይዜ።
 - 2 ዓኣፓ ኔኤኮ ታ ፒዙም ዴንቃኒ ዳንዳዒሢሮ
 ኔኤኒ ሌሊ ታኣም ዋጋኒ ዳንዳዒኔ።
 - 3 ዒሮ ኔ ታኣኮ ዛጌያታቴያ

16:10 16:10 ዳኪ. ማዶ 13:35። 16:11 16:11 ዳኪ. ማዶ 2:25-28።

ዋንቶ ኔ ታና ሙኪ ምጠጥጥጥ
ታ ዋይታቴ ኔኔኒ ዛጌቴያ
ፑርቱሞ ታኣፓ ኔኔኒ ዳንቃዓኬ፤
ዳንጋ ታኣኮ ዳቢንታያቱሞ።

4 ዓሳ ማዳ ጎይዖቱዋንቴ
ኔኔኒ ከኤዛ ቃኣሎ ጎይዖና
ዋይዞ ዓፃ ዓሳ ሃንታ ጎይዖፓ
ታኣኒ ታና ካፔኔ።

5 ቢያ ዋዴ ኔ ጎይዖ ታ ሃንታኔ፤
ቶካ ታኣኮ ኔ ጎይዖፓ ከሰኪ ዣኣሊባኣሴ።

6 ዖኦሲዮ!
ሺኢጲዖ ኔ ታኣኮ ዋይዛሢር
ኔና ታኣኒ ሺኢቃኔ፤
ዋዮ ኔኤሲ ታ ባንሢ ማሄ፤
ታኣኒ ጋዓ ባኮ ዋይዜ።

7 ፔ ሞርኮፓ ቶላኒ ኔና ፑኖ ካይዚ ማሃዞንሢ
ኔኤኮ ሚዛቆ ኩጮና ዓውሳ ዖኦዛሢዮ!
ናንገና ናንጋ ናሹሞ ኔኤሲ ዲቃሢ ሄርሺሳ ጎይሢና ፔጋሲ
ዳዌ።

8 ዓኣፒኮ ጨልሼ ካፖማጉዲ ታና ካፔ፤
ኔኤኮ ጋኣዞ ዴማ ታና ዓኣቼ።

9 ታና ሜታሳ ፑርቶንሢዳፓ
ዋዳኒ ታና ማንጌ ታኣኮ ሞርካፓ ታና ዓኣቼ።

10 ሚጨንቱዋያ ማዒ ዒኖ ዔያታ ፔኤሲ ዋዲ ሃሹኔ፤
ዳንጋ ዔያቶሲ ዖቶርሙሞ ጌሰታኔ።

11 ዳውሲ ዔያታ ታና ሄሌኔ፥ ማንጊያኣ ማንጌኔ፤
ዋዲ ሳዓ ዔያታ ታና ሚጫኒ ጎዚ ዔቄኔ።

12 ዔያታ ዓርቂ ዔካኒ ኮዓ ዘቢጉዲ
ዓኣሺንቲ ካቲ ዴዔ ሃጊ ዔቃ ዘቢጉዲኬ።

13 ናንገና ናንጋ ጎዳሢዮ! ዔቂ ዔያቶ ዓርቂ ዓጌቴራ፤
ኔኤኮ ጨንቶ ሳፓሮና ፑርቶ ዓሶፓ ታና ዓውሴ።

14 ናንገና ናንጋ ጎዳሢዮ!
ዔያታ ናንጋ ናንጋ ሃያ ዓጮ ባኣዚም ሌሊ ማዔ
ዓሶ ኩጫፓ ታና ዓውሴ።

ኔኤኒ ናሽካ ዓሶም ሙኡዚ ዒንጌ፤
ናኣታ ዔያቶኮ ሚርጎንጎ፤

ናኣቶኮ ናኣቶም ማዓንዳ ሙኡዚ ዔያቶም ዒንገ።

15 ታኣኒ ዒሉሞና ዓኣፖ ካሮ ኔኤኮ ዛጋንዳ፤
ጊንዓሢፓ ታኣኒ ጴጫዖ ኔኤኮ ዓውካሮ ዛጊ ዎዛዳንዳ።

18

ዓይነቱ ሱኡጋሢ ዓይሢ ጎይጾና ዓይናዲንታ ጾኦሲ ዓይላሢ ዳውቱ ዓይነቱ፤ ጾኦሲ ሳኦጾኤና ዒዛኮ ሞርኮናይዳፓ ዒዛ ቶሊሴያና ጾኦሲ ቦንቸም ዓይናዲንቴያኬ።
ዳውቱ ባሽሢ ዳንቃዖ ዓይናዳ ዓይነቱ
(2ኛው. 22:1-51)

1 ናንጊና ናንጋ ጎዳሢዮ!
ታኣም ዎልቄ ዒንጋሢ ኔናታሢሮ ታ ኔና ናሽካ።

2 ናንጊና ናንጋ ጎዳ ታኣኮ ላላሢ
ታኣኮ ዳካሢንታ ታና ዓውሳሢያኬ፤
ታ ጾኦዛሢ ታኣኮ ዓኣሽንቶ ካያሢኬ፤
ዒዚ ታኣኮ ጊቲማሢና ጉራናሢኬ።

3 ጋላታ ኮይሳ ናንጊና ናንጋ ጎዳ ታኣኒ ሽኢቃ፤
ዒዚ ታ ሞርኮይዳፓ ታና ዓውሳ።

4 ሃይቢ ካራ ባይዚ ታና ሜታሴ፤
ባይሰንታ ዳጲያ ታና ዳኡኬ።

5 ዳኡፒ ሱሲ ታና ማሬ፤
ሃይቢ ፒሮጉዳ ታኣም ፒሪንቴ።

6 ታኣኒ ሜታዳ ዎድና ናንጊና ናንጋ ጎዳ ዔኤሌ፤
ታና ዒ ማኣዳንዳጉዳ ታ ጾኦሲ ታኣኒ ሽኢቃ፤
ዒዚያ ፔኤኮ ጌኤዮ ማኣራ ዓኣዖ ዑኡዞ ታኣሲ ዎይዜ፤
ታኣኮ ዒላቶዎ ዒዚ ዒና ዔኬ።

7 ሳዓ ዚምባሪ ጎጋይቄ፤
ዳኮኮዎ ጻጳ ዓጊዒጾና ኮሬ፤
ናንጊና ናንጋ ጎዳ ዳጋዳሢሮ ዔያታ ዓጊጼ።

8 ዒዛኮ ሲኢዳፓ ዳጎ ጨባ ኬሰኬ፤
ዳንጋፓ ዒዛኮ ሙሙዓ ታሚ ሎሰቶና
ሚሚቻ ቄንሢያኣ ኬሰኬ።

9 ጫሪንጮ ዳርዚ ሊካ ዒ ኬዳ፤

- ዒዛኮ ቶኮ ደማ ዲሞ ጌዔ ሻኦሬ ዓኣኔ።

10 ዒዚ ከሩቤኤሎ ዑፃ ደይ ባራኔኔ፤
ዠባሮ ጋኣዞና ባራኒ ሌካ ዒ ኬሰኬኔ።

11 ፔና ዒዚ ዲሞና ዓኣቼኔ፤
ካርሣ ሻኦራኣ ዒዛ ካንቁ ዓኣኔ።

12 ዒዛኮ ዓኣ ፖፖፓ ዔቁያና ሻቺንታ ታሚ ፖዒንታ
ዲሞ ጌዔ ሻኦሮ ባኣኪና ሶፒ ኬሰኬኔ።

13 ናንጊና ናንጋ ጎዳ ጫሪንጫፓ ጉጉንሣኔ፤
ዴኤፖ ፆኦዛሢ ዑኡዞ ፔኤሲ ማኣሚሴ።

14 ዒዚ ሂኢዢ ፔኤሲና ዲኪ ሞርኮ ላኣሊሼኔ፤
ጉጉንፆ ሚርጊሺ ካራ ባይዚ ዔያቶ ዳውሴኔ።

15 ናንጊና ናንጋ ጎዳሢዮ!
ኔኤኒ ኔኤኮ ሞርኮ ጎሬ ዎዶና
ዳጎ ዑኡዞ ኔኤኮ ኔ ዎይዚሴ ዎዶና
ዴኤፖ ባዛኮ ደማ ፔጋዲ ዴዴኔ፤
ሳፆኮዎ ማዢንቶ ዓይፆ ካራ ፔጋ ኬሰኬኔ።

16 ናንጊና ናንጋ ጎዳ ሎኦፓ ኩጮ ዳኪ ታና ዓርቄኔ፤
ሚርጌና ዔቲ ማዔ ዎኣፆፓ ጎቺ ታና ዒ ኬሴኔ።

17 ታጊዳፓ ዎልቆና ባሺ ማዔ ታ ሞርኮፓ
ታና ዒዚ ዓውሴኔ፤
ታና ዒፃ ዓሶ ቢያሢ ኩጫፓ
ዒዚ ታና ዓይሴኔ።

18 ዔያታ ታኣኒ ሚታዴ ዎዶና ታኣኮ ሞርኬ ማዒ ዔቄኔ፤
ናንጊና ናንጋ ጎዳ ጋዓንቲ ታና ካፔኔ።

19 ዒዚ ታና ዳልጊ ቤሲ ኬሴኔ፤
ዒዛ ታኣኒ ዎዛሴሢሮ ዒ ታና ዓውሴኔ።

20 ናንጊና ናንጋ ጎዳ ታኣሞ ታ ዲሎሞጉዲ ጨጋንዳኔ፤
ታ ጌኤሹሞጉዲያኣ ማሂ ታኣሞ ዒንጋንዳኔ።

21 ናንጊና ናንጋ ጎዳኮ ጎይፆ ታ ሃንቲኔ፤
ፑርታ ባኣዚ ማዳኒ
ታ ዓኣፖ ካር ታ ፆኦዛሢ ቤርታፓ ሺርሺባኣሴ።

22 ዒዛኮ ዎጎ ቢያ ታኣኒ ማዲ ኩንሣኔ፤
ዳሞቦዎ ታ ዒዛኮ ቦንቺፆ ሃሺባኣሴ።

23 ዒዚ ታና ዛጌ ጎይፆ ታኣኒ ዲሎኬ፤
ጎሚይዳፓ ታና ታኣኒ ካፔኔ።

- 24 ናንጊና ናንጋ ጎዳ ታኣኮ ሂሉሞጉዴያ
ኩጫኣ ታኣኮ ጌኤሺ ማዕሚጉዴያ
ታኣሞ ኮይሳ ባኮ ዒዚ ጨጌኔ።
- 25 ናንጊና ናንጋ ጎዳሚዮ! ኔኤም ጉሙርቁንታዘም
ኔኤኒያኣ ጉሙርቁንታያኸ፤
ጎኔ ዓሲ ማዕዘንሚም ኔኤኒያኣ ጎኔ ማዕያኸ።
- 26 ጌኤዠ ዓሰም ኔኤኒ ጌኤሺኸ፤
ዎሶ ዓሰም ጋዓንቴ ዔያቶም ኮይሳሚ ኔ ዒንጋኔ።
- 27 ዒኖ ሸሌዔ ዓሶ ኔኤኒ ዓውሳኔ፤
ዖቶርቃዘንሚ ጋዓንቴ ኔኤኒ ዳውሲሳኔ።
- 28 ናንጊና ናንጋ ጎዳሚዮ! ታኣኮ ኔኤኒ ፖዓሚኸ፤
ታ ዖኣዛሚዮ! ዴሞ ታኣኮ ኔ ፖዒሣኔ።
- 29 ኔ ዎልቆና ዖሎ ዖላ ዓሶ ባሺ ታኣኒ ሄርቄኔ፤
ኔ ዎልቆና ከኤሎ ዲርና ጵሊ ታ ጌሌኔ።
- 30 ዖኣሲ ጎይፃ ሃይማ ፓጩኔ ጌይሳ ባኣዚ ባኣያ ፒዜኸ!
ዒዛና ካናዳ ዓሰም ዒዚ ጌቲማሚኸ።
- 31 ናንጊና ናንጋ ጎዳፓ ዓታዛ ዖናዳይ ዖኣሲ?
ዒዛይዳፓ ዓታዛ ላሌ ማዓሚ ዖናዳይ?
- 32 ታኣሞ ደዴሞ ዒንጋሚንታ
ጎይፃም ታኣኮ ፒዚሳሚ ዖኣሲኸ።
- 33 ዒዚ ቶኮ ታኣኮ ዎሾ ቶኪጉዲ ደዲሻኔ፤
ጌሜርይዳ ሄርጋ ባኣያ ታና ዒዚ ዔቁሳኔ።
- 34 ኩጫ ታኣኮ ዒ ዖልዚ ዖሎንዶ ጎይሚ ዔርዘኔ፤
ኩጫ ታኣኮ ሞኦኖ ዓንጎ ቆኦዘ ጎቻንዳጉዲ ዒ ደዲሻኔ።
- 35 ኔኤኮ ባሺያ ጌቲሞ ኔኤኒ ታኣሞ ዒንጌኔ፤
ኔኤኮ ሚዛቆ ኩጫኣ ታና ካፓኔ፤
ኔኤኒ ታና ማኣዳኒ ሙኩ ዴኤፒ ማዶ ማዴኔ።
- 36 ታ ሃንታንዳ ጎይፃ ኔኤኒ ታኣሞ ዳልጊሾኔ፤
ቶካኣ ታኣኮ ዴቁንቲባኣሴ።
- 37 ሞርኮ ታኣኮ ታኣኒ ዳኪ ዓርቄኔ፤
ጋፒሲ ባይዙዎፃ ጌንሚም ታኣኒ ማዒባኣሴ።

38 ለሚ ገንሣ ዔያታ ዔቁዋጉዲ ታኣኒ ዔያቶ ጋኣጩኔ፤
ዔያታ ታኣኮ ቶኮ ዴማኣ ሎኦሚኔ።

39 ያላንዳጉዲ ዋልቄ ኔኤኒ ታኣሞ ዒንጌኔ፤
ታ ሞርኮ ታ ቶኮ ዴማ ኔኤኒ ጉምዓሣኔ።

40 ታ ሞርካ ገንሣሣ ለሺንቲ ጳሽካንዳጉዲ ኔ ማሄኔ፤
ታኣኒያ ታና ዒፃዘንሣ ጋፒሲ ባይዜኔ።

41 ዔያቶ ማኣዳ ዓሲ ኮይ ዔያታ ዒላቲኔ፤
ጋዓንቲ ዔያታ ዴንቁባኣሴ፤

ናንገና ናንጋ ጎዳ ባንሣ ዔያታ ዒላቲኔ፤
ዒዚ ጋዓንቲ ዔያቶም ዋይዚባኣሴ።

42 ዠባሬ ፒዲ ዔኪ ዓኣዳ ሲላሊ ማዓንዳያ ሄላንዳኣና
ታኣኒ ዔያቶ ጋኣጩኔ፤
ጎይሣዳ ዓኣ ደቃሌጉዲ ታ ዔያቶ ሄርቄ።

43 ዋይዘ ዒፃ ዴሮይዳፓ ኔኤኒ ታና ዓውሴኔ፤
ዴሮ ዑፃ ኔ ታና ዶኦሬኔ፤
ታኣኒ ዔሩዋ ዴሬ ታ ቢታንቶ ዴማ ዋርቃኔ።

44 ፃንጎ ማዔ ዓሳ ታኣሞ ዚጋኔ፤
ታ ማዳ ባኮ ዋዋይዘያ ታኣሞ ዔያታ ዓይሣንታኔ።

45 ዒጊቹሞና ካራ ዔያታ ባይዛኔ፤
ፔኤኮ ዋርዲዮ ቤዛፓ ጎጋይቂ ጎጋይቂ ኬሰኪ ሙካኔ።

46 ናንገና ናንጋ ጎዳ ባይቁዋያኬ!
ታ ያኦዛሣ፣ ታኣኮ ላላሣ ቦንቹንቶንጎ!
ታና ዓውሴ ዋልቆ ያኦዛሣ ዴግ ዴግ ጎያንጎ።

47 ዒዚ ታ ሞርኮ ኮሚ ኮፃኔ፤
ዴሮዋ ታ ዴማ ማሂ ታኣሞ ዒ ዋይሣኔ።

48 ዒዚ ታኣኮ ሞርካፓ ታና ዓውሳኔ፤
ታ ሞርኮኮ ዑፃ ማሂ ኔኤኒ ታና ዴጊሳኔ፤
ጎርቲና ማዳ ዓሰይዳፓ ኔ ታና ዓውሳኔ።

49 ናንገና ናንጋ ጎዳሣዮ! ዬያሮ ዴሮ ባኣካ
ታኣኒ ኔና ጋላታኔ፣ ሱንያዋ ታ ኔኤኮ ዓይኑሞና ሄርሻኔ።

50 ዒዚ ካኣታሣ ካኣቲም ዴኤፒ ባሺሣ ዒንጋንዳኔ፤
ዒ ፔኤሮ ዶኦሚ ካኣቲም ናንገና ናሹሞ ፔኤሲ ዒ
ቤኤዘንዳኔ፤
ዳውቴና ዜርያናም ናንገና ዬያ ዒ ማዳንዳኔ።

19

ዓይኑሞ ሱኡጋሢ ዓይሣ ጎይጾና ዓይናደንታ ዳውቴ ዓይኑሞ ማዠንታ ቢያ ጾኦሲኮ ቦንቸ ፔጋሲ ዔርዘያ ማዒጾ

- 1 ጫሪንጫ ጾኦሲኮ ቦንቸ ከኤዛኔ፤ ሰዓጋፕ ሌካ ደጌ ቤዛኣ ዒዛኮ ማዶ ዒላቴ ዋይዚሳኔ።
- 2 ፔቴ ከላ ማሌ ከሎም ዬያ ከኤዛኔ፤ ዋንታኣ ሄላ ዋንቶም ዔራቶ ዒዛሲ ሃይሳታኔ።
- 3 ዔያታ ጌሰታ ሃይሴንታ ሙኡቸያ ባኣሴ፤ ዔያቶኮ ዑኡሲያ ዋይዚንቱዋሴ።
- 4 ያኣደ ማዒቴያ ዔያቶኮ ከኢታ ዓጮ ቢያ ሄላኔ፤ ሰዓ ማዔ ካሮ ሄላንዳኣና ዋይዚንታኔ፤ ጾኦሲ ጫሪንጫይዳ ዓቢም ማኣሪ ማዠኔ።
- 5 ዑኡቱም ማርካፓ ዑኡታ ከሰካሢጉዲ ዓቢያኣ ጌኤሺ ማዒ ጾርቃኔ፤ ጳሺ ጳሺካ ዓሲ ሄሌሎ ጳሺካኒ ዋዛዳሢጉዲ ዋዛዳኔ።
- 6 ዓባ ጾርቃሢ ጫሪንጫኮ ዓይጾ ካራፓኔ፤ ሺሪ ዴንዲ ጌላሢ ባጎ ዛሎ ጋፖይዳኔ፤ ዬያኮ ሩኡጾ ጾይዳፓ ቶሊ ዓታኒ ዳንዳዓይ ባኣሴ።

ናንጊና ናንጋ ጎዳኮ ዋጎ

- 7 ናንጊና ናንጋ ጎዳ ዋጎኮ ሃይማ ፓጩኔ ጌይሳ ባኣዚ ባኣያኔ፤ ሸምፔ ማሂ ጊንሣ ዓካሳኔ፤ ዓይሢጾ ዒዛኮ ጉሙርቁንታያኔ፤ ዔኤዮ ዓሶ ዔር ማሃኔ።
- 8 ናንጊና ናንጋ ጎዳኮ ዋጋ ፒዜኔ፤ ዓሲኮ ዒና ዋዛሳኔ፤ ዓይሢጾ ዒዛኮ ጌኤሺኔ፤ ዓሲኮ ዓኣፒማኣ ፖዒ ማዓኔ።
- 9 ናንጊና ናንጋ ጎዳ ዒጊጩሢ ናንጊና ናንጋ ጌኤሹምኔ፤ ዒ ዋጋ ዋጊጾ ፔቴ ፔቴሢ ጎኔ፥ ሃሣ ዒሎኔ።
- 10 ዬይ ዒ ዋጋ ዋጋ ጌኤሺ ዋርቁፓ ባሼ ዋኣኔ ከሳያኔ፤ ዔኤሲ ጾሎሊዳፓ ባሼ ዓኣጾኔ።
- 11 ከኤም ማዳሢ ዬይ ዋጋ ዞራኔ፤ ዬያ ካፒሢና ደኤፒ ባኣዚ ዒዚ ዴንቃኔ።

19:4 19:4 ርሜ 10:18።

- 12 ፔ ደቢንቲ ዴንቃ ዓሲ ባአሴ፤
ናንጊና ናንጋ ጎዳሢዮ!
ታአኮ ዓአሺንቲ ደቢንቶፓ ታና ጌኤሹ።
- 13 ታአኒ ኔኤኮ ዓይላሢ ጫርቁ ማዳ ጎሞይዳፓ ታና ካፔ፤
ዬይ ጎማ ታና ቆሉዋጉዲ ኔኤኒ ታና ማአዴ።
ኔኤኒ ያዲዴያታቲ ታአኒ ደቢንቲ ባአያ ማዓንዳ፤
ዴኤፖ ደቢንቶይዳፓአ ታአኒ ጌኤሽካንዳ።
- 14 ታአኮ ላላሢንታ ታና ዓውሳ ናንጊና ናንጋ ጎዳሢዮ!
ታአኮ ጌኤዘንታ ዒኖ ማሊያንታ ኔኤም ኮሽካያ ማያንጎ።

20

- ዓይነቱ ሱኡጋሢ ዓይሣ ጎይጾና ዓይናዲንታ ዳውቲ ዓይነቱ ባሽሢ ዴንቃኒ ሺኢቁንቲ ሺኢጲሢ
- 1 ኔኤኒ ሜታዳአና ናንጊና ናንጋ ጎዳ ኔኤኮ ሺኢጲያ ዋይዘንጎ!
ያይቆኦ ያኦዛሢ ኔና ካፖንጎ!
 - 2 ፔኤኮ ጌኤዠ ማአፊፓ ማአዳ ኔኤም ዒ ዳኮንጎ፤
ጂዮኔ ዲካፓ ኔና ዒ ማአዳንጎ።
 - 3 ኔ ዒዛም ዒንጋ ባኮ ቢያ ኔኤኮ ዒ ዔኮንጎ፤
ኔ ሚቹ ዒንጋ ባኮና ዒዚ ዋዛዳንጎ።
 - 4 ኔ ዒና ዓፃዲ ማላ ባኮ ኔኤም ዒዚ ዒንጎንጎ፤
ማሊያ ኔኤኮ ቢያ ዒ ኩንሦንጎ።
 - 5 ኔኤኮ ባሺያና ኑኤኒ ዋዛዳ፤
ኑ ያኦዛሢ ሱንጾና ባንዲሮ ዴጊዲ ኑ ዓርቃ፤
ናንጊና ናንጋ ጎዳ ኔ ሺኢቃ ባኮ ቢያ ኔኤም ኩንሦንጎ።
 - 6 ናንጊና ናንጋ ጎዳ ዶኦሚ ካአታሢ ካአቲ
ዒዚ ማአዳንዳሢ ታአኒ ዔራ፤
ዒዘኮ ሚዛቆ ኩጮና ዒዛ ኔኤኒ ባሺሲ
ኔኤም ዶማዴ፣ ጫሪንጫፓ ሺኢጲያ ኔ ዒዘኮ ዋይዘንዳ።
 - 7 ፔቲ ፔቲ ያሎ ዓሳ ፔኤኮ ያሎ ሳርጌሎ ያይቶና
ዓቲ ዓሳ ሃሣ ፔኤኮ ፓራሢና ሄርሺንታ፤
ኑኤኒ ጋዓንቲ ናንጊና ናንጋ ጎዳ ማዔ
ኑ ያኦዛሢ ዋልቆ ጉሙርቃ።
 - 8 ዔያታ ዲቁንቲ ሎኦማንዳ፤
ኑኤኒ ጋዓንቲ ዔቃንዳ፤ ዶዲያአ ኑ ዓታንዳ።

9 ናንጊና ናንጋ ጎዳሂዮ!
 ካኣታሂ ሲዛኮ ሞርኮ ኩጫፓ ዓውሴ፤
 ኩኩኒያኣ ኔና ዔኤላ ዋደና ኩኩም ዋይዜ።

21

ዓይነቱ ሱኡጋሂ ዓይህ ጎይጾና ዓይናዲንታ ዳውቴ ዓይነቱ
 ባሼ ባሼሂሮ ጋላቲንቴ ጋላታ

1 ናንጊና ናንጋ ጎዳሂዮ!
 ዋልቁ ኔ ሲዛም ሲንገሂሮ ካኣቲ ዋዛዴኔ፤
 ኔ ሲዛ ባሼሴሂሮ ማርጌና ሲዚ ዋዛዴኔ።

2 ሲዛኮ ሲና ማሌ ባኮ ኔ ሲዛም ሲንገኔ፤
 ሲዚ ኔና ሺኢቁ ባኮዋ ኔ ሲዛ ላኣገባኣሴ።

3 ማርጌ ዓንጅ ኔ ሲዛም ሲንገ ሸኣቸንሂ ዔኮኔ፤
 ሲዛኮ ቶኦኮይዳ ጌኤሺ ዋርቁና ኮሺንቴ ቦንቾ ባኮ ኔ ዓገኔ።

4 ናንገ ሲዛም ኔኤኒ ሲንጋንዳጉዲ ሲዚ ኔና ሺኢቁ፤
 ኔኤኒ ሲዛም ያደሲ ለዔንታ
 ጋፑዋ ናንጊያኣ ሲንገኔ።

5 ኔ ሲዛ ባሼሴሂሮ ቦንቻ ሲዛኮ ዴኤፒ ማዔኔ፤
 ቦንቻንታ ዴኤፑሞንታ ኔኤኒ ሲዛም ሲንገኔ።

6 ናንጊና ጋፑዋ ዓንጅ ኔ ሲዛም ሲንገኔ፤
 ኔኤኒ ሲዛና ዋላ ማዔጾና ሲዛ ኔኤኒ ዋዛሳኔ።

7 ካኣታሂ ናንጊና ናንጋ ጎዳ ጉሙርቃኔ፤
 ዴኤፖ ጾኦዛሂ ጋጋፑዋ ናሹሞና
 ሲዛ ናሽኬሂሮ ሲዚ ዓገዲንዲሞሴ።

8 ኔ ኩጫ ኔኤኮ ሞርኮ ቢያ
 ኔኤኮ ማዛቆ ኩጫኣ ኔና ሲጻዘንሂ ቢያ ዓርቃንዳኔ።

9 ፔጋዲ ኔኤኒ ጾዳ ዋደና ናኣቦፓ ኬሰካ
 ታሚ ላኣጸሚጉዲ ኔ ዔያቶ ማቻንዳኔ፤
 ናንጊና ናንጋ ጎዳኮ ዳጎ ሺኤላኣ ዔያቶ ጋውላንዳኔ፤
 ታማኣ ዔያቶ ሙዓንዳኔ።

10 ዜርጾ ኔኤኒ ዔያቶኮ ሳገይዳፓ ባይዛንዳኔ፤
 ማሌ ዴሮ ባኣካፓ ዴማሲ ኔ ዔያቶ ዋዲ ኩርሳንዳኔ።

11 ኔኤም ፑርታ ማዳኒ ዔያታ ማሌያታቲያ
 ጌኔ ማሊሂያኣ ማሊ ቱኬቴያ ዔያቶም ጌኢጋዓኮ።

12 ዔይታ ሙኬ ጎይጾና ማሂ ኔኤኒ ዔይቶ ጳሻንዳኔ፤
ኔኤኮ ሂኢዠናኣ ዔይቶ ኔ ዱካንዳኔ።

13 ናንገና ናንጋ ጎዳሂዮ!
ኔኤኒ ኔ ዶዶሞና ጃግ ጃገ ጌዔ፤
ዎልቆ ኔኤኮ ኮኡኒ ሄርሻኔ፣ ዓይናዲያ ኮ ዓይናዳኔ።

22

ዓይኑም ሱኡጋሂ ዓይህ ጎይጾና ካሪዎ ዎልቁ ዛላ ዓይናዲንታ
ዳውቴ ዓይኑም

ዎይሂ ዒላተና ጋላታ ዓይኑምና

1 ታ ዎኦዛሂዮ! ታ ዎኦዛሂዮ! ኔ ታና ዓይጋ ሃሼይ?

ኔኤኒ ታና ዓውሲዎ ሃሺ ሃኬሂ ዓይጎርዳይ?

ታኣኮ ዚኢሊንቲዎ ዑኡዘይዳፓ ዓይጋ ኔ ሃኬይ?

2 ታ ዎኦዛሂዮ! ሮኦር ታ ኔ ባንሂ ዒላታኔ፤

ኔኤኒ ጋዓንቴ ታኣም ዎይዙዎሴ፤

ዎንቶዎ ታ ዔኤሊንታኔ፣ ሃውሺያ ታኣኮ ባኣሴ።

3 ኔኤኒ ጋዓንቴ ዒሰራዔኤሌ ዓሳ ኔና ጋላታዎ

ኔኤኮ ካኣቱም ዎይቶይዳ ዳዒ ዎይህ ዱማዴ ዎኦሲኬ።

4 ኮኡኮ ቤርታኣ ዓዶንሂ ኔና ጉሙርቄኔ፤

ዔይታ ኔና ጉሙርቄም ኔኤኒያ ዔይቶ ዓውሴኔ።

5 ኔ ማኣዳንዳጉዲ ዔይታ ኔ ባንሂ ዒላቴ ዎዶና

ኔኤኒ ዔይቶ ዓውሴኔ፤

ዔይታ ኔና ጉሙርቄሂሮ ኔ ዔይቶ ቦርሲሲባኣሴ።

6 ታኣኒ ጋዓንቴ ዓሲዳፓ ቢያ ላኣፓ፣ ዛኣሌ ማዔያኬ፤

ዓሳ ታና ሚኢጫኔ፣ ዓሲ ባኣካ ታኣኒ ቶኦቹንቴያኬ።

7 ታና ዛጋ ዓሳ ቢያ ቦሂ ሺራኔ፤

ዔይታ ቶኦኮ ፔኤሲ ዓገሂ ዓገሂ

ሂዚ ጌዒ ታና ሚኢጫኔ፡-

8 «ናንገና ናንጋ ጎዳ ዒዛ ዓውሳንዳኔ ጌዒ

ዒዚ ጎዳ ጉሙርቄኔ፤

ሂንዳ ዒዚ ዒዛ ናሽካያታቴ ዓውሶንጎ» ጋዓኔ።

9 ኮሺና ታ ሸይንታንዳጉዲ ማሄሂ ኔናኬ፤

22:1 22:1 ማተ. 27:46፤ ማር. 15:34። 22:7 22:7 ማተ. 27:39፤ ማር. 15:29፤
ሉቃ. 23:35። 22:8 22:8 ማተ. 27:43።

- ናይ ማዒ፣ ታ ዒንደኮ ዳንዖ ታ ዳንቃንቴያ
 ታ ጉሙርቁሂ ኔናኬ።
- 10 ታ ዒንደ ጎጳፓ ኬሰካዖ ኔ ዑፃ ታ ሃሺንቴኔ፤
 ታ ዒንደ ታና ሸዔማፓ ዓርቃዖ ታኣኮ ኔ ዖኣዛሂኬ።
- 11 ታና ማታ ሄላኒ ዑኬሂሮ፣ ሃሃ ታና ማኣዳያኣ ባኣሂሮ
 ሃዳራ ኔኤኒ ታ ኮራፓ ሃኪፖ!
- 12 ሚርጌ ሞርካ ዓዳ ዲዋ ጌማይጉዲ ታና ማንጌኔ፤
 ዋልቆና ዓኣ ባኣሳኔ ዓጮ ዚዮ ጌማቶጉዲ ማንጌ ታና ዔቄ።
- 13 ከሚ ዋዲ ሸኣሊ ሙዓንዳ ዘቢ ጉዳሂጉዲ
 ዳንጎ ፔኤኮ ዔያታ ታ ዑፃ ሻዔኔ።
- 14 ዋልቃ ታኣኮ ላቢ ዓዳ ዋኣሂ ማዔኔ፤
 ማጌፃኣ ታኣኮ ቢያ ጨጌጫፓ ኮልኮልቄ፤
 ጋሮይዳ ዒና ታኣኮ ሸፒጉዲ ዓልቄ።
- 15 ዋልቃ ታኣኮ ሃይቄ ቦኣቆ ማቁሂጉዲ ዶዴኔ፤
 ዒንዲርዘ ታኣኮ ፃኣዲ ሆንጎላሂዳ ዓዲንቴኔ፤
 ኔኤኒ ታና ሃይቄ ዓሲጉዲ ሲላሎይዳ ሃሸኔ።
- 16 ዋርቶ ማዳ ዓሳ ካኒ ቡኪ ማንጋሂጉዲ ታና ማንጌኔ፤
 ዘባ ታኣኮ ኩጮንታ ቶኮንታ ፔ ፀንጎና ፃጴኔ።
- 17 ማጌፃ ቢያ ታኣኮ ፓይዲንታያ ማዒ ፔጋዲ ጴዴኔ፤
 ታ ሞርካ ታና ጊዥ ጌዒ ቶኦቲሂና ዛጌኔ።
- 18 ዓፒሎ ዔያታ ታኣኮ ጊሸቲ ዔኬኔ፤
 ታኣኮ ዖዶዘ ዓፒሎይዳኣ ዲማሲ ዔሮ ባኮ ዓጌኔ።
- 19 ናንጊና ናንጋ ጎዳሂዮ! ታ ኮራፓ ሃኪፖ፤
 ታና ማኣዳሂዮ! ታና ማኣዳኒ ዑካዴ።
- 20 ሸምፓሂ ታኣኮ ጨንቾ ዓፓሮና
 ዬያቶ ካናቶ ዋልቆናፓ ዓውሴ።
- 21 ዘቦ ዳንጋፓ ታና ዓይሴ፤
 ጨርጋ ማኤኖ ጉራናፓ ታና ካፔ።
- 22 ኔ ሱንዖኮ ዴኤፑሞ ታ ዒጊኖሞ ታ ኬኤዛንዳኔ፤
 ዔያታ ቡኪንቴ ቤዛ ታ ኔና ጋላታንዳኔ።

22:18 22:18 ማቴ. 27:35፤ ማር. 15:24፤ ሉቃ. 23:34፤ ዮሀ. 19:24። 22:22
 22:22 ዔ.ብ. 2:12።

- 23 ዲንሢ ናንጊና ናንጋ ጎዳ ዲጊጫ ዓሳ ጋላቱዋቱ!
 ዲንሢ ያይቆኑቤ ዜርፃ ቢያ ዲዛ ቦንቹዋቱ!
 ዲንሢ ዲሰራዔኤሌ ዜርፃ ቢያ ዲጊቹሞና ዲዛ ዴግ
 ዴጊዲዋቱ!
- 24 ዲዚ ሄርቂንቲ ዋርቃ ዓሶኮ ሜቶ ቶኦቹባኣሴ፤
 ዬያ ዔያቶኮ ዲ ዛጊ ሻኦከንቲባኣሴ፤
 ፔኤኮ ዓኣፖ ካሮዋ ዔያቶይዳፓ ዲ ሺርሺባኣሴ፤
 ጋዓንቴ ፔና ማኣዳንዳጉዲ ዲላታ ዲላቶ ዋይዜኔ።
- 25 ኔኤኒ ማዴ ኮዠ ማደር
 ሚርጌ ኔ ዴራ ቡኬ ቤዛ ታ ኔና ጋላታንዳኔ፤
 ኔና ዲጊጫ ዓሶ ቤርታ ታ ዔቂ
 ታኣኒ ናኣቤ ናኣቦ ኩንሣንዳኔ።
- 26 ማንቆ ዓሳ ሚሸካንዳያ ሄላንዳኣና ሙዓኔ፤
 ናንጊና ናንጋ ጎዳ ኮዓዞንሢያ ዲዛ ጋላታኔ፤
 ዲና ዔያቶኮ ዔያታ ናንጋ ዋዶ ቢያይዳ ዋዛዳኔ።
- 27 ዓጮኮ ጋፖ ሄላንዳኣና ዓኣ ዓሳ ቢያ ማሊ ጰቂሥሢና
 ናንጊና ናንጋ ጎዳ ባንሢ ማዓኔ፤
 ዓጮይዳ ዓኣ ዴራ ቢያ ዲዛም ዚጋንዳኔ።
- 28 ቢታንቶ ቢያ ኔኤርኬ፤
 ዴሬ ቢያ ኔኤም ዋርቃኔ።
- 29 ናንጊና ናንጋ ጎዳሢዮ! ሚርጌ ቆሎ ዓኣ ዓሳ ቢያ ኔኤም
 ዚጋንዳኔ፤
 ሃይቂ ዲኡታኒ ዑኪ ዓኣሢያ ቢያ ሙኪ ኔ ቤርታ
 ጉምዓታንዳኔ።
- 30 ሙካንዳ ሸይንታ ዲዛም ማዳንዳኔ፤
 ሴካ ቤርታኣ ሸይንቶማኣ ጾኦሲ ባኣዚ ኬኤዚንታንዳኔ።
- 31 ሃጊ ሸይንቲባኣ ዴሬም
 ዔያታ ዲዛኮ ዲሉም ማደ
 «ናንጊና ናንጋ ጎዳ ዴር ፔኤሲ ዓውሴኔ» ጌዒ ጌዒ
 ኬኤዛንዳኔ።

23

ዳውቲ ዓይነቱ
ናንጊና ናንጋ ጎዳ ኮሺ ሄንቃያ ማዒያ

- 1 ናንጊና ናንጋ ጎዳ ታና ሄንቃሢኬ፤
ፔቴታፆ ታኦም ፓጫ ባኣዚ ባኣሴ።
- 2 ዒዚ ታና ዋሻሌ ቤሰካ ቃኣቲሳኔ፤
ኮሺ ማዔ ዋታ ዋርዚ ባንሢ ዔኪ ዓኣዳኔ።
- 3 ናንጎ ዒ ታኣኮ ዓኪ ማሃኔ፤
ፔ ሱንፆሮ ጌዒ ዒሎ ጎይሢ ታና ዔኪ ዓኣዳኔ።
- 4 ሻኔ ዲሚ ማዔ ዶኦቲናታፆ ታ ዓኣዳታቴያ
ኔኤኒ ታኣና ዋላ ማዔሢሮ ዓይጎ ፑርታ ባኣዚ ታ ዒጊጫዓኬ።
ኔኤኮ ኮኣላ ታና ዶዲሻኔ።
- 5 ታ ሞርካ ዛጋንቴ ሙኡዚ ኔ ታኦም ጊኢጊሻኔ፤
ቶኦኮዋ ኔ ታኣኮ ዛይቶ ቲዦና ቲሸካኔ፤
ታኣኮ ዑዦ ዓንጎ፣ ዑዦ ኩሚ ላኣሊንታኔ።
- 6 ታ ናንጎ ዋዶ ቢያይዳ ኮሹሞና ናሹሞና ዓኣያ ማዓንዳኔ፤
ናንጊና ናንጋ ጎዳ ማኣራ ቢያ ዋዶ ታ ናንጋንዳኔ።

24

ዳውቴ ዓይነቱ

- ዴኤፖ ካኣታሢ
- 1 ጎፆንታ ዒኣካ ዓኣ ባካ ቢያ
ዓጮንታ ጋርይዳ ዓኣ ባካ ቢያ
ናንጊና ናንጋ ጎዳሮኬ።
- 2 ዒዚ ጎፆ ባዘ ዑፃ ማገቴኔ፤
ዬያ ዋኣፆ ዑፆይዳ ዶዲሺ ዲይሢሢያ ዒዛኬ።
- 3 ሌካ ናንጊና ናንጋ ጎዳኮ ዲኮ ፆኦኒ ኬሰካንዳይ?
ዒዛኮ ዲማዴ ቤዘይዳ ፆ ዔቃንዳይ?
- 4 ዬያ ማዲኒ ዳንዳዓሢ
ጌኤሺ ኩቲና ፐዜ ዒኔና ዓኣያ
ሚሌ ፆኦዞ ካኣሸኩዋያ
ሉኡዙሞና ጫኣቁዋዞንሢ።
- 5 ዬይ ዓሳ
ናንጊና ናንጋ ጎዳይዳፓ ዓንጆ
ዲቁሻያ ማዔ ፔ ፆኦዛሢዳፓ ማኣደዋ ዴንቃንዳኔ።
- 6 ናንጊና ናንጋ ጎዳ ባንሢ ዑካንዳዞንሢና

23:2 23:2 የሃ. ፆፔዳ 7:17። 24:1 24:1 1ቆሮ. 10:26። 24:4 24:4 ማቴ. 5:8።

ያይቆኦ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ።

7 ዓይነቱ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ።

8 ዓይነቱ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ።

9 ዓይነቱ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ።

10 ዓይነቱ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ ገደብ
ገደብ ገደብ ገደብ ገደብ ገደብ።

25

ደውቴ ዓይነቱ

ግድግዳ ግድግዳ ግድግዳ ግድግዳ ግድግዳ

1 ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ።

2 ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ ግድግዳ።

3 ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ።

4 ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ።

5 ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ።

6 ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ
ግድግዳ ግድግዳ ግድግዳ ግድግዳ ግድግዳ።

7 ታኣኒ ጳጌ ዓኣፆ ማዳ ጎሞ
 ዳቢንቶሞ ታኣኮ ማሊፖ፤
 ናንጊና ናንጋ ጎዳሢዮ! ኔኤኮ ኮሹማ
 ማርጌ ጎይፆ፣ ኔ ማጠገንቲፆፕዲያኣ ታኣሞ ማሌ።

8 ፆኦሲ ኮሺ፣ ሃሃ ፒዜ ማዔሢሮ
 ጎሞ ዓሳ ዓኣዳኒ ኮይሳ ጎይፆ
 ዒዚ ዔዔርዛኔ።

9 ሹሌዔ ማዔዘንሢ ፒዜ ጎይሢ ዒ ዔኪ ዓኣዳኔ፤
 ጎይፆሞ ዔያቶ ዒ ዔርዛኔ።

10 ዒዛኮ ጫኣቁሞና ዳሞቦና ካፓዘንሢሞ
 ጎይፆ ቢያ ናሹሞና ጉሙርቂንቲሢኤ።

11 ናንጊና ናንጋ ጎዳሢዮ! ጎማ ታኣኮ ጳኤፒታሢሮ
 ኔኤኮ ሱንፆ ቦንቸሮ ጌዒጋፓ ዓቶንጎ ታኣሞ ጌዔ።

12 ናንጊና ናንጋ ጎዳ ጳጊጫሢ ፆናዳይ?
 ዔያታ ሃንታኒ ኮይሳ ጎይፆ ዶኦራንዳጉዲ ዒዚ ዔያቶ ዔርዛኔ።

13 ዬይ ዓሳ ሞዶ ቢያ ፆርጎቹሞና ናንጋንዳኔ፤
 ዔያቶኮ ናኣታኣ ሳፆ ዓካንዳኔ።

14 ናንጊና ናንጋ ጎዳ ዒዛሞ ዓይሢንታዘንሢኮ ቢያ ላጌኬ፤
 ዔያቶሞ ዒዚ ጫኣቁ ጫኣቁሞ ዶዲሻኔ።

15 ዒዚ ታና ፒራሢዳፓ ቢያ ዓውሴሢሮ
 ቢያ ሞዶ ታ ዒዛ ባንሢ ዛጋኔ።

16 ታኣኒ ታኣሮ ሌሊ ማዒ ሜታዳያ ማዔሢሮ
 ታ ፆኣዛሢዮ! ኔ ሃንጋ ታ ባንሢ ማዔ፤
 ታኣሞ ኮሺ ባኣዚያ ማዳ።

17 ታኣኮ ዒኖ ሜታሢ ማርጌኬ፤
 ሞኣዪፆፓኣ ታና ሃውሺሴ።

18 ታኣኮ ሞኣዪፆንታ ሜታሢንታ ኔ ዛጌ፤
 ጎሞሞ ቢያ ኔ ታኣሞ ዓቶሞ ጌዔ።

19 ሞርካ ታኣኮ ሞማጉዲ ማርጌቴያ
 ዔያታ ታና ሞማይዲ ዒፆቴያ
 ኔኤኒ ሂንዳ ዛጌ።

20 ሹሞፓሢ ታኣኮ ካፒ፣ ታና ዓውሴ፤
 ኔና ታኣኒ ታኣኮ ፑኖ ካያሢ ማሄሢሮ
 ታና ቦርሲሲፖ።

21 ታኣኒ ኔና ሃጊ ማዓ ዋዛ ማሂ ጌሄሂሮ
ጊሉሞንታ ፒዙሞንታ ታና ካፓንዳጉዲ ማሄ።

22 ጆኦዛሂዮ! ዒሰራዔኤሌ ዓሶ
ሜቶ ቢያይዳፓ ዓውሴ!

26

ደውቲ ዓይነቱ

ጌኤሺ ዓሰ ሸኢዲሂ

1 ናንጊና ናንጋ ጎዳሂዮ! ፒዙሞና ሴካ ሃንጋ ዓጊፀዋዎ
ኔና ጉሙርቁ ታ ናንጌሂሮ ታኣሞ ዋጌ።

2 ናንጊና ናንጋ ጎዳሂዮ! ታ ዒና ዋማዲታቲያ ዓጊሂ ማጌ፤
ታኣኒ ሱኡካዳ ሱኡኮንታ ታኣኮ ማሊያዋ ማጊ ዔሬ።

3 ኔኤኮ ጋፑዋ ናሹማ ታ ዓኣፓፓ ባይቁዋሴ፤
ቢያ ዋዴ ታና ዔኪ ዓኣዳሂ ኔኤኮ ጉሙርቁንቲያኬ።

4 ጌሻ ዓሶና ዋላ ታኣኒ ላጋቲባኣሴ፤
ፔና ጌኤሺ ማሃ ዓሶና ዋላ ታ ሶኦሪባኣሴ።

5 ፑርቶ ማዳ ዓሶኮ ቡኪንቶ ታኣኒ ዒፃኔ፤
ዬያ ዓሶና ዋላ ታ ዴዓኒያ ናሽኩዋሴ።

6 ናንጊና ናንጋ ጎዳሂዮ!
ታኣኒ ጌኤሺ ማዔሂ ዔርዛኒ
ኩጮ ታኣኮ ታኣኒ ማሰታኔ፤

ዒንጎ ባኮ ኔኤሞ ሸኢሾ ቤዘኮ
ዓጮ ታ ሸሪ ሸሪ ኔና ካኣሽካኔ።

7 ጋላታ ዓይነቱ ዓይናዲ ዓይናዲ
ኔ ዋልቆና ማዲንታ ዓኮ ባኮ ቢያ ታ ኬኤዛኔ።

8 ናንጊና ናንጋ ጎዳሂዮ!
ኔኤኒ ናንጋ ማኣሮና
ቦንቻኣ ኔኤኮ ጴዳ ቤዘ ታ ናሽካኔ።

9 ሸምፓሂ ታኣኮ ሱጉያ ላኣላ ዓሶሲና ዋላ ዔኪፖ፤
ናንጎዋ ታኣኮ ዓሶ ዋዳ ዓሶና ዋላ ባይዚፖ።

10 ዬያቶኮ ኩጮ ጌኔ ማዳ ማዳኒ ዔቁያ
ሚዛቆ ኩጮኣ ዔያቶኮ ዴሜና ዒንጎ ሚኢሽ ቡኩሳያኬ።

11 ታኣኒ ታ ዛሎና ፓጩ ባኣዚባኣ ፒዜ ናንጊ ናንጋይ፤
ታና ሚጨንቲ፥ ዓውሲያ ዓውሴ!

12 ቶካ ታኣኮ ባኣሲንቲ ጊኣጊ ቤሲዳ ዔቄኔ፤
ሚርጌ ቡኬ ኔ ዓሶ ባኣካ ናንጊና ናንጋ ጎዳ ታ ጋላታኔ።

27

ዳውቲ ዓይነቱ

ጋላታ ሺኢጲሢ

1 ናንጊና ናንጋ ጎዳ ታኣኮ
ፖዓሢና ጳኤሻሢናታሢሮ ያናኣ ታ ዒጊጩዋሴ፤
ናንጊና ናንጋ ጎዳ ታ ናንጎኮ
ሺባሢታሢሮ ያኣኒያ ታና ዒጊቹዋሴ።

2 ፑርቶ ማዳ ዓሳ ባሺ ታና ዋዳኒ ማላኔ፤
ጋዓንቲ ፔኤሮ ዔያታ ዲቁንቲ ሎኦማኔ።

3 ሚርጌ ያለ ዓሳ ታና ማንጌታቲያ ታኣኒ ዒጊጩዋሴ፤
ታኣኮ ሞርካ ታና ያሌታቲያ
ታኣኒ ያኦሲ ጉሙርቂያ ሃሻዓኬ።

4 ናንጊና ናንጋ ጎዳ ታኣኒ ፔቲ ባኣዚ ሺኢቃኔ፤
ዬና ታ ሺኢቃዛ
ታ ናንጎ ዋዶ ቢያይዳ ያኦሲ ማኣራ ናንጋኒ
ናንጊና ናንጋ ጎዳኮ ዲቃሢ ሄርሺሳያ ማዒያዋ ዛጋኒ
ዒዛኮ ጌኤዦ ማኣሮይዳኣ ሺኢቃኒ ዳንዳዓንዳጉዲኬ።

5 ሜታሢ ኬሎና ዒዚ ታና ፔ ሺቦ ዳማ ዓኣቻኔ፤
ዬያ ዒዛ ማኣሮኮ ጋሮይዳ ታና ዒ ጌልዚ ጌሣኔ፤
ላሌ ሹቹዳኣ ጳጊዲ ታና ዔቁሳኔ።

6 ሃሢ ታ ኮሮይዳ ዓኣ ታ ሞርኮ ዑፃ
ታኣኒ ታና ጳጊ ዳጊዴኔ፤
ዋዛና ታ ዒላሺ ዒላሺ
ዒዛኮ ጌኤዦ ማኣሮይዳ ዒንጎ ዒንጊሢ ታ ሺኢሻንዳኔ፤
ዓይናዲ ዓይናዲ ናንጊና ናንጋ ጎዳ ጋላታንዳኔ።

7 ናንጊና ናንጋ ጎዳሢዮ!
ዑኡዘ ታኣኒ ጳጊዲ ዒላታኣና ኔኤኒ ዋይዜ!
ማኣሪያ ታና ማኣራ፤ ሺኢጲያዋ ታኣኮ ዋይዜ!

- 8 ዒና ታና «ዒዛኮ ዓላፖ ካሮ ኮዔ» ጌዔኔ፤
ናንገና ናንጋ ጎዳሂዮ! ታኣኒ ኔኤኮ ዓላፖ ካሮ ኮዔ።
- 9 ኔኤኮ ዓላፖ ካሮ ታጊዳፓ ማሂፖ፤
ዳጋዲ ኔ ዓይላሂ፥ ታና ኔኤፓ ሃኪሲፖ፤
ዎይቲቲያ ኔኤኒ ታኣኮ ማኣዳሂኬ፤
ታና ዓውሳ ታ ጾዛዛሂዮ!
ታና ኬኤሪፖ፥ ሃሺያ ሃሺፖ።
- 10 ታ ዓዶና ታ ዒንዶና ታና ሃሺቲያ
ናንገና ናንጋ ጎዳ ታ ቶኣኮ ዛጋንዳ።
- 11 ናንገና ናንጋ ጎዳሂዮ! ጎይጾ ኔኤሲ ታና ዔርዜ፤
ታኣኮ ሚርጌ ሞርኬ ዓኣሂር ኮሺ ጎይሂና ታና ዔኪ ዓኣዴ።
- 12 ሉኡዙሞና ማርካዳ ዓሳ ፑርቱሞ ጌሰቲ ጌሰቲ ታ ዑፃ ዔቄሂር
ታ ሞርካ ኮዓ ጎይጾ ዓኣሂ ታና ኔ ዔያቶሞ ዒንገፖ።
- 13 ሺሞፓሂና ዓኣ ዓሳ ናንጋ ሰዔሎይዳ ታ ዓኣ ዎዶና
ናንገና ናንጋ ጎዳኮ ኮሹሞ ታ ዛጋንዳሂ ጉሙርቃ።
- 14 ናንገና ናንጋ ጎዳ ጉሙርቄ፤
ደዴ፥ ዎዛ ቲቂፖ፤
ናንገና ናንጋ ጎዳ ጉሙርቄ።

28

ዳውቲ ዓይነቱ

- ማኣዶ ዴንቃኒ ሺኢቁንቲ ሺኢጳሂ
1 ናንገና ናንጋ ጎዳሂዮ! ኔ ባንሂ ታ ዒላታኔ፤
ታኣኮ ላላሂዮ፥ ዎይዜጾ ታኣሞ ዎይዚባኣያ ማዒፖ፤
ኔኤኒ ታኣሞ ዚቲዮ ጌዔያታቲ
ዔቲይዳ ዱኡኪንቲ ዓሲ ታኣኒ ማዓንዳ።
- 2 ማኣዶና ኔ ባንሂ ታ ዒላታ ዎዶና
ኔኤኮ ዱማዴ ጌኤዢ ማኣር ባንሂ
ኩጮ ታኣኮ ታ ዔቄሳኣና
ሺኢጳይ ታኣኮ ዎይዜ።
- 3 ዔያቶኮ ዒኖ ጋራ ጌኔ ባኣዚ ዓኣታንቲ
ፔ ላጎና ዎላ ኮሺ ጌሰታ ፑርቶ ማዳ ዓሰና
ዎይዘ ዒፃ ዓሰና ዎላ ጎቺ ታና ዔኪ ዓኣዲፖ።
- 4 ዔያቶኮ ማዶ ጉዴያ

ዓይነቱ ማፃላት ፑርቱም ጉዳይ
 ዓይነቱ ማፃላት ጠገን፤
 ዓይነቱ ማፃላት ጉዳይ ዓይነቱ ማፃላት ማህ ዓይነቱ።
 5 ናንገና ናንገ ሳዳ ዓይነቱ ዓይነቱ ሳዳ ሳዳ
 ዓይነቱ ማፃላት ማፃላት ዓይነቱ ማፃላት
 ዓይነቱ ዓይነቱ ሳንገንገን፤
 ገንገን ማህ ዓይነቱ ዓይነቱ ገንገን።

6 ታኦ ሸኢኢ ዓይነቱ ማፃላት
 ናንገና ናንገ ሳዳ ዓይነቱ ማፃላት

7 ናንገና ናንገ ሳዳ ታኦ ማፃላት ገንገን
 ዓይነቱ ታኦ ዓይነቱ ገንገን፤
 ዓይነቱ ታኦ ማፃላት፤
 ዓይነቱ ታኦ ገንገን፤ ዓይነቱ ማፃላት ታኦ ገንገን።

8 ናንገና ናንገ ሳዳ ገንገን ማፃላት፤
 ዓይነቱ ማፃላት ማፃላት ማፃላት ማፃላት

9 ገንገን ማፃላት፤
 ማፃላት ማፃላት ማፃላት፤ ዓይነቱ ማፃላት
 ናንገና ዓይነቱ ማፃላት ማፃላት።

29

ዓይነቱ ማፃላት

ናንገና ናንገ ሳዳ ዓይነቱ ማፃላት

1 ዓይነቱ ማፃላት ማፃላት! ናንገና ናንገ ሳዳ ማፃላት፤
 ማፃላት ማፃላት ዓይነቱ ማፃላት።

2 ዓይነቱ ማፃላት ማፃላት ማፃላት፤
 ዓይነቱ ማፃላት ማፃላት ዓይነቱ ማፃላት።

3 ናንገና ናንገ ሳዳ ዓይነቱ ማፃላት ማፃላት፤
 ማፃላት ማፃላት ማፃላት፤
 ናንገና ናንገ ሳዳ ማፃላት ማፃላት ማፃላት።

4 ናንገና ናንገ ሳዳ ዓይነቱ ማፃላት፤
 ዓይነቱ ማፃላት ማፃላት።

5 ናንጊና ናንጋ ጎዳኮ ዑኡዛ ዴኤሎ ዚቢቆ ማንሣኔ፤
 ዑኡዛ ዒዛኮ ለባኖኦሴ ማጋጋ ሾኦላኔ።
 6 ለባኖኦሴ ዲኮ ማርሶ ዳንቄ ናኦጋጉዲ
 ሲሪዮኔ ዲኮጋ ገሶ ናይጉዲ
 ዋዛሲ ያከሳኔ።

7 ናንጊና ናንጋ ጎዳኮ ዑኡዛ
 ታሚ ሎሰቶጉዲ ፖዓኔ።
 8 ናንጊና ናንጋ ጎዳኮ ዑኡዛ ዓሲ ናንጉጋ ዳውሎ ዓገሣኔ፤
 ቃዴሴኮጋ ዓሳ ናንጉጋ ሳጋ ጎቃይሳኔ።
 9 ናንጊና ናንጋ ጎዳኮ ዑኡዛ ደቆዞ ሸይዣኔ፤
 ማጋጋጋ ዋላዣ ዲኢኒሻኔ፤
 ዒዛኮ ዲማዴ ቤዘይዳ ዓኣዞንሣ ዑኡዛ ዒዛሲ ዋይዛጋ፡-
 «ቦንቾ ገኦሲም ማጋጎጎ!» ጋዓኔ።

10 ናንጊና ናንጋ ጎዳ ዴኤፖ ዋኣጋ ዋይሣሣኔ፤
 ዒዚ ናንጊና ካኣታዲ ዬያ ዑግ ዴዓኔ።
 11 ናንጊና ናንጋ ጎዳ ፔ ዴርም ዋልቄ ዒንጋኔ፤
 ዒዚ ዴር ፔኤሲ ኮሹሞና ዓንጃኔ።

30

ጌኤዣ ማኣር ዓንጃ ማደም ገኢጊሾ ከሎ ዓይናዲንቴ ዳውቴ
 ዓይኑሞ

ጋላታ ሸኢጲሣ
 1 ናንጊና ናንጋ ጎዳሣዮ! ሂርኬ ቤዛፓ ኔ ታና ዔቁሴሣር
 ታ ሞርካ ታኣኮ ማቶና ዋዛዳንዳጉዲ ኔ ማሂባኣሣር
 ታ ኔና ዴግ ዴጊዳኔ።
 2 ናንጊና ናንጋ ጎዳ ማዔ ገኣዛሣዮ!
 ኔ ታና ማኣዳንዳጉዲ ታ ኔና ዔኤሌም
 ኔኤኒያ ታና ፓሣኔ።
 3 ናንጊና ናንጋ ጎዳሣዮ! ሸምፓሣ ታኣኮ ሄለንቴዋያ ማዔ
 ዲሞ ዔታፓ ኔኤኒ ከሴኔ፤
 ለካ ዲኡፖ ዔቶ ከዲጋይዳፓ ኔ ታና ካፔኔ።
 4 ዒንሣ ዒዛም ጉሙርቁንታያ ማዔ ማዳዛንሣ ሲያ
 ናንጊና ናንጋ ጎዳ ዓይኑሞና ጋላቴዋቴ!
 ዒዛኮ ዲማዴ ሱንጋማኣ ጋላታ ሸኢሹዋቴ።

- 5 ዓዚ ዳጋዳሢ ቃሚሢ ዋዴሞኬ፤
ኮሹማ ዓዛኮ ጋዓንቴ ናንጊና ናንጋያኬ፤
ዋንቶ ዩኤኬ ጎይሣ ዋርቁንቴቴያ
ጉቶ ዋዋዛዲንታኔ።
- 6 ታና ጉሙርሳ ዓሢ ታኣኒ ዔራሢሮ
«ፔቴታዎ ታ ባሺንታዓኬ» ጌዔኔ።
- 7 ናንጊና ናንጋ ጎዳሢዮ! ኔ ዴኤፑሞና ዲካ ታኣሲ ዶዴኔ፤
ኔኤኮ ዓኣፖ ካሮ ታ ጊዳፓ ኔ ማሄ ዋዶና ዒና ታኣኮ ዲቃቴኔ፤
- 8 ናንጊና ናንጋ ጎዳሢዮ! ኔና ታ ዔኤላኔ፤
ኔ ባንሢ ሃዚ ጌዔያ ታ ሺኢቄኔ፡-
- 9 ታኣኮ ዱኤከንቴዎና ሃይቦና ዓይጎ ኔና ማኣዳንዳይ?
ዓጪ ኔና ጋላታ?
ኔኤኒ ጉሙርቁንታያ ማዔሢ ዓጫ ኬኤዛንዳ?
- 10 ናንጊና ናንጋ ጎዳሢዮ! ታኣሞ ዋይዜ፣ ታና ሚጨንቴ፤
ናንጊና ናንጋ ጎዳሢዮ! ታና ማኣዳሢ ኔና ማዔ።
- 11 ዎዴዎ ኔኤኒ ታኣኮ ዋዛና ላኣሜኔ፤
ሲዮ ፓቴሎ ኔኤኒ ታኣኮ ጉሲ
ፓልሞ ኔ ታና ማይሴኔ።
- 12 ዬያያሮ ታኣኒ ዚቲ ጋዓዓኬ፤
ጋላታ ዓይኑሞ ኔኤሞ ታ ዓይናዳንዳይ፤
ናንጊና ናንጋ ጎዳሢዮ! ኔኤኒ ታ ዎኣዛሢ፤
ዬያሮ ናንጊና ታኣኒ ኔና ጋላታንዳኔ።

31

ዓይኑሞ ሱኡጋሢ ዓይሣ ጎይዎና ዓይናዲንታ ዳውቴ ዓይኑሞ
ሜቶ ዋዶና ዎኣሲ ጉሙርቁ ሺኢቁንታ ሺኢጲሢሢ

1 ናንጊና ናንጋ ጎዳሢዮ!
ኔኤኒ ታኣኮ ፑኖ ካያሢ ማዓንዳጉዲ
ታ ኔ ባንሢ ሙኬኔ፤
ዬያሮ ታና ቦርሲሲፖ፤
ኔኤኮ ዒሉሞና ታና ዓውሴ።

2 ዋዮ ኔኤኮ ታ ባንሢ ማሢ ታኣሞ ዋይዜ፤
ዑካዲ ሙከሲ ታና ዓውሴ፤
ታኣኮ ጌኤቁንቴ ዔቆ ላላሢ ማዔ፤

ታና ዓውሳኒ ታኣኮ ዶዶ ዋርዲዮ ቤዛሢያ ማዔ።

- 3 ኔኤኒ ታኣኮ ዓኣሺንቶ ዋርዲዮ ቤዛሢያ፤
ኔኤኮ ሱንጾር ጌዒጋፓ ታና ዔኪ ዓኣጳ፤
ታኣኒ ዓኣጳጳንዳ ጎይጾዋ ኔ ታና ቤኤዜ።
- 4 ኔኤኒ ታኣኮ ፑሮ ካያሢ ማዔሢሮ
ታ ሞርካ ታኣም ዓኣቺ ፒሬ ፒራሢዳፓ ታና ኔ ቶሊሴ።
- 5 ጎኑም ጾኦሲ ማዔ ናንገና ናንጋ ጎዳሢዮ!
ታኣኮ ሺምፓሢ ታ ኔኤም ሃሺኔ፤
ታና ኔኤኒ ዓውሴ።

- 6 ዔኤቢ ፓሡዋያ ማዔ ማሌ ጾኦዞም
ዚጋዞንሢ ቢያ ኔኤኒ ዒዒፃኔ፤
ታኣኒ ጋዓንቴ ኔና ጉሙርቃኔ።

- 7 ኔኤኮ ናንገና ናንጋ ናሹማ ታና ዋዋዛሳኔ፤
ሚርጌናኣ ታ ዋዛጳኔ፤
ሚታሢ ኔ ታኣኮ ዛጌኔ፣ ዋኣዪጾዋ ታኣኮ ኔ ዔራኔ።

- 8 ሞርኮም ዓኣሢ ኔ ታና ዒንገባኣሴ፤
ጋዓንቴ ኔኤኒ ታኣም ዳልጊ ጎይሢ ጲሺኔ።

- 9 ናንገና ናንጋ ጎዳሢዮ! ታኣኒ ሜቶይዳታሢሮ
ታና ሚጩንቴ፤

- ዓኣፓ ታኣኮ ጾዪጾና ላቤኔ፤
ሺምፓሢንታ ዑጾንታ ታኣኮ ዶጩኔ።

- 10 ታኣኮ ናንጋ ሜቶና፣ ለዓኣ ታኣኮ ዚኢለንቴሢና ጋፔኔ፤
ሚታ ታኣኮ ሚርጌሢሮ ዋልቄ ታኣኮ ባይቄኔ፤
ሚጌፃኣ ታኣኮ ላቤኔ።

- 11 ታኣኒ ታኣኮ ሞርኮም ሚኢቺ
ታኣኮ ዓሺኖማኣ ዲቃሢያ
ታና ዔራ ዓሶም ታኣኒ ዒጊቻያ
ጎይፃ ታና ዔያታ ዳንቃጾ ታ ጋይቴ ዓዓኣሺንታኔ።

- 12 ዓዳ ሃይቄ ዓሲጉዲ ታኣኒ ዋለንቴኔ፤
ሃይቄም ኬኤርና ቦኦቆና ጾቲናጉዲ ታ ማዔኔ።

- 13 ሚርጌ ዓሲ ካሸካሻንቴ ታኣኒ ዋይዜኔ፤
ጉቤ ባንጾና ዒጊቻያ ማዔኔ፤

ታና ባይዛኒ ዔያታ ዋሊና ጌሰታኔ፤
ዋዳኒያ ዋላ ዔያታ ዘርታኔ።

14 ናንጊና ናንጋ ጎዳሂዮ! ኔኤኒ ታኣኮ ጆኦዛሂኬ፤
ታኣኒ ኔና ጉሙርቃኔ።

15 ታኣኒ ቢያ ዋዳ ኔ ኩጫኬ፤
ታኣኮ ሞርኮና ዒዲ ታና ዳውሳዘንሂናፓ ቢያ ታና ዓውሴ።

16 ኔኤኮ ዓይላሂ፥ ታና ጌኤሺ ዓኣፒ ካራና ዛጌ፤
ኔኤኮ ጋፑዋ ናሹሞና ታና ዓውሴ።

17 ናንጊና ናንጋ ጎዳሂዮ!
ታኣኒ ኔና ዔኤላ ዋዳና ኔ ታና ቦርሲሲፖ፤

ፑርቶ ማዳ ዓሳ ጋዓንቴ ቦርሲንቶንጎ፤
ዔያታ ዓጊጹዋያ ማዒ ሊካ ዲሞ ዔታ ሎኦሞንጎ።

18 ዲላሂዳ ዔያታ ሆኦሊንቲሂና ጆቶርሙሞና ጌሰታሂር
ዔያቶኮ ሉኡቃ ዳንጎ ዚቲዴ።

19 ኔ ዴማ ዓታኒ ኔ ባንሂ ዑካዘንሂም
ዓሶ ቢያ ቤርታ ኔ ዒንጋ
ኔና ዒጊጫዘንሂም ኔ ጊኢጊሼ ኮሹማ
ዋዚ ዴኤፓይ!

20 ዓሳ ዔያቶ ባይዛኒ ዘርታሂዳፓ ኔ ማኦር ዴማ ኔ ዔያቶ ዓኣቼኔ፤
ማርማሂዳፓ ዔያቶ ዓውሳኒ ኔ ኬኤጆ ጋር ኔ ዔያቶ ጌልዜኔ።

21 ማንጊንቴ ካታሜሎ ጋራ ታኣኒ ዓኣንቴ
ዲቃሂ ሂርሺሳ ናሹሞ ኔኤኒ ታና ዳዌኔ፤
ናንጊና ናንጋ ጎዳ ዓንጂንቶንጎ!

22 ታኣኒ ሚርጌና ዲቃቲሂር
ኔ ዓኣፓፓ ኔ ታና ጋፒ ሂዔያ ታኣሞ ማሌኔ፤
ጋዓንቴ ታ ኔ ባንሂ ማኣዳሂ ኮዒ ዒላታዛ
ዒላቶ ኔ ታኣሲ ዋይዜኔ።

23 ዒንሂ ዒዛም ዳማዳ ዓሳ ቢያ
ናንጊና ናንጋ ጎዳ ናሽኩዋቲ፤
ዒዚ ጉሙርቁንታዘንሂ ካፓኔ፤
ጆቶርቃዘንሂም ጋዓንቴ ሜቶ ዒ ዓጋኔ።

24 ዒንሂ ናንጊና ናንጋ ጎዳ ሃጋኦ ዋዛ ማሂ ጌሂ ዓሳ ቢያ
ዒጊጨፖፕቴ፤ ዒናኣ ዒንሂኮ ደዶንጎ።

32

ዳውቴ ኬኤዚ ዔርዘ ባኮ

ጎሜ ቡኡዲ ማእሪጎቲሂ

1 ጎሞ ዓቶሞ ጌይንቴዘንሂና

ዳቢንቶዋ ካንቆና ዓሳ

ዓንጂንቴያኬ።

2 ናንጊና ናንጋ ጎዳ ጎሞ ዒዛኮ ዓርቁባአሂ

ሉኡዙሞ ሉኡቁዋ ዓሲያ ዓንጂንቴያኬ።

3 ጎሞ ታአኮ ታአኒ ቡኡፀ-ዋዖ ሃሼ ዎዶና

ሮኦ ጉቤ ታአኒ ዚኢሊንታሂሮ ዑፃ ታአኮ ላቤ።።

4 ሮኦሮና ዋንቶና ኔ ታና ኮሺ ማታሴ፤

ሎጪ ባአዚኮ ሎጪጭማ ያጎሂና ማላሂጉዲ

ዎልቃ ታአኮ ጋፒ ባይቄ።።

5 ጎሞ ታአኮ ታአኒ ኔኤሞ ቡኡዳ፤

ዳቢንቶዋ ታአኮ ታአኒ ዓአቺባአሴ፤

ጎሞ ታአኮ ቢያ ኔኤሞ ታ ቡኡፃኒ ማሌ፤

ኔኤኒያ ጎሞ ታአኮ ቢያ ዓቶሞ ጌዔ።።

6 ዬያሮ ዲሎ ዓሲ ቢያ ማቶ ዎዶና ኔና ሺኢቆንጎ፤

ዎልቄና ዓአ ዶዲ ዲጲ ኩሚ ሙካ ዎዶና

ዬይ ዲጲ ዒዛ ዔኤቢ ዎኦታዓኬ።።

7 ኔኤኒ ታአኮ ፑሮ ካያሂኬ፤

ማታሰካፓ ኔ ታና ካፓንዳ፤

ኔኤኒ ታና ዓውሴሂሮ ዒላቲ ዎዛና ታአኒ ዓይናዳ።።

8 ናንጊና ናንጋ ጎዳ ታአሞ፡- «ታአኒ ኔና ዔርዛንዳ፤

ኔኤኒ ሃንታንዳ ጎይዎዋ ታ ኔና ዳዋንዳ፤

ታ ኔና ዞራንዳ፤ ካፒያ ካፓንዳ።» ጌዔ።።

9 ዔያቶ ዓርቁ ቃዛኒ፣ ቢፃልቂያ ጫአናኒ

ጎቺ ዓአዳ ፓሮና ባቁሎናጉዲ

ጊኢጉዎያ ማዒፖቴ።።

ፓሮና ባቁሎና ዒንሂ ዬያይዲባአቴ

ዒንሂ ባንሂ ዑካዓኬ።።

32:2 32:2 ሮሜ 4:7-8።

- 10 ጎሞ ዓሳኮ ሜታሢ ሚርጌኬ፤
 ናንጊና ናንጋ ጎዳ ጉሙርቃ ዓሳ ጋዓንቱ
 ዒዛኮ ናንጊና ናንጋ ናሹሞና ካንቁንታንዳኔ።
- 11 ጂሎ ዓሲዮቲ! ናንጊና ናንጋ ጎዳና ዎዛዲዎቲ፤
 ዒኖ ፒዜዘንሢዮቲ! ዒላሹዎቲ።

33

ጋላታ ዓይኑም

- 1 ዒንሢ ጂሎ ዓሳ! ናንጊና ናንጋ ጎዳ ማዳ ባኮሮ ዎዛዲዎቲ፤
 ፒዜዘንሢ ዒዛ ጋላታንዲያ ኮይሳኔ።
- 2 ጎኦላ ዋርቂ ናንጊና ናንጋ ጎዳ ጋላቱዎቲ፤
 ታጳ ሻዦ ዴንሢ ዋርቆ ጎኦሎናኦ ዒዛም ዓይናዲዎቲ።
- 3 ዓኪ ዓይኑም ዒዛም ዓይናዲዎቲ!
 ጎኦሎ ሚዛጲሲ ዴንሢ ዋርቁዎቲ፤
 ዎዛናኦ ዒላሹዎቲ።
- 4 ናንጊና ናንጋ ጎዳኮ ቃኦላ ጎኔ ቃኦላኬ፤
 ማዳኦ ቢያ ዒዛኮ ጉሙርቁንታያኬ።
- 5 ናንጊና ናንጋ ጎዳ ጂሎሞና ፒዜ ዎጊሢና ናሽካኔ፤
 ዒዛኮ ናንጊና ናንጋ ናሹማ ሳዖ ኩማኔ።
- 6 ናንጊና ናንጋ ጎዳሢ ቃኦሎና
 ጫሪንጫ ማዢንጎቲ፤
 ዒዛኮ ዑኡዘና ዓቦንታ ዓጊኖንታ
 ዦኦንሢያ ማዢንጎቲ።
- 7 ባዞ ዎኦያ ቢያ ዒ ፔቲ ቤሰካ ቡኩሲ ዴይሢኔ፤
 ዴኤፖ ዔቶ ባዞ ዎኦያማኦ
 ዴዓንዳ ቤሲ ዒዚ ጊኢጊሸኔ።
- 8 ሳዖይዳ ናንጋ ዓሳ ቢያ ናንጊና ናንጋ ጎዳ ዒጊጩዎቲ፤
 ዓጩይዳ ዓኦ ሜሌ ዴራ ቢያ ዒዛ ቦንቹዎቲ።
- 9 ዒዚ «ማዖም» ጋጋዓዛ ሳዓ ማዢንጎቲ፤
 ዒዛኮ ዓይሢያና ቢያ ባካ ዶዲ ዔቁኔ።
- 10 ናንጊና ናንጋ ጎዳ
 ዴሮኮ ጌኖ ማሊያ ቱኡዘ ሁርዲሳኔ፤
 ዒያቶኮ ማሊያዎ ፓሡዎያ ማሃኔ።
- 11 ናንጊና ናንጋ ጎዳ ቱኬ ቱኡዛ ናንጊና ዶዲ ናንጋያኬ፤

- ዒዛኮ ማሊጻክ ሾይንቲፓ ሜሌ ሾይንቲ ሄላያኩ።
 12 ናንጊና ናንጋ ጎዳ ማዕ ያኦዛሢ ዓሲ ማዕያና
 ዒዚ ፔ ዓሲ ማሂ ዶኦሬ ዴሬ ዓንጂንቲያኩ!
- 13 ናንጊና ናንጋ ጎዳ ጫሪንጫፓ ሊካ ዛጋኔ፤
 ዓሲ ዜርሢ ሲያ ዒ ዴዴንቃኔ።
- 14 ዒዚ ፔኤኮ ካኦቱሞ ያይታ ዴዒ
 ሳያይዳ ዓኦ ዓሲ ሲያ ዛጋኔ።
- 15 ዒዚ ሲያሢኮ ዒኖ ማኸሢኬ፤
 ዔያታ ማዳ ባኮሞ ሲያ ዛጋኔ።
- 16 ካኦታ ፔ ያሎ ዓሲ ማርጉሞና ያሊ ባሹሞሴ፤
 ያሎና ዔርቲሢ ፔኤኮ ዴኤፖ ዋልቆና ሃይባፓ ቶሉሞሴ።
- 17 ፓራሢና ያሊ ባሻንዳኔ ጌዒ ዋዛ ጌሥሢ ጉሪኬ፤
 ዔያታ ዴያ ዋልቆና ያናኦ ዓውሳኒ ዳንዳዑሞሴ።
- 18 ናንጊና ናንጋ ጎዳ ዒዛ ዒጊጫዘንሢና
 ዒዛኮ ናንጊና ናንጋ ናሹሞ ሃጋኦ ዋዛ ማሃዘንሢ ዛጋኔ።
- 19 ሃይቦይዳፓ ዒዚ ዔያቶ ዴያና ዓውሳኔ፤
 ናኖ ዋዶናኦ ሹሞፔና ዒዚ ዔያቶ ዓይሳኔ።
- 20 ሹምፓሢ ኦኤኮ
 ናንጊና ናንጋ ጎዳ ሃጊ ማዓ ዋዛ ማሂ ካፓኔ፤
 ኦና ማኦዳሢና ኦኤኮ ጊቲማሢያኦ ዒዛኩ።
- 21 ዒዛኮ ዲማዴ ሱንፆ ኦ ጉሙርቃሢ
 ዒዚ ኦና ዋዛሳኔ።
- 22 ናንጊና ናንጋ ጎዳሢየ!
 ኦኤኮ ሃጊ ማዓ ዋዛ ኦና ኦ ማሄ ጎይያና
 ኔኤኮ ጋፑሞ ናሹማ ኦኤሞ ማያንጎ።

34

ዳውቲ ዓቤሜሌኬ ቤርቶ ዣኦኮ ማሊ ሙኬሢረ ዳውሴም ዒ
 ጳሽካያ ዓይናዴ ዓይኑሞ
 ናንጊና ናንጋ ጎዳኮ ኮሹሞሮ ጋላቲንታ ጋላታ
 1 ታኦኒ ሲያ ዋዴ ናንጊና ናንጋ ጎዳ ጋላታኔ፤

- ታ ዒዛ ጋላቴ ጎይሣ ደባኔ።
- 2 ታኣኒ ታኣኮ ጉቤ ዒናፓ ናንገና ናንጋ ጎዳና ሄርሺንታኔ፤
ዒኖ ሸሌዘንሣ ዬያ ዋይዚ ዋዛዳኔ።
- 3 ሃኒ ሙኩዋቴ፥ ታኣና ዋላ ናንገና ናንጋ ጎዳኑ ቦንቸዎ፤
ኑኡኒ ዋላ ሱንፆ ዒዛኮ ዴግ ዴገደዎ።
- 4 ናንገና ናንጋ ጎዳ ታና ማኣዳንዳጉዲ
ታኣኒ ኮባዛ ዒ ታኣም ዋይዘኔ፤
ታ ዒጊጫ ባኮ ቢያይዳፓ ታና ዒ ዓውሴኔ።
- 5 ዒዛ ባንሣ ዛጋ ዓሶኮ ቢያ ዓኣፖ ካራ ፖዔኔ፤
ፔቴታፆ ቦርሲንቲ ዔያታ ቦርሲንቲዋሴ።
- 6 ማታዲ ማኣደ ኮባ ዓሣ ዒላቴኔ፤
ናንገና ናንጋ ጎዳኣ ዒዛኮ ዬያ ዋይዘኔ፤
ማታሣዳፓኣ ቢያ ዒዛ ዓውሴኔ።
- 7 ናንገና ናንጋ ጎዳኮ ኪኢታንቻሣ
ፆኦሲ ዒጊጫ ዓሶኮ ዓጮ ማንገ ዒቁ ካፓኔ፤
ዔያቶኮ ኮይላ ማዒ ፑርታ ማቶይዳፓ ዓውሳኔ።
- 8 ናንገና ናንጋ ጎዳኮ ኮሹዋ ሂንዳ ዛጉዋቴ፤
ዒዛ ፔኤኮ ገቲማ ማሃ ዓሳ ዓንጃንቲያኩ።
- 9 ዒንሣ ዲማዴ ዓሳ ዒዛ ዒጊጩዋቴ፤
ናንገና ናንጋ ጎዳ ዒጊጫ ዓሶም ፓጫ ባኣዚ ባኣሴ።
- 10 ዘባ ካራ ባይዛኒና ናይዲንታኒያ ዳንዳዓኔ፤
ናንገና ናንጋ ጎዳ ኮባዘንሣም ጋዓንቲ
ኮሺ ባኣዚ ፔቴታፆ ፓጫዓኩ።
- 11 ታ ናይዮቴ! ሃኒ ሙኪ ዋይዘዋቴ፤
ናንገና ናንጋ ጎዳ ዒጊጩንደ ጎይሣ ታ ዒንሣ ዔርዛንዳኔ።
- 12 ዒንሣዳፓ ናንገ ናንጋኒ ናሽካያና
ሚርጌ ዋዴ ኮሺ ባኣዚ ዛጋኒ ኮባሣ ፆናዳይ?
- 13 ፆዲ ማዔቴ ዳንጎ ኔኤኮ ፑርታ ባኣዚ ጌሰቲዋጉዲ ዓርቄ፤
ዒንዲርዘ ኔኤኮ ሉኡዙዋ ባኣዚ ጌሰቲዋጉዲ ካፔ።
- 14 ፑርታ ባኣዚዳፓ ሺኢኩ፤
ኮሺ ባኣዚ ማዴ፤
ኮሹዋ ኮዔ፥ ገንፆማ ዒዛኮ ዓኣዴ።
- 15 ናንገና ናንጋ ጎዳሣኮ ዓኣፓ ዒሎንሣ ባንሣ ዛጋኔ፤

- ዋያ ዒዛሲ ዒላቶ ዔያቶኮ ዋይዛኒ ቡሊንቴያኩ።
- 16 ሰዓፓ ዔያቶ ማሊሲ ጰቂሣ ባኣዚ ባይዛኒ
 ዓኣፓ ዒዛኮ ፑርቶ ማዳዘንሢዳኬ።
- 17 ዲሎ ዓሳ ዒላታዛ ናንጊና ናንጋ ጎዳ ዋይዛኔ፤
 ዔያቶኮ ዓኣ ማታሰካፓ ዒ ዔያቶ ዓውሳኔ።
- 18 ናንጊና ናንጋ ጎዳ ዒሮ ማቂ ማላዘንሢዳኒ ዑኩኬ፤
 ካራ ባይቂ ማላዘንሢዳኒ ዒ ዓውሳኔ።
- 19 ዲሎ ዓሶኮ ማታ ማርጌኬ፤
 ናንጊና ናንጋ ጎዳ ጋዓንቴ ዬያ ቢያይዳፓ ዔያቶ ዓውሳኔ።
- 20 ዔያቶኮ ማጌያ ቢያ ዒ ካፓሢሮ
 ዬያቶይዳፓ ፔቴ ማጌሢታዖ ማቁዋሴ።
- 21 ፑርቶ ማዳ ዓሶ ፑርቱማ ዎዳኔ፤
 ኮኩ ዓሶ ዒፃ ዓሳ ማቶ ዛጋንዳኔ።
- 22 ናንጊና ናንጋ ጎዳ ዒዛም ማዳዘንሢኮ ሽምፓሢ ዓውሳንዳኔ፤
 ዒዛ ጉሙርቃ ዓሶ ፑርታ ባኣዚ ሄላዓኬ።

35

ዳውቴ ዓይኑም

- ማታዳ ዓሲ ሸኢቁ ሸኢጲሲሢ
- 1 ናንጊና ናንጋ ጎዳሢዮ! ታና ዒዲ ማካ ዓሶ ኔ ማኬ፤
 ታና ዖላ ዓሶዋ ኔኤኒ ዖሌ።
- 2 ኔኤኮ ዖሎ ዓንጋሞንታ ጊቲሞንታ ዓርቂ፤
 ሙኪያ ታና ማኣዴ።
- 3 ዒዲ ታና ዳውሳ ዓሶም
 ኔኤኮ ዎርዖንታ ጨንቾ ዓፓሮንታ ቱጊ
 «ታኣኒ ኔና ዓውሳሢኬ» ጌዒ ጎናሲ ኬኤዜ።
- 4 ታና ዎዳኒ ኮዓዘንሢም ቢያ
 ቦርሲንቲና ዳውሲንቲና ማዖንጎ!
 ታኣም ፑርታ ማዳኒ ዎሊና ዘርታዘንሢ ቢያ
 ዳውሲንቲ ጊንሢም ማዖንጎ!
- 5 ናንጊና ናንጋ ጎዳኮ ኪኢታንቻ ዔያቶ ዳውሳኣና
 ዠባሬ ፒዲ ዔኪ ዓኣዳ ዲባጉዲ ዔያታ ማዖንጎ!

6 ናንጊና ናንጋ ጎዳኮ ኪኢታንቻ ዔያቶ ዳውሳኣና ጎይፃ ዔያቶሲ ዲሜያና ሃሊፃያና ማዖንጎ!

7 ታኣኒ ዔኤቢ ፑርቲሴ ባኣዚ ባኣንቴ ፒሮ ዔያታ ታኣሞ ዓኣቹ ፒሬኔ፤ ታና ሎንሣኒ ዔቴያ ቦኦኬኔ።

8 ዔያታ ማሊባኣ ባይሲንታ ዔያቶ ሄሎሞ፤ ዔያታ ዓኣቹ ፒራሢ ዔያቶ ዓርቆሞ፤ ዔያታ ቦኦኬ ዔቶይዳ ፔኤሮ ሎኦሞንጎ!

9 ሸምፔላ ታኣኮ ናንጊና ናንጋ ጎዳሢና ዎዛዳኔ፤ ዒዚ ዓውሴሢሮ ሚርጌና ዎዛዳኔ።

10 ናንጊና ናንጋ ጎዳሢዮ! ኔኤኒ ማዜ ታኣኮ ዑፃ፡- «ሄርቂንቲ ዎርቃ ዓሶ ሄርቃ ዓሶይዳፓ ዓውሳያ ማንቆ ዓሶንታ ሜታዳ ዓሶንታ ቡራ ዓሶይዳፓ ካፓያ ኔጉዳያ ያኦኒ ዓኣይ?» ጋዓኔ።

11 ፑርቶ ዓሳ ታኣኒ ማዲባኣ ዳቢንቲሮ ዎጌና ታና ዓይሢሴኔ፤ ታኣኒ ዔራዎ ባኣዚ ሉኡዙሞና ታ ዑፃ ማርካዳኔ።

12 ታኣኒ ኮሺ ማዳሢ ዛሎ ፑርታ ታኣሞ ዔያታ ማሄኔ፤ ታና ታኣሮ ሌሊ ማሂ ዔያታ ሃሺኔ።

13 ታኣኒ ጋዓንቴ ዔያታ ሃርጊንቴ ዎዶና ሲዬ ፓቲሌ ማይንቴኔ፤ ታኣኮ ዑፃዎ ሙዖ ሃሾ ዳሞቦና ታ ያኦፒሴኔ፤ ታኣኒ ሺኢቄ ሺኢጲፃ ዎይዘንቴዎያ ማዒ ዓቴኔ።

14 ታኣኒ ያዬ ያዬፃ ታኣኮ ላጌም ጊንሣ ሃሣ ጌርሲም ያያያጉዲኬ፤

ዒንዳ ሃይቄ ዓሲ ያያሢጉዲ ታኣኒ ሱሊ ዳዒ ዬኤኬኔ።

15 ታኣኒ ዲቂንቴ ዎዶና ዔያታ ዎዛና ቡኬኔ፤ ታኣኒ ዔራዎ ጌኔ ማዳ ዓሲ ሙኪ ታና ሚኢጫዖ ጋፒ ዒፄኔ።

16 ፑርቶ ማዳ ዓሳ ማዳ ጎይያ ፑርቲሞና ታና ሚኢጨ ሃኣሚያ ታኣሞ ዔያታ ዳዔኔ።

17 ናንጊና ናንጋ ጎዳሢዮ!
 ዋሚ ሄለንዳኣና ዚቲዮ ጌይ ኔ ታና ዛጋይ?
 ዔያቶኮ ፑርቶ ማዲፓ ታና ዓውሴ፤
 ሃንሢ ዘቦጉዲ ቁኢሮንሢዲፓ ኔ ታና ካፔ!
 18 ሚርጌ ቡኬ ኔ ዴሮ ባኣካ ታኣኒ ኔና ጋላታንዳኔ፤
 ዬያ ቡኬ ዓሶ ቤርታ ታ ኔና ቦንቻንዳኔ።

19 ዔኤቢ ማዲንቴ ባኣዚ ባኣንቴ ታና ዒፃ ታ ሞርካ
 ታ ሜቶ ዛጊ ዋዛዳንዳጉዲ ማሂፖ፤
 ዔያታ ታና ዓኣፒ ዋዲ ዓማሊ ሺራንዳጉዲ ሃሺፖ።

20 ዔያታ ጌሰታ ጌኤዛ ሞርኬ ጌሰታንዳ ጌኤሲኬ፤
 ኮሺ ዓሲ ዑሰካ ጌኔ ማሊሢ ማሊ ዔያታ ቱካኔ።

21 «ሂዮ! ቃራ!
 ኑኡኒ ኑ ቶኦኪና ኔ ማዳሢ ዛጌኔ!»
 ጌዒ ጌዒ ዒላቲና ቶኦኪ ዔያታ ታኣኮ ባይዜኔ።

22 ናንጊና ናንጋ ጎዳሢዮ!
 ኔኤኒ ዬያ ዛጌኔ፤
 ዬያሮ ናንጊና ናንጋ ጎዳሢዮ!
 ኔኤኒ ዚቲዮ ጌዒፖ! ታ ኮራፓኣ ሃኪፖ!

23 ታኣኮ ናንጊና ናንጋ ጎዳ ማዔ ጆኦዛሢዮ!
 ታ ዛሎ ኔኤኒ ሞኦቲንቴ፤
 ዋጊያ ታኣሞ ዋጌ።

24 ናንጊና ናንጋ ጎዳ ማዔ ታ ጆኦዛሢዮ!
 ኔኤኮ ጂሎሞጉዴያ
 ጎኑሞና ታኣሞ ዋጌ፤
 ታ ሞርካ ታ ሜቶና ዋዛዳንዳጉዲ ማሂፖ።

25 «ሂዮ! ቃራ! ኑ ማሊጆጉዲ ማዔኔ!» ጌዒ ዔያታ ማላንዳጉዲ
 ጊንሣ ሃሣ «ኑኡኒ ዒዛ ባሺያንቴ!» ኔኤኒ ዔያቶ ጌይሲፖ።

26 ታና ሄሌ ሜታሢና ዋዛዲ ቶኦቺሢና ዛጋ ዓሳ ቢያ
 ቦርሲንቶንጎ፤ ዔርቶ ዒፃ ካራ ዔያቶሞ ባይቆንጎ፤
 ታ ዑፃ ፔና ዴግ ዴጊዳዘንሢ ቢያ
 ቦርሲንቴ ዳውሲንቶንጎ።

27 ታኣኮ ባሺፃ ዋዛሳ ዓሳ ቢያ ዋዛዳንጎ፤

35:19 35:19 ዓይኔ. 69:4፤ ዮሃ. 15:25።

«ናንገና ናንጋ ጎዳ ዳኤፒኬ!
ዒዛም ማዳ ዓይላሢም ዔባ ቢያ ገኢጋዛ
ናንገና ናንጋ ጎዳኣ ዎዎዛሳኔ!» ጎዶንጎ።

28 ታኣኮ ዳንጋ ሮኦሮ ጉቤ
ኔኤኮ ዲሎሞና ጋላቶና ዛላ ከኤዛኔ።

36

ዓይነቱ ሱኡጋሢ ዓይሣ ጎይዎና ዓይናዲንታ ያኦሲ ዓይላሢ
ዳውቱ ዓይነቱ

- ጎሞ ዓሶኮ ፑርቱሞና ያኦሲኮዎ ኮሹሞ
- 1 ፑርታ ባኣዚ ማዳ ዓሲ ፔ ዒኖና ዬያ ፑርቱሞ ማላኔ፤
ያኦሲ ዒጊጨዎሴ፣ ቦንቺያ ቦንቺዎሴ።
- 2 ፑርቶ ማዳ ዓሢ ዒዛኮ ፑርቱማ ሳልማሳሢሮ
ፔኤኮ ጎሞ ዛጋኒታቲያ ዒፃኒ ኮዑሞሴ።
- 3 ጌኤዛ ዒዛኮ ጌኔ ማለሢና ሉኡዙሞና ኩሜያኮ፤
ማሊ ጳቂሥሢና ኮሺ ባኣዚ ማዳሢያ ዒዛ ባሸኔ።
- 4 ላሃ ቤዛ ዓኣዖ ጌኔ ባኣዚ ማሊ ቱካኔ፤
ፔና ዒ ፑርታ ጎይሢ ዔኪ ዓኣዳኔ፤
ፑርቱሞ ባኮዎ ፔ ኮራፓ ሃኪሱሞሴ።
- 5 ናንገና ናንጋ ጎዳሢዮ!
ኔኤኮ ናንገና ናንጋ ናሹማ ጫሪጎጮ
ጎኑማኣ ኔኤኮ ሻኣሮ ዴንዲ ሃላኔ።
- 6 ናንገና ናንጋ ጎዳሢዮ!
ዓሶንታ ቆልሞንታ ሜቶይዳፓ ኔኤኒ ዓውሳኔ፤
- ዲሎማ ኔኤሲ ዓዳ ዲኮጉዲ ኮሺ ዳግ ጌዔያኮ፤
ኔኤኮ ዎጋ ባዚ ዔታዳጉዲ ዔታዳያኮ።
- 7 ያኦዛሢዮ!
ኔኤኮ ናንገና ናንጋ ናሹማ ዎዚ ቦንቺንታያዳይ!
ዓሶ ኔኤኒ ካፓሢሮ ኔ ዴማ ካፒንቲ ዴዓኔ።
- 8 ኔ ማኣራ ገዲ ዑሣ ዓኣዳ ሙኡዚ ዔያታ ሙዓኔ፤
ኔኤኮ ዎዛሳ ዎራፓ ዎኣዖ ዔያቶ ኔ ዑሻኔ።
- 9 ኔኤኒ ናንገኮ ቢያ ዓልቃ ካራኮ፤
ኔኤኮ ፖዓ ፖዓሢሮ ኑ ዛጋኔ።
- 10 ኔና ዔራዘንሢም ናንገና ናንጋ ናሹማ ኔኤኮ ጋፓፓ፤
ዓውሲዎኣ ኔኤኮ ዒኖ ፒዜዘንሢም ጋፑዎያ ማዶንጎ።

11 የቶርቶ ዓሳኮ ቶካ ታና ሄርቃንዳጉዲ
ፑርቶ ማዳ ዓሳ ዋልቃዲ ታና ዳውሳንዳጉዲ
ታና ሃሺፖ።

12 ፑርቶ ማዳ ዓሳ ዋማይዲ ሎኦሚ ለሄቴያ ዛጌ!
ዔያታ ኬኤሪንቴኔ፥ ዔቃኒያ ያፓ ዳንዳዑዋሴ።

37

ዳውቴ ዓይነቱ

ፑርቶ ዓሳንታ ኮዡ ዓሳዋ ካፒ ዓኣ ባኣዚ

1 ፑርቶ ማዳ ዓሳ ዛጌ ዳጋዲ፤
ጎሞ ማዳ ዓሳሲ ዛጌ «ዔያቶም ዬይ ዓይጋ ማዔይ!» ጌይ
ማሊፖ።

2 ዔያታ ማኣቲጉዲ ዑኩና ማላንዳኔ፤
ዋላሺጉዲያኣ ሹሊ ዲኦናንዳኔ።

3 ናንጊና ናንጋ ጎዳ ጉሙርቁ ኮሺ ባኣዚ ማዳ፤
ዓጮይዳ ኮሺና ኔኤኒ ናንጋንዳኔ።

4 ናንጊና ናንጋ ጎዳና ዋዛዳ፤
ዒዚያ ኔኤኮ ዒና ኮዓ ባኮ ዒንጋንዳኔ።

5 ዒዚ ኔና ዔኪ ዓኣዳንዳጉዲ
ናንጊና ናንጋ ጎዳም ሃዳርሲ ኔና ዒንጌ፤
ዒዛ ጉሙርቁ፥ ዒዚ ኔና ማኣዳንዳኔ።

6 ዒዚ ያሉሞ ኔኤኮ ፖዒጉዲ
ኔኤም ዋጊንታ ዋጎዋ
ዓቢ ዲኡሲጉዲ ፖዒሳንዳኔ።

7 ጊቢ ዳንዳዒሢና ዶዲ
ናንጊና ናንጋ ጎዳ ማዳ ባኮ ዛጋኒ ካፔ፤
ሜሌ ዓሳኮ ፑርቶ ማሊፃ ዔያቶም ጊኢጌያ ማዔቴያ
ሮኦጋዲ፤።

8 ዳጋ ፑርታ ባኣዚዳ ሄሊሳሢር
ዳጋይዳፓ ኔና ማሄ፥ ሮኦጋዲሢዳፓኣ ካፒንቴ።

9 ፑርቶ ማዳ ዓሳ ዋዳንታንዳኔ፤
ናንጊና ናንጋ ጎዳ ጉሙርቃዞንሢ ጋዓንቴ ሳዖ ዔካንዳኔ።

- 10 ደካ ወደም ማዕንዳጋዓቱም
 ጥርቶ ማዳ ዓሳ ሩኩሪና ባይቃንዳኔ፤
 ኔኔኒ ዔያቶ ኮዔያታቴያ ዴንቃዓኩ።
- 11 ዒሮ ሸሌዔዔዘንሢ ዒጮ ዔካንዳኔ፤
 ጋርጎቹሞና ኮሹሞና ዴንቁ ዔያታ ዎዛዳንዳኔ።
- 12 ጥርቶ ማዳ ዒሢ ኮዣሢ ባይዘኒ
 ሜሌ ዓሶ ጥርቱሞና ዒዛ ዑፃ ዔቁሳኔ፤
 ዒዛ ዒዳሢና ሃእሚ ዳዓኔ።
- 13 ጥርቶ ማዳ ዓሳ ባይቃንዳ ኬላ ዑኬሢ ዔራሢሮ
 ናንጊና ናንጋ ጎዳ ዔያቶ ሚኢጫኔ።
- 14 ጥርቶ ማዳ ዓሳ
 ማንቆ ዓሶንታ ሜታዳ ዓሶዎ ዎዳኒ
 ኮዣ ማዳ ማዳዘንሢያ ሹካኒ
 ፔኤኮ ጩንቾ ዓጋሮ ቱጋኔ፤
 ሂኢዣ ፔኤኮ ጊኢጊሻኔ።
- 15 ጋዓንቴ ዔያቶኮ ጩንቾ ዓጋራ
 ዔያቶ ሳዘ ማዒ ጫርጋንዳኔ፤
 ሂኢዣኦ ዔያቶሲ ሜቃንዳኔ።
- 16 ጥርታ ማዳ ዓሲኮ ሚርጌ ቆሎይዳጋ
 ኮሺ ዓሲኮ ዳኮ ቆሎንሢ ባሽኬ።
- 17 ጥርቶ ማዳ ዓሶኮ ቃሳ ሜቃንዳኔ፤
 ዒሎ ዓሶ ጋዓንቴ ናንጊና ናንጋ ጎዳ ዶዲሻንዳኔ።
- 18 ናንጊና ናንጋ ጎዳ ዒሎ ዓሳ ናንጋንዳ ዎዶ ዔዔራኔ፤
 ዴና ዔያቶሲ ዔያቶም ማዒ ቢያ ዎዶ ናንጋንዳኔ።
- 19 ጥርታ ኬሊ ሙኬቴ ሜታ ዔያቶ ሂላዓኬ፤
 ሉማሢ ዎዶና ሙኡዚ ዴንቁ ዔያታ ሚሸካንዳኔ።
- 20 ጥርቶ ማዳ ዓሳ ጋዓንቴ ባይቃንዳኔ፤
 ናንጊና ናንጋ ጎዳኮ ሞርካ ቡኒጉዲ ዲኢናንዳኔ፤
 ዓዳ ጩቢ ባይቃሢጉዲ ዓኣጋጋ ባይቃንዳኔ።
- 21 ጎሜ ማዳ ዓሲ ዓሲዳጋ ታታልዓኔ፤
 ጋዓንቴ ማሂ ዬያ ጩጉሞሴ፤

ዲሎ ዓሲ ጋዓንቴ ሚጨገታኔ፤
ማሂያኦ ዲንጋኔ።

22 ናንገና ናንጋ ጎዳ ዓንጅ ዓሳ ሳዖ ዔካንዳኔ፤
ዲዚ ጋዳንቄ ዓሳ ጋዓንቴ ባይቃንዳኔ።

23 ዓሲኮ ናንገ ናንገና ናንጋ ጎዳ ዋዛሳያ ማዔቴ
ዲዚ ይያ ዓሂኮ ናንጋ ፒዜ ማዒያ ጎናሳኔ።

24 ይይ ዓሂ ዲቁንቴቴያ ሎኦማዓኬ፤
ናንገና ናንጋ ጎዳ ፔ ኩጮና ኬኤሊንቂ ዲዛ ዓርቃንዳኔ።

25 ደጋቶይዳፓ ጋርቻንዳያ ሄላንዳኦና ታ ናንጌኔ፤
ይያይዳ ናንገና ናንጋ ጎዳ ኮሺ ዓሲ ሃሺም
ናኦታ ዲዛኮ ሙኤዚ ባይዚ ሺኢቃንቴ
ፔቴታዖ ታኦኒ ዛገባኦ።

26 ኮሺ ዓሲ ቢያ ዎዳና ዓሲም ዔኤቢ ጉሪ ዲዲንጋኔ፤
ዲዛኮ ናኦታኦ ዓንጂንቴያ ማዓንዳኔ።

27 ፑርታ ማደፓ ሃኬ፥ ኮሺ ባኦዚ ማዳ፤
ናንገና ኔኤኒ ናንጋንዳኔ።

28 ናንገና ናንጋ ጎዳ ፒዜ ዎጌ ናሽካኔ፤
ዲዛም ጉሙርቂንታዞንሂ ዲ ሃሹዋሴ፤
ናንገና ዔያቶ ዲ ካፓኔ፤
ፑርቶ ማደ ዓሲኮ ዜርፃ ጋዓንቴ ባይቃንዳኔ።

29 ሳዓ ዲሎ ዓሲም ዓታንዳኔ፤
ዲዘይዳ ዔያታ ናንገና ናንጋንዳኔ።

30 ዲሎ ዓሲ ፔ ዳንጋፓ ዔራቶ ኬሳኔ፤
ዲንዲርዘ ዲዛኮ ፒዙም ጌሰታኔ።

31 ዲዛ ያኦዛሂኮ ዎጋ ዲዛኮ ዲናኦኬ፤
ቶካ ዲዛኮ ቡኤዲንቱዋሴ።

32 ፑርታ ማደ ዓሲ ዲላሂ ካታኔ፤
ዎዳኒያ ዲዛ ዲ ኮዓኔ።

33 ናንገና ናንጋ ጎዳ ጋዓንቴ
ዲዛኮ ሞርኮም ዓኦሂ ዲንገንዲዋሴ፤
ዓሲ ቡካ ቤዘይዳ ሞኦቶና ዓሳ ዲዛ ላሂንዲዋሴ።

34 ናንገና ናንጋ ጎዳኮ ማኦር ካራ ዳዔ፤

ጎይቶቹ ዓዲሲ ካፍ፤
ዓዲ ሳቶ ኔኤም ዳካልሲ ኔና ቦንቸሳንዳኔ፤
ፑርቶ ዓሳ ባይቃንቴ ኔ ዛጋንዳኔ።

35 ፑርታ ማዳያና ቁኢሮ ዓሲሰኬይ
ዓዳ ሊባኖኦሴ ሚያጉዲ ሞርቂ ዓኣንቴ ታ ዛጌኔ፤

36 ጊንሣ ሃሣ ማሌ ዓቢና ዓኢና ታ ዓኣዳንቴ
ዓኢካ ዩይ ሚፃሣ ባኣሴ፤
ኮዒያ ታ ዓዲ ዴንቁባኣሴ።

37 ኮሺ ማዔ ዓሣና ፒዜ ማዔሣያ ዓናፓ ዛጌ፤
ኮሺ ማዔ ዓሲኮ ሃጊ ማዓ ሞዛ ዓኣኔ።

38 ጎሞ ማዳ ዓሳ ጋዓንቴ ጋፒ ሃይቃንዳኔ፤
ዜርፃኣ ዔያቶሲ ባይቃንዳኔ።

39 ዲሎ ዓሲኮ ዳቂንታ ሙካንዳሣ ናንጊና ናንጋ ጎዳፓኬ፤
ሚታሣ ሞዶና ፑኖ ካያሣ ዔያቶኮ ዓዲኬ።

40 ናንጊና ናንጋ ጎዳ ዔያቶ ማኣዳኔ፥ ዓውሲያ ዓውሳኔ፤
ፑርቶ ማዳ ዓሳ ኩጫፓ ዔያቶ ዓዲ ኬሳንዳኔ፤
ዔያታ ዓዲ ፔኤኮ ፑኖ ካያሣ ማሣሣሮ
ዓዲ ዔያቶ ዓውሳንዳኔ።

38

ዓይነቱ ሃውሻ ኬሎ ማሊ ጳቂሣ ዓይናድ ዳውቴ ዓይነቱ
ሚቶ ሞዶና ሺኢቂንታ ሺኢጶሣ

1 ናንጊና ናንጋ ጎዳሣዮ! ኔ ዳጎና ታና ጎሪፖ፤
ኔኤኮ ዳኤፖ ዳጎና ታጊዳ ሚቶ ዓጊፖ።

2 ኔ ሂኢዮና ኔ ታና ዲኬኔ፤
ኔኤኮ ዶዶ ኩጮና ኔ ታና ጳርቄኔ።

3 ኔኤኒ ጎሪንቴሣሮ ዑፃ ታኣኮ ኮሺቱሞሴ።
ታ ጎማፓ ዔቄያና ዓቢሊ ታኣኮ ባኣሴ።

4 ዳቢንታ ታኣሲ ታና ዴኤፃያኬ፤
ዩይ ታኣኒ ኬዳኒ ዳንዳዓሣፓ ዑሣኬ።

5 ታኣኮ ዔኤያቶና ታ ማዳ ዳቢንቶሮ
ከፃ ታኣኮ ጊኢሸኪ ዛዓኔ።

6 ታኣኒ ገሊራፓ ዋቤኔ፥ ሚርጌና ታ ኩንቲ ሃንቴኔ፤
ኬሎ ቢያ ያዩሢና ታ ፔኤቄኔ።

7 ገሊራ ታኣኮ ታሚጉዲ ዔኤቴኔ፤
ዑሰካኣ ታኣኮ ኮሽኩዋቤ።

8 ሚርጌና ታ ላቤኔ፥ ጋፒ ታኣኒ ሺኢቴኔ፤
ዒና ታኣኮ ሜታዴያታሢሮ ታ ዚኢሊንታኔ።

9 ናንገና ናንጋ ታ ጎዳሢዮ! ታኣኒ ኮዓ ባኮ ቢያ ኔ ዔራኔ፤
ታኣኮ ዚኢሊንቲፃ ኔኤም ዓኣሺንቴያቱዋቤ።

10 ባዛ ታኣኮ ዑኮ ዑኮ ዲዓኔ፥ ቆሳኣ ታኣኮ ጌላኔ፤
ዓኣፓ ታኣኮ ዛጎ ዒፃኔ።

11 ታኣኮ ዒገኖንታ ላጎንታ ኪያ ታኣኮ ሻኣኪንቴኔ፤
ታ ዒገና ታ ኮራፓ ሃኬኔ።

12 ታ ሼምፓሢ ባይዛኒ ኮዓዘንሢ ፒሮ ታኣም ፒራኔ፤
ፑርታና ታና ሜታሳኒ ማላዘንሢያ ባይዛኒ ታኣም ዚርቃኔ፤
ሮኦሮ ጉቤ ታና ባይዛኒ ጌኔ ማላሢ ሱካኔ።

13 ታኣኒ ዋይዚ ባይቄያ
ጌሰታኒያ ዳንዳዑዋያ
ዳንጋ ባይቄ ዓሲጉዲኬ።

14 ጎኔና ዋይዚ ባይቄ ዓሲና
ዳንጋ ቡሊንቲ ጌሰቱዋ ዓሲጉዲ ታ ማዔኔ።

15 ናንገና ናንጋ ጎዳሢዮ! ኔና ታ ጉሙርቃኔ፤
ናንገና ናንጋ ጎዳ ማዔ ታ ያኦዛሢዮ! ኔ ታኣም ማሢ
ኬኤዛንዳኔ።

16 «ሞርካ ታኣኮ ቶኦቺ ታና ዛጋንዳጉዲና
ቶካ ታኣኮ ሃሊፃም ፔና ዔያታ ጎኦቢሣንዳጉዲ ማዲፖ!»

ጌዒ ታ ኔና ሺኢቃኔ።

17 ሎኦማኒ ታ ዑኬኔ፤
ታኣኮ ዋኦይይዳፓ ፔቲታያ ታ ኬሰኪባኣሴ።

18 ዳቢንቶ ታኣኮ ታ ቡኡፃኔ፤
ጎማ ታኣኮ ታና ሜታሴኔ።

19 ታኣኮ ደዶ ሞርካ ሚርጌኬ፤
ታ ዔኤቢ ዋኦቲባኣንቴ ታና ዒፃዘንሢኮ ፓይዲ ባኣሴ።

20 ታኣኒ ኮሺ ማዶ ማዶሢሮ
ዬያ ኮዢ ማዶ ዛሎ ፑርታ ታኣም ማዶ ማሃ ዓሳ

ታኣኮ ሞርኬ ማዒ ዔቄ።

- 21 ናንጊና ናንጋ ጎዳሢዮ! ታና ሃሺፖ፤
ታ ጾካዛሢዮ! ታ ኮራፓ ሃኪፖ።
- 22 ታ ጴኤሻሢ ማዔ ናንጊና ናንጋ ጎዳሢዮ!
ታና ዑካዲ ማኣዳ።

39

ዓይነቱ ሱኡጋሢ ዓይሢ ጎይጾና ዔደታሜ ዛሎ ዓይናዲንቴ ደውቴ ዓይነቱ

- ዓሲ ሜታ ሄላዛ ዔልቃሚጉዲ ሺኢቃ ሺኢጲሢ
- 1 ታኣኢ፡- «ታ ማድንታ ዒንዲርዘዋ ጎሜፓ ካፓንዳ፤
ፑርቶ ማዳ ዓሳ ታ ኮራ ዓኣ ዎደና ዳንጎ ታኣኮ ታ ቢፃልቃንዳ።»
- ጌዒ ታ ጫኣቄ።
- 2 ዳንጋ ባይቄ ዓሲጉዲ ዚቲ ታ ጌዔ፤
ኮሺ ባኣዚ ጌሰታኒታፖ ዳንጎ ታኣሲ ታ ዓርቄ፤
ዬይ ያዲ ማዔ ታቲያ ሜታሢ ታኣኮ ሃቺሞ ሚርጌ።
- 3 ዒና ታኣኮ ጋራ ጾይ፤
ማሊያ ታ ማሊሢር ዬይ ታማ ዔኤቴ፤
ዬካፓ ዳንጎ ቡሊ ሂዚ ጌይ ታ ኬኤዜ፡-
- 4 «ናንጊና ናንጋ ጎዳሢዮ!
ናንጎኮ ታኣኮ ጋፒንፖ ሌፖኮዋ ፓይዶ ታና ዔርዜ፤
ታኣኒ ዓኣዳያና ባይቃያ ማዔሢ ታ ዔርሞ።»
- 5 «ሃይሾ ታኣኒ ናንጋንዳ ዎደ ኬኤላና ዋርቄ ኔ ዛጊ ሃሾ፤
ታኣኒ ናንጋ ሌዓ ኔ ቤርታ ዔኤቢ ማዒ ፓይዲንቴዋሴ፤
ጎኔና ዓሲኮ ናንጊ ቢያ ዓዳ ሱኡሌጉዳያኮ።
- 6 ዓሲ ናንጊ ሺቢዳፓ ዳማቲዋሴ፤
ጉሪ ላቢንታ፤ ቆሎዋ ቡኩሳ፤
ጋዓንቴ ዬይ ቆላ ጾኦ ማዓንዳቴያ ዔሩዋሴ።»
- 7 «ናንጊና ናንጋ ጎዳሢዮ!
ሂዴቲ ታኣኮ ሃጊ ማዓ ዎዛሢ ጾናዳይ?
ናንጊና ናንጋ ጎዳቲዋዓዳ?
- 8 ታኣኮ ጎሚፓ ቢያ ታና ዓውሴ፤
ዔቦ ዔሩዋ ዓሶሞ ሚኢቺ ታና ማሂፖ።
- 9 ሃያ ቢያ ማዴሢ ኔናታሢር

ታኣኒ ዚቲዮ ጋዓንዳኔ፤
 ዳንጎሞ ታኣኮ ታ ቡላዓኬ።
 10 ቃሶ ኔኤኮ ታ ዑፃፓ ዔቂሴ፤
 ኩጫ ኔኤኮ ታና ጳርቁሢሮ ሚርጌና ታ ላቤኔ።
 11 ዓሶ ዔያቶኮ ጎሞ ዛሎሮ ሜታሳኒ፥ ኔ ዔያቶ ጎራኔ፤
 ቆሎሞ ኔ ዔያቶኮ ቢሎና ባይዛኔ፤
 ጎኔና ዓሲኮ ናንጊ ሱኡሌይዳፓ ባሼቱሞሴ።»

12 «ናንጊና ናንጋ ጎዳሢዮ!
 ሸኢጲዖ ታኣኮ ሞይዜ፥ ዒላቶሞ ዔኬ፤
 ታ ዩኤካእና ዑኩና ታና ማኣዳ፤
 ዳካ ሞዴሞ ታ ኔኤኮ ሸኦቹኬ፤
 ታኣኒ ታኣኮ ቤርታኣ ዓድንሢጉዲ ቤሲባኣያ ማዒ ናንጌያኬ።
 13 ሃይቂ ታኣኒ ማዑሞ ቤዞ ዓኣዳንዳሢኮ ቤርታ
 ሃዳራ ታ ሞዛዳንዳጉዲ ዳካ ታኣሞ ጌዔቴራ።»

40

ዓይኑሞ ሱኡጋሢ ዓይሢ ጎይፆና ዓይናዲንታ ዳውቴ ዓይኑሞ
 ጋላታ ዓይኑሞ

1 ናንጊና ናንጋ ጎዳ ታና ማኣዳንዳጉዲ ጊቢ ዳንዳዒ ታ ካፔኔ፤
 ዒዚያ ታ ባንሢ ሸሪ፥ ሸኢጲዖ ታኣኮ ሞይዜ።።
 2 ዓጊፃ ጫሪና ቶኦጳ ማዔ
 ሃሊፃ ዔታፓ ዒ ታና ኬሴኔ፤
 ቶኮ ታኣኮ ላሎ ሸጮ ዑፃ ዔቂሲ
 ዶዲ ታ ዔቃንዳ ቤሲ ዒ ታኣሞ ዒንጌኔ።።
 3 ታ ዳንጎይዳ ዓኪ ዓይኑሞ
 ኑ ያኦዛሢሞ ጋላታ ዓይኑሞ ታኣሞ ዒ ዒንጌኔ፤
 ዩያ ሚርጌ ዓሳ ዒጊጩ ዛጊ
 ናንጊና ናንጋ ጎዳ ጉሙርቃንዳኔ።።

4 ናንጊና ናንጋ ጎዳ ሌሊ ጉሙርቃዞንሢ
 ሜሌ ያኦዞ ካኣሸኪር ሸሩሞዞንሢ
 ዩያ ሜሌ ያኦዞ ጊንፆ ሃንታ
 ሞይዞ ዒፃ ዓሶና ሞላ ፔቴ ማዑሞዞንሢ ዓንጂንቴያኬ።።
 5 ናንጊና ናንጋ ጎዳ ማዔ ታ ያኦዛሢዮ!
 ኔኤኒ ሚርጌና ዲቃሢ ሄርሸሳ ባኣዚ ኑሞ ማዳኔ፤
 ያኦኒያ ኔኤና ቤቃይ ባኣሴ፤

ኔኤኒ ኑም ማሌ ኮዦ ባኮ
 ያኦኒያ ፓይዲ ዔራኒ ዳንዳዑቀሴ፤
 ከኤዛኒና ሃይሳዳኒ ታ ዓርቂታቴያ
 ፓይዲ ታኣም ዔርቱቀያ ማዓንዳኔ።

6 ኔኤኒ ሚቹ ዒንጎ ዒንጊያንታ ማሌ ዒንጊያቀ ኮዑቀሴ፤
 ቆልማ ሚቹ ዒንጎ ቤዘይዳ ሚቹንታንዳጉዲ
 ጊንሣ ሃሣ ጎሞ ጌኤሻኒ ዒንጊንታ ዒንጊፃኣ
 ኔኤም ዒንጊንታንዳጉዲ ኔ ኮዑቀሴ፤
 ዬያ ማዳንዶ ቤዘ ዓይሢያ ኔኤኮ ዋይዚ
 ኔኤም ታ ማዳንዳጉዲ ኔ ታና ማሃኔ።

7 ዬያር ታኣኒ፡- «ዋጎ ማፃእፖይዳ ታ ዛሎ ፃኣፒንቴ ጎይያና
 ሃይሾ ታኣኒ ሙከኔ።

8 ታ ያኣዛሢያ! ማሊያ ኔኤሲ ማዲ ኩንሣኒ ታ ኮዓኔ፤
 ዋጋኣ ኔኤኮ ታ ዒኖይዳከ» ጌዔኔ።

9 ዳኤፖ ቡኪንቶ ቤዛ ፒዜ ባኣዚ ታ ከኤዜኔ፤
 ናንጊና ናንጋ ጎዳሢያ! ኔኤኒ ዔራሢጉዲ
 ታ ከኤዛ ባኮ ከኤዚያ ሃሻዓከ።

10 ኮሹሞ ኔኤሲ ታ ዒና ታ ዓኣቻዓከ፤
 ኔኤኒ ጉሙርቂንታያና ዓውሳያ ማዔሢ ታ ከኤዜኔ፤
 ዬያ ዳኤፖ ቡኪንቶ ቤዛ ኔኤኮ ናንጊና ናንጋ
 ናሹሞንታ ጎኑሞንታ ታ ዓኣቹባኣሴ።

11 ናንጊና ናንጋ ጎዳሢያ! ኔ ማኣሪያ ታጊዳፓ ሃኪሲፖ፤
 ኔኤኮ ናሹሞንታ ናንጊና ናንጋ ጉሙርቂንቲፃኣ ናንጊና ታና
 ካፖንጎ።

12 ሚርጌ ሜታ ታና ዋኣዪሳኔ!
 ዳሲንታ ታኣኮ ሚርጌሢሮ ዛጋኒ ታ ዳንዳዑቀሴ፤
 ዬይ ታኣኮ ቶኦኮ ጋፓናፓ ባሻያከ፤
 ዬያር ታ ዒና ታና ዒዲ ሃሼኔ።

13 ናንጊና ናንጋ ጎዳሢያ! ሃዳራ ታና ዓውሴ፤
 ያኣዛሢያ! ዑካዲ ታና ማኣዴ።

14 ታና ዋዳኒ ኮዓ ዓሳ ቢያ ቦርሲንቶንጎ፤
 ዔርቶ ዒዲ ካራ ዔያቶም ባይቆንጎ፤
 ታና ፑርታ ባኣዚ ሄላንዳጉዲ ማላዘንሢም ቢያ

ቦርሲንቲ ማግኔፖ።
15 ታ ሎኦሚሂር፡- «ሂዮ! ማዳ!» ጋዓዘንሂ
ፔኤሮ ቦርሲንቲና ዲቃቶን።

16 ኔና ኮዓዘንሂ ጋዓንቲ ቢያ ዎዛዶን፤
ኮሺ ዑሣ ዓኣጴያ ዎዛዶን፤
ቢያ ዎዴ ኔ ዓውሲያ ናሽካዘንሂ
«ናንገና ናንጋ ጎዳ ጴጌፒኬ!» ጎዶን።

17 ታ ጾካዛሂዮ! ታኣኒ ሜታጴ ዓሲኬ፤
ጋዓንቲ ኔኤኒ ታና ዋለባኣሴ፤
ኔኤኒ ታኣኮ ማኣዳሂና ዓውሳሂ ማዔ ጎይጾና
ሃሂያ ዑኬና ታና ማኣዴ።

41

ዓይነቱ ሱኡጋሂ ዓይህ ጎይጾና ዓይናዲንታ ዳውቴ ዓይነቱ
ዓሲ ሃርጊንታጾ ሸኢቃ ሸኢጲሂ

1 ማንቆ ዓሶ ማኣዳ ዓሳ ዓንጃንቲያኬ፤
ዔያታ ሜታጴ ዓቦና ናንገና ናንጋ ጎዳ ዔያቶ ማኣዳ።

2 ዒዚ ዔያቶ ካፓኔ፤
ሸምፔናኣ ጌሃኔ፤
ሳጾዳ ዔያቶ ዓንጃኔ፤
ዔያቶኮ ሞርኮማኣ ዓኣሂ ዒንጉዋሴ።

3 ሃርጊንቲ ዔያታ ለሃዘ ናንገና ናንጋ ጎዳ ዔያቶ ማይሃኔ፤
ፓሂያ ዔያቶ ፓሃኔ።

4 ታኣኒያ፡- «ናንገና ናንጋ ጎዳሂዮ!
ታ ዳቤሂር ታና ሚጨንቲ ማኣሬ፤
ሃርጎይዳፓኣ ታና ፖሲሴ» ጌዔ።

5 ታ ሞርካ ታ ዑፃ ፑርቱሞ ጌሰታ፡-
«ዓይዲ ዒዚ ሃይቃንዳይ?
ሱንፃ ዓዛኮ ሳጾዳፓ ዋለንታንዳሂ ዓይዲ ናንዳይ» ጋዓ።

6 ታና ዔያታ ጾኦጼኒ ሙካሂ ዒናፓቱዋሴ፤
ታ ዑፃ ፑርታ ባኣዚ ጌሰታ፤
ዲማ ዲማ ቤዘ ሃንቲ ሃንቲ ሱንፃ ዔያታ ታኣኮ ፑርቲሳ።

7 ሞርካ ታኣኮ ዎላ ፔቴ ማዒጋፓ ታ ዑፃ ካሽካሻኔ፤
ፑርታ ታና ሄለንዳጉዲ ፑርቱሞ ማላ።

8 ዔያታ ማላ፡- «ዒዚ ሃርጊንቲ ሃይቃኒ ዑኬኔ፤
ማይ ላሄ ቤዛፓ ዒዚ ዔቃዓኬ» ጋዓ።

- 9 ታኣኮ ካሦ ታኣና ዎላ ሙዔህ
 ታ ጉሙርቃ ዑኬ ማዔ ለጋህ
 ዬይያ ዓቱዎ? ሞርኬ ማዔ ታ ጊዳ ዔቄኔ።
- 10 ናንጊና ናንጋ ጎዳህዮ! ኔኤኒ ጋዓንቲ ታና ሚጨጎንቲ፤
 ታ ሞርኮ ኮሚ ታ ኮፃንዳጉዲ ታና ፓህ።
- 11 ታ ሞርካ ታና ባሺያና ዎዛዲ ዴዒንዳዎሴ፤
 ዬያና ኔኤኒ ታና ናሽካያ ማዔህ ታ ዔሬኔ።
- 12 ታኣኮ ጂሉሞሮ ኬልቂ ኔ ታና ዓርቄኔ፤
 ናንጊና ኔ ኮራ ኔኤኒ ታና ናንጊሻንዳኔ።
- 13 ናንጊና ናንጊ ሄላንዳኣና
 ናንጊና ናንጋ ጎዳ ማዔ ዒሰራዔኤሌ ያኦዛህ ጋላቲንቶንጎ!

ዓኣሜን! ዓኣሜን!

ለምዓሳ ፓቂያ

42

(ዓይኑ. ማፃ ዓይ. 42—72)

- ዓይነቱ ሱኡጋህ ዓይህ ጎይያና ቆሬ ናኣታ ኬኤዚ ዔርዜ ባኮ
 ዒዲ ደውሶ ዎዴና ሺኢቆ ሺኢዲህ
- 1 ሮኦቶ ዴኤቢንቲ ዓልቃ ዎኣህ ዴንቃኒ ኮዓህጉዲ
 ያኦሲዮ! ታ ሼምፓህያ ኔና ዴንቃኒ ዴኤቢንቲ ኮዓኔ።
- 2 ታ ሼምፓህያ ያኦሲ፥ ናንጊና ባይቁዎ ያኦዛህ ዴኤቤኔ፤
 ዓይዲ ታኣኒ ሄሊ ያኦሲኮ ዓኣፖ ካሮ ዘጋንዳይ?
- 3 ዓሳ ቢያ፡- «ያኦዛህ ኔኤኮ ዎካዳያ?» ጋዓ ዎደና
 ዓቢፃ ታኣኮ ሮኦሮንታ ዎንቶዎ ሙኡዚ ማዔኔ።
- 4 ታኣኒ ዓሶኮ ዓርና ማዔ
 ሚርጌ ዓሶና ዎላ ያኦሲ ማኣሪ ዴንዳኔ፤
 ቦንቾ ኬሎ ቦንቻ ዓሳ ዓይነቱና ዒላሺህና
 ናንጊና ናንጋ ጎዳ ጋላታኔ፤
 ዬያ ታኣኒ ሚናኣ ናንጎ ማላዛ
 ዒና ታኣኮ ያዪህና ዎኣፃኔ።
- 5 ታኣኒ ዓይጎሮ ዎዛ ቲቃንዳይ?

ዓይገንዳር ታ ማታዳንዳይ?
ታኣኒ ያኦሲ ጉሙርቃኔ፤
ዒዚ ታና ማአዳሂርባ ታ ጋላታኔ።

- 6 ታ ያኦዛሂዮ! ታ ዎዛ ተቁኔ፤
ሼምፔላ ታኣኮ ያዬኔ፤
ዬያር ዮርዳኖሴንታ ዓርሞኒዔሜ ዓጮይዳ ዓአ
ሚዛሬ ዲካ ዳዒ ታ ኔና ማላኔ።
- 7 ኔኤኮ ሶኦሪንታ ዋኣዎኮ ጉኡሚፃፓ ዔቁያና
ፔቲ ቁልባ ባጎ ቁልቦ ዔኤላኔ፤
ኔኤኮ ዋኣዎ ጉዳሂ ዠባራ ዲኡኪ ታና ባይዜኔ።
- 8 ናንገና ናንጋ ጎዳ ፔ ማአሪዎ ሮኦራ ዳካኔ፤
ዋንቶ ታ ዒዛም ዓይናዳ ዓይኑም ታኣኮ ዓአኔ፤
ታ ናንጎኮ ያኦዛሂያ ታ ሺኢቃኔ።

- 9 ታኣኒ ታ ያኦዛሂ፥ ታኣኮ ላላሂም፡-
«ኔኤኒ ታና ዓይጋ ዋሌይ?
ሞርካ ታና ዋኣዩሴም ዓይጋ ታ ያዩ ሃንታዎ?» ጋዓንዳኔ።
- 10 ሞርካ ታኣኮ ቢያ ዎዴ፡- «ያኦዛሂ ኔኤኮ ዎካ ዓአዎ?» ጌዒ
ቶኦቻ ዎድና ማጌፃኣ ታኣኮ ዓቴዎዎ ቆፃኔ።

- 11 ታኣኮ ሼምፔሌ ዓይጋ ኔ ያያይ?
ዓይጋ ኔኤኒ ሻሊንታይ?
ጉሙርቁዎ ዎዞ ኔኤኮ ያኦዛሂዳ ማሄ፤
ታና ዓውሳያ ማዔ ታ ያኦዛሂ ሃጋኣ ታኣኒ ጋላታንዳኔ።

43

ዒዲ ዳውሶ ዎዴና ሺኢቆ ሺኢጲሂ

- 1 ያኦሲዮ! ታኣም ዎጌ፤
ኔና ጉሙርቁዎ ማሌ ዳርና ዎላ ታ ዛሎ ሞኦቲንቴ፤
ፑርቶ ማዳ ዓሶና ጌሻ ዓሶናይዳፓ ታና ዓውሴ።
- 2 ታ ያኦዛሂዮ! ኔኤኒ ታኣኮ ደዶ ዋርዲያሂኬ፤
ኔኤኒ ታና ዓይጋ ሃሻይ?
ሞርካ ታና ዓይጋ ሮኦጋሲ ያዩሳይ?
- 3 ኔኤኮ ፖዖና ጎኑሞና ታኣም ዳኬ፤
ዔያታ ታና ዔኪ ኔኤኮ ዲማዴ ዲኮ

- ኔኤኮ ዋርቆ ማኣሮዋ ታና ሄሊሶንጎ።
- 4 ታኣኒ ያኦሲም ዒንጎ ባኮ ሺኢሽ ቤዞ ዓኣዳንዳኔ፤
ሃይማ ፓጩኔ ጌይሱዖ ዋዛሳ ያኦዛሢ ባንሢ ታ ዴንዳንዳኔ፤
ናንጊና ናንጋ ጎዳ ማዔ ታ ያኦዛሢዮ!
ሚርጌ ሻዦ ዴንሃ ጎኦሎ ዋርቁ ዋርቁ ታ ኔና ጋላታንዳኔ።
- 5 ታኣኮ ሸምፔሌ ዓይጋ ኔ ያያይ?
ዓይጋ ኔኤኒ ሻሊንታይ?
ጉሙርቁዖ ዋዞ ኔኤኮ ያኦዛሢዳ ማሄ፤
ታና ዓውሳሢ ማዔ ያኦዛሢ ሃጊ ታ ጋላታንዳኔ።

44

ዓይነጥ ሱኡጋሢ ዓይሢ ጎይዖና ቆሬ ናኦታ ኬኤዚ ዔርዜ ባኮ
ማኣዶ ኮዒ ሺኢቆና ሺኢጲሢ

- 1 ያኦሲዮ!
ሚናኣ ዋዶና ኔኤኒ ማዴ ባኮ ቢያ
ኑኤኒ ኑ ዋዮና ዋይዜኔ፤
ኑኤኮ ቤርታኣ ዓዶንሢ ዔያቶ ዋዶና
ኔኤኒ ዔያቶም ማዴ ዲቃሢ ዓኮ ባኮ ኑም ኬኤዜኔ።
- 2 ሚናኣ ዋዶና ኔኤኒ ማዴ ባኮ ቢያ
ኑ ዓዶንሢ ኑም ኬኤዜኔ፤
ዬይያ፡- ኑ ዓዶንሢ ቤዞ ጌልዛኒ
ሜሌ ዴሮ ኔኤኒ ዳውሴኔ፤
ዔያቶ ጊኢጊሺ ዴይሢኒ ቤርታ ዒኢካ ናንጋ ዓሶ ኔ ባይዜኔ።
- 3 ዓጩሎ ዔያታ ዓርቁሢ ዔያቶ ጩንቾ ዓፓሮና ያሊቱዋሴ፤
ባሺ ዔያታ ዔኬሢያ ዔያቶ ዋልቁናቱዋሴ፤
ዬያ ቢያ ዔያታ ማዴሢ ኔኤኒ ዔያቶ ናሽኬሢሮና
ዔያቶና ዋላ ማዒ ኔኤኮ ዋልቆና ደዴሞና
ዔያቶ ኔ ማኣዴሢሮኬ።
- 4 ኔኤኒ ታኣኮ ካኣቲኬ፤
ጊንሢ ሃሢ ኔ ታኣኮ ያኦዛሢኬ፤
ያይቆኦዜ ዜርዖ ማዔ ኔ ዴራ
ባሻንዳጉዲ ማዴሢ ኔናኬ።
- 5 ኔ ኑና ማኣዴም ኑ ሞርኮ ኑ ባሻኔ፤
ኑ ዑፃ ዔቃ ዓሶ ኔ ሱንዖና ኑ ዳውሲሳኔ።
- 6 ታኣኒ ታኣኮ ሂኢዦ ጉሙርቁዋሴ፤
ታኣኮ ጩንቾ ዓፓራኣ ታና ዓውሱዋሴ።

- 7 ኑ ሞርካፓ ኑና ዓውሳንዳሢ ኔናኬ፤
ኑና ዒፃ ዓሶ ቦርሲሳንዳሢ ኔናኬ።
- 8 ጾኑሲዮ! ኔኤና ኑ ሄርሺንታኔ፤
ሱንጾዋ ኑ ኔኤኮ ናንገና ጋላታኔ።
- 9 ሃሢ ጋዓንቲ ኔ ኑና ኬኤሬኔ፥ ቦርሲሲያ ቦርሲሴኔ፤
ኑኤኮ ጾሎ ዓሶና ዎላ
ኔኤኒ ኬሰኪጾዋ ሃሼኔ።
- 10 ኑኤኮ ሞርኮ ቤርታፓ ዓኣሺንቲ ጳሽካንዳጉዲ ኔ ኑና ማሄኔ፤
ኑ ሞርካኣ ኑኤኮ ዓኣ ባኮ ቢያ ቡሬኔ።
- 11 ኔ ኑና ሹኪንታ ማራይጉዲ ማሄኔ፤
ሜሌ ዴር ዓጫ ኔ ኑና ዜርቄኔ።
- 12 ዴር ኔኤኮ ኔ ዳካ ሚኢሺም ሻንቹኔ፤
ዴያ ኔ ሻንቹጾና ቃሲ ዴንቄ ባኣዚ ባኣሴ።
- 13 ኑኤኮ ዓሺና ኑና ጫሽካንዳጉዲ
ኑ ኮርይዳ ዓኣ ዓሶማኣ ኑ ሚኢቹ
ሃሢ ዓማሊ ባኣዚ ማዓንዳጉዲ ኔ ማዴኔ።
- 14 ዴሬ ኑ ዛላ ጌሰቲ ዓማሊያ
ቶኣቹሢና ቶኣኮዋ ፔኤኮ ዓገሃንዳጉዲ ኔ ማዴኔ።
- 15 ቢያ ኬላ ዓኣፖ ካራ ታኣኮ ዳውሲንቲናኬ፤
ቢያ ባኣዚና ታ ቦርሲንታያ ማዴኔ።
- 16 ታኣኒ ያዲ ማዴሢ
ሞርካ ታኣኮ ኮሞ ኮፃ ዎዶና
ሜሌ ዓሳ ቄኤዲ ታና ቶኣቻሢ ዋይዜሢሮኬ።
- 17 ዴይ ቢያ ኑና ሄሌሢ
ኔና ኑ ዋለባኣንቲ፥ ኔኤኮ ጫኣቄሞ ኑ ሃሺ ሻሂባኣንቲኬ።
- 18 ዲና ኑኤኮ ኔኤም ጉሙርቄንታ ጎይሢ ዓኣንቲኬ፤
ቶካኣ ኑኤኮ ኔ ጎይፓፓ ኬሰኪባኣሴ።
- 19 ኔኤኒ ጋዓንቲ ቦዓ ፔኤቃ ቤዛ ማንሢ ኑና ኬኤሬኔ፤
ሻኔ ዲሚና ኔ ኑና ባይዜኔ።
- 20 ኑ ጾኣዛሢኮ ሱንጾ ኑ ዋሊ
ኩጮዋ ሜሌ ጾኣዛ ባንሢ ዔቄሴያ ኑ ማዴቲ፥
- 21 ኑ ጾኣዛሢ ዴያ ዔሩዋዓዳ?
ዒዚ ዲናይዳ ዓኣ ባኣዚ ዔዔራያኬ።
- 22 ጋዓንቲ ኔ ዛሎ ኬላ ኬላ ኑ ሃይቄጾ ዓቲ ዓቲ ዓኣኔ፤

ሹኪንታ ማራይጉዲያ ኑ ፓይዲንቴኔ።

23 ናንጊና ናንጋ ጎዳሢዮ! ዔቄ! ዓይጋ ኔ ጊንዓይ?

ዔቄ! ናንጊና ኑና ኔ ከኤሪ ሃሺፖ!

24 ኔኤኮ ዓኣፖ ካሮ ኑ ጊዳፓ ኔ ዓይጋ ሸርሻይ?

ኑኤኮ ሜታዲያና ሄርቁንቲ ዎይዎ ዓይጋ ኔ ዋላይ?

25 ሳዎ ከዲ ሄላኒ ዑኪ ኑ ኩንቴኔ፤

ዒኢካ ኑ ሎኦሚ ላሄኔ።

26 ዔቁጋፓ ኑና ማኣዲኒ ሙኩ!

ኔኤኮ ናንጊና ናንጋ ናሹሞሮ ጌይጋፓ

ጊንሣ ማሂ ኑና ሻንቁ ዔኪ ዓውሴ!

45

ዓይነቱ ሱኤጋሢ ዓይሣ ጎይዎና ዛዬና ዓይናዲንቴ ቆሬ ናኣታ
ዔርዜ ባኮ

ናሹሞ ዛላ ካላሊ

1 ዒና ታኣኮ ኮሺ ማላሢ ከሳኔ፤

ታኣኒ ጊኢጊሼ ካላሎ ካኣቲሞ ዎይዚሳንዳኔ፤

ዳንጋ ታኣኮ ዔሮ ዓሲ ዓርቁ ፃኣፓ ቢዒሬጉዲኬ።

2 ሚዛጵማ ኔኤሲ ዓሲዳፓ ቢያ ባሼኬ፤

ኔኤኒ ጌሰታ ጌኤዛኣ ሄርሺሳያኬ፤

ዬያሮ ናንጊና ናንጋ ጎዳ ኔና ዓንጃኔ።

3 ቦንቾና ዲቃሥሢና ኩሜ ዎልቆ ካኣቲዮ

ጨንቾ ዓፓሮ ኔኤሲ ቱኬ።

4 ጎኑሞንታ ፒዜ ዎጌንታ ዒሉሞንታ ዛላ

ኔኤኮ ዲቃሣ ፑኡፑሞና ባሻኒ ቱኡቲ ከሰኬ፤

ሚዛቆ ኩጫ ኔኤኮ ዲቃሣ ዓኮ ባኮ ማዶንጎ።

5 ሂኢዥ ኔኤሲ ዎርቁንቴያኬ፤

ኔ ሞርኮኮ ሳዞ ዲካንዳኔ፤

ዓጮ ካኣታ ባሺንቲ ኔ ቢታንቶ ዴማ ሎኦማንዳኔ።

6 ዎኣዛሢዮ! ኔኤኮ ካኣቱሞ ዎይታ ናንጊና ናንጋኔ፤

44:22 44:22 ሮሜ 8:36።

ካአቱሞ ኔኤሲ ፒዙሞና ኔ ዎይሣያኬ።

7 ጂሉሞ ኔኤኒ ናሽካኔ፤

ዎይዚ ዒዒሢ ኔኤኒ ናሽኩሞሴ፤

ዬያሮ ናንጊና ናንጋ ጎዳ ማዔ ያኦዛሢ ኔና ዶኦሬኔ፤

ኔ ላጎይዳፓ ባሼ

ቶኦኮ ኔኤኮ ዎዛ ዛይቲና ዒ ቲሽኬኔ።

8 ከርቤንታ ዒሬቴንታ ቢሬጉዴንታፓ ኮሺንቴ ሳውቃ ባካ

ኔኤኮ ካአቱሞ ዓፒሎይዳ ፑኡኪንቴኔ፤

ዳርዘ ዓጮና ሚዛጲሶና ካአቱሞ ማኦራ

ሚርጌ ሻዡ ዴንሢ ዎርቆ ጎኦሎ ዎርቆዛ ኔና ዎዛሳኔ።

9 ኔኤኮ ካአቱሞ ማኦራ ዓኦ ዉዱሮ ናኦቶ ባኦካ

ካኦቶ ናኦቶ ማዔ ዉዱራሢ ዓኦኔ፤

ጌኤሻ ጌኤሻ ዎርቆና ሚዛጲሶና

ሚዛጲ ዓፒላ ማይንቲ

ኔኤኮ ካአቱሞ ያይቶኮ ሚዛቆ ዛላ ዔቄኔ።

10 ኔኤኒ ታ ናዔሌ!

ታኦኒ ኔኤሞ ጋዓ ባኮ ዎይዜ፥ ሃይሶዎ ታኦኮ ዒናፓ ዎይዜ፤

ኔኤኮ ዓዶ ማኦሮንታ ዴሮንታ ዎሊ ሃሼ።

11 ሚዛጲማ ኔኤኮ ካአቲ ዒኖ ባይዜኔ፤

ጋዓንቴ ዒዚ ኔኤኮ ጎዳታሢሮ ዒዛ ቦንቹ።

12 ያርሴኮ ዉዱሮ ናኦታ ዒንጎ ባኦዚ ኔኤሞ ዔኪ ዬዓኔ፤

ያርጎጮ ዓሳኦ ቃይሺ ኔና ሺራኔ።

13 ካአቲኮ ናኦ ቶኦካፓ ቶኮ ሄሊ ፓልሚ ዑኡቱሞ ማኦራ ዓኦኔ፤

ማኦሳሢያ ዒዛኮ ዎርቆ ሌሊኬ።

14 ዒዛ ፔኤኮ ሚዛጲ ማኦሳሢ ማኦሳ

ካአቲ ኮራ ዔውቲ ዓኦዳኔ፤

ዒዛኮ ዔርጎና ዉዱራሢያኦ ዒዛ ጎኦቢሣኔ።

15 ኮሺ ዎዛዲ ዎዛዲ

ካአቲ ማኦሪ ዎላ ዔያታ ጌላንዳኔ።

16 ዓቲንቆ ናኦታ ኔኤኮ ዓዶንሢ ቤዘ ካአቱሞ ጌላንዳኔ፤

ዎይሣንዳ ዓሶ ማሢ ዓጮ ቢያይዳ ኔ ዔያቶ ዶኦራንዳኔ።

17 ሱንያ ታ ኔኤኮ ሸይንቶ ቢያሢሞ ማላታ ማሃንዳኔ፤

ዬያሮ ዴሬ ናኦናና ኔና ሄርሼ ጎይሣ ናንጋንዳኔ።

45:7 45:7 ዒ.ብ. 1:8-9።

46

ዓይነቱ ሱኩጋህ ዓይህ ጎይጾና ዓላሞዜህ ዓይናዲንታ ቆሬና ኣቶ ዓይነቱ

ጾኦሲኮ ኩኡና ዋላ ማዒጾ

1 ጾኦሲ ኩኡኮ ፑኖ ካያህና ዋልቃህናኪ፤

ኩና ሃላ ማታህና ቢያ ኩኡኮ ዑኪ ማዒ ማኣዳህኪ።

2 ዬያሮ ሳዓ ዓገጃቴታጾ

ዲካኣ ዔቶ ባዛ ዔኤዲንቴቴያ ኮ ዒጊጩዋሴ።

3 ባዞ ዋኣፃ ጉኡሚ ዓገጃቴያ

ዲካ ዬያ ዋኣፃ ኩሚፃፓ ዔቁያና ዓገጃቴያ

ኩኡኒ ዲቃታዓኪ።

4 ጾኦሲኮ ካታሞ

ዲኤፖ ጾኦዛህኮ ዲማዴ ማኣሮ

ዋዛሳያ ማዔ ዋታ ዋኣህ ዓኣኔ።

5 ጾኦሲ ዬኖ ካታሚሎ ባኣካኪ፤

ዒዛ ዓገጃያ ዓገፃዓኪ፤

ጉቶ ዓማ ዒዞ ዒ ማኣዳንዳኔ።

6 ዴሬ ዋኦቶንዶ ካራ ባይዜኔ፤

ካኣታኣ ሎኦሚኔ፤

ናንገና ናንጋ ጎዳ ዑኡዞ ፔኤሲ ዋይዚሴ ዋዶና

ሳዓ ዓልቃኔ።

7 ቢያ ባኮ ዋይህ ጎዳ ኩኡና ዋላኪ፤

ያይቆኦይ ጾኦዛህ ኩኡኮ ፑኖ ካያህኪ።

8 ናንገና ናንጋ ጎዳኮ ማዶ

ሳጾይዳኣ ዒ ማዴ ዓኮ ባኮ ዛጋኒ ሃኒ ሙኩዋቴ።

9 ዓይፃፓ ዴንዲ ጋፖ ሃላንዳኣና

ሳዓፓ ያልዚ ዒ ባይዛንዳኔ፤

ሂኢኾ ሚንሃንዳኔ፤

ዋርጾዋ ጋኣጩንዳኔ፤

ገቲሞዋ ታሚና ሚቻንዳኔ።

10 ሃውሹዋቴ፥ ታኣኒ ጾኦሲ ማዔህያ ዔሩዋቴ፤

ታኣኒ ዴሮ ቢያ ባኣካ ዴግ ዴገ ጋዓንዳኔ፤

ሳጾ ዑፃኣ ታኣኒ ፑኡፒ ዴዳንዳኔ።

11 ቢያ ባኮ ዋይህ ጎዳህ ኩኡና ዋላኪ፤

ያይቆኦይኮ ጾኦዛህ ኩኡኮ ፑኖ ካያህኪ።

47

ዓይነቱ ሱኡጋህ ዓይህ ጎይጾና ዓይናዲንታ ቆሬ ናኣቶ ዓይነቱ
ጾኦሲ ዓጮኮ ቢያ ካኣቲ፣ ማዔህሂ

1 ዳሬዮቴ ቢያ ኩጮ ዒንህኮ ባዑቀቲ!

ዑኡዘቀ ዒንህኮ ዳጊዲ

ጾኦሲም ዒላሹቀቲ!

2 ዓጮ ቢያይዳ ዳኤፒ ማዔ ካኣታህ

ዳኤፒ ማዔ ናንጊና ናንጋ ጎዳ ዒጊቻያኩ።

3 ዒዚ ዳሮ ኑ ቢታንቶ ዳማ ማሄኔ፤

ካኣታ ኑ ዳማ ማዒ ዋርቃንዳጉዲ ማዳኔ።

4 ዒዚ ናሽካ ያይቆኦቤም ቦንቾ ማዔ

ኑኡኮ ዳኔሎቀ ዒዚ ኑም ደኦሬኔ።

5 ዓሳ ዒላሻኣና፣ ዛያሂያኣ ዋርቃኣና

ጾኦሲ ፔ ካኣቲም ያይቶ ቤዘ

ናንጊና ናንጋ ጎዳ ሌካ ዒ ዳዓ ቤዘ ኬሰኬኔ።

6 ዓይናዲቀቲ፣ ኑ ጾኦዛህም ዓይናዲቀቲ!

ዓይናዲቀቲ፣ ኑ ካኣቲም ዓይናዲቀቲ!

7 ኑ ጾኦዛህ ዓጮ ቢያኮ ካኣቲኬ፤

ዬያሮ ጋላታ ዓይነቱም ዒዛም ዓይናዲቀቲ!

8 ጾኦሲ ፔኤኮ ደማዳ ካኣቲም ያይታ ዳዔኔ፤

ዓጮ ዳሮቀ ዋይህህ ዒዛኬ።

9 ዓብራሃማ ጾኦዛህ ዳሮና ዋላ

ዓጮ ዳሮኮ ሱኡጋ ቡኪንቴኔ፤

ዓጮ ካኣታኣ ዒዛሮኬ፤

ዒዚያ ኮሺ ዳግ ዳጊ ጌዔያኩ።

48

ቆሬ ናኣቶ ዓይነቱ

ጾኦሲ ካታም ማዔ ጂዮኔ

1 ናንጊና ናንጋ ጎዳ ዳኤፒኬ፤

ኑ ጾኦዛህ ካታምይዳ፣ ዒዛም ደማዳ ዳካ

ዳጊ ጌዔ ጋላታ ዒዛም ጋላቲንታንዳያ ኮይሳኔ።

2 ዓጮ ቢያኮ ዋዛ ማዔ

ኬዶ ባንጾና ሃኬና ዳዳ ዳጌ ቤዘይዳ ሚዛጳ ጂዮኔ ዳካ

- ዳኤፖ ካኣታሢ ካታሞኬ።
 3 ጾኣዛሢ ሲዘኮ ዋርዲዮ ጋራ ማዒ
 ሲዘኮ ገቲማሢ ማዒፆ ማርካሴ።
- 4 ካኣታ ዎላ ቡኪንቲ ሙኬ፤
 ሴያታ ዎላ ዑፃ ያሎሮ ጎሴ።
- 5 ጋዓንቲ ሴያታ ዬኖ ካታሜሎ ዛጋዎ ዲቃቲ፤
 ሲገጨያ ጳሽኬ።
- 6 ሸይቹ ዓርቁ ላኣለጉዲ
 ሲኣካ ጎጋይቁ ሴያታ ዚኪንቲ።
- 7 ዓባ ኬሰካ ባንጾ ዠባራ
 ቲርሴሴ ዓጮኮ ዋኣፆ ካኣሚሎ ሜንሣሢጉዲ
 ኔኤኒያ ሴያቶኮ ዎልቆ ላቢሲ ጎቃይሴ።
- 8 ናንገና ናንጋ ጎዳ ማዴ ባኮ ኑ ዎይዜሢጉዲ
 ቢያ ባኮ ዳንዳዓ ጎዳሢ ካታማ ዬኖ ጎይፆ ማዓንቲ
 ኑ ዓኣፒና ኑ ዛጌ፤
 ሲዚ ዬኖ ካታሜሎ
 ናንገና ዶዲሺ ዴይሣንዳ።
- 9 ጾኣሲዮ! ኑኡኒ ኔኤኮ ጌኤዦ ማኣርይዳ ማዒ
 ኔኤኮ ማኣሪፆ ኑ ማላ።
- 10 ጾኣዛሢዮ! ኔና ጋላቲፆ ዓጫ ማዔ ካርና ሄሌሢጉዲ
 ሱንፆኣ ኔኤኮ ሲማ ጎይፆ ማዔ።
- 11 ኔኤኒ ፒዜ ዎጋያ ማዔሢሮ
 ጂዮኔይዳ ናንጋ ዴራ ዎዛዳ፤
 ዪሁዳ ካታማ ናንጋ ዓሰዋ ዎዛሳ።
- 12 ዎላ ገንፆ ኬሰኪ ጂዮኔ ሸሩዎቲ፤
 ሲዘ ዴዒ ካፖ ሴኤሎዎ ፓይዱዎቲ።
- 13 ሲንሢ ሙካ ሸይንቶሞ ኬኤዛኒ
 ሲዘኮ ዶዶ ኬኤሎ ዲፆዎ ማሊ ጳቂሁዎቲ፤
 ዋርዲዮ ቤዘዎ ዛጉዎቲ።
- 14 ሲንሢ ሴያቶሞ ኬኤዛንዳሢ፡- «ጾኣሲ ያዲኬ፤
 ኑ ጾኣዛሢ ናንገና ናንጋያኬ፤
 ሴካ ቤርቲማኣ ሲ ኑና ዔኪ ዓኣዳንዳ።» ጌዒኬ።

49

ዓይነቱ ሱኩጋህ ዓይህ ጎይጾና ዓይናዲንታ ቆሬ ናኦቶ ዓይነቱ
ቆሎ ጉሙርቁህ ዔኤዩሞ ማዒያ

1 ዓሳ ቢያህ ዋይዙዋቴ!
ዓጮይዳ ናንጋ ዳራ ቢያ ዋይዙዋቴ!

2 ዒንህ ሂርኬ ዓሶንታ ደጌ ዓሶንታ
ጾርጎጮንታ ማንቆንታ
ሃያ ዋይዙዋቴ።

3 ዳንጋ ታኦኮ ዔራቶ ጌኤሲ ጌሰታኔ፤
ታኦኮ ዒኖ ማሊፃኦ ማሊ ጰቁሥህ ዔርዛኔ።

4 ዋዮ ታኦሲ ታኦኒ ኮኦኪንሆ ባንህ ማሃንዳኔ፤
ታኦኮ ዓኦቹዋ ሚርጌ ሻዡ ዳንህ ዋርቆ ጎኦሎ
ዋርቁ ታ ፔጋሳንዳኔ።

5 ፑርታ ኬሊ ሙኬም ፑርቶ ዓሳ ታና ማንጋኦና
ታኦኒ ዓይጋ ዒጊጮይ?

6 ዬያጉዲ ሃህ ፔኤኮ ቆሎ ጉሙርቃዘንህና
ፔ ጾርጎቹሞና ሂርሺንታ ፑርቶ ዓሳ
ታና ማንጌቴያ ዓይጋ ታ ዒጊጮይ?

7 ሜሊህኮ ሺምጋህ ማሃ ሻንቁ ዓውሳኒ ዳንዳዓ ዓሲ
ጊንህ ሃህ ዬያ ማሃያ ሚኢሾ ጾኦሲም ጨጋኒ ዳንዳዓ ዓሲ
ፔቴታዎ ባኦሴ።

8 ዓሲኮ ሺምፔ ዛላ ሚኢሾ ጨጊህ ሚርጌ ሜቶኬ፤
ዋዘጉዳ ሚርጌ ሚኢሾ ጨጊንቴቴያ ጊዲዋሴ።

9 ሃይቁዋጉዲ፣ ዲኡኪንቴዋጉዲ
ናንጊና ናንጋያ ማሃኒ
ዋዘጉዳ ሚርጌ ሚኢሾ ጨጊንቴቴያ ጊዲዋሴ።

10 ዔሮ ዓሳ ሃይቃያ ማዔህ ዔርቴያኬ፤
ዬይ ዔሮ ዓሳ ዔኤዮና ቤልጾ ዓሶና ዋላ ሄኮ ሃይቃኔ፤
ዬያታ ቢያ ቆሎ ፔኤኮ ሃሺ ዳንዳኔ።

11 ሚርጌ ዳኖም ዔያታ ፔ ሱንህ ሱንህ ጌህ ዔኤሌታቴያ
ዔያቶኮ ዲኡጋ ናንጊና ናንጎ ማኦር

ሾይንታጋ ሾይንቲ ሄላንዳኦና
ዬይ ዔያቶኮ ናንጎ ቤዘ ማዓንዳኔ።

12 ዓሲ ፔኤኮ ቆሎና ቦንቹንቴ ጎይህ ጋፒንህ ሄሉዋሴ፤
ጴዲ ባይቃ ቆልሞ ማላኔ።

- 13 ዬይ ፔና ጉሙርቃ ዔኤዮ ዓሶና
 ዔያታ ጋዓ ባኮ ዋይዚ ዔካ ዓሶናኮ
 ጋፒንዖ ካሮኬ።
- 14 ማራይጉዲ ሳዓ ዴሜሞ ዔያታ ጊኢጌያኮ፤
 ሃይቢ ዔያቶ ማራይ ሃንቆሢጉዲ ሃንቃንዳኔ፤
 ፒዜ ዓሳ ጉቴና ዔያቶ ዋይሣንዳኔ፤
 ፔኤኮ ቦንቸንቴ ማኣራፓ ሃኪ ሳዖ ዴማ ዔያታ ዋዓንዳኔ።
- 15 ዖኦሲ ጋዓንቴ ሸምፓሢ ታኣኮ ሳዖ ዴማፓ
 ማሂ ሻንቁ ዔካንዳኔ፤
 ጎኔና ዒዛ ቤርታ ታኣኒ ዔርቴያኬ።
- 16 ዓሲ ዖርጎቹ ማዓዛ
 ዖርጎቹማኣ ሚርጊ ሚርጊ ዓኣዳዛ
 ዒዛ ዒጊጨፖ።
- 17 ዒዚ ሃይቁ ዋዶና ዔኪ ዓኣዳንዳ ፔቴ ባኣዚታዖ ባኣሴ፤
 ዬይ ቆላ ዒዛና ዋላ ዱኡቲንዲዋሴ።
- 18 ዓሲ ፔኤኮ ናንጋ ዋዶማና ዋዛዴያታቴያ
 ቢያ ባካ ዒዛም ጊኢጌሢሮ ዒ ጋላቲንታያ ማዔቴያ።
- 19 ሃይቁ ለሚ ዒ ፖዒ ዛጉዋ ቤሲ
 ፔኤኮ ቤርታኣ ዓዶንሢ ባንሢ
 ዒዚ ዓኣዳንዳኔ።
- 20 ማሊ ጳቁሥሢ ባኣ ዖርጎቹ ዓሲ
 ካይዚ ቦዖጉዲ ጉሪ ሃይቁ ባይቃያኬ።

50

ዓሳኣፔ ዓይነቱ

- ዖኦሲ ዋዛሳ ጎኔ ካኣሺ
- 1 ዴኤፖ ዖኣዛሢ ማዔ ናንጊና ናንጋ ጎዳ ኬኤዛኔ፤
 ዓባ ኬሰካ ካራፓ ዴንዲ ጌላ ካሮ ሃላንዳኣና
 ሳዖይዳ ዓኣ ዓሶ ቢያ ዒዚ ዔኤላኔ።
- 2 ዖኦሲ ሚርጌና ሚዛጳያ ማዔ
 ዲዮኔ ካታማፓ ሸኤሪ ፖዓኔ።
- 3 ኑ ዖኦሲ ሙካንዳኔ፥ ዚቲ ጋዓዓኬ፤
 ዒዛኮ ቤርታ ዔኤታ ታሚ ዓኣኔ፤
 ኮሮይዳኣ ዋልቁና ዓኣ ዓልጎ ዢባሬ ዓኣኔ።
- 4 ዒዚ ፔ ዴሮ ዋጋ ዋዶና

- ጫሪንጮንታ ሳዖንታ ማርካ ማሂ ዔኤላንዳ።
- 5 «ዒንጎ ባኮ ታአም ሺኢሺያና ታአና ዋላ ጫአቄ ዓሶ
 ታአም ጉሙርቁንታያ ማዔ ታ ዓሶ
 ታ ቤርታ ቡኩሱዋቱ» ጋዓ።
- 6 ያኦሲ ፔኤሮ ዋጋያ ማዔሢሮ
 ጫሪንጫ ዒዛኮ ዴጊ ጌዔ ዓሉሞ ከኤዛ።
- 7 «ዒሰራዔኤሌ! ታ ኔ ዑፃ ማርካዶም፤
 ዒንሢ ታ ዴራ! ዋይዙዋቱ ታ ከኤዛም፤
 ታአኒ ናንጊና ናንጋ ጎዳ ማዔ ኔ ያኦዛሢ።
- 8 ኔኤኒ ታአም ዒንጋ ዒንጊዖር ታ ኔና ቦሁዋሴ፤
 ቢያ ዋዴ ሚቺ ኔ ዒንጋ ዒንጊፃ ታ ቤርታ ጴዳ።
- 9 ታአኒ ጋዓንቴ ኔኤኮ ሞኦፃፓ ዚዮ ጌማቶ
 ኔኤኮ ባርታፓ ኮላቶ ኮዑዋሴ።
- 10 ካዮ ቦዓ ቢያ
 ዲካ ሄንቃ፥ ሺያና ፓይዲንታ ቆልማ ታኣሮኬ።
- 11 ጫሪንጫ ካፖ ቢያ ታአኒ ዔራኔ፤
 ዓሳ ናንጉዋ ዳውሎይዳ ዓኣ ቦዓኣ ታኣሮኬ።
- 12 ሳዖንታ ዒኢካ ዓኣ ባካ ቢያ ታኣሮታሢሮ
 ዔያታ ናይዲንቴቲያ ታ ኔኤም ከኤዙዋሴ።
- 13 ታአኒ ዚዮ ጌማቶኮ ዓሽኮ ሙዓ?
 ኮላቶ ሱጉዖዋኣ ታአኒ ዑሽካ?
- 14 ያኦሲም ጋላታ ዒንጊሢ ሺኢሺ፤
 ናኣቦዋ ኔኤኮ ዴኤፖ ያኦዛሢም ዒንጌ።
- 15 ማታ ኔና ሄሌ ዋዶና ታና ዔኤሌ፤
 ታአኒ ኔና ዓውሳንዳ፤
 ዩካፓ ኔ ታና ጋላታንዳ።» ጋዓ።
- 16 ጎሞሲም ጋዓንቴ ያኦሲ፡-
 «ኔኤኒ ታኣኮ ዋጎ ናባባኒ
 ታኣኮ ጫአቄም ኔ ዳንጎና ከኤዛኒ
 ዓይጎ ዔራቶ ኔኤኮ ዓኣይ?
- 17 ጎሪ ታ ኔና ዘራ ዘሮ ኔ ዒፃ፤
 ቃኣሎ ታኦሲ ጊንሢም ከኤራ።።
- 18 ዉሲ ዓሲ ኔ ዴንቃዖ ዋላ ጳሽካ፤
 ዘኣዛ ኮኦማ ዓሰና ዋላ ፔቲ ኔ ማዓ።።»
- 19 «ኔ ዳንጋ ፑርታ ባኣዚ ጌሰታንዳጉዲ ኔ ሃሻ፤፤

- ጌኤዛ ኔኤኮ ቢያ ጌሺሢ ሌሊኬ።
 20 ደዒጋፓ ኔኤኒ ኔ ጌርሲ ደንካኔ፤
 ኔ ዒንዶ ናዖኮዋ ሱንፆ ፑርቲሳኔ።
 21 ዬያ ኔ ማዳንቴያ ታኣኒ ዚቲዮ ጌዔኔ፤
 ዬያር ታኣኒ ኔጉዲ ማዔያ ኔኤም ማላኔ፤
 ሃሢ ጋዓንቴ ፔጌና ታ ኔና ጎሪ ዙራኔ። »
- 22 «ዒንሢ ታና ቶኦቻ ዓሳ ቢያ ሃያ ዒና ዔኪ ዋይዙዋቴ፤
 ሃንጎ ታ ዒንሢ ባይዛንዳኔ፤
 ዒንሢ ዓውሳንዳያኣ ባኣሴ።
- 23 ታኣም ጋላታ ዒንገሢ ሺኢሻሢ ታና ቦንቻኔ፤
 ጎይፆ ፔኤሲ ፒዚሳሢም
 ያኦሲኮ ዓውሲፆ ታኣኒ ቤኤዛንዳኔ» ጋዓኔ።

51

ዓይነቱ ሱኡጋሢ ዓይሃ ጎይፆና ዓይናዲንታ ዳውቴ ዓይነቱ፤
 ዳውቴ ቤርሳቤሄ ዒኢሴያና ያኦሲ ማሊፆ ኬኤዛ ናኣታኔ ሙኪ ዒዛ
 ጎሪኔ።
 ማኣሪንታኒ ሺኢቁንቴ ሺኢጰሢ
 1 ያኦሲዮ! ኔኤኮ ኮሹሞጉዴያ ታና ማኣሬ፤
 ኔኤኮ ሚጨንቲፆ ሚርጉሞና
 ዳቢንቶ ታኣኮ ዓቶም ጌዔኔ።
 2 ዳቢንቶ ታኣኮ ጋፒሲ ማሰኬ፤
 ታ ጎማፓ ታና ጌኤሹ።

3 ታኣኒ ታኣኮ ዳቢንቶ ዔራኔ፤
 ቢያ ዋዴ ጎማ ታኣሲ ታ ቤርታ ታኣም ጰዳኔ።
 4 ታኣኒ ዋይዘ ዒዔሢ ኔኤምኬ፤
 ታ ኔ ቤርታ ፑርታ ባኣዚ ማዳኔ፤
 ኔኤኒ ዒፆ ባኮ ታ ማዳኔ፤
 ዬያር ኔኤኒ ታኣም ዋጌ ዋጊፆና
 ማታሢያ ሄሊሴሢ ፒዜኬ።
 5 ታ ዒንዳ ታና ጎጳዳማፓ ታኣኒ ጎማናኬ፤
 ሸይቴማፓ ዓርቃፆ ታ ዳቢንቴያኬ።

51:1 51:1 2ሳሙ. 12:1-15። 51:4 51:4 ሮሜ 3:4።

- 6 ኔኤኒ ፒዜ ማዕረግና ጎኑሞና ናሽካሢሮ
ኔ ዔራቶኮ ዓኣሺንቴ ባኮ ታና ዔርዜ።
- 7 ሂሶጾ ዒላዠና ታና ኮርዴ፤
ታኣኒያ ጌኤሽካንዳኔ፤
ታና ማሰከ፥ ሻቺዳፓ ባሺ ታኣኒ ቦኦራንዳኔ።
- 8 ዋዛ ዑኡሲ ኔ ታና ዋይዚሴ፤
ኔ ታኣኮ ማንህ ማጌፃ ዋዛዳንዳኔ።
- 9 ታኣኮ ጎሞ ዛጊፖ፤
ዳቢንቶዋ ታኣሞ ዓቶሞ ጌዔ።

- 10 ታ ጆኦዛሢዮ! ጌኤሺ ዒና ታኣሞ ዒንጌ፤
ፒዜ ማዔ ዓያና ጋራ ታኣኮ ጌህ።
- 11 ኔ ቤርታፓ ታና ሺኢሺፖ፤
ኔኤኮ ደማዳ ዓያኖዋ ታጊዳፓ ዔኪፖ።
- 12 ኔኤኒ ታና ዓውሴ ዋደና ዒንጌ ዋዞጉዴ ዋዛ ታኣሞ ዒንጌ፤
ዓይሢንታያ ማዓንዳጉዲ ታና ማኣዴ።
- 13 ዩካፓ ታኣኒ ዓይሢያ ኔኤኮ ካፑዋ ዓሶ ዔርዛንዳኔ፤
ጎሞ ዓሳኣ ኔ ባንሢ ማዓንዳኔ።

- 14 ታኣኮ ዳኤሻሢ ማዔ ታ ጆኦዛሢዮ!
ዓሲ ዋዳሢዳፓ ታና ኔ ካፔ፤
ኔኤኒ ዓውሳያ ማዔሢሮ ጋላታ ዓይኑሞ ታ ዓይናዳኔ።
- 15 ናንጊና ናንጋ ጎዳሢዮ! ዳንጎ ታኣኮ ቡሌ፤
ታኣኒያ ኔና ጋላታንዳኔ።

- 16 ዋንዴ ኔ ዒንጎ ባኣዚ ናሽካያ ማዔቲ
ታኣኒ ኔኤሞ ዒንጌያ ናንዳኔ፤
ሚቺ ዒንጎ ዒንጊፃኣ ኔና ዋዛሱዋሴ።
- 17 ጆኦሲሞ ዒንጊንታ ዒንጊሢ ማቄ ዒኔከ፤
ማቄያና ሂርኪ ጌዔ ዒና ዒዚ ቦሁዋሴ።

- 18 ጆኦዛሢዮ!
ፃዮኔ ማኣዳኒ፥ ዩራሳላማኮዋ ከኤሎ ዲያ ኮሻኒ
ሃዳራ ኔኤኒ ጌዔሢጉዲ ማጆንጎ።
- 19 ዩማ ዋደና ፒዜ ዒንጎ ዒንጊጆንታ
ሚቺ ዒንጎ ዒንጊጆናኣ ኔኤኒ ዋዛዳንዳኔ፤
ኑኤኒያ ኔኤሞ ዒንጎ ባኮ ዒንጎ ቤዛ ዚዮ ጌማቶ ሺኢሻንዳኔ።

52

ዓይነቱ ሱኪጋሢ ዓይሣ ጎይያና ዔራቶና ካላለገታ ዳውቴ ካላሎ፤ ዔደአሜ ዓሢ ደይቄ ሳኦጎኦ ኮራ ሙኪ፤ «ዳውቴ ዓቤሜሌኮ ማአሪ ሙኮኔ» ጌይ ኬኤዜያና ዓይናዲጎቴያኮ።

ያኦሲኮ ዎጎና ኮሹሞና

1 ዔዘ ዎልቆሶ ፑርቱሞና ዓይጋ ኔ ጨኢዲጎታይ?

ያኦሲ ዓኣፓ ኔኤኒ ቶኦቸጎቴያታ?

ቢያ ዎዴ ዎይቲ ኔ ዎቶርቃይ?

2 ኔኤኒ ጌሺሢ ታኣኮ ማዶኬ ጌዒ ዓርቄሦ

ዳጎጋ ኔኤኮ ዓጩ ሸጊሬጉዲ ሳይሲጎታ ሱኪ ሸራሬ።

3 ኮሹሞይዳፓ ባሼ ፑርቱሞ

ጎኑሞይዳፓ ሉኡዙሞ ባሼ ኔኤኒ ደኦራሬ።

4 ኔኤኒ ዓሶ ጌሻ ዓሢ

ዓሲ ማአሳጎሦንዶ ጎይሢ ጌሰታኒ ናሽካሬ።

5 ዬያር ያኦሲ ኔና ጋፒ ባይዛጎዳሬ፤

ኔ ማአራፓ ኬሲ ኔና ዒዚ ዳውሳጎዳሬ፤

ዓሳ ናጎጋ ሳዓፓ ኔና ቱጊ ኬኤራጎዳሬ።

6 ዒሎ ዓሳ ዬያ ዛጊ ዒጊጫጎዳሬ፤

ሚኢቸያ ሂዚ ጌዒ ዔያታ ሚኢጫጎዳሬ፡-

7 «ያኦሲ ፔኤኮ ጊቲማጉዲ ማሂባኣ

ፔ ቆሎ ሚርጉሞና ሄርሺጎቴ

ፔ ፑርቱሞናኣ ደዴ

ሃያ ዓሢ ዛጉዎቴ።»

8 ታኣኒ ጋዓጎቴ ያኦሲ ማአርይዳ

ዎርቄ ዓኣ ዛይቶ ሪሚቶጉዲኬ፤

ዒዛኮ ጋፑሞ ናሹሞ

ናኣናና ታ ጉሙርቄ ጎይሢ ናጎጋጎዳሬ።

9 ያኦሲዮ!

ኔኤኒ ማዴ ኮዠ ባኮር ቢያ ናጎጊና ታ ኔና ጋላታሬ፤

ሱጎፃ ኔኤኮ ኮሺታሢር ኔ ሱጎፃ ታ ሃጋኣ ዎዛ ማሃሬ፤

ኔኤሞ ዲማዴ ዓሶ ባኣካ ታ ኔና ጋላታሬ።

52:1 52:1 1ሳሙ. 22:9-10።

53

ዓይነቱ ስሑጋህ ዓይህ ጎይያና ዔራቶና ካላሊንቴ ዳውቴ
ዓይነቱ

ዓሲኮ ፑርቱሞ

1 ዔኤያ ዓሲ ፔ ዒናና «ያኦሲ ባኣሴ» ጋዓኔ፤

ዔያታ ፑርታ ዓሲኮ፤

ማዳ ዔያቶኮ ሻኣካያኮ፤

ዔያቶ ባኣካ ፔቴታፖ ኮሺ ማዳይ ባኣሴ።

2 ማሊ ጰቂህ ዓሲና ያኦሲ ኮዓ ዓሲያ ዓኣቴ ዛጋኒ

ዒዚ ጫሪንጫፓ ዓሶ ዛጋኔ።

3 ጋዓንቴ ቢያህሂ ዣኣሌኔ፤

ዔያታ ፔቴ ማዒያ ፑርቱኔ፤

ዔያቶይዳ ፔቴታፖ ኮሺ ባኣዚ ማዳይ ባኣሴ።

4 ዓሲ ካህ ሙዓህጉዲ ዳሮ ታኣኮ ሙዓ ዓሳ

ታና ዔኤሊ ዔራቶ ዓሳ

ዔያታ ፑርቶ ማዳ ዓሳ

ፔቴታፖ ዔኤቢ ዛገ ዔራቶዓዳ?

5 ያኦሲ ፔ ዳሮ ሞርኮ ማንህህረ

ዎሮ ዎዳፓኣ ባሺ ዒገቹሞ ዔያታ ዓርቄኔ፤

ዒዚ ዔያቶ ዒፃህረ ጋፔ ዔያታ ቦርሲንታንዳኔ።

6 ፃዮኔይዳፓ ዒሰራዔኤሌሞ ዳቂንታ ዔዓያታቴ ዓይጎ!

ያኦሲ ፔ ዳሮኮ ዲዒንቴ ባኮ ማሃ ዎዶና

ያይቆኦና ናኣታ ዎዳዳንዳኔ፤

ዒሰራዔኤሌ ዳራኣ ኮሺ ዎዳዳንዳኔ።

54

ዓይነቱ ስሑጋህ ዓይህ ጎይያና ጎኦላና ዓይናዲንታ ዳውቴ
ዓይነቱ፤ ዜፓ ዓሳ ሳኣያኦሌ ኮራ ሙኪ፥ «ዳውቴ ፑኒ ኑ ኮራ ዓኣኔ»

ጌዒ ኮኤዜያና ዓይናዲንቴያኮ።

ሞርኮ ኩጫፓ ዓታኒ ሺኣቂንቴ ሺኣጸህሂ

1 ያኦሲዮ! ኔ ሱንያና ታና ዓውሴ፤

ኔ ዎልቆና ታኣሞ ዎጌ።

53:3 53:3 ሮሜ 3:10-12።

- 2 ያኑሲዮ! ሺኢጲያ ታኣኮ ዋይዘ!
ታኣኒ ጋዓ ባኮዋ ዒና ዔኬ።
- 3 ግንጎ ዓሳ ታኣም ዔቄኔ፤
ጌኔ ማዳ ዓሳ ሸምፓሢ ታኣኮ ዳሂ ሃንታኔ፤
ያኑሲ ዔያታ ዔኤቢኬ ጎዑዋሴ።
- 4 ጋዓንቴ ያኑሲ ታና ማኣዳሢኬ፤
ናንጊና ናንጋ ጎዳኣ ታና ኬኤለንቁ ዓርቄኔ።
- 5 ዔያቶኮ ጌኖ ማዳ ታና ዋኣዪሳ ታ ሞርኮም ማሄ፤
ዔያቶ ባይዘ፣ ኔኤኒ ጉሙርቄንታያ ማዒያ ዳቄ።
- 6 ኔኤም ዒንጎ ባኣዚ ታ ሸኔና ታ ዒንጋንዳኔ፤
ናንጊና ናንጋ ጎዳሢዮ!
ዪይ ኮይሳያ ማዔሢሮ ታ ኔና ጋላታኔ።
- 7 ታ ማታፓ ቢያ ኔ ታና ዓውሴኔ፤
ታ ሞርኮኮዋ ሎኦሚያ ታ ዛጌኔ።

55

ዓይነቱ ሱኡጋሢ ዓይሣ ጎይያና ጎኦላና ዓይናዲንታ ዳውቴ ኬኤዚ ዔርዜ ባኮ

- 1 ያኑሲዮ! ሺኢጲያ ታኣሲ ዋይዘ፤
ታ ኔና ሺኢቃ ሺኢጲያ ቶኦዛዲፖ!
- 2 ታ ባንሢ ዛጌ፣ ዋይዘያ ታኣም ማሄ፤
ጋርሲና ታኣኒ ዲቃቴኔ፣ ዓጊዲያ ዓጊጻኔ።
- 3 ታ ሞርካ ታኣም ዚርቃሢሮ ታ ዒጊጩኔ፤
ፑርቶ ሄርቁ ዋይሢፃ ታና ሺኢቹኔ፤
ዔያታ ፑርታ ማቶ ታ ጊዳ ዔኪ ሙካኔ፤
ዒዲ ዳጋና ታና ዔያታ ዛጋኔ።
- 4 ዒና ታኣኮ ታና ማሊሢና ዋኣዪሳኔ፤
ታኣኒ ሃይቄኔ ጌይሲ ታና ዒጊቹ ዓርቄኔ።
- 5 ዒጊቹሞና ዲቃቲሢና ታ ዓርቄኔ፤
ዑፃ ታኣኮ ማዔ ካራና ዲቃታኔ።
- 6 ዶኦሌጉዲ ጋኣሲ ታኣኮ ዓኣቴ ዓይጎ!
ባራኒ ዳንዲ ታ ሃውሼያ ናንዳኔ።

54:7 54:7 1ሳሙ. 23:19፤ 26:1።

- 7 ሄኤዶ ቤቲ ታኣኒ ሃኬ ዓኣዳቴ
 ዓሳ ናንጉዋ ዳውሎይዳ ታ ናንጋንዳቴኬ።
- 8 ዓልጋሢ ዠባርና ዠኢፖናፓ ታ ጳሽኪ
 ሩኡሪና ታ ማኣር ባንሢ ታ ሄሌያ ናንዳኔ።
- 9 ናንጊና ናንጋ ጎዳሢዮ!
 ካታሜሎይዳ ጌኔ ማዶና ዠሎና ታ ዛጋሢር
 ዲቃሢ ካራ ዔያቶኮ ባይዜ፤
 ጌሰታ ሙኡጮዋ ዔያቶሲ ሲኢሬ።
- 10 ዒዛ ሜቶና ባይሲንታና ኩሜ ካታማኬ፤
 ፑርቶ ዓሳ ዋንቶንታ ሮኦርንታ ዒዛኮ ኬኤሎ ዲያ ዑፃ ሃንታኔ።
- 11 ባይሲንታ ዒዛይዳ ዓኣኔ፤
 ጌኔ ማዶና ጌሺሢና ዓሳ ቡካ ጳኣካፓ ዒዛኮ ባይቁዋሴ።
- 12 ታና ጫሽካሢ ታ ሞርካሢቱዋሴ፤
 ዋንዳ ዩያታቴ ጊቢ ታ ዳንዳዔያ ናንዳኔ፤
 ታ ዑፃ ዖቶርቃሢያ ዒዛቱዋሴ፤
 ዒዛታቴ ቤርታፓ ታ ዒዛኮ ዓኣሺንቴያ ናንዳኔ።
- 13 ጋዓንቴ ዩያ ማዳሢ ታ ኔና ጉሙርቃ
 ታኣኮ ላጋሢና፣ ዓጊናሢ ማዔ ኔናኬ።
- 14 ኦኡኒ ዖኣሲ ማኣራ ዳር ባኣካ ዋላ ሃንቴኔ፤
 ዋዛሳ ናሹሞዋ ኦኡኮ ዓኣኔ።
- 15 ዒና ዔያቶኮ ፑርቱሞ ቡኬ ቤሲታሢር
 ታ ሞርኮይዳ ዔያታ ዔሩዋንቴ ሃይቢ ዩዖንጎ!
 ሳዛና ዓኣዖዋ ዲኡኪንቶንጎ!
- 16 ታኣኒ ጋዓንቴ ዖኣሲ ባንሢ ዒላታኔ፤
 ናንጊና ናንጋ ጎዳሢ ታና ዓውሳኔ።
- 17 ዋንቶንታ ጉቶንታ ሮኦርንታ
 ታኣኒ ዔኤሊንታኔ፣ ዚኢሊንቴያ ታ ዚኢሊንታኔ፤
 ዑኡዞዋ ዒ ታኣኮ ዋይዛኔ።
- 18 ታና ማኪ ዔቁ ዓሳ ሚርጌኬ፤
 ታኣሞ ማሎና ዖላፓ ሸምፓሢ ታኣኮ ዒዚ
 ማሢ ሻንቁ ዔኪ ዓውሳንዳኔ።
- 19 ዔያታ ፔኤኮ ሃንቴያ ላኣሚባኣሴ፤
 ዖኣሲያ ዔያታ ዒጊጩዋሴ፤
 ሚናፓ ዓርቃያ ፔኤኮ ካኣቱሞይዳ ዓኣ ዖኦዛሢ
 ዋይዚ ዔያቶ ዒ ዳውሲሳንዳኔ።

- 20 ታኣኒ ዒዛ ታ ላገኬ ጋዓ ዓሢ
ፔ ላሳ ጳርቃኒ ፔ ኩጮ ዔቁሴኔ፤
ዎላ ጫኣቄ ጫኣቄሞዎ ሃሼኔ።
- 21 ደንጋ ዒዛኮ ያይሲዳፓ ባሼ ሺኢታኔ፤
ዒና ጋዓንቴ ዒዛኮ ያልዚ ማላኔ፤
ዑኡዛ ዒዛኮ ዛይቴይዳፓ ባሼ ኮሸካኔ፤
ጋዓንቴ ቱጊንቴ ጨንቻ ዓፓሮጉዲኬ።
- 22 ኔና ዴኤፃ ባኮ ቢያ ናንጊና ናንጋ ጎዳም ሃሼ፤
ዒዚ ኔ ቶኦኮ ዛጊ ዓርቃንዳኔ፤
ዒዚ ኮዦ ዓሶ
ፔቴታፃ ሜታዳንዳጉዲ ሜቶም ዓኣሢ ዒንጉዎሴ።
- 23 ያኦሲዮ! ኔኤኒ ጋዓንቴ ፑርቶ ዓሶ
ባይሲንታ ዔቴይዳ ኬኤራንዳኔ፤
ዬያታ ዓሶ ዎዳ ዓሶና ጌሻ ዓሳ
ዔያታ ናንጋኒ ኮይሳ ሌዖኮ ሄካሢታፃ ናንጋዓኬ፤
ታኣኒ ጋዓንቴ ኔና ጉሙርቃኔ።

56

«ደኦሌላ ሃኬ ዓኣ ሻኣቦይዳ» ጌይንቴ ዓይኑሞና ዓይኑሞ ሱኡጋሢ ዓይሢ ጎይፃ ካላሊንቴ ዳውቴ ካላሎ (ፒሊሰፄኤሜ ዓሳ ጌኤቴይዳ ዳውቴ ዓርቄያና ዒ ካላሌያኬ።)

- ያኦሲ ጉሙርቄ ሺኢቁንታ ሺኢጲሢ
- 1 ያኦሲዮ! ዓሳ ታና ዎኣዪሳሢና
ሞርካኣ ታኣኮ ታና ቢያ ዎዴ ዳውሳሢናሮ
ታኣም ሚጨንቴ።
- 2 ያቶርሙሞና ታና ያላ ዓሳ ሚርጌኬ፤
ሞርካ ታኣኮ ሮኦር ጉቤ ታ ዑፃ ዔቄኔ።
- 3 ታና ዒጊቻ ዎደና
ታኣኮ ጉሙርቄፃ ታ ኔጊዳ ማሃኔ።
- 4 ታኣኒ ያኦሲ ጉሙርቃሢሮ ዒጊጫዓ፤
ታኣም ዒንጊንቴ ሃጊ ማዓ ዎዞሮ ዒዛ ታ ጋላታኔ፤
ታኣኒ ዒዛ ጉሙርቃሢሮ
ዔዞ ዓሲ ታና ዎዳንዳይ?
- 5 ሞርካ ታኣኮ ሮኦር ጉቤ

- ታ ደቢንቴቴ ዓርቃኒ ኮሲ ሃንታኔ፤
 ቢያ ዎዴ ታና ባይዛኒ ዎላ ዘርታኔ።
- 6 ቡኪንቴ ታና ዔያታ ካታኔ፤
 ሄያ ቢያ ዔያታ ታኣኮ ኮጲሳኔ፤
 ሹምፓሢ ታኣኮ ባይዛኒ ኮሳኔ።
- 7 ያኦሲዮ! ዎይቴቴያ ዔያታ ቶሊ ዓቱዋጉዲ ማዴ!
 ያቶ ዳር ኔኤኮ ጎሪንቶና ዳውሲሴ።
- 8 ቃያሢ ታኣኮ ፃኣፒ ዓርቁ፤
 ዓቢያዎ ኔ ዶሎዘይዳ ቃዴ፤
 ቢያሢ ፃኣፒ ዓርቆ ቤዛ ዓርቁንቴያቴዋዓዳ?
- 9 ኔ ባንሢ ታኣኒ ዔኤሊንታ ኬሎና
 ሞርካ ታኣኮ ገንሢም ማዓኔ፤
 ዬያና ያኦሲ ታኣኮ ኮራ ማዔሢ ታ ዔራኔ።
- 10 ዬይ ታኣና ዎላ ማዔ ያኦዛሢ
 ቃኣሎ ታ ዒዛኮ ጋላታሢና ቦንቻ ያኦዛሢኬ።
- 11 ታኣኒ ዒዛ ጉሙርቃሢሮ ዒገጫዓ፤
 ዓሲ ታና ዓይጎ ዎዳንዳይ?
- 12 ያኦሲዮ!
 ኔኤም ታኣኒ ናኣቤ ናኣቢ ዓኣኔ፤
 ዬይያ ጋላታ ታ ኔኤም ሸኢሻያኬ።
- 13 ሃይቢዳፓ ኔኤኒ ታና ዓውሴኔ፤
 ዲቁንቴ ታኣኒ ሎኦሙዋጉዲ ኔ ታና ማኣዳኔ፤
 ዬያሮ ሹምፖና ዓኣ ዓሶ ዑፃ ፖዓ ፖያይዳ
 ያኦሲ ቤርታ ታኣኒ ሃንታኔ።

57

«ባይዚፖ» ጌይንታ ዓይነቱና ዓይነቱ ሱኡጋሢ ዓይሢ ጎይያ ካላላንቴ ደውቴ ካላሊ (ዳውቴ ሳኣዎኦሌ ቤርታፓ ፑኒ ዳና ዔቶ ጌሌያና ዓይናዳያኬ።)

ያኦሲ ማኣዳንዳጉዲ ሸኢቁንቴ ሸኢጲሢ

1 ያኦሲዮ! ታኣም ሚጨንቴ፥ ታና ማኣሬ፤
 ታ ሹምፓሢኮ ፑሮ ካያሢ ኔናኬ፤
 ሜቶ ዲጳ ዓኣዳንዳያ ሂላንዳኣና
 ኔኤኮ ጋኣዘ ዳሞ ታኣኒ ጌላንዳኔ።

56:12 56:12 1ሳሙ. 21:13-15።

2 ታአም ማሌ ባኮ ማዲ ኩንሣ ያኦዛሢ
 ዒዛ ዴኤፓሢ ባንሢ ታኣኒ ዒላታኔ።
 3 ያኦሲ ፔ ሚጪንቲያና ጉሙርቂንቲያ
 ጫሪንጫፓ ዳኪ ታና ዓውሳንዳኔ፤
 ታና ሜታሳ ዓሶ ዒዚ ዳውሲሳንዳኔ።

4 ሸምፔላ ታኣኮ ዘቢና ማንጊንቴኔ፤
 ሸኦሊ ታና ሙዓ ቦያ ባኣካ ታ ኬዴኔ፤
 ዓጫ ዔያቶኮ ዋርሢና ሂኢሸናጉዲ
 ዒንዲርዘኣ ዔያቶሲ ዋርቂንቴ ጩንቻ ዓፓርኬ።

5 ያኦሲዮ!
 ሌካ ጫሪንጫኮ ዑፃ ዴግ ዴጊ ጌዔ፤
 ቦንቻ ኔኤሲ ሳዖ ቢያይዳ ኩሞንጎ።

6 ሞርካ ታኣኮ ታና ዓይሢኒ ፒር ታአም ፒሬኔ፤
 ታና ጉቤና ዋቢሳ ዋዛ ቲቂሢ ታና ሄሌኔ፤
 ዔያታ ታኣኮ ጎይያይዳ ዔቴ ቦኦኬኔ፤
 ጋዓንቴ ዬያ ዔቶይዳ ፔኤር ዔያታ ሎኦሜኔ።

7 ያኦዛሢዮ! ዒና ታኣኮ ዶዲኬ፤
 ካላሊያ ካላሊ ታኣኒ ዓይናዳኔ።

8 ታኣኮ ሸምፔሌ ጴጩ!
 ጎኦኦንታ ሃንጎ ዓይኑሞ ዓንጋሞንታ ዔቁዋቴ!
 ታኣኒያ ሚኢሪ ዔቆንዳኔ።

9 ናንጊና ናንጋ ጎዳሢዮ! ዴር ባኣካ ታ ኔና ጋላታንዳኔ፤
 ታ ዴር ባኣካኣ ታ ኔኤም ጋላታ ዓይኑሞ ዓይናዳንዳኔ።

10 ኔኤኮ ናንጊና ናንጋ ናሹማ ጫሪንጫ ሄላያኬ፤
 ጉሙርቂንቲያኣ ሻኣር ሄላኔ።

11 ያኦሲዮ! ጫሪንጫኮ ዑፃ ዴግ ዴጊ ጌዔ፤
 ቦንቻ ኔኤኮ ሳዖ ቢያይዳ ማዖንጎ።

58

«ባይዚፖ» ጌይንታ ዓይኑሞና ዓይኑሞ ሱኡጋሢ ዓይሢ ጎይያ
 ካላሊንቴ ዳውቴ ካላሎ
 ያኦሲ ፑርቶ ዓሶ ዋጋንዳጉዲ ሸኢቂንቴ ሸኢጲሢ

- 1 ዲንህ ወይህ ዓሳ!
ፒዜ ዲንህ ጌሰታ?
ዓሰም ጎኑሞና ሄኮ ዲንህ ወጋ?
- 2 ዬያ ዲንህ ሃሺ ዲኖና ዲንህ ፑርታ ባኣዚ ማሊ ቱካኔ፤
ሳይይዳ ዲንህ ማዳ ባካ ቢያ ፑርታ ሌሊኩ።
- 3 ፑርቶ ዓሳ ዲንድ ጎጳ ዓኣዖ ዣኣሌያኩ፤
ሾይንቱማፓ ዓርቃዖ ዳባኔ፥ ሉኡዙሞዋ ዔያታ ጌሰታኔ።
- 4 ዔያታ ሾኦሺጉዲ ዳኣኒናኩ፤
ዋይዚ ባይቄ ጎፖ ሾኦሺ ጉዴያኩ።
- 5 ጎፖ ሾኦዣ ዋዮ ፔኤሲ ቱጫህ
ሾኦዣ ማርሻ ዓሶንታ ሳጎ ዓሶንታኮ ዑኡዘ ዋይዘ ዲደኩ።
- 6 ያኦሲዮ! ዬያቶ ዘቦጉዴ ፑርቶ ዓሶንህኮ ዓጮ ማንህ፤
ባንጋሎዋ ዔያቶሲ ሾኦሌ።
- 7 ላኣሊንታዖ ጋፓ ዋኣህጉዲ ዔያታ ባይቆንጎ!
ሂኢዣ ዔያታ ዲካዛ ዳዳቦንጎ!
- 8 ሃንታዖ ማኣሽኪ ጋፓ ዳኣዴጉዲ
ገንሃ ሃሃ ፖዒ ዘጉዋ፥ ቡሊህጉዲ
ዔያታ ማዖንጎ!
- 9 ዔያታ ዔርቲባኣንቱ ዓንገህጉዲ
ቱገንቲ ኩኤሪንታንዳኔ፤
ያኦሲ ፔኤኮ ዴኤፖ ዳጎና
ሾምፔና ዓኣንቱ ዜርቄ ዔያቶ ባይዘንዳኔ።
- 10 ጎሞ ዓሶኮ ኮማ ኮደንታኣና ዘጋዖ
ደሎ ዓሳ ዋዛዳኔ፤
ዔያታ ቶኮ ፔኤሲ ፑርቶ ዓሶ ሱጉዖና ማሰታኔ።
- 11 ዬና ዋዶና ዓሳ፡- «ደሎ ዓሳ
ፔኤኮ ኮዣ ማዶ ዘሎ ዲንጎ ባኮ ዔኩኔ፤
ሳይይዳ ወጋ ያኦሲ ጎኔና ዓኣኔ» ጋዓንዳኔ።

59

«ባይዚፖ» ጌይንታ ዓይነቱና ዓይነቱ ሱኡጋህ ዓይህ ጎይያ
ካላሊንቱ ዳውቱ ካላሊ (ዳውቱ ዋዳኒ ማኣር ዲዘኮ ማንጋንዳጉዲ
ሳኣዖኦሌ ዓሶ ዳኩያና ዒ ዓይናዴያኩ።)
ያኦሲ ካፓንዳጉዲ ሺኣቁንቱ ሺኣጲህ

1 ጆኦሲዮ! ታኣኮ ሞርኮይዳፓ ታና ዓውሴ፤
 ታና ማኣሳንሣሂኒ ዔቁ ዓሰይዳፓ ካፔ።
 2 ፑርቶ ማዳ ዓሰይዳፓ ሄሊ ታና ዓይሴ፤
 ዓሰ ዎዳ ዓሰይዳፓኣ ታና ዓውሴ።

3 ዔያታ ታና ካቲ ዓኣ ጎይፆ ዛጌ!
 ጆኦሲዮ! ሚጨንቱዎ ዓሳ
 ታ ዳቤ ባኣዚንታ ጎሜያ ታኣኮ ባኣንቴ
 ታ ዑፃ ቡኪ ዔያታ ዘርቴኔ።

4 ዔያታ ታ ዳቤ ባኣዚ ባኣንቴ ታና ማኣሳንሣሂኒ ጊኣጊንቴኔ፤
 ኔኤኒ ዬያ ዛጊፓፓ ዔቁ ታና ማኣዴ።

5 ኔኤኒ ቢያ ባኮ ዎይሣ ጎዳ ማዔ ዒሰራዔኤሌ ጆኦዛሂኬ፤
 ሜሌ ዴሮይዳ ማቶ ዓጋኒ ኬሰኬ፤
 ዔያታ ፔኤኮ ጌሮ ማዶና ማዳ ባኮሮዎ
 ሚጨንቱዎፆ ማቶ ዔያቶይዳ ኬኤሬ።

6 ካታሞይዳ ዔያታ ዓዳ ካጊጉዳ
 ቦጨ ሃንቲ ሺራኣ ሺራ ፔኤቁ ዒባኒ ማዓንዳኔ።

7 ዳንጋፓ ዔያቶኮ ኬሰካ ባኮ ኔኤኒ ዎይዜ፤
 ዳንጋ ዔያቶኮ ጨንቻ ዓፓሮ ዓኣኔ፤
 ዔያታ፡- «ጆኦሲያ ኦኡሲ ዎይዙዎሴ» ጋዓኔ።

8 ናንጊና ናንጋ ጎዳሂዮ!
 ኔኤኒ ጋዓንቴ ዔያቶ ሚሚኢ ጫኔ፤
 ሜሌ ዴሮ ቢያ ቶኦቹ ኔ ዛጋኔ።

9 ታኣኮ ዶዶማሂዮ! ታና ኔ ካፔ፤
 ጆኦዛሂዮ! ኔኤኒ ታኣኮ ፑሮ ካያሂኬ።

10 ጆኦሲ ፔ ማኣሪፆና ታኣና ካኣማንዳኔ፤
 ታ ጎዳሂ ታ ሞርኮኮ ሎኦሚፆ ታና ዳዎንዳኔ።

11 ናንጊና ናንጋ ጎዳ ማዔ ኦ ጊቲማሂዮ!
 ታኣኮ ዒጊና ኔኤኒ ኮሜ ኮፃያ ማዔሂ ዎሉዎጉዳ ዔያቶ
 ዎዲፖ፤
 ጋዓንቴ ኔኤኮ ዎልቆና ዔያቶ ዜርቁ፥ ሃሣ ዳውሲሴ።

12 ፔኤኮ ዔያታ ዳንጋፓ ኬሳ ጎሞሮ

- ፔ ሙሱሮና ዔያታ ጌስታ ዑኩዘር
 ዔያታ ጋዳንቁ ሉኡቃሢር
 ፔ ዖቶርሙሞና ዓዲንቶንጎ።
- 13 ኔኤኮ ዳጎና ዔያቶ ባይዜ፤
 ዔያቶ ጋጋፒሴ፤
 ያዲ ማዓዛ ያኦሲ ዒሰራዔኤሌ ዓሶ ዎይሣያ ማዔሣሢ
 ዓጮኮ ጋፖ ሄላንዳኦና ዔርቲያ ማዓንዳኔ።
- 14 ታኦኮ ሞርካ ጉሪ ካታሞይዳ
 ካነጉዲ ሶጪ ሃንቲ ሺራኦ ሺራ
 ዒባኒ ማዒ ሙካኔ።
- 15 ሙዖ ባይዚ ዔያታ ጳሽኪ ሺራኔ፤
 ዔያታ ሚሽኪባኦያታቴ ጉሪ ሶጪ ሺራኔ።
- 16 ታኦኒ ጋዓንቴ ኔኤኮ ዎልቆ ዛሎ ዓይናዳንዳኔ፤
 ኔኤኒ ታኦኮ ፑኖ ካያሢኬ፤
 ታና ሜቴ ኬሎ ኔ ታኦኮ ዲካሢኬ።
- 17 ያኦዛሢዮ! ኔ ታኦኮ ዲማዴሢኬ፤
 ኔኤኒ ታኦኮ ፑኖ ካያሢኬ፤
 ኔኤኮ ናንጊና ናንጋ ናሹሞ ኔ ታና ቤኤዛኔ፤
 ዬያሮ ጋላታ ዓይኑሞ ታ ኔኤሞ ሺኢሻኔ።

60

ዓይኑሞ ሱኡጋሢ ዓይሣ ጎይዖና «ሳሌ ቡኒ» ጌይንታ
 ዓይኑሞና ዓይናዲንታ ዳውቴ ካላሊ (ኬዶ ዛሎኮ ዓባ ጌላ
 ባንፃ ዓኦ ሜሴፖታሚያና ሶኦሪያ ዓጮኮ ሳዘይዳ ናንጋ ዓራማ ዓሳ
 ዒሰራዔኤሌ ዓሶ ያሌያና፣ ጊንሣ ሃሣ ዒዮዓኦይያ ሶኦጎ ደኦጮይዳ
 ታጳ ላምዖ ሺያ ማዓ ዔዶኦሜ ዓሶ ዎዴያና ዓሶ ዔርዛኒ ዳውቴ
 ካላሌ ካላሊኬ።)

ያኦሲ ዓውሳያ ማዒያ ዔርዛ ሺኢጲሢ
 1 ያኦሲዮ! ኔ ኦና ኬኤሬኔ፣ ሜንሢያ ጋኦጮኔ፤
 ኔ ኦና ጎሬኔ፤
 ሃሢ ጋዓንቴ ማሂ ኦና ኮሹ።

2 ሳዔሎ ኔ ዓጊሢ ፃሃሲ ዳርዜኔ፤
 ሴካ ሃንጋ ዒዛ ጋዓሢር ዒዘ ኮኦሌ።

3 ኔኤኮ ዳሮ ሜቶ ኔ ዳዌኔ፤
 ማሣ ዎይኔ ዑሺ
 ኦ ዑሽካንዳጉዲ ኔ ዒንጌኔ።

- 4 ፔኤኮ ሞርኮ ባንጋፓ ቶሊ ባታንዳጉዲ
 ኔና ዒጊጫዘንሢ ዴንቁ ፔና ካፓንዳንጉዲ
 ማላታ ማሂ ኔ ዔያቶሞ ዒንገኔ።
- 5 ኔ ናሽካ ዴራ ዳቃንዳጉዲ
 ሚዛቆ ኩጮና ኑና ማአዴ፥ ማሂያ ኑሞ ኬኤዜ።
- 6 ጆኦሲ ፔ ናንጋ ዲማዴ ማአራፓ ኬኤዘያ፡-
 «ታኣኒ ዎዘና ሴኬሜ ሳዖ ጊሽካንዳኔ፤
 ሱኩቴ ደኦጮዎ ፓቃንዳኔ።
- 7 ጌሌዓዴንታ ሚናኣሴ ዓጮንታ ታኣሮኬ፤
 ዔፕሬኤሜ ዖሎሮ ታኣኮ ቶኦካ ዓጎ ባንጎኬ፤
 ዪሁዳ ታኣኮ ካኦቱሞ ዎልቆኮ ማላታኬ።
- 8 ሞዓኣሴ ታኣኮ ዑያ ማሰቶ ጎንጎኬ፤
 ዔደኦሜ ታኣሮ ማዒያ ዔርዘኒ ዲርዘ ታኣሲ
 ዒኢካ ታ ጌሣንዳኔ፤
 ፒሊሰጴኤሜ ዓሳኣ ታ ዴማ ዎርቃንዳኔ» ጌዔኔ።
- 9 ኬልቁ ዲርቁንቴ ካታሜሎ ዖ ታና ዔኪ ዓኣዳንዳይ?
 ዴንዲ ዔደሚያሴ ሄላኒ ዖ ታና ካኣሌሣንዳይ?
- 10 ጆኦሲዮ! ኑና ኬኤሬሢ ኔናኬ፤
 ኑኡኮ ዖሎ ዓሶና ዎላ ኬሰኪያ ኔ ሃሼኔ።
- 11 ዓሲ ዓሲ ማአዳሢ ዔኤቢ ፓሁዎያኬ፤
 ዬያሮ ሞርኮ ኑኡኮ ኑ ባሻንዳጉዲ ኔ ኑና ማአዴ።
- 12 ጆኦሲ ኑኡና ዎላ ማዔያታቴ ኑ ባሻንዳኔ፤
 ዒዚ ሞርኮ ኑኡኮ ዳውሲሳንዳኔ።

61

ዓይነቱ ሱኡጋሢ ዓይሣ ጎይያ ጎኦላና ዓይናዲንታ ዳውቴ ዓይነቱ

- ሜቶፓ ቶሊ ኬሰካኒ ሸኢቁንቴ ሸኢጲሢ
- 1 ጆኦሲዮ! ዒላቶ ታኣኮ ዒናፓ ዎይዜ፤
 ሸኢጲያዎ ታኣኮ ዔኬ።
- 2 ዒና ታኣኮ ደጩ ዎደና
 ሳዖኮ ጋፓ ዓኣዖ ታኣኒ ኔና ዔኤላኔ፤
 ታ ጊዳፓ ባሼ ዴግ ጌዔ ላላሢ ባንሢ
 ዔኪ ታና ዓኣዴ።

60:12 60:12 2ሳሙ. 8:13፤ 1ጆኦሲ. ዓሃኬ 18:12።

- 3 ኔኤኒ ታኣኮ ፑኖ ካያሢኬ፤
ታ ሞርካፓ ታ ዓኣሺንታ ዶዲ ኬኤሌ ኔ ታኣኮ ማዔኔ።
- 4 ኔ ማኣሮይዳ ናንጊና ታ ናንጎም፤
ኔ ጋኣዞ ሺቦ ዴማ ታኣኒ ዔቆም።
- 5 ያኦሲኖ ናኣቦ ኔ ታኣሲ ዋይዘኔ፤
ኔኤኮ ሱንፆ ዒጊጫ ዓሶም ኔ ጊኢጊሼ ዓንጅ
ታኣማኣ ኔ ዒንገኔ።
- 6 ካኣቲ ናንጎይዳ ሚርጌ ለዔ ቃሴ፤
ሚርጌ ዋዴ ዒዛ ናንጊሼ!
- 7 ኔ ቤርታ ናንጊና ዒ ካኣታደንጎ፤
ዒዛ ካፓንዳጉዲ ኔኤኮ ማኣሪዮንታ ጉሙርቁንቲዮዋ
ዒዛም ጊኢጊሼ።
- 8 ኬላ ኬላ ኔኤም ታ ናኣቤ ናኣቦ ሺኢሺሢና
ቢያ ዋዴ ጋላታ ዓይኑም ታ ኔኤም ዓይናዳንዳ።

62

ዓይኑም ሱኡጋሢ ዓይሣ ጎይዮና ዔዶታኣሜ ዛሎ ዓይናዳንቲ ደውቲ ዓይኑም

- ያኦሲ ሌሊ ጉሙርቁሢ
- 1 ሺምፓሢ ታኣኮ ሃውሽ ዴንቃሢ ያኦሲና ሌሊኬ፤
ዳቁንታ ታኣም ሙካሢ ዒዛይዳፓኬ።
- 2 ታኣኮ ላሎ ሹጫሢና ዴኤሻሢ ዒዛ ሌሊኬ፤
ታኣኮ ፑኖ ካያሢያ ዒዛኬ፤
ፔቲታዮ ታ ዓጊዳኣኬ።
- 3 ዓሲ ዒንሢ ማኣሳንሣሢ ዓይዲ ሄላንዳኣናዳይ?
ሃያ ዠኢፔ ኮጮና ዓጊዳ ዲር
ዒንሢ ቢያሢ ሃዒ ዳይሳኒ ኮዓ?
- 4 ዔያታ ኮዓሢ ዒዛ ቦንቻፓ ሺኢሻኒ ማዔሢር
ዒዛይዳ ሉኡዙም ጌሰታኒ ዔያታ ናሽካኔ፤
ዔያታ ዳንጎና ዒዛ ዓንጅኔ፤
ዒናና ጋዓንቲ ዒዛ ጋጋዳንቃኔ።
- 5 ታኣኮ ሺምፔሌ ሃውሺጋፓ ያኦሲ ሌሊ ካፔ፤

- ታኣኮ ሃጊ ማዓ ዎዛ ሙካሢ ሲዛይዳፓኬ።
 6 ታኣኮ ላሎ ሹጫሢና ዴኤሻሢ ሲዛ ሌሊኬ፤
 ፑኖ ካያሢያ ታኣኮ ሲዛኬ፤
 ታኣኒ ዓገፃዓኬ።
 7 ታኣኮ ዳቂንቶና ቦንቸና የኦሲናኬ፤
 ደደ ላላሢንታ ዓኣሺንቶ ቤዛሢያ ሲዛኬ።
 8 ዓሲዮቴ! ቢያ ዎዴና ሲዛ ጉሙርቁዎቴ፤
 ሲኖ ሲንሢሲ ሲዛ ቤርቶ ሺኢሹዎቴ፤
 ሲዚ ኑኡኮ ፑኖ ካያሢኬ።
 9 ቶኦቸንቴ ዜርሢዳፓ ሸይንቴሢ ጉሪኬ፤
 ቦንቸንቴ ዜርሢዳፓኣ ሸይንቴሢያ ሉኡዙሞኬ፤
 ዴኤሠሞ ዔር ባኮይዳ ዴኤዲ ጴዴያታቴያ
 ዩይ ቢያ ዎሊ ዑፃ ዠባሬይዳፓ ሹሌዓያኬ።
 10 ቡሪ ዔኮና ባኣዚና ሄርሺንቴፖቴ፤
 ሲንሢ ሳሪ ዔኬ ባኮናኣ ቦንቸንታኒ ዎዛዲፖቴ፤
 ቆላ ሲንሢኮ ሚርጌታቴያ ዩያና ጉሙርቁንቴፖቴ።
 11 ዎልቁ የኦሲርኬ፤
 ሲዚ ፔቴ ባኣዚ ኬኤዛንቴ
 ላምዒ ማይንቴ ታ ዎይዜኔ።
 12 ናንገና ናንጋ ሳዳሢዮ! ሚጨንቴሢ ኔኤርኬ፤
 ኔኤኒ ፔቴ ፔቴሢም ማዶጉዴያ ጨጋንዳኔ።

63

- ዳውቴ ዓሲ ናንጉዎ ዪሁዳ ቦኦሎይዳ ዓኣና ዓይናዴ ዓይነቱ
 የኦሲ ኮሲሢ
 1 የኦሲዮ! ኔኤኒ ታ የኦዛሢኬ፤
 ሲናፓ ታ ኔና ዴንቃኒ ኮዓኔ፤
 ዑፃ ታኣኮ ኔና ሱኡካዳኔ፤
 ዎኣሢ ባይዚ ሜሊ ፃሄ ሳዓጉዲ
 ሹምፓሢ ታኣኮ ኔና ዴኤቤኔ።
 2 ታኣኒ ኔና ኔ ማኣርይዳ ዛጌኔ፤

62:12 62:12 ዓ.የ. 34:11፤ ዔር. 17:10፤ ማቲ. 16:27፤ ሮሜ 2:6፤ ዮሃ. የፔዳ 2:23።

- እኔኮ ወልቆንታ ቦንቸዋ ታ ዳንቄኔ።
- 3 ሚጨንቲፃ ነኔኮ ናንጊዳፓ ባሼታሢሮ
ዳንጋ ታኣኮ ነና ጋላታኔ።
- 4 ዓካሪ ናንጎ ወደይዳ ቢያ ነና ታ ጋላታኔ፤
ኔ ሱንፆና ታ ኩጮ ታኣኒ ሌካ ዔቁሳኔ።
- 5 ሼምፓሢ ታኣኮ
ዔኤሰና ማለና ሙዒ ወዛዳ ዓሲጉዲ ወዛዳኔ፤
ዳንጋ ታኣኮ ወዛና ጋላታ ዓይነቱ ነኔም ዓይናዳኔ።
- 6 ታ ላሄ ቤዛ ዓኣፆ ነና ማላኔ፤
ዋንቶ ቢያ ኔ ባኣዚ ታ ሱካኔ።
- 7 ኔኤኒ ታና ማኣዳሢታሢሮ
ኔኤኮ ጋኣዞ ሺቦ ዳማ ዔቁ ወዛና ታ ዓይናዳኔ።
- 8 ሼምፔላ ታኣኮ ነና ጨጨምቢ ዓርቄኔ፤
ኔኤኮ ሚዛቆ ኩጮኣ ታና ኬልቄኔ።
- 9 ታና ወዳኒ ኮዓሢ ቢያ
ሃይቁ ዲኡኪንታንዳኔ።
- 10 ጨንቸ ዓፓሮና ዔያታ ወዳንታንዳኔ፤
ሌዞ ዔያቶኮ ቦፆ ሙዓንዳኔ።
- 11 ፆኦሲ ዒዛም ባሺሢ ዓንጋሢሮ
ካኣቲ ወዛዳኔ፤
ፆኦሲ ሱንፆና ጌፓ ዓሳ ቢያ
ዒዛ ጋላታንዳኔ፣ ሉኡቃ ዓሶ ዳንጋ ጋዓንቴ ዓርቄንታንዳኔ።

64

- ዓይነቱ ሱኡጋሢ ዓይሢ ጎይፆና ዓይናዳንታ ዳውቴ ዓይነቱ
- ማታፓ ቶሊ ኬሰካኒ ሺኣቄንቴ ሺኣጲሢ
 - 1 ፆኦሲዮ! ታኣኮ ሜቶሮ ነና ታ ሺኣቃሢ ወይዜ፤
ታ ሞርካ ታና ዒጊቻሢዳፓ ታና ካፔ።
 - 2 ፑርቶ ዓሳ ታ ጊዳ ጌኔ ማላሢና ዔቁሢፓ
ዔያቶኮ ዋጎ ዋጋኒ ቡኮሢዳፓኣ ታና ዓይሱ።
 - 3 ዔያታ ዓንዲርዘ ፔኤኮ ዓዳ ጨንቻ ዓፓሮጉዲ ዋርቃኔ፤
ዔያቶኮ ጨንጮ ዑኡዛ ሂኢሺጉዲ ዲካኔ።
 - 4 ካቲ ዳዒ ዲሎ ዓሶ ዔያታ ዲካኔ፤
ዓሳ ማለባኣንቴ ዒጊጨዋፆ ዲካኔ።

63:11 63:11 1ሳሙ. 23:14።

- 5 ፑርታ ባኣዚ ማዳኒ ዎላ ዘርታኔ፤
ፒራሢያ ዓኣቲ፣ ፒራኒ ዔያታ ገሰታኔ፤
ዔያታ ዬያ ቢያ ሂዳዎ፡-
«ያኦኒያ ዴንቃኒ ኑና ዳንዳዑዎሴ» ጋዓኔ።
- 6 ዔያታ ገኔ ማሊሢ ማሊ ቱኬሰካፓ፡-
«ዓካሪ ፑርታ ማሊሢ ዶዲ ኑኦኒ ቱኬኔ» ጋዓኔ።
ዬይያ፡-
ዓሲኮ ዒናንታ ማሊሢያ ገኔ ባኣዚና ኩሜያ ማዒያ ዔርዘኔ።
- 7 ያኦሲ ጋዓንቲ ዔያቶ ፔ ሂኢዦና ዶካንዳኔ፤
ዔያታ ማሊባኣያ ማኣሳናንዳኔ።
- 8 ፔ ዳንሳና ዔያታ ዶቁንታንዳኔ፤
ባይሰንታ ዔያቶ ሂሳንዳኔ፤
ዬያሮ ዔያቶ ዛጋ ዓሳ ቢያ ዔያቶ ዶንኪ
ቶኦኮ ፔኤሲ ዓገሣንዳኔ።
- 9 ዓሲ ቢያ ዓገጫንዳኔ፤
ያኦሲ ማዳ ባኮ ፔገና ዔያታ ኬኤዛንዳኔ፤
ዒናፓኣ ዔያታ ማላንዳኔ።
- 10 ዒሎ ዓሳ ያኦሲና ዎዛዶንሳ፤
ዒዛ ፔኤኮ ፑሮ ካያሢ ማሄ ዓሳ
ዒና ፔኬዚንሢያ ቢያ ዎዛዶንሳ።

65

ዓይነቱ ስኡጋሢ ዓይሣ ጎይያና ዓይናዲንታ ዳውቴኮ ጋላታ

- ዓይነቱ
ያኦሲ ጋላቲሢና ቦንቲሢ
- 1 ያኦሲዮ! ዒዮኔይዳ ጋላታ ኔኤም ኮይሳኔ፤
ኔኤም ኑኦኒ ናኣቤ ናኣቦዎ ዒንገ ኩንሣንዳኔ።
 - 2 ኔኤኒ ሸኢጲሢ ዎይዛያ ማዔሢሮ
ዓሲ ቢያ ኔ ባንሢ ሙካንዳኔ።
 - 3 ጎማ ኑና ኩሚ ባይዜ ዎዶና
ኔኤኒ ኑ ዳቢንቶ ዓቶም ገዔኔ።
 - 4 ኔኤኒ ዶኑሬ፡ ኔ ባንሢያ ኔ ዑኪሴ
ዓሳ ቡካ ጸኦካ ኔ ገሣዘንሢ ዎዛዶንሳ፤
ኔኤኮ ዶማዳ ገኤዦ ማኣራፓ
ኔ ኬኤፃፓ ዓንጃ ኑ ሚሸካንዳኔ።
 - 5 ኑና ዓውሳ ያኦዛሢዮ!

- ኔኤኮ ዲቃሣ ዲሉሞና ኑኡሞ ማህ፤
- ኔኤኒ ሳዖኮ ጋፖሞ ቢያ
- ሃኬ ዓኣ ባዘማኣ ጉሙርሳ ዎዛሢኬ።
- 6 ዲኮ ኔኤኒ ኔ ዲዲሞና ማገፍኔ፤
- ዎልቆዎ ኔኤኮ ኔኤኒ ቱኡቴኔ።
- 7 ኔኤኒ ባዘኮ ዖኦዢያ
- ባዘ ጉዲሢኮዎ ጉኡሚያ
- ዴሮኮዎ ዣላሢ ኔ ዘቲዳኔ።
- 8 ሳዖኮ ጋፓ ሃኬ ዓኣሢ
- ኔኤኮ ዲቃሣ ዓኮ ማደሮ ዲቃታኔ፤
- ካሪያንታ ዓሚያንታ ሙካኣና
- ዎዛዲ ዒላሻንዳጉዲ ኔ ማሃኔ።
- 9 ሳዖሞ ዒርዚ ኔ ዎርቁሻኔ፤
- ዔባ ዓኣፓንዳጉዲ ማሂሢና ዖርሳቻኔ፤
- ዎሮ ዎኣሢና ኔ ኩንሣኔ፤
- ሳዖይዳ ሃኣኮ ኔ ባቃልሳኔ፤
- ዬያ ኔ ማዲሢያ ሂዲኬ፡-
- 10 ጎሽኪንቴ ጎዡይዳ ዒርዚ ኔ ዎርቁሳኔ፤
- ሂርኪ ደግ ጋዓ ቤዘ ኔ ጊኢጊሻኔ፤
- ሳዖ ዓጮ ዒሮኮ ዑኡፖና ኔ ዎዒሳኔ፤
- ባቃሎ ባቃልሲ ኔ ዑጊሳኔ።
- 11 ኔ ኮሹሞና ካፃ ሃኣካ ዎዚ ሚርጋይ!
- ኔ ዓኣ ቤዘ ቢያ ሚርጌ ሃኣኮ ዓኣኔ።
- 12 ዓሳ ናንጉዎ ዳውላ ሚርጌ ማኣቲ ዎርቁኔ፤
- ጌሜራኣ ዎዛና ኩሜኔ።
- 13 ቦኣላዳ ጊንፃ ቆልሞ ሌሊ ማዔኔ፤
- ደኣጮ ጊንፃኣ ሃኣኮና ኩሜኔ፤
- ዬያሮ ቢያሢ ዎዛዲ ዒላሽሢና ኔኤሞ ዓይናዳኔ።

66

- ዓይነቱ ሱኡጋሢ ዓይሣ ጎይፆና ዓይናዲንታ ዖኦሲ ሄርሺሢ
- ዓይነቱ
- ዎላ ቡኪ ጋላቶ ጋላታ
- 1 ዒንሢ ሳዖይዳ ዓኣ ዓሳ ቢያ
 - ዖኦሲሞ ዒላሽ ጋላቱዎቴ።
 - 2 ሱንፆ ዒዛኮ ቦንቺ ዓይናዲዎቴ፤

- ጋላታና ዒዛ ቦንቹዋቱ።
- 3 ያኦሲም ሂዚ ጎፀ-ዋቱ፡-
 «ማዳ ኔኤኮ ዋዚ ዲቃሂ ሄርሺሳያዳይ!
 ዋልቃ ኔኤኮ ዳኤፒታሂሮ
 ኔ ሞርካ ኔ ቤርቶይዳ ዒጊቹሞና ጎጋይቃ።።
- 4 ሳገይዳ ዓኣ ዓሳ ቢያ ኔኤም ዚጋኔ፤
 ኔኤም ዔያታ ጋላታ ዓይኑሞዋ ሸኢሻኔ፤
 ሱንጾዋ ኔኤኮ ቦንቹሂና ዓይናዳ።።»
- 5 ሃኒ ሙኪ ያኦሲ ማዳ ባኮ ዛጉዋቱ፤
 ዓሶ ባኣካ ዒዛኮ ማዳ ዒጊቻያኬ።።
- 6 ባዞ ዒዚ ሳዓ ማሄኔ፤
 ኑኤኮ ቤርታኣ ዓዶንሂ ዎሮ ቶኪና ፒንቄኔ፤
 ዒዚ ማዳ ባኮና ኑኤኒያ ዎዛዳ።።
- 7 ፔኤኮ ዋልቆና ዒዚ ናንጊና ዎይሃኔ፤
 ዓኣፖና ዳሮ ጊኹ ጌዒ ዛጋኔ፤
 ዬያሮ ዋይዞ ዒፃ ዓሳ ዒዛ 0-ፃ ዔቁባኣቲ ቃራኬ።።
- 8 ዒንሂ ዳራ ቢያ ኑ ያኦዛሂ ቦንቹዋቱ፤
 0ኡዞ ዒንሂሲ ዳጊዲ ዒዛም ጋላታ ሸኢሹዋቱ።።
- 9 ኑና ሹምፔና ጌሃሂ
 ቶኮዋ ኑኤኮ ሃሊፀ-ዋጉዲ ካፓሂ ዒዛኬ።።
- 10 ያኦሲዮ! ኑ ዎይታቲያ ኔ ኑና ዛጌኔ፤
 ዓዳ ቢራ ዓንጊጉዲ ኔ ኑና ሸኤሸኔ።።
- 11 ፒሮይዳ ኔ ኑና ዓይሃኔ፤
 ዳኤሂ ባሲ ኑና ኔ ባሲሴኔ።።
- 12 ኑኤኮ ሞርካ ኑና ጎይሂ ባይዚ ሄርቃንዳጉዲ ኔ ኑና ማሄኔ፤
 ታሚና ዲዲናኮ ባኣኪና ኑ ዓኣዳ።።፤
 ሃሂ ጋዓንጌ ጎርጎቹሞ ኩሜ ዳልጎ ቤዞ ዔኪ ኔ ኑና ሙኬ።።
- 13 ኔ ማኣሪ ሚቹ ዒንጎ ዒንጊያ ዔኪ ታ ጌላንዳ፤፤
 ታኣኮ ናኣቦዋ ታ ኔኤም ሸኢሻንዳ።።
- 14 ፑርታ ሜታ ታና ሄሌ ዎዶና
 «ኔኤም ታ ዒንጋንዳ።።» ጌዔ ናኣቦ ታ ሸኢሻንዳ።።
- 15 ሶቦሮ ጌማቶ ሚቹ ዒንጎ ዒንጊሂ ማሂ
 ዓዶ ማራቶዋ ሳውቃ ዒንጊሂ ማሂ

ታ ኔኤም ሺኢሻንዳኔ፤
ዚዮ ጌማቶንታ ኮላቶንታ ታ ኔኤም ሹካንዳኔ።

16 ዒንሢ ያኦሲ ዒጊጫ ዓሳ ሃኒ ሙኪ ዋይዙዋቲ፤
ታ ሹምፔሎም ዒዚ ማዴ ባኮ ታ ዒንሢም ኬኤዘም።

17 ታኣኒ ዒዛ ባንሢ ዒላቴኔ፤
ታ ዳንጎናኣ ታ ዒዛ ጋላቴኔ።

18 ጎሞ ታኣኮ ታ ቡኡፀዋዖ ዋንዴ ዒና ዓኣቼያታቲ
ናንጊና ናንጋ ጎዳ ሺኢጲዖ ታኣኮ ዋይዚንዲዋንቴኬ።

19 ሃሢ ጋዓንቴ ያኦሲ ጎኔና ዋይዜኔ፤
ታኣኒ ሺኢቃ ዑኡዘ ዒናፓ ዒ ዋይዜኔ።

20 ሺኢጲዖ ታኣኮ ቦሂባኣሢ
ሚጨንቲዖዋ ታና ሃሺባኣሢ
ዬይ ያኦዛሢ ጋላቴንቶንጎ።

67

ዓይነቱ ሱኡጋሢ ዓይሃ ጎይዖ ጎኦላና ያኦሲ ሄርሺ ዓይናዶ
ደውቲ ዓይነቱ
ጋላታ ዓይነቱ

1 ያኦሲ ኑና ሚጨንቶንጎ፣ ዓንጃንጎ፤
ዒዛኮ ዓኣፖ ካራ ኑም ፖዖንጎ።

2 ጎይዖ ኔኤሲ ሳዖ ዑፃ
ዓውሲፃኣ ኔኤሲ ዴሮ ባኣካ ዔርቶንጎ።

3 ያኦሲዮ! ዴራ ኔና ጋላታኔ፤
ዓሲ ቢያኣ ኔኤም ጋላታ ሺኢሻኔ።

4 ዴሮም ፒዙሞና ኔ ዋጋሢሮ
ዓሶዋ ሳዖይዳ ኔ ዔኪ ዓኣዳሢሮ
ዴራ ዋዛዶንጎ፤
ዒላሺያ ኔኤም ዓይናዶንጎ።

5 ያኦሲዮ! ዴሬ ኔና ጋላቶንጎ፤
ዓሳ ቢያኣ ኔኤም ጋላታ ሺኢሹንጎ።

6 ዬካፓ ሳዓ ሃኣኮ ካዒሳንዳኔ፤
ናንጊና ናንጋ ጎዳ ማዔ ኑ ያኦሲ ኑና ዓንጃንዳኔ።

7 ጾሱ ኩና ዓገጃንገገ፤
ዓጩ ማዕፍ ካራና ቢያ ዒዛ ዒጊጫንዳ።

68

ዓይነቱ ሱኡጋሢ ዓይህ ጎይፆ ጾሱ ሄርሺ ዓይናድ ዳውቴ
ዓይነቱ

ባሻፆ ዓይናድ ዓይነቱ

1 ጾሱ ዔቆንገገ!

ሞርካ ዒዛኮ ላኣሊንቶንገገ!

ዒዛ ዒፃዘንሢ ዒዛ ቤርታፓ ጳሽኮንገገ!

2 ጩቤ ላኣሊንቲ ባይቃሢጉዲ ዔያቶ ፒፒንፂዴ፤

ታሚ ሾፒ ዓልቂሳሢጉዲ ፑርቶ ዓሳ ጾሱ ቤርታፓ ባይቆንገገ።

3 ፂሎ ዓሳ ጋዓንቴ ዎዛድንገ፤

ዒዛ ቤርታ ዔያታ ኮኦሞንገ፤

ዎዛና ዔያታ ኮርጎንገገ!

4 ጾሱም ዓይናድዎቴ፤

ዒዛ ሱንፆም ጋላታ ዓይነቱ ሸኢሹዎቴ፤

ሻኣሮይዳ ሃንታሢም ጎይሢ ጊኢጊሹዎቴ፤

ሱንፆ ዒዛኮ ናንጊና ናንጋ ጎዳኬ፤

ዒዛ ቤርታ ዎዛድዎቴ!

5 ዒዛም ዲማዴ ጌኤዦ ማኣራ ዓኣ ጾዛዛሢ

ዓዴባኣ ናኣቶም ዓድኬ፤

ዜኤሮንዳሢ ዘሎ ዒ ሞኦቲንታሢኬ።

6 ጾሱ ሴሎ ዓሶ ማኣሪ ዓሲ ባኣካ ጌሢኔ፤

ቱኡዞ ዓሶ ቱኡዛፓ ቡሊ ዎዛሲ ኮኦሚሳኔ፤

ዎይዞ ዒፃ ዓሳ ጋዓንቴ ዓሲ ናንጎዎ ዳውሎይዳ ናንጋንዳ።

7 ጾሱዮ! ዳር ኔኤኮ ኔ ዔኪ ዓኣዴ ዎዶና

ዓሳ ናንጉዎ ዳውሎይዳና ሃንቲሴ ዎዶና

8 ሲና ዱኮ ጾዛዛሢ ቤርታ

ዒሰራዔኤሌ ጾዛዛሢኮዎ ቤርታ

ሳሳ ዓጊፃኔ፥ ጫሪንጫኣ ዒሪዶኦቡ ዎርቂሴ።

9 ጾሱዮ! ጊዳ ዒርዚ ኔ ዎርቂሴ፤

ፃኣዲ ሜሌ ኔ ዓጮ ኔ ዑሼኔ።

10 ኔ ዴራ ዲኢካ ማኣሪ ማዢ ዴዔኔ፤
ኔኤኒ ያኦሲ ኔ ዓንጃፓ ማንቆ ዓሶሞ ዲንጌኔ።

11 ናንገና ናንጋ ጎዳ ሂዚ ጋዓ ዓይሥሢ ኬሴኔ፤
ዲዛኮ ዓይሢያ ኬኤዛዞንሢ ኮሺ ሚርጌኬ።

12 ዔያታ ሂዚ ጌዔኔ፡-
«ካኣቶንታ ዔያቶኮ ስሎ ዓሳኣ ዑኩና ፑኒ ጳሽኬኔ!
ስሎ ኬሰኩሞ ማኣራ ዓቲ ላኣላ ዲያና ባኮ ጊሸቲ ዔኬኔ።»

13 ዲዒ ዔኮና ባኮ ባኣካ፡- ዑፃ ቢራ ዓንገና ማዢንቲ
ዓኣፓ ዲካ ሞርቆና ጋኣዛ ኮሸንቲ
ደኦሌ ማሊሲ ኮሸና ባኣዚያ ዓኣኔ።
ዓሳ ስሎ ስላኣና ዲንሢዳፓ ዛሎ ዓሳ

ዓይጎሮ ማራቶ ሞኦፃ ዴዔይ?

14 ቢያ ባኮ ዳንዳዓ ያኦዛሢ ካኣቶ ላኣሌ ሞዶና
ሻቺ ፃልሞኔ ዲኮ ቶኦካ ኬዳንዳጉዲ ማሄኔ።»

15 «ባኣሳኣኔ ዲካ ሚርጌ ዛሬና ጌሚሪያ ኩሚ
ዲጊቻያ ማዔ ዲካኬ።»

16 ዲንሢያ ያዲ ማዔ ዲካ
ያኦሲ ናንጋኒ ደኦሬ ዲኮ
ቁኢሪ ዲንሢ ዛጋሢ ዓይጎሮዳይ?
ዬካ ናንገና ናንጋ ጎዳ ናኣናና ናንጋንዳኔ።»

17 «ያኦሲ ሚርጌ ሺያና ፓይዲንታ
ዴኤፖ ሳርጌሎ ስይቶና ሲና ዲካፓ
ፔኤኮ ዲማዴ ጌኤዦ ማኣሪ ሙካንዳኔ።»

18 ሌካ ጫሪንጮ ኔ ዓኣዴኔ፤
ዲዒሢ ኔ ቡኩሴኔ፤
ናንገና ናንጋ ጎዳሢያ! ኔኤኒ ዲኢካ ናንጋኒ
ዋይዞ ዲፃ ዓሶይዳፓኣ ዓይሱሞ ዲንጎ ባኣዚ ኔ ዔኬኔ።»

19 «ባሶ ኦኡኮ ኬላ ኬላ ኬዳ
ኦና ዓውሳ ያኦዛሢ ዓንጃንቶንጎ።»

20 ኦ ያኦዛሢ ኦና ዓውሳ ያኦሲኬ፤
ሃይቢፓ ቶሊ ዓታኒ ዳንዳዒንታሢያ
ናንገና ናንጋ ጎዳናኬ።

21 ጎኔና ያኦሲ ፔ ሞርኮኮ

ጎሞና ደዲ ናንጋ ዓሶኮ
ቶኦኮ ዒ ዳኦግንዳኔ።»

22 ናንጊና ናንጋ ጎዳ፡-
«ታ ዔያቶ ባኣሳኣኔጋ ማሂ ዔኪ ሙካንዳኔ፤
ባዞ ዔቶይዳጋ ኬሲ ዔኪ ዬዓንዳኔ።

23 ቶካ ኔኤሲ ሞርኮኮ ሱጉይይዳ ሄርቃንዳኔ፤
ኔ ካናታኣ ዬያ ሱጉይ ላዓንዳኔ» ጋዓኔ።

24 ያኦሲዮ! ኔኤኮ ቦንቸንጋ ሃንቲፃ ጴዳኔ፤
ዬይያ ታኣኮ ያኦዛሂና ካኣታሂ ጌኤዠ ማኣሪ ዓኣዳኣና
ሃንታ ሃንቲያኮ።

25 ዓይኑሞ ዓይናዳ ዓሳ ቤርቲና
ዓይኑሞ ዓንጋሞ ዋርቃ ዓሳ ጊንሂና
ካራባሂ ባዓ ዉዲራሂያ ዔያቶኮ ባኣካ ዓኣኔ።

26 ዔያታ፡- «ዒዛ ዓሳ ቡኬ ቤዛ ያኦሲ ጋላቱዋቲ!
ናንጊና ናንጋ ጎዳ ዴሬ ማዔ
ዒሰራዔኤሌ ዓሳ ቡኬ ቤዛ ዒዛ ጋላቱዋቲ!» ጋዓኔ።

27 ዔኪ ዔያቶ ዓኣዳሂ ዳኮ ፃዳሂ ቢኢኒያሜኬ፤
ዒኢካ ሚርጌና ፓይዲንጋ ዪሁዳ ዓሶ ሱኡጋ
ዬያጉዲ ሃሃ ዛብሎኦኔንጋ ኒፕታሌሜንጋ ሱኡጋኣ ዓኣኔ።

28 ያኦሲዮ! ዋልቆ ኔኤሲ ቤኤዜ፤
ሚና ኔ ኦኡሞ ማዳ ጎይያ ሃሂያ ደዳሞ ኔኤሲ ዳዌ።

29 ዬሩሳላሜይዳ ዓኣ ኔኤኮ ጌኤዠ ማኣሮሞ
ዒንጎ ባኣዚ ካኣታ ኔኤሞ ዔኪ ዬዓንዳኔ።

30 ፒሎ ባኣካ ዓኣ ካዮ ቦያ
ዚዮ ጌማቶና ናኣሮ ማላ ካኣቶ ጎሬ፤
ቢያሂ ጉሞዓቲ ቢሮ ኔኤሞ ጊኢራንዳጉዲ ማዳ፤

ያሎ ያላኒ ናሽካ ዴርዋ ኔ ላኣሌ።

31 ጊብፄ ዓጫጋ ፖኦሊሶ ሱኡጋ ዬዓንዳኔ፤
ዒቶጲያ ዓሳኣ ኩጮ ሌካ ያኦሲ ባንሂ ዔቁሳንዳኔ።

32 ዒንሂ ዓጮ ካኣታ ቢያ ያኦሲሞ ዓይናዳዎቲ፤
ናንጊና ናንጋ ጎዳሞ ዓይኑሞ ሺኢሹዋቲ።

33 ሚናጋ ዓርቃያ ዓኣ ጫሪንጮኮ ዑያ ኬሰኬሂሞ
ፔኤኮ ዳኤፖ ዑኡዞና ጉኡማሂሞ ዓይናዳዎቲ።

34 ዲቃሂ ሄርሺሲፃ ዒዛኮ ዒሰራዔኤሌይዳ
ዋልቃኣ ዒዛሲ ሻኣሮኮ ዑሃ ማዔሂሮ

35 የኦሲኮ ደዱሞ ከኤዙዋቴ።
 የኦሲኮ! ኔኤኒ ኔኤኮ ጌኤኮ ማኣራ ዲቃሢ ሄርሺሳያኬ፤
 ዒሰራዔኤሌ ዓሰኮ የኦዛሢ ፔ ዳሮሞ
 ዋልቄና ደዱሞና ዒንጋኔ፤

የኦሲኮ ጋላታ!

69

ዓይነቱ ሱኡጋሢ ዓይሣ ጎይያ ዛዬና ዓይናዲንታ ዳውቴ ዓይነቱ

ማኣዶ ዳንቃኒ ሺኢቂንቴ ሺኢሲሢ

1 የኦሲኮ! ታና ዓውሴ፤

ዋኣፃ ታኣኮ ቆርጮ ሄሌኔ።

2 ቶኪ ዔቃ ቤሰባኣ ዔቴ ቶኦጳይዳ

ታኣኒ ጌሊ ዔኤዲንቴኔ፤

ዔታዳ ቁልቤ ዋኣሢዳ ታ ጌሌኔ፤

ዋኣፃ ጉዳሢያ ታና ዔኤዳኔ።

3 ዒላቲና ታ ላቤኔ፤

ቆርጫኣ ታኣኮ ፃኣዳኔ፤

ታ የኦዛሢኮ ጎይያ ታ ዛጋንቴ ዓኣፓ ታኣኮ ታይሬኔ።

4 ታኣኒ ማዳ ባኣዚባኣንቴ ታና ዒፃ ዓሳ

ታ ቶኦኮ ጋፓናፓ ባሺ ሚርጌኔ፤

ሺሞፓሢ ታኣኮ ባይዛኒ ኮዓ ዓሳ

ጉሪ ታና ዒፃ ዓሳ ሚርጌ ማዔኔ፤

ዉኡቂ ታኣኒ ዔኪባኣ ባኣዚ

«ማሂ ዔኪ ዩዔ» ጌይንቴኔ።

5 የኦሲኮ! ኔኤኒ ታኣኮ ዔኤያቶ ዔራኔ፤

ታ ዳቢንታ ኔኤሞ ዓኣሺንቴያቱዋሴ።

6 ቢያ ባኮ ዋይሣ ጎዳሢኮ!

ኔና ዋዛ ማሂ ካፓ ዓሳ

ታ ጌዳ ማዲንታ ባኮ ዛጊ ቦርሲንቶፓ፤

ናንጊና ናንጋ ጎዳ ማዔ ዒሰራዔኤሌ የኦዛሢኮ!

ኮሺ ኔና ኮዓ ዓሳ ታ ጌዳ ማዲንታ ባኮ ዛጊ ዳውሲንቶፓ።

7 ኔ ጋይቴ ጌዒ ጫሺ ታ ጊቤኔ፤

ቦርሲንቲና ዓኣፖ ካራ ታኣኮ ቦኦሬኔ።

8 ታ ጌርሲንሢም ዓዳ ፃንጎ ዓሲጉዲ
ታኣኮ ዒንደ ናኣቶማኣ ሸኦቲ ታ ማዔኔ።

9 ኔ ማኣሮ ዛሎ ባካ ታና ሻላኔ፤
ኔና ጫሽኮ ጫዠ ታ ዑፃ ማዔኔ።

10 ሹምፓሢ ታኣኮ ታ ሙፆ ሃሾ ዳምቦና ሜታሴኔ፤
ዬያሮዋ ዔያታ ታና ፓሴኔ።

11 ሲዮ ፓቲሎ ታ ማይንቴ ዋደና
ዔያታ ታና ዓማሊ ማሂ ሚኢጠኔ።

12 ዲሮ ካራ ደዓ ዓሶም ጌኤሲ ጌሰቶያ
ማሢንቴ ዓሶማኣ ኮሢ ኮርጎያ ታ ማዔኔ።

13 ናንጊና ናንጋ ጎዳሢዮ!
ኔ ናሽካ ዋደና ታ ኔና ሺኢቃንዳኔ፤

ፆኦሲዮ! ኔኤኮ ደኤፖ ማኣሪፆና
ኔኤኮ ዓውሲፆ ጎኑሞና ታኣም ዋይዜ።

14 ቶኦጳሢዳፓ ታና ኬሴ፤
ዔኤዲንታንዳጉዲ ታና ሃሺፖ፤

ዋኣፆ ዔታፓ
ዬያቶንታ ታና ዒፃዞንሢናፓ ሄሊ ዓውሴ።

15 ዲጳ ኩሚ ዔኪ ታና ዓኣድፓ፤
ዋኣፆ ዔታኣ ታና ዔኤድፓ፤
ዔታ ደዒ ካሮ ታኣኮ ባይዘፓ።

16 ናንጊና ናንጋ ጎዳሢዮ! ማኣሪፃ ኔኤኮ ሚርጌ ማዔሢሮ
ታኣም ዋይዜ፤
ኔኤኮ ሚጠንቶ ሚርጉሞና
ታ ባንሢ ሺሬ።

17 ታና ኔ ዓይላሢዳፓ ዓኣፖ ኔኤሲ ሺርሺፖ፤
ታኣኒ ሜቶይዳታሢሮ ዑኬና ታኣም ዋይዜ።

18 ታ ባንሢ ሙኪጋፓ ታና ዓውሴ፤
ታ ሞርኮ ኩጫፓኣ ታና ጊንሣ ማሂ ሻንቂ ዓይሴ።

19 ታና ሄሌ ጫዠንታ ቦርሲንቶንታ
ደውሲንቶዋ ኔ ዔራኔ፤
ታኣኮ ሞርኮዋ ፔቴ ፔቴ ኔ ዔራኔ።

- 20 ጫዛ ዒኖ ታኣኮ ማንህኔ፤
 ዎዛ ባይቂ ታኣኮ ጋፔኔ፤
 ታኣም ሚጪንታ ዓሲ ታ ኮዔኔ፤
 ጋዓንቴ ታ ዴንቁባኣሴ።
- ታና ደዲሻ ዓሲያ ታ ኮዔንቴ
 ፔቴታዖ ባኣሴ።
- 21 ዔያታ ሙዖ ታኣኮ ጪሸና ሲኢሬኔ፤
 ታ ዴኤቢንታዛ ሶልኪ ዑሺ ታኣም ዒንጌኔ።
- 22 ዔያቶም ሸኢሸና ካፃ ፒሮ ዔያቶም ማዖንጎ፤
 ዔያቶኮ ሙዖሮ ቡኪንቴፃኣ ባይሲንታ ካራ ማዖንጎ።
- 23 ዓኣፓ ዔያቶሲ ዛጉዋጉዲ ዲሞንጎ፤
 ጊኢራ ቢያ ዎዴ ዎሮንጎ።
- 24 ዲማ ዲማ ኔኤኮ ዎዳ ባኮ ዔያቶ ዑፃ ኬይሴ፤
 ዔያታ ዔሪባኣንቴ ኔ ዳጎ ዔያቶ ዑፃ ጮኦሽኬ።
- 25 ጉርዳ ዔያቶሲ ዳውሌ ማዖንጎ፤
 ዓፒሎና ማጉና ማኣራ ዔያቶኮ ዓሲ ናንጎፓ።
- 26 ኔ ጸርቄ ዓሶ ዔያታ ዳውሴኔ፤
 ኔ ኪፃሴ ዓሶኮ ማታህ ዔያታ ዳልጊሼኔ።
- 27 ዳቢንቶይዳ ዔያቶኮ ዳቢንቲ ቃሴ፤
 ኔ ዲሉሞ ባንህያ ዑኮፓ።
- 28 ናንጎ ማፃኣፓፓ ዔያታ ቃኣጪንቶንጎ፤
 ዲሎ ዓሶና ዎላ ፃኣፒንቶፓ።

- 29 ጋዓንቴ ታኣኒ ማቶ ዎኣዪህዳ ዓኣኔ፤
 ፆኦሲዮ! ኔኤኮ ዓውሲፃ ኬልቂ ታና ዓርቆንጎ።
- 30 ፆኦሲኮ ሱንዖ ጋላቲህና ታ ዓይናዳንዳኔ፤
 ጋላቲህና ታኣኒ ዴግ ዴጊዳንዳኔ።
- 31 ዬይያ ጌማይደፓ ባሽ
 ጉራኒንታ ሹቁሊንታ ኬሴ
 ዚያ ጌማይ ዒዛም ዒንጊህዳፓ ባሽ
 ናንጊና ናንጋ ጎዳ ዎዛሳኔ።
- 32 ማንቆ ዓሳ ዬያ ዛጋዖ ዎዛዳንዳኔ፤
 ዒንህ ፆኦሲ ኮዓ ዓሳ ዒና ዒንህኮ ደደንጎ።
- 33 ናንጊና ናንጋ ጎዳ ማታዳ ዓሶኮ ዒላቶ ዎይዛኔ፤

69:21 69:21 ማጉ. 27:48፤ ማር. 15:36፤ ሉቃ. 23:36፤ ዮሃ. 19:28-29።
 69:23 69:23 ሮሜ 11:9-10። 69:25 69:25 ዲኪ. ማዳ 1:20። 69:28
 69:28 ኬሲ. ማፃ 32:32፤ ዮሃ. ፆፔዳ 3:5፤ 13:8፤ 17:8።

ቱኡቲ ዓኣ ዓሶዋ ዒዚ ቶኦዛዲ ዛጉዋሴ።

34 ጫሪንጮንታ ሳዖንታ ባዘንታ
ዬያኮ ጋሮይዳ ዓጊፃ ባካ ቢያ
ዖኦሲ ጋላቶንጎ።

35 ዖኦሲ ሂዮኔ ዓውሳንዳኔ፤
ዪሁዳ ካታሞዋ ማሂ ጊንሣ ማኸንዳኔ፤
ዬካፓ ዳራ ዒዛኮ ዒኢካ ናንጋንዳኔ፤
ሳዔሎዋ ዔያታ ፔኤሮ ማሃንዳኔ።

36 ዒዛ ዓይሎ ዜርፃ ዬኖ ዳካላንዳኔ፤
ዒዛ ናሽካዘንሢያ ቢያ ዒኢካ ናንጋንዳኔ።

ማኣዶ ዳንቃኒ ሺኢቂንቲ ሺኢጲሢ

70

(ዓይኑ. 40:13-17ይዳ ዓኣሢና ዋሊ ማላያኬ)

ዓይነቱ ሱኡጋሢ ዓይሣ ጎይዖና ማሊ ጳቂሥሢሮ ዓይናዲንታ ዳውቲ ዓይነቱ

1 ዖኦሲዮ! ታና ዓውሳኒ ታ ባንሢ ሺሬ!
ናንጊና ናንጋ ጎዳሢዮ! ታና ማኣዳኒ ሩኡሬቴራ!

2 ታኣኮ ሽምፓሢ ባይዛኒ ኮዓዘንሢ
ቦርሲንቶንጎ፣ ዲቃቲ ካራ ባይዘንጎ፤

ታኣኮ ባይሲንቶ ካፓዘንሢ
ዳውሲንቲ ጊንሢም ማዖንጎ።

3 ታ ዑዖይዳ፡- «ማዳ ዒዛም!» ጋዓዘንሢ
ቦርሲንቲ ጊንሢም ማዖንጎ።

4 ጋዓንቲ ኔና ኮዓዘንሢ ቢያ ኔኤና ሚርጌና ዋዛዶንጎ፤
ኔኤኮ ዓውሲያ ናሽካዘንሢ ቢያ ዋዴ፡-
«ዖኦሲ ዳኤፒኬ!» ጎዖንጎ።

5 ዖኦሲዮ! ታኣኒ ጋዓንቲ ማንቆ፣ ሃሣ ማታዳ ዓሲኬ፤
ናንጊና ናንጋ ጎዳሢዮ! ሩኡሪና ታና ሄሌ፤
ታና ማኣዳሢና ዓውሳሢያ ኔናታሢሮ
ዖኦሲዮ! ኔኤኒ ኔጊፕ!

71

ጾኑሲ ካፓንዳጉዲ ሺኦቂንቴ ሺኦጲሂ

1 ናንጊና ናንጋ ጎዳሂዮ! ታ ኔና ታኣኮ ገቲማሂ ማሄሂር
ፔቴታጾ ታኣኒ ቦርሲንታዓኩ።

2 ኔ ዒሉሞና ቶሊሲ ታና ዓውሴ፤
ዋዮ ኔኤኮ ታ ባንሂ ማሂ ታና ዓይሴ።

3 ዓይጎ ዋዴናኣ ታ ዓኣሺንቴ ጌኤቂንታ ላላሂ ታኣኮ ማዔ፤
ኔ ታኣኮ ዋርዲዮ ላሎ ሹጫሂኬ፤
ዬያር ታና ዓውሳንዳ ዓይሥሂ ኬሰኮንጎ።

4 ጾኑሲዮ! ፑርቶ ዓሶ ኩጫፓ
ሚጨንቴዋ ጌኔ ማዳ ዓሶፓ ታና ዓውሴ።

5 ናንጊና ናንጋ ጎዳሂዮ!
ኔኤኒ ታኣኮ ሃጊ ማዓ ዋዛሂ
ናኣቴማፓ ዓርቃጾ ኔ ታኣኮ ጌኤቂንቶሂኬ።

6 ታኣኒ ሸይንታፓ ዓርቃጾ ኔ ዑፃ ጌኤቂንቴኔ፤
ታ ዒንዶ ጎጶፓ ታና ኔ ኬሴኔ፤
ቢያ ዋዴ ታኣኮ ጋላቶሂ ኔናኬ።

7 ኔኤኒ ታ ዛሎ ደዲ ጾልታሂ ማዔሂር
ናንጋ ታኣኮ ሚርጌ ዓሶሞ ማላታ ማዔኔ።

8 ሮኦር ጉቤ ኔኤኮ ቦንቾ ኬኤዛኒ
ዳንጋ ታኣኮ ጋላታ ሌሊ ማዔኔ፤

9 ሃሂ ታ ጋርቼቴያ ታና ኬኤሪፖ፤
ዋልቃ ታኣኮ ጋፓዛኣ ታና ሃሺፖ።

10 ሞርካ ታኣኮ ዋላ ጌሰቴኔ፤
ሹምፓሂ ታኣኮ ባይዛኒ ኮዓ ዓሳ ዋሊና ዘርቴኔ።

11 ዔያታ ዒማና፡- «ጾኑሲ ዒዛ ሃሹኔ፤
ዒዛ ዓውሳንዳይ ባኣሂር
ዳውሲ ዒዛ ዓርቁዋቴራ» ጌዔኔ።

12 ጾኑሲዮ! ኔ ታ ኮራፓ ሃኪፖ፤
ታ ጾኦዛሂዮ! ታና ማኣዳኒ ሩኤሬ።

13 ማኪ ታና ዒፃዘንሂ ዒጊጨ ባይቆንጎ፤
ማኣሳንሂኒ ኮዓዘንሂያ ቶኦቹንቴ ዳውሲንቶንጎ።

14 ታኣኒ ጋዓንቴ ቢያ ዋዴ ኔና ጉሙርቃኔ፤
ቃሲ ቃሲ ጋላታ ታ ኔኤሞ ሺኦሻኔ።

- 15 ደንጋ ታኣኮ ኔ ዲሉሞ ሮኦር ጉቤ
 ኔ ዳቂሺያ ኬኤዛኔ፤
 ጌኤዘ ዎማካ ዔቂሶንዶቴያ ታኣሞ ዔርቲባኣሴ።
- 16 ታኣኒ ሙኪ ናንጊና ናንጋ ጎዳኮ
 ዶዶ ማዶ ኬኤዛንዳኔ፤
 ኔ ዲሉሞ ሌሊ ታኣኒ ኬኤዛንዳኔ።
- 17 ያኦሲዮ! ኔኤኒ ታና ናኣቴሞፓ ዓርቃያ ዔርዘኔ፤
 ታኣኒያ ሃኖ ሄላንዳኣና ኔኤኮ ሄርሺሲ ዲቃሣ ዓኮ ማዶ
 ኬኤዛኔ።
- 18 ያኦሲዮ! ታኣኒ ጋርቺ ቡኡቄቴያ
 ኩጮ ኔኤኮ ሙካ ሸይንቶሞ
 ዎልቆዎ ጊንፃ ኬሰካ ዴሮሞ
 ቢያ ታ ኬኤዛንዳያ ሄላንዳኣና ኔ ታና ሃሺፖ።
- 19 ያኦሲዮ! ዲሉማ ኔኤሲ ጫሪንጮ ሄላያኬ፤
 ኔኤኒ ዴኤፒ ዴኤፒ ባኣዚ ማዴኔ፤
 ያኦዛሂዮ! ኔጉዴያ ያናዳይ?
- 20 ኔኤኒ ታና ሚርጌ ሜቶና ዎኣዪሂና ሄሊሴታቴያ
 ናንጎ ታኣሲ ኔ ጊንሣ ዓካሳንዳኔ፤
 ሳያ ዴሞ ዔቶይዳፓ
 ላሚ ታና ኔ ኬሳንዳኔ።
- 21 ታኣኮ ቦንቸ ታኣሞ ኔ ቃሳንዳኔ፤
 ማሂ ኔ ታና ጊንሣ ዶዶሻንዳኔ።
- 22 ያኦሲዮ! ኔኤኮ ጉሙርቂንቲያ ዛሎ
 ጎኦላ ዎርቂ ታ ኔና ጋላታንዳኔ፤
 ዒሰራዔኤሌሌ ዓሶኮ ያኦዛሂዮ!
 ዓይኑሞ ዓንጋሞና ጋላታ ዓይኑሞ ታ ኔኤሞ ሸኢሻኔ።
- 23 ታኣኒ ኔኤሞ ዓይኑሞ ዓይናዳ ዎዶና
 ሙሱራ ታኣኮ ዎዛና
 ኔኤኒ ማሂ ሻንቂ ዓውሴ ሸምፔላኣ ዒላሻኔ።
- 24 ደንጋ ታኣኮ ኔ ዲሉሞ ዛሎ ሮኦር ጉቤ ኬኤዛኔ፤
 ታና ሜታ ሄላንዳጉዲ ኮዓዘንሂ
 ቦርሲንቴኔ፥ ጋፒ ዳውሲንቴኔ።

72

- ሃገ ሙካ ካክታህ ጾኑሲ ማኣዳንዳጉዲ ሺኢቁንቴ ሺኢጲህ
- 1 ጾኑሲዮ! ኔኤኮ ዋጎ ካክቲም
 ዲሉሞዋ ኔኤኮ ካክቲ ሩኣዚም ዒንጌ።
 - 2 ዒዚ ኔ ዴሮኮ ጌኤዘ ዲሉሞና ዛጋንዳኔ፤
 ሜታዳዘንህማኣ ፒዙሞና ዎጋንዳኔ።
 - 3 ዲካ ጾርጎቹም
 ጌሜራኣ ዴሮም ዲሉሞ ዓኣፒ ዔኪ ዬዓንዳኔ።
 - 4 ዒዚ ሜታዳ ዴሮም ሞኦቲንታንዳኔ፤
 ማንቆ ዓሶዋ ዓውሳንዳኔ፤
 ዓሶ ሄርቁ ዎይህ ዓሶዋ ዒ ጋኣጫንዳኔ።
 - 5 ዓባ ዓኣ ዎዶይዳ ቢያ
 ዓገናኣ ፖዓ ዎዶይዳ ቢያ
 ሾይንቲፓ ሾይንቲ ሄላንዳኣና ዒዚ ሩንጋንዳኔ።
 - 6 ሃኣኮ ቡሪንቴም ማኣሊዳ ዋርቃ ዒርዚጉዲ
 ዒ ዋርቃንዳኔ፤
 ዓዳ ፀብ ዒርዚጉዲ ሳዓ ጌላንዳኔ።
 - 7 ዒዛ ካኦቱሞና ዲሉሞ ሚርጋንዳኔ፤
 ዓገና ፖዓ ሃሻንዳያ ሄላንዳኣና
 ጾርጎቹማ ዒዛኮ ሚርገ ዴዓንዳኔ።
 - 8 ዒዛ ዓጮኮ ዛጳ ባዛፓ ባዞ ሄላንዳኣና
 ዔፕራዲሴ ዎራፓ ዴንዲ ዓጮ ጋፖ ሄላንዳኣናኸ።
 - 9 ዳውሎ ዓጮ ዓሳ ዒዛም ዚጋንዳኔ፤ *
 ሞርካ ዒዛኮ ዒዛ ቤርታ ሎኦሚ ዓጪ ኩኡላንዳኔ።
 - 10 ቱርሴሴንታ ዋኣያ ሳዛ ዓኣ ዓጮ ካኣታኣ
 ጌኢራ ሚኢሺ ዒዛም ዔኪ ዬዓንዳኔ፤
 ዓሬቤንታ ሳኣባ ዓጮ ካኣታኣ ዔኤቤ ዒንጋኒ ዒዛም
 ሺኢሻንዳኔ።
 - 11 ካኣታ ቢያ ዒዛም ዚጋንዳኔ፤
 ዴራኣ ቢያ ዒዛም ዎርቃንዳኔ።
 - 12 ሜታዳህ ዒላታ ዎዶና
 ማንቆ ዓሶንታ ማኣዳይ ባኣ ዓሶዋ ዒዚ ሄሊ ዓውሳንዳኔ።

72:8 72:8 ዛካ. 9:10። * 72:9 72:9 ዳውሎ ዓጮ ዓሳ ዒዛም ዚጋንዳኔ ጋዓዞ፡-
 ላንካይታሞ ዓሳ ቡሌ ማጻፈግ ዎዶ «ዒቶጲያ ዒዛም ዚጋንዳኔ» ጋዓ።

13 ማንቆንታ ማታጅ ዓሶንታም ዒ ሚጨንታንዳኔ፤
 ዬያቶ ሃይቢዳፓኣ ዒ ዓውሳንዳኔ።
 14 ሄርቁንቲ ዋርቆ ዋይፆይዳፓ ዒዚ ዔያቶ ኬሳኔ፤
 ሱጉፃ ዔያቶሲ ዒዛ ቤርታ ቦንቺንቴያኬ።

15 ካኣታሢ ሚርጌ ለዔ ናንጎም!
 ሳኣባ ዓጮይዳፓ ዋርቆ ዒዛም ሺኢኮም፤
 ሺኢጲሢያ ቢያ ዋይ ዒዛም ሺኢቁንቶም፤
 ቢያ ዋይ ፆኦሲኮ ዓንጃ ዒዛም ማፆም።

16 ዓጫ ዒዛሲ ሚርጌ ሃኣኮ ካሦም፤
 ዲካ ዒዛኮ ሃኣኮ ባቃልሶም፤
 ሊባኖኦሴ ዲኮጉዲ ማሊ ማፆም፤
 ሃኣኮኮ ናታ ዒዛኮ ማኣቲጉዲ ሚርጎም።
 17 ሱንፃ ዒዛሲ ናንጊና ደዲ ናንጎም!
 ዔርቲፃ ዒዛኮ ዓቢ ናንጋሢጉዲ ማፆም፤
 ዴሬ ቢያ ዒዛና ዓንጃንቶም፤
 ዴራ ቢያ፡- «ኔኤኒ ዓንጃንቴያኬ!» ዒዛ ጎፆም።

18 ፔኤር ሌሊ ሄርሺሲ ዲቃሢ ዓኪ ባኣዚ ማዳ
 ናንጊና ናንጋ ጎዳ ማዔ ዒሰራዔኤሌ ፆኦዛሢ ዓንጃንቶም!

19 ዒዛኮ ቦንቺ ሱንፃ ናንጊና ዓንጃንቶም፤
 ዓጫ ቢያ ዒዛኮ ቦንቺና ኩሞም!

ዓኣሜን! ዓኣሜን!

20 ዒሴዬ ናኣዚ ዳውቴ ሺኢጲፃ
 ሃይማ ሄሊ ጋፔኔ።

ሃይሣሳ ፖቂፆ

73

(ዓይኑ. ማፃ ዓይ. 73—89)

ዓሳኣፔ ዓይኑም

ፆኦሲኮ ፒዜ ዋጊፆ

- 1 ዒና ጌኤሺ ማዔ ዒሰራዔኤሌ ዓሶም
 ፆኦሲ ዋዚ ኮሺዳይ!
- 2 ታኣኒ ጋዓንቴ ቶካ ታኣኮ ዲቁንታኒ
 ሃሊፃም ሎኦማኒ ዳካር ዓቴኔ።

3 ታኣኒ ፑርቶ ዓሰም ዔባ ኮሽካዛ ዛጊ
 ዋይዞ ዒፃ ዓሰማኣ «ዬይ ዎዲ ማዔያ»
 ጌይ ማሌኔ።

4 ፔቲታፆ ሜታ ዔያቶኮ ባኣሴ።
 ዑፃ ዔያቶሲ ኩሙሢ ኮሺኬ።

5 ዓሲ ሄላ ፑርታ ሜታ ዔያቶ ሄሉዋሴ፤
 ዓይጎ ዓሲዳኣ ማዓ ሜታ ዔያቶ ዑፃ ማዑዋሴ።

6 ዬያር ፆቶርሙሞ ዔያቶኮ ቆርጫ ማይንቶ ፓልሞኬ፤
 ዋይዚ ዒዲሢያ ዓዳ ዔያታ ማኣፆጉዲ ማይንቴኔ።

7 ዔያቶኮ ማሌ ዓኣፓ ቴልዮ ጌይ ዛጋኔ፤
 ዒናኣ ዔያቶሲ ፑርታ ማሊሢ ኬሳኔ።

8 ቶኦቺሢና ፑርቱሞ ዔያታ ጌሰታኔ፤
 ለካ ጨኢዲንቲ ጨኢዲንቲ ዋይዞ ዒዲያና ዚርቃኔ።

9 ጫሪንጫ ዓኣ ፆኦዛሢ ማኪ ዔያታ ጌሰታኔ፤
 ጌኤዛ ዔያቶኮ ሳዓ ማዔ ካሮ ሄላኔ።

10 ዬያር ፆኦሲ ዳራኣ ዓቱሞፆ ዔያቶ ባንሢ ጎዓኔ፤
 ዋኣፆዋ ዔያቶኮ ካራባኣ ጎይሢና ዑሽካኔ።

11 «ዓካሪ ፆኦሲ ዋይቲ ዔራይ?
 ዴኤፖ ፆኦዛሢ ኮራ ዔራቶ ዓኣ?» ዔያታ ጋዓኔ።

12 ፑርቶ ዓሳ ያዲ ማላኔ፤
 ዔያቶኮ ዓኣ ቆላ ጊዳያኬ፤
 ዬያይዴንቴያ ቃሲ ቆሎ ዔያታ ዴንቃኔ።

13 ሃይሾ ዒኖ ታኣኮ ታ ጌኤሺ ማሄሢ ጉሪኬ፤
 ዔኤቢ ታ ካኣሚባኣዋይ ጌዒ ኩጮ ማሰታሢያ ጉሪኬ።

14 ሮኦር ጉቤ ታ ሜታዴኔ፤
 ጉቶ ጉቶዋ ሜቶ ታ ዔኬኔ።

15 ታኣኒ ሃያይዲ ጌሰታንዳኔ ጌዔያ ማዔያታቶ
 ኔኤኮ ናኣቶ ሾይንቶይዳ ሄኤዶ ፑርታ ባኣዚ ማዴያናንዳኔ።

16 ዬያ ባኮ ታ ዔራሲ ማሌ ዎዶና
 ላቢሢ ማዶ ማሊ ታኣም ጴዴኔ።

17 ዬያ ፆኦሲኮ ዲማዴ ማኣሮ ታ ጌላንዲያ ሄላንዳኣና
 ፓፓንፆዋ ዔያቶኮ ታ ዛጋንዲያ ሄላንዳኣናኬ።

18 ጎኔና ሃሊፃ ቤሰካ ኔ ዔያቶ ጌሢኔ፤
 ባይሰንታ ባንሢያ ኔ ዔያቶ ኬይሴኔ።

19 ዔያታ ቤዘና ሩኡሪ ዋይቲ ባይቄይ?

ዲቃቲ ጋፒ ዔያታ ኩዳኔ።
 20 ዓሲ ዓውቲዳፓ ዲቃታፖ ዎኦታሢጉዲ
 ናንጊና ናንጋ ጎዳሢዮ!
 ኔኤኒ ዔቃ ዎድና ባልባቲሢጉዲ ጉሪ ኔ ዔያቶ ማሃንዳኔ።

21 ማሊፃ ታኣኮ ሚርጌና ጫንቄኔ፤

ዒናኣ ታኣኮ ማቄኔ።

22 ማሊሢባኣያና ዔራዎ ዓሲያ ታ ማዔኔ፤

ኔ ቤርታ ቆልሞጉዲ ታ ማዔኔ።

23 ያዲ ማዔያታቲያ ቢያ ዎዴ ታ ኔኤና ዎላኬ፤

ኔኤኒያ ታኣኮ ሚዛቆ ኩጮ ዓርቄኔ።

24 ኔ ዘሪዎና ዔኪ ታና ኔ ዓኣዳኔ፤

ጊንፃፓ ኔ ታና ቦንቹሳንዳኔ።

25 ጫሪንጮይዳ ኔኤፓ ዓታዛ ታኣኮ ያኦኒ ዓኣይ?

ሳዎይዳ ኔ ጊዳፓ ማሌ ታ ኮዓይ ባኣሴ።

26 ታኣኮ ዑዎንታ ዒኖንታ ላባኒ ዳንዳዓኔ፤

ዎኦሲ ጋዓንቲ ዒኖኮ ታኣኮ ደደማሢና

ናንጊና ታኣሮ ማሂ ታ ዔኬሢኬ።

27 ዓከሪ ኔኤፓ ሃካዘንሢ ባይቃንዳኔ፤

ኔኤኒ ኔኤም ጉሙርቁንቲዎዘንሢ ቢያ ባይዘንዳኔ።

28 ታኣም ጋዓንቲ ዎኦሲ ባንሢ ዑኪሢ ኮይሳኔ፤

ናንጊና ናንጋ ጎዳ ጊቲማሢ ታኣኮ ታ ማሄኔ፤

ኔኤኮ ማዶ ዛሎዎ ታኣም ኬኤዛኒ ኮሺኬ።

74

ዓሳኣፔ ዔራቶና ካላሌ ካላሊ

ዴራ ኮሺ ናንጋንዳጉዲ ሺኣቁንቲ ሺኣጲሢ

1 ዎኦሲዮ!

ናንጊና ኔ ኑና ዓይጋ ኬኤሬይ?

ሄንቆ ቦኦሎይዳ ዓኣ ኔ ማራቶይዳ ዳጋ ኔኤኮ ዓይጋ ዔኤቲይ?

2 ሚናፓ ዓርቃፖ ኔ ዶኦሬ

ኔ ዒጊኒ ማዓንዳጉዲ ዓይላታፓ ሻንቄ ኔ ኬሴ

ዴር ኔኤኮ ማሌ፤

ሃያኮ ቤርታ ኔኤኮ ናንጎ ቤሲ ኔ ማሄ

ፂዮኔ ዴኮም ማሌ።

3 ሄዎ ኔኤኮ ናንጊና ቆይዳ ማዔ ቤዘ ባንሢ ማሄ፤

ሞርካ ኔኤኮ ጌኤዢ ማኣራ ዓኣ ባኮ ቢያ ፑርቲሴኔ።

- 4 ሞርካ፡- «ኑ ባሽኔ» ጌራ
ኔኤኮ ጌኤኮ ማኣሮይዳ ሄርሺንታኔ፤
ባሺያ ዔርዛ ዔያቶኮ ባንዲሮዋ ሱጭ።
- 5 ካዮ ባኣካ ሚሢ ቆፃኒ
ሄርጋ ዓርቄ ዓሲ ዔያታ ማላኔ።
- 6 ሚያ ቃርፂ ኮጫ ሱያና ባኮ
ሄርጋና ቆፂ፥ ሞቶሾናኣ ጳርቄ ሜንሣኔ።
- 7 ኔኤኮ ጌኤኮ ማኣሮ ሚቺ ዔያታ ባይዜኔ፤
ኔ ሱንያኮ ዋይያ ቤዘዋ ዒኢሴኔ።
- 8 ዔያታ ፔኤኮ ዒኖና፡-
«ጋፒንሢ ሄርቄ ኑ ዔያቶ ዋይሣንዳኔ» ጌዔኔ፤
ሳዔሎይዳ ያኦሲ ካኣሽኪንታ ቤዘ ቢያ ዔያታ ሚቺኔ።
- 9 ማይ ኑ ዛጋንዳ ማላታ ማዓ ባኣዚ ባኣሴ፤
ፔቲታያ ያኦሲ ማላሢ ኬኢዛኒ ኬሰካ ዓሲያ ባኣሴ፤
ሃይ ዋማ ሄላንዳኣና ሃማይዲ ዴዓቲያ
ዔራይ ኑ ባኣካ ባኣሴ።
- 10 ያኦሲዮ! ሞርካ ሚኢ ጫሢ ዋማ ሄላንዳኣናዳይ?
ኔ ሱንያ ጫርቄ ዔያታ ቶኣቻሢ ዋማካ ጋፓይ?
- 11 ኩጮ ኔኤኮ ኔ ዓይጋ ማሂ ዔካይ?
ሚዛቆ ኩጮ ኔኤኮ ሾኦጳ ዴማ ዓይጋ ዳካይ?
- 12 ያኦሲዮ! ሚናፓ ዓርቃያ ኔ ታኣኮ ካኣቲኬ፤
ሳያይዳ ኔኤኮ ዓውሲያ ማዶ ኔ ማዳኔ።
- 13 ኔኤኮ ዋልቆና ባዘ ፓቄሢ ኔናኬ፤
ባዘይዳ ናንጋ ቦያኮዋ ቶኣኮ ዋኣያይዳ ኔ ዳኣጭ።
- 14 ሌዋታኔ ጌይንታ ቦያኮ ቶኣኮ ኔ ጋኣጩኔ፤
ዓሲ ናንጉዋ ዳውሎ ማዢንቶማዋኣ *
ሙኡዚ ማሂ ኔ ዒንጌኔ።
- 15 ዓልቃ ዋኣያንታ ዋታ ዋርንታ ዑሬሢ ኔናኬ፤
ቢያ ዋዴ ዋታ ዋር ኔ ሚጪሴኔ።
- 16 ሮኣርንታ ዋንቶንታ ኔኤርኬ፤
ዓጊኖና ዓቦና ኔኤኒ ዶዲሺ ዴይሣኔ።
- 17 ሳያኮ ማዓ ካር ጌሣሢ ኔናኬ፤

74:13 74:13 ኬሲ. ማፃ 14:21። * 74:14 74:14 ዓሲ ናንጉዋ ዳውሎ ማዢንቶማኣ ጋዓዙ፡- ላንካይታዋ ዓሳ ቡሌ ማግኒፖይዳ «ዒቶጲያ ዓሰማኣ ሙኡዚ ኔ ዒንጌኔ» ጋዓኔ። 74:14 74:14 ዓ.ዮ. 41:1፤ ዓይኑ. 104:26፤ ዓሲ. 27:1።

ጎጎጎጎጎ ባርጎጎጎጎ ኔኔኔ ኬሴኔ።

- 18 ናንጊና ናንጋ ጎዳሢዮ!
 ኔ ሞርካ ኔና ቦሂ ዓማላሢ ዛጌ፤
 ዔያታ ዔኤያ ማዔሢሮ ኔ ሱንጎይዳ ጫርቃ።
- 19 ኔኤም ወርቃ ሽምጋሢ ቦጎም ዓኣሢ ዒንጊፖ፤
 ኔኤም ማዳዘንሢኮ ሜቶ ናንጊና ዋሊፖ!
- 20 ጫኣቁሞ ኔኤሲ ማሌ፤
 ዋይዚ ዒዲሢ ቡኬ ቤሲ
 ሳዔሎኮ ዲሜ ጊንፃ ኩሜኔ።
- 21 ሄርቁንቲ ዋርቃዘንሢ ቦርሲንቲ ማጎፓ፤
 ማንቆንታ ሜታዳ ዓሶንታ ሱንጎ ኔኤሲ ጋላቶንጎ።

- 22 ጎኦሲዮ! ዔቁ!
 ኔ ጌኤዘ ዛሎ ሞኦቲንጎ፤
 ጋሡዋ ዓሳ ሮኦሮ ጉቤ
 ኔና ቶኦቻሢ ዛጌ።

- 23 ኔ ሞርኮኮ ሄርሺንቶ
 ቢያ ዋዴ ዲቢ ዲቢ ዓኣዳ ሆኦሊንቶ
 ዔያቶኮ ኔኔኔ ዋሊፖ።

75

«ባይዚፖ» ጌይንታ ዓይነቱና ዓይነቱ ሱኡጋሢ ዓይሣ ጎይጎ
 ዓይናዲንቲ ዓሳኣፔኮ ጎኦሲ ሄርሺጎ ዓይነቱ
 ጎኦሲ ዋጋያ ማዒጎ

- 1 ጎኦሲዮ! ኦኡኔ ኔና ጋላታ፤
 ኔኔኔ ሃንጋ ኦ ባንሢ ዑኬሢሮ
 ኔ ሱንጎም ኦ ጋላታ ሺኢሻኔ፤
 ኔ ማዳ ዲቃሢ ሄርሺሳ ማዶ ኦ ኬኤዛ።
- 2 ኔኤኔ:- «ታኣኔ ዋጌ ዋጋንዳ ኬሊ ማንሣ፤
 ዬኖ ዋዶና ፒዜ ታ ዋጋንዳ።
- 3 ሳዓ ዓጊጭታቴያ
 ዒኢካ ዓኣ ማዢንታ ጎጋይቁቴያ
 ታኣኔ ሳጎኮ ዓይጎ ዶዲሻ።
- 4 ጎቶርቃዘንሢ ዒንሢ ሄርሺንቲፖ፤
 ፑርቶ ዓሶዋ «ጨኢዲንቲፖ፤» ታኣኔ ጋዓንዳ፤

- 5 ያኦሲ ዑያይዳ ኔና ደግ ደገዲፖ፤
ሃንሳ ሃሣ ያቶርቁ ጌሰቲፖ» ጌዔ።
- 6 ዋጌ ዓባ ኬሰካ ባንፃፓ ማዖም ጌላ ባንፃፓ
ጊንሣ ሃሣ ዓሲ ናንጉዋ ዳውላፓ ሙኩዋሴ።
- 7 ፔቲሢ «ዳቤ።» ጌዒ ዋጋሢ
ባጋሢ «ዔኤቢ ኔኤኮ ባኣሴ» ጌዒ
ፒዜ ዋጋሢ ያኦሲኬ።
- 8 ዑዠ ዑሽኮ ዓንጋ ናንጊና ናንጋ ጎዳኮ ኩጫ ዓኣ፤
ኮይሳሢጉዲ ጊኢጊሸና ዲባዳ ዋይኖ ዑዠ ኩሚ ዓኣ፤
ዬያ ዒ ዓንጋፓ ላኣላዛ ሳያይዳ ዋይዞ ዒፃ ዓሳ
ሞጮዋ ዓይሱዋፃ ጋፒሲ ዑሽካንዳ።
- 9 ታኣኒ ጋዓንቴ ዬያ ናንጊና ኬኤዛንዳ፤
ያይቆኦ ያኣዛሢ ማዖም ዓይነቱ ሸኢሻንዳ።
- 10 ፑርቶ ዓሶኮ ካኣሮ ቢያ ታ ማንሣንዳ፤
ዒሎ ዓሶሲ ጋዓንቴ ደግ ጋዓንዳ።

76

ዓይነቱ ሱኡጋሢ ዓይሣ ጎይያ ጎኦላና ዓይናዲንቴ ዓሳኣፒኮ
ያኦሲ ሄርሺያ ዓይነቱ

- ያኦሲ ባሻያ ማዔሢ
- 1 ያኦሲ ዪሁዳ ዓጫ ዔርቴ፤
ሱንፃ ዒዛኮ ዒሰራዔኤሌይዳ ዴኤፒኬ።
- 2 ጌኤዠ ማኣራ ዒዛኮ ዬሩሳላሚይዳ (ሳሌሚይዳ)
ዒዚ ዋርቃ ቤዛኣ ዒዮኔይዳ።
- 3 ዒኢካ ዲከንታ ሂኢዠንታ ጊቲሞንታ
ዋርቃዋ ዒ ማንሣ።
- 4 ያኦሲዮ! ኔኤኒ ዒጊቻያኬ፤
ኔኤኮ ዲቃሢ ሄርሺሲፃ ዴኤፖ ዲካፓ ባሼኬ።
- 5 ያሎና ዔርቴ ፖኦላሳ ዲዒ ዔኬ ባካ
ጊንሣ ቡሪንቲ ዔውቴ፤
ኩጮ ዔያታ ዔቂሶ ባሺንቲ
ጋፒ ጊንፃ ጊንዔ።
- 6 ያይቆኦ ያኣዛሢ!
ኔኤኒ ዔያቶ ጎሪ ዋይና
ፓራሢ ቶጌ ዓሳ ፓራሢና ዋላ ሃይቄ።

- 7 ዓገጢን ደያ ኮይሳሢ ኔና ሌሊኬ፤
ኔኤኒ ዳጋጅ ዎደና ኔ ቤርታ ዎኦኒ ዔቃኒ ዳንዳባንዳይ?
- 8 ኔኤኒ ጫሪንጫፓ ዎጎ ኬኤዜም
ሳዔላ ዎይዚ ዒገቹሞና ዚቲዮ ጌዔኔ።
- 9 ዎኦሲዮ! ዩይ ያዲ ማዔሢ
ኔኤኒ ሳዎይዳ ማታጅ ባሶ ዓውሳኒ
ዎጎሮ ዔቁ ዎደናኬ።
- 10 ዓሲ ማቶ ዓገጢ ኔኤኒ ጎሬቲያ ኔ ቦንቾም ማዓኔ፤
ዩያ ጎሪንቶፓ ቶሌዘንሢያ ሪኢራኔ።
- 11 ናንገና ናንጋ ጎዳ ማዔ ዒንሢ ዎኦዚም ናኦቡዎቲ፤
ዒንሢ ናኦቤ ናኦቡዎ ኩንሡዎቲ፤
ዒዛኮ ዑኬ ዓኣ ዓሳ ቢያ
ዒገቻያ ማዔሢም ዒንጎ ባኣዚ ሺኢሾንጎ።
- 12 ዒዚ ዎቶርቃ ሱኡጎ ዳውሲሳኔ፤
ዴኤፖ ዴኤፖ ካኣቶዎ ጎቃይሳኔ።

77

ዓይነቱ ሱኡጋሢ ዓይሢ ጎይዎ ዔይታሜ ዛሎ ዓይናዲንቲ
ዓሳኣፔ ዓይነቱ

- ማቶፓ ቶላኒ ሺኢቁንቲ ሺኢዲሢ
1 ዑኡዘ ታኣኮ ዴገዲ ዎኦሲ ባንሢ ዒላቲኔ፤
ዒዚ ታኣም ዎይዘንዳጉዲ ዒዛ ባንሢ ዔኤሊንቲ።
- 2 ታኣኮ ማታሢ ኬሎና
ናንገና ናንጋ ጎዳ ታ ኮዔኔ፤
ዎንቶ ላቢሢ ባኣንቲ ኩጮ ታ ዒዛ ባንሢ ዔቁሴኔ፤
ሺምፔላ ጋባንቲ ታኣኮ ደዲዎ ዒፄኔ።
- 3 ዎኦሲ ዛሎ ታ ማላ ዎደና ታ ዎይኔ፤
ዒናፓ ታ ማላዛ ዒና ታኣኮ ደጩኔ።
- 4 ዎንቶ ጉቤ ኔ ታና ጴቹኔ፤
ዎዩዎ ታኣኮ ማርጌሢሮ ጌሰታኒ ታ ዳንዳባኣሴ።
- 5 ገንሢም ዓኣጅ ኬሎ ታ ማላኔ፤
ሚና ዓኣ ሌዎዎ ማላ ታ ጳቂሢ።
- 6 ዎንቶ ታ ዓይናዴ ዓይነቱ ማላኔ፤
ታኣኮ ዒናና ታ ጌሰቲኔ፤
ታ ዓያናና ታ ማላዎ።

- 7 «ናንገና ናንጋ ጎዳ ኑና ጋፒ ከኬኤሪያ?
ሃካፓ ሴካ ፔ ኮሹሞ ዒ ፔቲታፖ ዳዋዓዳ?
- 8 ዒዛኮ ማኣሪፃኣ ኑኡሞ ናንገና ባይቂያ?
ጫኣቁማኣ ሃካፓ ሴካ ዶዲ ዴዑዋዓዳ?
- 9 ፆኦሲ ፔኤኮ ኮሹሞ ዋሊያ?
ዳጎይዳፓ ዔቂያና ሚጨጎቶ ዒ ሃሺያ?» ጌዔኔ።
- 10 ታኣኒ፡- «ዳኤፖ ፆኦዛሂኮ ሚዛቆ ኩጫ ላኣሚንቴያ ማሂ ማሊፃ
ታኣኮ ላቢሂኬ» ጌዔኔ።

- 11 ናንገና ናንጋ ጎዳኮ ማዶ ታ ጳቂሣኔ፤
ሚና ዒ ፔ ዋልቆና ማዳ ዲቃሣ ማዳ
ጎኔና ታኣሞ ጳቃኔ።
- 12 ማዶ ቢያ ታ ኔኤኮ ማላኔ፤
ዲቃሣ ዓኮ ማዶ ቢያ ማሊ ታ ሱካኔ።

- 13 ፆኦሲዮ!
ኔኤኒ ማዳ ባካ ቢያ ዲማዴያኬ፤
ኔፕዴያ ዳኤፒ ፆኦሲ ፆናዳይ?
- 14 ኔ ዋልቆና ማዳንታ ዓኪ ባኣዚ ማዳይ ኔናኬ፤
ሜሌ ዴሮ ባኣካ ኔ ዋልቆ ኔ ፔጋሲ ዳዋኔ።
- 15 ፆይቆኦቤንታ ዮሴፔንታ ናኣቶ
ኔ ዋልቆና ዴሮ ኔኤኮ ማሂ ሻንቂ ኔኤኒ ዓውሴኔ።

- 16 ፆኦሲዮ!
ዋኣፃ ኔና ዛጋፆ ዒጊጨኔ፤
ዔቶ ባዞ ዋኣፃኣ ጎጋይቄኔ።
- 17 ሻኣራ ዒሮ ዋርቄኔ፤
ጫሪንጫ ጉጉንፃ ጉጉንሣኔ፤
ዜኤሊንፃኣ ጫሪንጫፓ ቢያ ባንፆና ፖዔኔ።
- 18 ኔኤኮ ጉጉንሣ ዑኡዛ ዓልጋሂ ዢባሮይዳ ዋይዚንቴኔ፤
ዜኤሊንፃ ኔኤኮ ዓጮ ፖዒሴኔ፤
ሳዓ ጎጋይቂ ዓጊጻኔ።
- 19 ኔኤኮ ጎይፃ ባዞ ዋኣፆይዴና ዓኣዳኔ፤
ኔ ሃንቴፃ ዴኤፖ ዋኣፆይዳኬ፤
ኮጲሲ ጋዓንቴ ኔኤኮ ጴዲባኣሴ።
- 20 ሙሴና ዓኣሮኔና ዋላ ኔ ማዒ
ዴሮ ኔኤኮ ዓዳ ማራይጉዲ ዔኪ ኔ ዓኣዳኔ።

78

ዓሳኣፔ ዔራቶና ካላሌ ካላሊ

ፆኦሲና ዒዛኮ ዴሮና

1 ታ ዴሬዮቴ! ታ ዔርዛ ባኮ ዋይዙዋቴ፤

ታ ቃኣሎዋ ዒና ዔኩዋቴ።

2 ሃይሶ ታኣኮ ታኣኒ ኮኣኪንሂና ዓርቃንዳኔ፤

ሚናፓ ዓኣቺ ዓማሎ ዓማሊና ታ ኬኤዛንዳኔ።

3 ዬይ ኦኡኒ ዔሬሂና ዋይዜሂኬ፤

ኦ ዓድንሂያ ኦኡሞ ኬኤዜሂኬ።

4 ዬንሂ ባኮ ኦ ናኣቶሞ ኦ ዓኣቻዓኬ፤

ናንገና ናንጋ ጎዳኮ ዋልቆ ዛሎ

ዒዚ ማዴ ዴኤፖ ማዶና

ዒ ፔ ዋልቆና ማዴ ዲቃሂ ሄርሺሳ ባኮ

ሙካ ሸይንቶሞ ኦ ኬኤዛንዳኔ።

5 ዒዚ ያይቆኦሌም ዳምቤ ኬሴኔ፤

ዒሰራዔኤሌይዳኣ ዋጌ ዒ ጌሄኔ፤

ናኣቶ ፔኤኮ ዔያታ ዔርዛንዳንጉዲ

ኦ ዓድንሂሞ ዓይሄኔ።

6 ዬያ ሙካ ሸይንታ ዔራንዳጉዲ

ዔያታ ፔ ዋዶና ዔያቶኮ ናኣቶሞ

ሃገ ሸይንታዘንሂማኣ ኬኤዛንዳጉዲኬ።

7 ዬያይደናሂሮ ዔያታ ፆኦሲ ጉሙርቃንዳኔ፤

ዒዛኮ ማዶዋ ዔያታ ዋላዓኬ፤

ዓይሂያዋ ዔያታ ካፓንዳኔ።

8 ጋዓንቴ ዔያታ ፔ ዓድንሂጉዲ ዋይዚያና

ዓይሂንቴያዋ ዒፆ፥ ዒሮዋ ፔኤኮ ፒዚሲባኣ

ዓያናኣ ፆኦሲ ጉሙርቁዋ ሸይንቴ ማዓዓኬ።

9 ሂኢዦና ፆላ ዔፕሬኤማ ናኣታ

ሂኢዦ ዓርቁያ ማዔያታቴያ

ፆሎ ኬሎና ገንሂሞ ዔያታ ማዔኔ።

10 ፆኦሲ ጫኣቄ ጫኣቁሞ ዔያታ ካፒባኣሴ፤

ዒዛኮ ዋጎ ጎይያ ዓኣዲያዋ ዒፄኔ።

11 ዒዚ ማዴ ማዶ

ዔያቶ ዒ ዳዌ ዲቃሂ ዓኮ ባኮዋ ዔያታ ዋሌኔ።

- 12 ዓደንሢ ዔያቶኮ ፔ ዓኣፖና ዛጋንቴ
ገብፄ ዓጫ ያዓኔ ገይንታ ሴዛ
- ዒ ፔ ዋልቆና ማዲንታ ዓኪ ባኣዚ ማዴኔ።
- 13 ባዘ ፓቂ ዔያቶ ዒ ፒንሣኔ፤
ዋኣዎ ዓተጉዲ ዔቂሴኔ።
- 14 ርኣሮ ሻኣሬና ዔኪ ዔያቶ ዓኣዴኔ፤
ዋንቶዎ ሲያ ታሚ ያሞፔ ዔያቶም ፖዔኔ።
- 15 ዓሳ ናንጉዋ ዳውሎይዳ ላሎ ዲኡሴኔ፤
ዩካፓ ባዚ ዋኣሢጉዳ ሚርጌ ዋኣሢ ዒ ዔያቶ ዑሼኔ።
- 16 ሹጮ ዴኤፓፓ ዓልቃ ዋኣሢ ዑሬኔ፤
ዋኣዎ ዋርዚጉዲ ዋይሴኔ።

- 17 ዔያታ ጋዓንቴ ዓሲ ናንጉዋ ዳውሎይዳ
ዴኔፖ ያኣዛሢም ዋይዞ ዒዲያና ጎሜ ማዲሢዳፓ ማዒባኣሴ።
- 18 ኮሺ ዔያቶ ዓፃሴ ሙኡዚ ያኣጪሢና
ዔያታ ዒኖና ዔሬያታዎ «ያኦሲ ዋይታቴያ» ገዒ ዛጌኔ።
- 19 ያኦሲ ዑፃ ጉንዲሚ ገሰቴሢ
«ያኦሲ ዓሲ ናንጉዋ ዳውሎይዳ ሙኡዚ ገኣጊሺ ዒንጋኒ
ዳንዳዓ?
- 20 ዒዚ ላሎ ዲኡሴሲሢና ዋኣዎ ዲጲጉዲ ዋይሴሢ ጎኔከ፤
ሂዴቴያ ሙኡዚ ኑም ዒንጋኒና ዓሸኪ ገኣጊሻኒ ዳንዳዓኔ
ገይሢዳ?» ገዔኔ።

- 21 ናንጊና ናንጋ ጎዳ ዩያ ዋይዛዎ ሚርጌና ዳጋዴኔ፤
ያይቆኦሴ ዑያይዳ ታሚ ዔኤቴኔ፤
ዳጋ ዒዛኮ ዒሰራዔኤሌይዳ ዔቄኔ።
- 22 ዔያታ ዒዛ ጉሙርቂባኣሴ፤
ዒዛኮ ዓውሲያናኣ ገኤቂንቲባኣሴ።
- 23 ዒዚ ጋዓንቴ ሎፓ ሻኣሮ ዓይሣኔ፤
ጫሪንጮኮዋ ካር ቡሌኔ።
- 24 ዔያታ ሙዓንዳጉዲ ማና ዒ ዲኢኒሺኔ፤
ጫሪንቺዳ ዓኣ ሙኡዚ ዔያቶም ዒንጌኔ።
- 25 ዓሲ ኪኢታንኞ ካሦ ሙዔኔ፤

78:12 78:12 ኬሲ. ማፃ 7:8—12:32። 78:13 78:13 ኬሲ. ማፃ 14:21-22።
 78:14 78:14 ኬሲ. ማፃ 13:21-22። 78:15 78:15 ኬሲ. ማፃ 17:1-7፤ ፓይ.
 ማፃ 20:2-13። 78:18 78:18 ኬሲ. ማፃ 16:2-15፤ ፓይ. ማፃ 11:4-23፤31-35።
 78:24 78:24 ዮሃ. 6:31።

- ሚሸከ ደምባ ዓይሳንዳያ ሄላንዳኣና
 ሙያ ዔያቶም ዒንጌኔ።
- 26 ጫሪንጫፓ ዓባ ከሰካ ባንፆ ዠባሮ ዒ ዔቁሴኔ፤
 ደኣሎ ባንፆ ዠባሮዋ ዔኪ ሙከኔ።
- 27 ዓሸኪ ዔያቶም ዓጪጉዲ
 ባራና ካፖዋ ባዞ ዓጮ ማኣሻሎጉዲ ዒ ከይሴኔ።
- 28 ዔያቶኮ ጉርዶ ባኣኮይዳ
 ዓፒሎና ማዠንጉቴ ማኣሮ ኮራኣ ከይሴኔ።
- 29 ዔያታ ሚሸካንዳያ ሄላንዳኣና ሙዔኔ፤
 ዔያታ ሚርጌና ዓፃዴ ባኮ ዔያቶም ዒ ዒንጌኔ።
- 30 ጋዓንቴ ሃጌ ሱኡካ ዔያቶኮ ማዐቀንጉቴ
 ሙዓ ዔያቶኮ ዳንጋ ዓኣ ጎይሣ ዓኣንጉቴ
- 31 ፆኦሲኮ ጎሪንጎታ ዔያቶ ዐፃ ሙከኔ፤
 ዔያቶ ባኣካፓ «ኑ ዶዲከ» ጋዓ ዓሶ ዋዴኔ፤
 ሃጋ ቡሮ ማዔ ዴጌሢያ ማንጭ።
- 32 ዬይ ቢያ ማዔንጉቴያ ዔያታ ፔኤኮ ዳቢንቶና ዶዴኔ፤
 ዒዚ ማዳ ዲቃሣ ባኮዋ ዔያታ ጉሙርቁባኣሴ።
- 33 ዬያሮ ዋዶ ዔያታ ፔኤሲ ጉሪ
 ናንጎዋ ዲቃተሢና ጋፒሴኔ።
- 34 ዒዚ ዔያቶ ዋዴ ዋዶና ዔያታ ዒዛ ኮዔኔ፤
 ዒናፓ ኮዒሢና ዒዛ ባንሢ ማዔኔ።
- 35 ፆኦሲ ዔያቶኮ ላላሢ ማዔሢ ዔያታ ጳቂሢኔ፤
 ዴኤፖ ፆኦዛሢ ዔያቶ ዓውሳሢ ማዔሢያ ማሌኔ።
- 36 ጋዓንጉቴ ዔያታ ፔ ዳንጎና ዒዛ ጌሼኔ፤
 ዬያ ዳንጎና ዒዛም ዔያታ ሉኡቄኔ።
- 37 ዒና ዔያቶኮ ዒዛና ዶዲባኣያከ፤
 ዒዛኮ ጫኣቁምማኣ ጉሙርቁንጉባኣሴ።
- 38 ዒዚ ጋዓንጉቴ ማኣራያ ማዔ ጎይፆና
 ዳቢንቶ ዔያቶሲ ዓቶም ጌዔኔ፤
 ዔያቶ ዒዚ ባይዚባኣሴ፤
 ዳጎዋ ሚርጌ ዋዴ ቲኢሬኔ፤
 ዲማ ዲማ ዋዳ ባኮዋ ዔያቶይዳ ዒ ከይሲባኣሴ።
- 39 ከሰካፆ ማዐቀ ዠባሪጉዲ
 ዔያታ ዓሲ ማዔሢያ ዒ ማሌኔ።
- 40 ዓሲ ናንጉዋ ዳውሎይዳ ዋማይዳ ዔያታ ዋይዞ ዒፃይ!

- ዬያ ደውሎይዳ ዋሚዳ ዒዛ የዩሴይ!
 41 ያኦሲ ዋይታቲያ ጌዒ ላሚ ላሚ ዔያታ ዛጌኔ፤
 ዒሰራዔኤሌኮ ደሚዳሂያ ዔያታ ዳጋሴኔ።
 42 ዔያቶ ዩኖ ዋደና ሞርካፓ ዒ ዓውሴሂ
 ዬያ ዋልቆ ዒዛኮ ዔያታ ማሊ ጳቂሂባኣሴ።
 43 ጊብፄ ዓጫ ዒ ፔ ዋልቆና ማዳ ዓኮ ባኮ ማላቶ
 ያዓኔ ጌይንታ ዓሳ ናንጉዋ ዳውላ
 ዒዚ ዳዌ ደቃሂ ሄርሺሳ ማዳ ዔያታ ማሊባኣሴ።
 44 ዋሮ ዋኣዎ ዔያቶኮ ዒ ሱጉሂ ማሂኔ፤
 ዛሮ ዋኣዎ ዑሽካኒ ዔያታ ዳንዳዒባኣሴ።
 45 ሻኣሬጉዳ ሶኦዎሞቦ ዉፃሌ ዔያቶም ዒ ዳኬኔ፤
 ዬይ ሶኦዎሞባሂያ ዔያቶ ዳዔኔ፤
 ፓንቆዋ ዔያቶም ዳኬኔ፤
 ዬይያ ዓሶኮ ካራ ባይዜኔ።
 46 ባቃሎ ዔያቶኮ ማኮም
 ሃኣኮዋ ዔያቶኮ ዒ ዓበሂም ዒንጌኔ።
 47 ቱኮና ዋይኖ ዔያቶኮ ሻቸና
 ቤሌሶ ሚያዋ ቃኣዮና ዒ ዋዲሺ ባይዜኔ።
 48 ባኣቶ ዔያቶኮ ሻቸና
 ሃንጎ ቆልሞዋ ጉጉንሂና ዋዳኔ።
 49 ፔኤኮ ዒ ደደ ዳጎ ዔያቶ ዑፃ ዳኬኔ፤
 ደሚ ደሚ ዋዳ ባኮንታ ዒ ሌሊ ካኣሽኪንታኒ ኮዓ ዳጎዋ
 ኬይሴኔ፤
 ያሊ ባይዛ ኪኢታንቸዋ ዔያቶይዳ ዳኬኔ።
 50 ጎሪንቲም ጎይሂ ዒዚ ጳሺኔ፤
 ዔያቶኮ ሽምፓሂ ሃይቢዳፓ ዓውሲባኣሴ፤
 ሽምፓሂ ዔያቶኮ ደሚ ደሚ ዋዳ ባኮም ዓኣሂ ዒንጌኔ።
 51 ዔያቶ ደጋቶ ዋልቆኮ ቤርቶ ማዔዘንሂ
 ካኣጫኮ ዓፒሎና ኮሸና ማኣራ
 ቶይዶ ናኣቶዋ ዔያቶኮ ቢያ ጊብፄ ዓጫ ዒ ጋፒሲ ዋዳኔ።
 52 ደሮ ፔኤኮ ዓዳ ማራይጉዲ ሄንቃኒ ኬሴኔ፤
 ዓሲ ናንጉዋ ደውሎይዳ ማራይ ጎይሂ ሄንቄ።

78:44 78:44 ኬሲ. ማፃ 7:17-21። 78:45 78:45 ኬሲ. ማፃ 8:1-6፤ 20:24።
 78:46 78:46 ኬሲ. ማፃ 10:12-15። 78:48 78:48 ኬሲ. ማፃ 9:22-25።
 78:51 78:51 ኬሲ. ማፃ 12:29። 78:52 78:52 ኬሲ. ማፃ 13:17-22።

- 53 ኮሽና ዔያቶ ዒ ዔኪ ዓኣጳሢሂሮ ዔያታ ዒጊጩባኣሴ፤
ሞርኮ ዔያቶኮ ጋዓንቴ ባዛ ሙዔኔ።
- 54 ዒዛኮ ሚዛቆ ኩጮና ዒ ዓርቄ ዲኮ ባንሢ
ዒዛሞ ዲማጳ ዓጩሎሞ ዔያቶ ዒ ጌልዜኔ።
- 55 ሚሌ ዳሮ ዔያቶ ቤርታፓ ዳውሴኔ፤
ዬያ ዓሰኮ ዓጮ ዔያቶ ዴኔ ማሂ ዒዚ ጊሽኬኔ፤
ዒሰራዔኤሌ ዓሰ ፃጰ ዔያቶ ሞርኮ ማኣራ ናንጊሸኔ።
- 56 ዔያታ ጋዓንቴ ዳኤፖ ጾኣዛሢ ዎይታቴያ ጌይ ዛጌኔ፤
ዎይዚያ ዒዛሞ ዔያታ ዒፃኔ፤
ዳሞቦሞ ዒዛሲ ካፒባኣሴ።
- 57 ዔያቶኮ ዓደንሢጉዲ ዒዛሞ ዎይዙሞያ ማዔኔ፤
ጉሙርሱሞ ዎቦ ሂኢሸጉዲ ዔያታ ማዔኔ።
- 58 ጌሚሮይዳ ሚሌ ጾኣዛ ካኣሽኮ ቤዛ ኮሽሢሂና
ዔያታ ዒዛ ዳጋሴኔ፤
ዓርሲ ኮሽና ሚሌ ጾኣዛ ካኣሽኪያና
ዳጎ ዒዛኮ ዔያታ ዔቂሴኔ።
- 59 ጾኣሲ ዬያ ዎይዜ ዎዶና ሚርጌና ዳጋጳኔ፤
ዒሰራዔኤሌ ዓሰሞ ጋፒ ዒዚ ሃሽኔ።
- 60 ዓሰ ባኣካ ዒዚ ደቄ ዓፒላፓ ኮሽና ማኣሮ
ሴኤሎይዳ ፔኤኮ ዎርቆ ቤዛ ዒ ሃሽኔ።
- 61 ዒዛኮ ዎልቆ ማላታ ማዔ ጫኣቁሞ ታኣቦቶ ዲዒሴኔ፤
ዒዛኮ ቦንቾሞ ሞርኮም ዓኣሢ ዒንጌኔ።
- 62 ዳሮ ፔኤሲ ዒዚ ጩንቾ ዓፓሮም ማሂኔ።
ፔ ዳሮይዳ ሚርጌና ዒ ዳጋጳኔ።
- 63 ዳጋሢ ዔያቶኮ ታሚ ሙዔኔ፤
ዉዲሮ ናኣቶማኣ ዔፒ ጋኣዳ ጋኣዲንቲባኣሴ።
- 64 ቁኤ ሳ ዔያቶኮ ጩንቾ ዓፓሮና ዎዲንቴኔ፤
ዔያቶ ላኣላ ዬኤካኒ ዔያቶ ዳንዳዒባኣሴ።
- 65 ናንጊና ናንጋ ጎዳ ጊንዓፓ ጳጫ ዓሲጉዲ
ዳጋሢ ማሢ ዓሲ ማሢንታዎ ጫርቃሢጉዲ
ጫርሺ ዓሲ ማዒ ዔቁኔ።

78:53 78:53 ኬሲ. ማፃ 14:26-28። 78:54 78:54 ኬሲ. ማፃ 15:17፤ ዒያ. 3:14-17። 78:55 78:55 ዒያ. 11:16-23። 78:56 78:56 ሱኦጎ. ማፃ 2:11-15። 78:60 78:60 ዒያ. 18:1፤ ዒር. 7:12-14፤ 26:6። 78:61 78:61 1ሳሙ. 4:4-22።

- 66 ሞርካ ዒዛኮ ባሽንቲ ገንሣም ጳሽካንዳጉዲና
ናንገና ጋፑዋ ቦርሲንቲ ቦርሲንታንዳጉዲ ማሄኔ።
- 67 ዮሴፔኮ ዓፒሎና ማዢንቲ ማኦር ዒዚ ሃሼኔ፤
ዔፕሬኤሜ ፃጶዋ ዒዚ ዶኦሪባኦ።
- 68 ጋዓንቲ ዩሁዳ ፃጶ
ዒዚ ሚርጌና ናሽኬ ፃዮኔ ዲኮ ዶኦሬኔ።
- 69 ፔኤኮ ጌኤኮ ማኦር ኮሺ ዲጋያ
ናንገና ናንጋያ ማሂ ሳዖ ዒ ዶዲሺ ማዢ ጎይዖ ማዢ።
- 70 ፔኤኮ ዓይላሣ ዳውቲ ዒ ዶኦሬኔ፤
ማራቶ ሄንቆ ቤዛፓ ዒ ዔኬኔ።
- 71 ፔ ዶር ያይቆኦቤ
ዒዛ ደኖ ማዔ ዒሰራዔኤሌ ሄንቃንዳንጉዲ
ማራቶ ሄንቁፃፓ ዔኪ ሙኮኔ።
- 72 ዩካፓ ዒዚ ፒዜ ዒናና ዔያቶ ሄንቁኔ፤
ዔራቶናኦ ዔኪ ዔያቶ ዓኦጎኔ።

79

ዓሳኦፕ ዓይነቱ

- ደሮኮ ኮሹሞ ዛላ ሺኢቁንቲ ሺኢጲሣ
- 1 ዖኦሲዮ! ሜሌ ደራ ደኖ ኔኤኮ ዓርቁኔ፤
ኔኤኮ ደማጆ ጌኤኮ ማኦርዋ ዔያታ ዒኢሴኔ፤
ዩሩሳላሜ ሻሂ ዔያታ ባይዜኔ።
- 2 ኔ ዓይሎኮ ሌዘ ጫሪንጮ ካፖሞ
ኔኤኮ ደማጆዘንሣኮዋ ዓሽኮ ካዮ ቦዖሞ
ሙኡዚ ማሂ ዔያታ ዒንጌኔ።
- 3 ሱጉዖ ዔያቶኮ ዩሩሳላሜይዳ ዓዳ ዋኦሣጉዲ ዔያታ ላኦሌኔ፤
ዩያ ዓሶ ዶኡካ ዓሲያ ጳዲባኦ።
- 4 ኑኡኒ ኑ ዓሺኖሞ ሚኢቺ
ኑ ኮይላ ዓኦ ዓሶማኦ ዓማሊ ባኦዚ ማዔኔ።
- 5 ናንገና ናንጋ ጎዳሣዮ! ሃይ ዓይዲ ሄላንዳኦናዳይ?
ኔኤኒ ዲጋጃሣ ናንገና ጋፑዋያ?
ሜሌ ካኦሽከንቲዋጉዲ ኮዓ ኔ ማሊፃ ታሚጉዲ ዔኤቲ ጎይሣ
ናንጋ?

78:70 78:70 1ሳሙ. 16:11-12፤ 2ሳሙ. 7:8፤ 1ዖኦሲ. ዓሃኬ 17:7። **79:1**
79:1 2ካኦቶ. ማ 25:8-10፤ 2ዖኦሲ. ዓሃኬ 36:17-19፤ ዔር. 52:12-14።

- 6 ኔና ዔሩቀ ሚሌ ዳር ዑፃ
ሱንጾቀ ኔኤኮ ዔኤሉቀ ካኣቶ ዑፃ
ዲማ ዲማ ኔኤኮ ዎዲ ባኮ ዳኬ።
- 7 ዔያታ ያይቆኦፊ ሙዔኔ፤
ዔያቶኮ ናንጎ ቤዘቀ ዓሲ ናንጉቀ ዳውሌ ማሄኔ።
- 8 ኑ ዓደንሢ ጎቀ ኑ ዑፃ ማሂፖ፤
ማኣሪፃ ኔኤኮ ዑኩና ኑ ባንሢ ሙኮንጎ፤
ኑኤኒ ዓኣሢያ ማቶይዳኬ።
- 9 ኑና ዓውሳያ ማዔ ያኦዘሢዮ!
ኔ ሱንጾ ቦንቸር ጌዒ ኑና ማኣዳ፤
ኔ ሱንጾር ጌዒያ ሄሊ ኑና ዓውሴ፤
ጎቀቀ ኑኤኮ ዓቶሞ ጌዔ።
- 10 ዳራ፡- «ያኦዘሢ ዔያቶኮ ዎካዳዎ?» ዓይጎር ጋዓይ?
ኔኤሞ ማዲ ዓሶ ሱጉያ ዘሎ ኮሞ ኮፄ፤
ኑ ዓኣፓ ዘጋንጉቴ ዬያ ማዴ።
- 11 ቱኪንጉ ዓኣ ዓሶኮ ሜቶ ዒላታ ኔ ቤርቶ ሄሎንጎ፤
ሃይቆንጎ ጌይ ዎጊንጉ ዓሶቀ ኔ ዎልቆና ዓውሴ።
- 12 ናንጊና ናንጋ ጎደሢዮ! ኑ ዓሽና ኔና ሚኢጩ ሚኢጩ
ላንካይ ጸንጩ ማሃ ዔያቶ ኮንቁሴ።።
- 13 ኑኤኒ ኔኤኮ ዳራ፡ ኔኤኒ ሄንቃ ማራታ
ናንጊና ጋላታ ኔኤሞ ሽኢሻኔ፤
ሾይንታፓ ሾይንጉ ሄላንዳኣና
ኔ ኑሞ ማዴ ባኮ ኑ ኬኤዘንዳኔ።

80

«ጩኣቁሞ ቡኒ» ጌይንታ ዓይኑሞና ሱኡጋሢ ዓይሣ ጎይያ
 ዓይናዲንታ ዓሳኣፔ ዓይኑሞ
 ዒሰራዔኤሌ ካኣታ ጊንሣ ደዳንዳጉዲ ሽኢቁንጉ ሽኢጲሢ
 1 ዮሴፔ ማራይጉዲ ሄንቃ፡ ዒሰራዔኤሌያ ሄንቃሦ ኑሞ ዎይዙ!
 ከሩቤኤሎይዳ ዓኣ ካኣቱሞ ያይታ ዳዓሦ
 ኔኤኮ ፖሮና ፔጋዲ ጴዴ።።
 2 ዔፕሬኤ ሜንታ ቢኢኒያ ሜንታ ሚናሴንታሞ
 ኔና ፔጋሲ ዳዌ፤
 ዎልቆ ኔኤሲ ዓጊሢ፤

80:1 80:1 ኬሲ. ማፃ 25:22።

ሙኪያ ኑና ዓውሴ።

3 ጾኑሲዮ! ኑና ማሄ፤
ኑ ደቃንዳጉዲ ኔ ዓአፖ ካር ኑኡም ፖረሣ።

4 ቢያ ባኮ ዎይሣ ጎዳ ማዔ ዴኤፖ ጾኑዛሢዮ!
ኔ ዴርኮ ሸኢጲጾ ዎይዘ ዒዳ
ጎሪንቶ ኔኤኮ ኔ ቤኤዛሢ ዎማ ሄላንዳኣናዳይ?

5 ጾዩሢ ዓዳ ሙኡዚጉዲ
ዓቢሢያ ዑሺጉዲ ሚርጌና ኔ ዔያቶ ዑሼኔ።

6 ኑ ዓሺኖም ኔ ኑና ዑራ ማዛ ዓሲ ማሄኔ፤
ኑኡኮ ሞርካኣ ኑና ሚኢጨኔ።

7 ቢያ ባኮ ዳንዳዓ ጾኑዛሢዮ! ኑና ማሄ፤
ኑ ደቃንዳጉዲ ኔ ዓአፖ ካር ኑም ፖረሴ።

8 ጊብፄ ዓጨፓ ዎይኔ ዘንዜ ኔ ዔኪ ሙኪኔ፤
ሚሌ ዴር ዳውሲ ዔያቶ ቤዛ ዬያ ኔ ቱኪኔ።

9 ዬይ ዑጋንዳ ቤዘ ኔ ጲሺ ጊኢጊሼኔ፤
ዬያር ፃጲ ዳኪ ዓጨሎ ባልጊ ኩሜኔ።

10 ዲካ ዬያ ዒላዦና ሺቢንቴኔ፤
ዴኤፖ ዚቢቃኣ ዬያ ካአፖ ዴማ ዔቄኔ።

11 ዬይ ካአፓ ዴንዲ ባዘ ሄላንዳኣና
ቶሻኣ ዔፕራዲሴ ዎር ሄላንዳኣና ጋምፒንቴኔ።

12 ዓካሪ ዒኢና ሊካ ሌካ ጋዓሢ ዓአፖ ዬያ ማንፃንዳጉዲ
ዲጾ ኔኤኒ ዓይጋ ሻሄይ?

13 ጉዲንፃ ካያፓ ኬሰኪ ዬያ ፑርቲሳንዳኔ፤
ቆልማ ሄንቃ ቤዛ ዲርጋ ቆልማ ቢያ ሙዓንዳኔ።

14 ቢያ ባኮ ዎይሣ ጎዳሢዮ! ዓካሪ ኑ ባንሢ ማዔ፤
ጨሪንጨፓ ሊካ ኑ ባንሢ ዛጌ፤

ሃኖ ኔኤኒ ቱኪ ዎይኔሎ ዛጊ ካፔ።

15 ሃይ ኔኤኮ ሚዛቆ ኩጨ ቱኪ ባቃላ
ኔ ዛላ ማሄ ኔ ባቃልሴ ናዓሢኪ።

16 ዬይ ዎይናሢ ቲቁንቴ ታሚዳ ሚጨኔ፤
ኔ ዳጎ ጎሪንታ ኔ ዓሶ ባይዘንዳኔ።

17 ኔኤር ማሄ ኔኤኒ ደዲሺ ዔቁሴ ዓሢ ዑፃ

ኔኤኮ ሚዛቆ ዛላ ዓኣ ኔ ናዓሢ ዑፃ
 ኔ ኩጫ ማፃጎጎ።
 18 ሃይካፓ ሴካ ኔና ሃሺ ገንሢም ኑ ማዓዓኬ፤
 ናንገና ባይቁዋያ ኑና ማሄ፤
 ኑኡኒያ ኔና ካኣሽካንዳኔ።

19 ናንገና ናንጋ ጎዳ ማዔ ዴኤፖ ጆኦዛሢ!
 ኑና ገንሢ ሴዞ ማሄ፤
 ኑኡኒ ዲቃንዳጉዲ ኔ ዓኣፖ ካሮ ኑም ፖዒሴ።

81

ዓይነቱ ሱኡጋሢ ዓይሢ ጎይፆ ሹሉንጎና ዓይናዲንታ ዓሳኦፔ
 ዓይነቱ

ቦንቾ ኬሊና ዓይናዲንታ ዓይነቱ
 1 ኑኡኮ ዶዶማሢ ማዔ ጆኦዛሢም ዓይናዲቀቴ!
 ያይቆኑቤ ጆኦዛሢም ዒላሹቀቴ!
 2 ዓይነቱም ዓርቁቀቴ፥ ታምቡሮቀ ባዑቀቴ፤
 ፔቴ ሻሺና ዴንሢ ዋርቆ ጎኦሎንታ
 ማሌ ዓይነቱም ዓንጋሞቀ ዴንሢ ኮሺ ዑኡሲና ዓይናዲቀቴ።
 3 ዓገና ጂኤራኣና ገንሢ ዋኣፃ ጌላኣና
 ዴኤፖ ቦንቾ ኬሎናይዳኣ ዛዬ ዋርቁቀቴ።
 4 ዬይ ዒሰራዔኤሌ ዓሰም ዒንገንቴ ዳምቤ
 ያይቆኑቤ ጆኦዛሢ ኬሴ ዋጌኬ።
 5 ዒዚ ገብፃ ዓጮይዳ ማቶ ዓጌ ኬሎና
 ዬይ ዮሴፔም ኬሶናያኬ፤
 ታ ዔሩቀ ሙኡቺና ሂዚ ጋዓንቴ ታ ዋይዘኔ፡-

6 «ጌኤቶ ታ ዒዛኮ ኬዲዳፓ ሃውሺሴኔ፤
 ኩጫ ዒ ዔካ ዴኤፆ ባኮ ታ ዒዛ ሃሺሴኔ።

7 ኔና ማቴ ዋዶና ኔ ታና ዔኤሌኔ፤
 ታኣኒያ ኔና ዓውሴኔ፤
 ታ ዓኣሺንቴ ዓኣ ዴም ሻኣሮ ጉጉንፆሲ ባኣካ ዓኣፆ
 ታ ኔኤም ዋይዘኔ፤
 ዛላሢ ዋርኮ ዋኣፃ ዓልቃ ቤዛ
 ኔ ዋይታቴያ ጌዒ ታ ኔና ዛጌኔ።

81:3 81:3 ፓይ. ማፃ 10:10። 81:7 81:7 ኬሲ. ማፃ 17:7፤ ፓይ. ማፃ 20:13።

- 8 ታ ዳሬዮቴ! ታ ላታ ባኮ ዋይዙዋቴ፤
 ዲሰራዔኤሌ! ኔ ታኣም ዋይዛቴ ዓይኅ!
- 9 ኔ ካኣሽካ ፃንጎ ጾኦሲ
 ሃሃ ዔርቱዋ ጾኦሲ ኔኤኮ ባኣያ ማጾንጎ፤
 ዬያ ካኣሽኪፖ።
- 10 ጊብፄ ዓጫፓ ኔና ኬሴ ናንጊና ናንጋ ጎዳ ማዔ
 ኔ ጾኣዛሂ ታናኬ፤
 ዳንጎ ኔኤሲ ኮሺ ሸኦኬ፤
 ታኣኒ ኩንሂ ኩልሳንዳኔ።»
- 11 «ታኣኮ ዳራ ጋዓንቴ ታኣም ዋይዚባኣሴ፤
 ዲሰራዔኤሌ ዓሳኣ ታኣም ዓይሂንቴባኣሴ።
- 12 ዬያሮ ዔያታ ማሌ ማሊ ጾጉዴያ ዓኣዳንዳጉዲ
 ዔያቶኮ ባይቄ ዒኖም ዓኣሂ ታ ዔያቶ ዒንጌኔ።
- 13 ታ ዳራ ዋንዴ ታኣም ዋይዜያ ማዔያታቴ
 ዲሰራዔኤሌ ዓሳ ታ ጎይጾና ዓኣዴያታቴ
- 14 ቤዘና ታ ዔያቶኮ ሞርኮ ባሺያ ናንዳንቴኬ፤
 ዔያቶ ሞርኮ ዑፃ ታ ኩጮ ታ ዔቂሴያ ናንዳንቴኬ።
- 15 ጾኦሲም ዋይዘ ዒፃ ዓሳ ዒዛ ቤርታ ዳውሲንታንዳኔ፤
 ዔያቶ ሄላ ማታሂያ ናንጊና ጋፑዋያ ማዓንዳኔ።
- 16 ዒንሂ ታ ጋዓንቴ ኮሺ ዛርጌ ሙኡዛንዳኔ፤
 ዑታሂ ዔኤዘና ታ ዒንሂ ማሻንዳኔ።»

82

ዓሳኣፕ ዓይነቱ

- ጾኦሲ ቢያፓ ዑሃ ማዔሂ
- 1 ጾኦሲ ጫሪንጮ ቡኪንቶይዳ
 ሜሌ ጾኦዛ ቡካ ቡኪንቶይዳ
 ሙኪ ጴዳ ዋጌ ዋጋኔ፡-
- 2 «ዋጎ ዒንሂ ፒዜ ዋጉዋኣሂ ዋማ ሄላንዳኣናዳይ?
 ፑርቶ ዓሶ ማኣዲ ዒንሂ ጌሰታሂ ዓይዲ ሄላንዳኣናዳይ?»
- 3 ዋልቃባኣ ዓሶና ዜኤሮ ናኣቶናም ፒዜ ዋጉዋቴ፤
 ማታዳሂና ማንቃሂና ሄርቁንቴዋጉዲ ማዲዋቴ።
- 4 ዒጊኒ ባኣሂና ማታዳሂና ሄሊ ዓውሱዋቴ፤
 ሄርቁ ዋይሃ ዓሶይዳፓ ዔያቶ ዓይሱዋቴ።»

81:10 81:10 ኬሴ. ማፃ 20:2-3፤ ላሚ. ዋማ 5:6-7።

- 5 «ዔራቶና ማሊ ጳቂሥሢና ዒንሢኮ ባኣሴ፤
ዲሚዳ ሴካ ሃንጋ ዒንሢ ሃንታኔ፤
ሳዎኮዋ ዳማ ቢያ ካራና ዓጊዳኔ።
- 6 ታኣኒ፡- <ዒንሢ ጾኦዘኔ፤
ቢያሢ ዒንሢ ዳኤፖ ጾኦዘሢ ናኦኩ» ጌዔኔ።
- 7 ጋዓንቴ ዒንሢ ዓሲ ሃይቃ ጎይሢ ሃይቃንዳኔ፤
ዎይሢ ሱኡጎ ጎይጾ ጉሪ ዒንሢ ሎኦማንዳኔ።»
- 8 ጾኦሲዮ! ዔቁ፤
ሳዎ ዳሮ ዑፃ ቢያ ዎጌ፤
ዳራኣ ቢያ ኔኤሮኬ።

83

ዒሰራዔኤሌኮ ሞርካ ባሺንታንዳጉዲ ሺኢቁንቴ ሺኢጲሢ

- ዓሳኣፔኮ ጾኦሲ ሄርሺዎ ዓይነቱ
- 1 ጾኦሲዮ! ኔኤኒ ዘቴዮ ጌዒፖ፤
ጾኦሲዮ! ኔኤኒ ጨዋዮ ጌዒፖ።
- 2 ሞርካ ኔኤኮ ዎማይዲ ዔቁያታቴ ዛጌ፤
ኔና ዒፃ ዓሳ ቶኦኮ ፔኤሲ ዎማይዲ ዳጊሴቴያ ዛጌ።
- 3 ኔኤኮ ዳሮ ዑፃ ጌኔ ማዳኒ ዓኣቺ ጌሰታኔ፤
ኔኤኒ ካፓ ዓሶ ኮሞባኒ ዔያታ ዘርታኔ።
- 4 «ሃካፓ ሴካ ዒሰራዔኤሌ ዓሶ ሱንፃ ዔርቴዎጉዲ
ሃኒ ሙኩዎቴ ዳሬ ማዑዎጉዲ ኑ ዔያቶ ጋፒሶሞ» ጋዓኔ።
- 5 ፔቴ ማሊሢና ዎላ ጊኢጊ ዔያታ ዘርቴኔ፤
ኔ ዑፃ ዔቃኒ ዎላ ጫኣቁኔ።
- 6 ዔያታ፡- ዔደኦሜ፣ ዒሰማዔኤሌ፣ ሞዓኣቤ፣ ዓጋሪያኔ፣
- 7 ጌባሌ፣ ዓሞኔ፣ ዓማሌቁ፣ ፒሊሰጻኤሜንታ ጂሮሴ ዳርንታኬ።
- 8 ዓሶኦሬ ዓሳኣ ዔያቶና ዎላ ፔቴ ማዔኔ፤
ሎኦጻ ናኦቶዎ ዔያታ ማኣዳያ ማዔኔ።
- 9 ሚዲያሜ ዓጮይዳ ኔ ማዳ ጎይጾ ዔያቶይዳ ማዳ፤
ቁሶኔ ዎራ ሲሳራና ዒያቢሴናይዳ ኔ ሄሊሴ ባካ ዔያቶ
ሄሎንጎ።
- 10 ዔያታ ዓይኔዶሬ ጌይንታ ቤዛ ባይቁኔ፤
ዓዳ ሳዓይዳ ኬኤሪንቴ ቡኡራ ማዔኔ።

- 11 የሬቤና ዜቤ ዓሰና ዑፃ ኔ ማዳ ጎይዖ
ሃያ ዓሰ ሱኡጎ ዑፃኦ ማዳ፤
ዜባሄና ፃልሙናዔ ዓሰና ዑፃ ኔ ማዳ ጎይዖ
ሃያ ዓሰ ወይሃ ዓሰይዳኦ ማዳ።
- 12 ዔያታ፡- «ፆኦሲ ዓሰ ቤዘ
ኑኡኒ ኑኡር ማሃንዳኔ» ጌዔኔ።
- 13 ዬያሮ ታ ፆኦዛሂዮ! ዔያቶ ሲላሊጉዲ
ዠባሬ ዔኪ ዓኣዳ ዲልባጉዲ ላኣሌ።
- 14 ታሚ ዴኤሊ ካይዚ ሙዓሂጉዲ
ታሚኮ ሎሰታ ዳካ ዓርቃሂጉዲ
- 15 ኔኤኮ ጉዳሂ ዠባሮና ዔያቶ ዳውሴ፤
ዓልጎ ዠባሮናኦ ዲቃሄ።
- 16 ናንጊና ናንጋ ጎዳሂዮ! ዔያታ ሱንዖ ኔኤሲ ኮዓንዳጉዲ
ቦርሲንቲ ዔያቶይዳ ዋሄ።
- 17 ናንጊና ዔያታ ካራ ባይዚ ቦርሲንቶንጎ፤
ዳውሴንቲ ዔያታ ባይቆንጎ።
- 18 ሱንዖ ኔኤኮ ናንጊና ናንጋ ጎዳ ማዔሂ ኔ ሌሊ
ሳዖ ቢያይዳ ዴኤፓሂ ኔና ማዔሂያ ዔያታ ዔርንጎ።

84

ዓይነቱ ሱኡጋሂ ዓይሃ ጎይዖና ቆሬ ናኣታ ሹሉንጎና ዓይናዳ
ዓይነቱ

- ፆኦሲኮ ጌኤዠ ማኣሮ ጳቂሥሂ
- 1 ቢያ ባኮ ወይሃ ጎዳሂዮ!
ኔ ዋርቃ ማኣራ ዋዚጉዲ ናሽኪንታያዳይ!
- 2 ሺምፓሂ ታኣሲ ናንጊና ናንጋ ጎዳ ካራ
ዓሳ ቡካ ጳኦኮ ጳቂሃኔ፤
ታኣኮ ዒሮንታ ዑፆንታ ናንጊና ባይቁዋ ፆኦዛሂም ዒላሹዋቴ።
- 3 ቢያ ባኮ ወይሃ ጎዳ ማዔ ፆኦዛሂዮ፡ ታ ጎዳ!
ኔኤም ዒንጎ ባኮ ሺኢሾ ቤዘ ኮራ
ሱኡታታዖ ናንጋ ማኣሪ
ደኦሌያ ፔ ናኣቶ ዳይሃ ማኣሪ ማዠኔ።
- 4 ኔ ማኣራ ናንጋዘንሂ ዓንጂንቲያኬ፤
ናንጊና ዔያታ ኔና ጋላታኔ።

83:11 83:11 ሱኡጎ. ማፃ 7:25፤ 8:12።

- 5 ኔና ፔኤኮ ዋልቃሢ ማህዘንሢ
 ዒኖና ፔኤኮ ጂዮኔ ጎይያ ማላዘንሢ
 ሚርጌና ዓንጂንቴያኬ።
- 6 ባካ ጌይንታ ዋአፃ ባአ ዶኤጮና ዔያታ ፒንቃ ዋዶና
 ዓልቃ ዋአሢ ያኦሲ ዔያቶም ዑራኔ፤
 ሲሎ ዒራኣ ቦቆሎ ዔቶ ዋአሢና ኩንሣንዳኔ።
- 7 ዋልቄይዳ ዋልቄ ዔያታ ቃሳንዳኔ፤
 ፔቴ ፔቴሢ ጂዮኔ ዲኮይዳ ዓአ ያኦሲ ቤርቶ ሺኢካንዳኔ።
- 8 ቢያ ባኮ ዋይሣ ጎዳሢዮ! ሺኢጲያ ታኣኮ ዋይዜ፤
 ያይቆኦቤ ያኦዛሢዮ! ታኣም ዋይዜ።
- 9 ያኦሲዮ! ዶኦሪ ኔ ኑም ዶኦሜ ካኣቲ ዓንጂ፤
 ዒዚ ኑኡኮ ጊቲማ ማዔሢሮ ዒዛ ዛጌ።
- 10 ሜሌ ቤሰካ ሺያ ኬሊ ዴይሢዳፓ
 ኔ ጌኤዮ ማኣሮ ካራ ፔቴ ኬሊ ፔኤቂሢ ኮሺኬ፤
 ፑርቶ ዓሶ ማኣራ ናንጊያይዳፓ
 ያኦሲ ማኣሮ ካፓያ ማዒ ናንጋኒ ታ ኮዓኔ።
- 11 ኑኡኮ ጎዳሢና ያኦዛሢዮ!
 ኔኤኒ ዓዳ ዓቢና ጊቲማና ጉዲኬ፤
 ኔ ኮሹሞና ኔ ቦንቾና ኔ ኑና ካፓኔ፤
 ኮሺ ማዳ ዓሲም ዓይጎዋ ኮሺ ማዔ ባአዚ ኔ ላኣጉዋሴ።
- 12 ቢያ ባኮ ዋይሣ ጎዳሢዮ!
 ኔና ጉሙርቃዘንሢ ዋዚ ዓንጂንቴያዳይ!

85

- ዓይነቱ ሱኡጋሢ ዓይሣ ጎይያና ቆሬ ናኣታ ዓይናዳ ዓይነቱ
 ኮሹሞ ዛላ ሺኢቁንቴ ሺኢጲሢ
- 1 ናንጊና ናንጋ ጎዳሢዮ!
 ኔ ሳዖም ኔኤኒ ኮሺ ባአዚ ማዳኔ፤
 ያይቆኦቤኮ ዲዒንቴ ዓሶ ማሂ ኔ ዓንጂኔ።
 - 2 ኔ ዴሮኮ ጎሞ ዓቶም ኔኤኒ ጌዔኔ፤
 ጎሞ ዔያቶሲ ቢያ ኔ ካንቄኔ።
 - 3 ኔኤኮ ዋዳ ባኮ ቢያ ኔ ሺኢሺኔ፤
 ዴኤፖ ዳጎይዳፓኣ ኔ ማዔኔ።
 - 4 ኑኡኮ ዴኤሻሢ ማዔ ያኦዛሢዮ!

- ኑና ኑ ቤዛ ማሄ፤
ኑ ዑፃ ዔቃኒ ማላ ደጎ ኔኤኮ ሸርሼ።
- 5 ኔ ኑና ጎሬ ጎይሣ ናኣናና ናንጋ?
ደጋ ኔኤሲ ሸይንቲፓ ሸይንቲ ሄሄላኒዳ?
- 6 ዴራ ኔኤኮ ዋዛደንዳጉዲ
ኔ ኑም ገንሣ ሸምፖ ዒንጋዓዳ?
- 7 ናንገና ናንጋ ጎዳሂዮ!
ኔኤኮ ማኣሪያ ኑና ደጭቴራ፡ ኑና ዓውሴ።
- 8 ናንገና ናንጋ ጎዳ ማዔ ያኣዛሂ ኬኤዛ ባኮ ታ ዋይዛንዳኔ፤
ኑኡኒ ኑኡኮ ዔኤዩሞ ጎይያ ማዒ ዴንዲባኣቲ
ዒዚ ኑና ፔ ዴሮ፡ ዲማዴዘንሂም ኮሹሞ ዒንጋኒ ጫኣቄ።
- 9 ቦንቻ ዒዛኮ ኑ ሳያይዳ ናንጋንዳጉዲ
ዒዛ ዒጊ ጫዘንሂም ዓውሲፃ ዒዛኮ ዑኬኬ።
- 10 ማኣሪሂና ጉሙርቁንቲሂና ዋላ ካኣማያኬ፤
ዲሉሞና ኮሹሞና ዋሊ ዔካያኬ።
- 11 ጉሙርቁንቲሂ ሳዓፓ ለካ ባቃላኔ፤
ዲሉሞ ጫሪንቹፓ ሊካ ዛጋ።
- 12 ናንገና ናንጋ ጎዳ ኮሺ ባኣዚ ዒንጋኔ፤
ዓጩላ ኑኡኮ ጎሽኮዛ ማርጌ ባኣዚ ካሣ።
- 13 ዲሉማ ዒዛኮ ቤርታ ቤርታ ዓኣዳኔ፤
ሃንታንዳጉዲ ጎይያ ዒዛም ገኢጊሻ።

86

ደውቴኮ ሸኢጲያ

- ያኡሲ ማኣዳንዳጉዲ ሸኢቁንቲ ሸኢጲሂ
- 1 ናንገና ናንጋ ጎዳሂዮ!
ዋዮ ኔኤሲ ታ ባንሂ ማሂ ዋይዜ፤
ታኣኒ ማንቆ ሃሣ ማታዴ ዓሲኬ።
- 2 ኔኤም ታኣኒ ዲማዴ ዓሲታሂሮ ሸምፓሂ ታኣኮ ካፔ፤
ኔኤኒ ታኣኮ ያኣዛሂኬ፤
ኔና ጉሙርቃ ኔኤኮ ዓይላሂ፡ ታና ዓውሴ።
- 3 ናንገና ናንጋ ጎዳሂዮ! ታና ሚጨንቲ፤
ሮኦሮ ጉቤ ታ ኔ ባንሂ ዒላታ፤
- 4 ኔ ዓይላሂኮ ሸምፓሂ ዋዛሴ፤
ናንገና ናንጋ ጎዳሂዮ! ታ ሸምፓሂ ታ ኔኤም ዒንጋ።

- 5 ናንጊና ናንጋ ጎዳሢዮ! ኔኔኒ ሚጨንታያና ዓቶም ጋዓያናኬ፤
ኔና ዔኤላዞንሢም ቢያ ሚጨንቲያኮ ዛጲ ኔኔኮ ባኣሴ።
- 6 ናንጊና ናንጋ ጎዳሢዮ! ሸኢኢያ ታኣኮ ዒናፓ ዋይዜ፤
ታ ሜታዲ ሸኢኢያ ሸኢኢያ ዋይዜ።
- 7 ኔኔኒ ታኣም ማሂ ከኤዛያታሢሮ
ታኣኮ ሜታሢ ከኤ ታ ኔ ባንሢ ዒላታኔ።
- 8 ጎዳሢዮ! ሜሌ ያኦዞ ባኣካ ኔጉዴይ ባኣሴ፤
ኔ ማዶና ቤቃ ማዶዋ ባኣሴ።
- 9 ጎዳሢዮ! ኔኔኒ ማዜ ዴራ ቢያ
ኔ ቤርቶ ሙኪ ኔኤም ዚጋንዳኔ፤
ኔ ሱንያም ቦንቸዋ ዒንጋንዳኔ።
- 10 ኔኔኒ ዴኤፒ ማዔሢሮ
ኔ ዋልቄና ማዲንታ ዓኪ ባኣዚ ኔ ማዳኔ፤
ኔኔኒ ሌሊ ያኦሲኬ።
- 11 ናንጊና ናንጋ ጎዳሢዮ!
ኔኔኮ ጎይያ ታና ዔርዜ፤
ኔ ጎኦሞና ታ ዓኣዳንዳኔ፤
ሱንያ ኔኔኮ ታ ዒጊጨንዳጉዲ ኩሙሢ ዒኔ ታኣም ዒንጌ።
- 12 ናንጊና ናንጋ ጎዳ ማዔ ታ ያኦዛሢዮ!
ጎኔ ዒናፓ ታ ኔና ጋላታኔ፤
ናንጊና ሱንያ ታ ኔኔኮ ቦንቻኔ።
- 13 ኔ ታና ሚጨንቲ ሚጨንቲያ ኮሺ ዴኤፒኬ!
ሸምፓሢ ታኣኮ ኔ ሄሊንቲዋ ዔታፓ ዓውሴኔ።
- 14 ያኦሲዮ! ያቶርቃ ዓሳ ታ ጊዳ ፑርቲሞና ዔቄኔ፤
ዒጊቻ ፑርቶ ዓሳ ዋዳኒ ታና ኮዓኔ።
ኔና ዔያታ ዔኤቢኬ ጌይባኣሴ።
- 15 ጎዳሢዮ!
ኔኔኒ ጋዓንቲ ኮሺ ሃሃ ሚጨንታ ያኦሲኬ፤
ሩኤሪና ዲጋዲዋያ፣ ኮሹሞንታ ጉሙርቂንቲፃኣ ኔኔኮ
ሚርጌኬ።
- 16 ታ ባንሢ ዛጊ ታና ሚጨንቲ፤
ታና ኔ ዓይላሢም ዋልቄ ዒንጌ፤
ታና፣ ኔ ዓይሌሎ ናዓሢ ዓውሴ።

86:9 86:9 ዮሃ. ያፔ.ጳ 15:4።

17 ታና ዓሳ ዓሳ ዛጊ ቦርሲንታንዳጉዲ
 ኔኤኮ ሚጨንቲያ ማላቶ ታና ዳዌ፤
 ናንጊና ናንጋ ጎዳሢዮ!
 ኔ ታና ማኣዳኔ፥ ደዲሼኔ።

87

ቆሬ ናኣቶኮ ጋላታ ዓይነቱ

ዬሩሳላሜ ሄርሾና ሄርሺሢ

- 1 ናንጊና ናንጋ ጎዳ ካታሞ ፔኤሲ
 ዲማዴ ዲኮ ቶኦካ ዔቁሴኔ።
- 2 ናንጊና ናንጋ ጎዳ ያይቆኦቤኮ ዎርቆ ማኣራፓ ባሼ
 ዪዮኔኮ ጌሎ ካር ናሽካኔ።
- 3 ያኦሲ ካታሜሌ!
 ቦንቾ ማዔ ባኣዚ ሂዚ ጌይ ኔ ዛሎ ኬኤዚንታንዳኔ።

4 «ታና ዔራዘንሢ ባኣካ
 ጊብፃንታ ባብሎኔንታ ታኣኒ ፃኣፓንዳኔ፤
 ፒሊሰፃኤሜንታ ዪርሴንታ ዒቶጲያ ዓሳኣ ዒኢካ ሾይንቴኔ።

5 ጎኔና ዪዮኔ ዛሎ፡- «ሃያ ዳርንታ ዬያ ዳርንታ ዒዘይዳ ሾይንቴኔ፤
 ዴኤፖ ያኦዛሢ ፔኤር ዒዞ ደዲሺ ዔቁሳንዳኔ» ጌይንታንዳኔ።

6 ናንጊና ናንጋ ጎዳ ዳር ፔኤሲ ፃኣፓ ዎዶና
 «ሃይ ዳራ ሾይንቴሢ ዒኢካኬ» ጌይ ፃኣፒንታንዳኔ።

7 ዓይነቱ ዓይናዳ ዓሶንታ ኮያ ኮርጋ ዓሳ
 «ሃያ ዓንጀኮ ቢያ ካሬላ ዪዮኔኬ» ጌይ ጌይ
 ዎዛና ዓይናዳንዳኔ።»

88

ቆሬ ናኣቶኮ ጋላቶ ዓይነቱ

ዓይነቱ ሱኡጋሢ ዓይሣ ጎይያና ዎለም ዓጊ ዓጊ ዓይናዳያ፥
 ዒዘራዔኤሌ ዓሢ ዔማኔ ካላሎ፥ ያኦሲ ማኣዶ ዴንቃኒ ሺኢቁንቴ
 ሺኢጲሢ

- 1 ናንጊና ናንጋ ጎዳ ማዔ ታና ዓውሳ ያኦዛሢዮ!
 ሮኦርና ዎንቶና ታ ኔ ቤርታ ዒላታኔ።
- 2 ሺኢጲያ ታኣሲ ኔ ቤርቶ ሂሎንጎ፤
 ዎዮ ኔኤኮ ታ ዒላቶ ባንሢ ማሢ!

- 3 ሚርጌ ሜታ ታና ሄሌሢሮ
ሃይቃኒ ታኣኒ ዑኩኔ።
- 4 ሃይቁ ዲኡከንታ ዓሶና ዎላ ታኣኒ ፓይዲንቴኔ፤
ፔቴታዎ ማኣዳ ዓሲባኣያ ታ ማዕኔ።
- 5 ሃይቁ ዓሶ ባኣካ ኬኤሪንቴ ዓሶጉዲ
ዎዲ ዲኡኩና ዓሲጉዲ ታ ላሃኔ፤
ሃካፓ ሴካ ኔ ማሊ ጳቂሁቀ ዓሶጉዲ
ኔ ኩጫፓ ኬሰኪ ኬኤሪንቴ ዓሶጉዲ ታ ማዕኔ።
- 6 ኔ ታና ዔቶ ቶርጳሢዳ ኬኤሪኔ፤
ዲሚ ዔቴይዳ ኔ ታና ዓጌኔ።
- 7 ኔ ጎሪንቶ ዳኤሁማ ታ ዑፃ ማዕኔ፤
ኔኤኮ ዋኣዎ ጉዳሢና ኔ ታና ዲኡኩኔ።
- 8 ታኣኮ ዑካ ላጎ ታ ኮራፓ ኔ ሃኪሴኔ፤
ዔያታ ታና ሻኣከንታንዳጉዲ ኔ ማዳኔ፤
ታ ማንገንቴኔ፥ ቶላኒያ ታ ዳንዳዒባኣሴ።
- 9 ዓኣፓ ታኣኮ ዎዪዎና ዳዒ ዓቴኔ፤
ናንገና ናንጋ ጎዳሢዮ! ታ ኔ ባንሢ ዒላታኔ፤
ኩጮዎ ታ ኔ ባንሢ ዔቂሳኔ።
- 10 ኔኤኮ ዲቃሢ ሄርሺሳ ማዳ ሃይቁ ዓሶም ኔ ቤኤዛ?
ሃይቁ ዓሶኮ ዔኤዥ ዔቂ ኔና ጋላታ?
- 11 ሚጨንቴፃ ኔኤኮ ዲኡፒ ቤሰካ
ጉሙርቂንቴፃኣ ባይሲንታ ቤሰካ ኬኤዚንታ?
- 12 ዲቃሢ ሄርሺሳ ማዳ ኔኤኮ ዲሞ ቤዛ
ፂሉማኣ ኔኤሲ ዋሊንቴ ሳዓይዳ ዔርታ?
- 13 ናንገና ናንጋ ጎዳሢዮ!
ኔ ታና ማኣዳንዳጉዲ ኔ ባንሢ ታ ዒላታኔ፤
ጉቶዎ ሺኢጲዎ ታኣኮ ታ ኔ ቤርቶ ሺኢሻኔ።
- 14 ናንገና ናንጋ ጎዳሢዮ! ዓይጋ ኔ ታና ሃኪሳይ?
ኔኤኮ ዓኣፖ ካርዎ ታ ጊዳፓ ዓይጋ ኔ ሺርሻይ?
- 15 ታኣኒ ናኣቱዎፓ ዓርቃዎ ሜታዴያና
ሃይቃኒያ ዑኩያኩ፤
ኔ ታና ሚርጌና ዲቃሢኔ፤
ዔርቲያ ታኣም ዒፄኔ።
- 16 ኔ ጎሪንታ ዑዎ ታኣኮ ካንቄኔ፤
ዲማ ዲማ ባይዛ ባካኣ ታና ኩርሴኔ።

- 17 ርኦሮ ጉቤ ዓዳ ዲጲጉዲ ታና ማንጌኔ፤
ጋፒ ታና ዬይ ዔኤጳኔ።
- 18 ታኣኮ ዒጊኖንታ ላጎንታ ኔኤኒ ታ ኮራፓ ሃኪሴኔ፤
ዲሚ ሌሊ ታኣኮ ላጌ ማዒ ዓቲኔ።

89

ዒዘራዔኤሌ ዓሢ ዔታኔኮ ካላሎ

- ሜቶ ዎደና ዓይናዲንቲ ዓይነቱም
- 1 ናንጊና ናንጋ ጎዳኮ ሚጨንቶ ዛሎ ዓይናዳ ጎይሣ ታ ናንጋንዳኔ፤
ታ ዳንጎና ኔኤኮ ጉሙርቁንቲዎ ሙካ ሾይንቶም ታ
ከኤዛንዳኔ።
- 2 ሚጨንቲዎ ኔኤኮ ናንጊና ናንጋያ ማዔሣ
ጉሙርቁንቲዎ ጨሪንጫ ኔ ደዲሻሢ ታ ከኤዛንዳኔ።
- 3 ኔኤኒ ቤርታሲ፡- «ታኣኒ ደኦሬ ዓሢና ዎላ ጫኣቄኔ፤
ታ ዓይላሢ ዳውቲም ታ ሳላዳኔ» ጌዔኔ።
- 4 ኔ ዒዛም ሳላዳ ሳላ፡-
«ኔ ዜርፃፓ ናንጊና ካኣታዳንዳይ ከሰካንዳኔ፤
ካኣቲም ያይቶ ታኣኒ ሾይንቲፓ ሾይንቲ ሄላንዳኣና
ደዲሻንዳኔ» ጋዓያኩ።
- 5 ናንጊና ናንጋ ጎዳሢዮ! ጨሪንጫ ኔኤኮ ዲቃሢ ሄርሺሳ ማዶ
ጉሙርቁንቲዎ ኔኤኮ ኔኤም ማዳ ኪኢታንቻ ፔ ቡኪንታ
ሄርሾንጎ።
- 6 ናንጊና ናንጋ ጎዳና ጨሪንጫይዳ ያኣኒ ቤቃይ?
ዒዛኮ ኪኢታንቻይዳፓ ዒዛጉዳይ ያናዳይ?
- 7 ዒዛም ደማዳ ኪኢታንቻ ባኣካ ሚርጌና ዒጊጨንታያ
ዒዛ ኮራ ዓኣዘንሢዳፓ ቢያ ዑሣ ዒ ዲቃሢያኩ።
- 8 ናንጊና ናንጋ ጎዳ ማዔ ዳኤፖ ያኣዛሢዮ!
ኔጉዳያ ያኣኒ ዓኣይ!
ናንጊና ናንጋ ጎዳሢዮ! ኔኤኒ ዳኤፒኩ፤
ኔኤኮ ጉሙርቁንቲዎኣ ኮሮ ማንጊ ዓኣኔ።
- 9 ኔኤኮ ቢታንቶና ባዛ ዓጊፃሢ ኔ ዔቁሳኔ፤
ባዘ ጉዳሢያ ኔኤኒ ዚቲዳኔ።
- 10 ሬዓባ ጌይንታ ቦዓሢ ጳርቄ ኔ ዎዳኔ፤

89:4 89:4 2ሳሙ. 7:12-16፤ 1ዮኦሲ. ዓሃኩ 17:11-14፤ ዓይኑ. 132:11፤ ዳኪ. ማዶ 2:30።

- 11 ኔኤኮ ዳኤፖ ዋልቆና ሞርኮ ኔኤኮ ኔ ላኣሌኔ።
 11 ጫሪጎጮንታ ሳዖንታ ኔኤሮኬ፤
 ዓጮንታ ዒኢካ ዓኣ ባኮ ኔኤኒ ማኮኔ።
 - 12 ኬዶ ባንዖንታ ዶኦሎ ባንዖዋ ማኮኔሢ ኔናኬ፤
 ታቦኦሬንታ ሄርሞኔ ዲኮንታ ኔ ሱንዖና ዋዛዳኔ።
 - 13 ቢታንታ ኔኤኮ ኮሺ ደዲኬ፤
 ኩጫኣ ኔኤሲ ዋልቆናኬ፤
 ሚዛቆ ኩጫኣ ኔኤኮ ደግ ደገ ጌዔያኬ።
 - 14 ካኣቱሞ ዖይታ ኔኤኮ ዲሉሞና ፒዜ ዋጌና ደዲሾናያኬ፤
 ሚጨንቲዖንታ ጉሙርቁንቲዖንታ ኔኤኮ ቤርታ ቤርታ ዓኣዳኔ።
 - 15 ናንጊና ናንጋ ጎዳሢዮ! ዋዛና ዒላሻዘንሢና
 ኔኤኮ ፖዓ ናንጋዘንሢሢ ዓንጂንቲያኬ።
 - 16 ሮኦሮ ጉቤ ኔ ሱንዖና ዔያታ ዋዛዳኔ፤
 ኔ ዲሉሞናኣ ዔያታ ኮሺ ዋዛዳኔ።
 - 17 ዔያቶ ደዲሞኮ ቦንቻሢ ኔናኬ፤
 ኔ ኮሹሞና ካኣሮ ኦኡኮ ኔኤኒ ደግ ደገ ደዴ።
 - 18 ኦኡኮ ጊቲማሢ ናንጊና ናንጋ ጎዳሮኬ፤
 ኦኡኮ ካኣቲያ ዒሰራዔኤሌኮ ደማዴ ዖኦዛሢሮኬ።
- ዖኦሲ ደውቲሞ ጫኣቂ ጫኣቁሞ**
- 19 ኔኤኒ ፔጋሲ ዳዋ ባኮና
 ሚና ኔ ናኣቶሞ ኔ ኬኤዛዖ ሃዚ ጌዔኔ፡-
 «ዖሎና ዔርቲሢ ታኣኒ ማኣዳኔ፤
 ዳሮ ባኣካፓ ደኦሪንቲሢ ታኣኒ ደግ ደገ ደዴ።
 - 20 ታኣኮ ዓይላሢ ደውቲ ታ ዳንቁኔ፤
 ደማዴ ዛይቶ ቲኮና ታ ዒዛ ቲሸኪ ደኦማኔ።
 - 21 ታ ኩጫ ኬልቂ ዒዛ ዓርቃንዳኔ፤
 ቃሳ ታኣኮ ዒዛ ደዲሻንዳኔ።
 - 22 ዒዛኮ ሞርካ ዒዛ ባሻዓኬ፤
 ፑርቶ ማዳ ዓሳኣ ሄርቂ ዋይሣዓኬ።
 - 23 ሞርኮ ዒዛኮ ታኣኒ ዒዛ ቤርታ ጋኣጫንዳኔ፤
 ዒዛ ዒፃዘንሢ ታ ሸርኪ ባይዛንዳኔ።
 - 24 ታኣኮ ጉሙርቁንቲዖንታ ሚጨንቲዖኣ ዒዛና ማዓንዳኔ፤
 ታ ሱንዖና ካኣራ ዒዛኮ ደግ ደገ ጋዓንዳኔ።
 - 25 ዒዚ ዋይሣ ዓጮ ሚዲቲራኒያ ባዘ ሄላንዳኣና

89:18 89:18 1ካኣቶ. ማ 4:31። **89:20** 89:20 1ሳሙ. 13:14፤ 16:12፤ ዳኪ. ማዶ 13:22።

ዒዛ ዓጮኮ ዛጰ ጭገርሴና ዔፕራዒሴ ዋሮ ሄላንዳኣና
ታኣኒ ዳልገሻንዳኔ።

26 ዒዚ ታና፡- ኔ ታኣኮ ዓደኬ፤

ኔ ታኣኮ ሆኑዛሢና ዳቁንቶ ላላሢናኬ። ጋዓንዳኔ።

27 ታኣኒ ዒዛ ታኣኮ ናኣዚ ቶይዲ ማሃንዳኔ፤

ዓጮ ካኣቶይዳፓ ዑሣ ዳጊ ዒ ጋዓንዳኔ።

28 ሚጨንቲያ ታኣኮ ናንገና ዒዛሞ ታ ማሃንዳኔ፤

ታ ዒዛና ጫኣቄ ጫኣቄማ ደዲ ናንጋንዳኔ።

29 ዒዛኮ ዜርያ ናንገና ታኣኒ ናንገሻንዳኔ፤

ካኣቱሞሞ ጫሪንጫ ናንጋማ ጎይያ ታ ደዲሻንዳኔ።»

30 «ጋዓንቲ ዜርፃ ዒዛኮ ታ ዋጎ ዑሣ ዓኣዴቲ

ታ ዳሞቦና ዔያታ ናንገባኣያታቲ።

31 ታኣኒ ቱኬ ዳሞቦ ዑሣ ዔያታ ኬሰኬቲ

ታኣኮ ዓይሢያሞ ካፐባኣቲ።

32 ዔያቶኮ ጎሞሮ ታ ዔያቶ ኮኣሎና

ዳቢንቶሮሞ ታ ዔያቶ ዠራፓና ጳርቃንዳኔ።

33 ሄዴያታቲያ ሚጨንቲያ ታኣኮ ታ ዒዛይዳፓ ሺኢሻዓኬ፤

ታ ጉሙርቁንቲያሞ ታ ዒዛሞ ፓጨሳዓኬ።

34 ታ ዒዛና ጫኣቄ ጫኣቄሞ ሻሃዓኬ፤

ታ ዳንጋፓ ታ ኬሴ ባኮሞ ማሃዓኬ።»

35 «ፔቲና ታኣኮ ጌኤሹሞና ታ ጫኣቄኔ፤

ዳውቲም ታኣኒ ሉኡቃዓኬ።

36 ዒዛኮ ዜርያ ናንገና ታኣኒ ናንገሻንዳኔ፤

ካኣቲማኣ ዒዛኮ ዓቢ ናንጋማጉዲ ታ ቤርታ ደዲ ናንጋንዳኔ።

37 ጫሪንጫይዳ ጉሙርቁንታ ማርካ ማዒ ናንጋ ዓገረጉዲ

ዒዛኮ ካኣቲማ ናንገና ደዲ ዴዓያ ማዓንዳኔ።»

ካኣቲ ዳውቲ ባሽንቲሢሮ ሄሌ ያዩሢ

38 ሃሢ ኔ ጋዓንቲ ዒዛ ቶኦቲ ሃሼኔ፤

ኔኤኒ ደኣሚ ካታሢሢያ ሚርጌና ጎሬኔ።

39 ኔ ዓይላሢና ኔ ጫኣቄ ጫኣቄሞ ሻሃኔ፤

ቦንቾሮ ቶኦካ ዓጎ ባኮሞ ሲላላ ኔ ኬኤሬኔ።

40 ዒዛኮ ኬኤሎ ዲያ ቢያ ኔ ሻሄኔ፤

ዋርዲዮ ቤዞሞ ደይሲ ኔ ባይዜኔ።

41 ዒኢና ቱሮ ሊካ ዓኣዳሢያ ቢያ ዒዛ ቡሬኔ፤

- 42 ዲዛኮ ዓሺኖማኣ ዓማሊ ዲ ማዔኔ።
ዲዛ ሞርኮኮ ሚዛቆ ኩጮ ኔ ዴግ ዴጊዴኔ፤
ዲዛ ዲፃ ዓሶ ቢያ ኔ ዎዛሴኔ።
- 43 ዲዛ ጨንቾ ዓፓርኮ ዓጪፃ ኔ ቱኒሴኔ፤
ፆሎ ዎዶና ኔ ዲዛ ማኣዲባኣሴ።
- 44 ዓሶ ዲዛኮ ዲቃሣ ዴኤፑሞ ኔ ባይዜኔ፤
ካኣቱሞ ፆቶሞ ኔኤኒ ሳዓ ከኤሬኔ።
- 45 ኔ ዲዛኮ ዴጋቶ ዎዶ ቃሚሣኔ፤
ቦርሲሲያ ኔ ዲዛ ዴይሣኔ።

ዳቁንታር ሺኢቁንቲ ሺኢጲሣ

- 46 ናንጊና ናንጋ ጎዳሣዮ!
ኔ ኦሞ ፔጋዲሞፆ ናንጊና ናናንጋኒዳ?
ዴጋ ኔኤኮ ታሚጉዲ ዔኤታሣ ዓይዲ ሄላንዳኣናዳይ?
- 47 ታኣኮ ናንጎ ለዓ ዎዚ ቃሚሣታቱያ ሂንዳ ማሌ፤
ዓሲ ኔ ማዠሣ ዔኤቢ ጉሪ ባኣዘሞዳ?
- 48 ሃይቢ ሃይቁሞፆ ናንጋንዳ ዓሲ ዓኣ?
ፔ ቶኣኮ ዲኡፒፓ ዓውሳንዳይ ፆናዳይ?
- 49 ናንጊና ናንጋ ጎዳሣዮ!
ደውቱሞ ኔኤኮ ጉሙርቁንቲፆና ኔ ጫኣቁሣ
ኔኤኮ ሚናኣ ሚጨንቲፃ ዎካ ዓኣይ?
- 50 ጎዳሣዮ!
ዓይላሣ ኔኤኮ ዎማይዲ ቶኦቹንቲቱያ
ሚርጌ ዓሶኮ ቦሂፆ ዒዚ ዔኤዴሣያ ማሌ።
- 51 ናንጊና ናንጋ ጎዳሣዮ!
ሞርካ ኔኤኮ ዲዛ ሚኢጨሣሣ
ኔኤኒ ካኣታሣ ዓሣኮ ሄፆ ዔይታ ቶኦቹሣ
ሂንዳ ማሌ።
- 52 ናንጊና ናንጋ ጎዳ ጋላቲንቲ ጎይሣ ዴፆሞ!

ዓኣሜን! ዓኣሜን!

ፆይዳሳ ፖቁፆ

- ጾሲና ዓሲናኮ ናንጎ ሌዎ ዲሙሞ
 1 ናንገና ናንገ ጎዳሂዮ!
 ኔኔኒ ሸይንቲፓ ሸይንቲ ሄላንዳኣና
 ኑኡኮ ፑኖ ካያሂኬ።
- 2 ዲኮ ማዳንዳሂና ዓጮቀ ኔ ማዣንዳሂኮ ቤርታ
 ኔኔኒ ናኣናና ናንገ ጾኢኬ።
- 3 ዓሶ ኔኔኒ ሳዎ ባንሂ ማሃኔ፤
 «ዓሲዮቴ! ዒንሂ ቤዞ ማዑቀቴ!» ጋዓኔ።
- 4 ሺያ ሌዔ ኔኔሞ ካሪ ዓኣዴ ዘገናኣ ኬለጉዲኬ፤
 ዳካ ዴዓዎ ካራ ዲሚጉዲኬ።
- 5 ዲጲጉዲ ፒፃ ኔ ዔያቶ ዔኪ ዓኣዳኣና
 ዓውቲጉዲ ዔያታ ማዓንዳኔ፤
 ጉቶ ጉቶ ባቃላ ማኣቲጉዲ ዔያታ ዋርቃኔ።
- 6 ማኣታ ጉቶ ባቃላዎ ዓኣዳኔ፤
 ዓሶ ጌሎ ሹሊ ሜላኔ።
- 7 ኔኡኮ ጎሪንታ ኑና ኩርሴኔ፤
 ዲማ ዲማ ዋዳ ባኮናኣ ኑ ዲቃቴኔ።
- 8 ጎሞ ኑኡሲ ኔ ቤርታ ኔ ጌሃኔ፤
 ኑኡኮ ዓኣሺንቴ ዳቢንቶ ኔኤም ጴዳ ቤሰካ ኔኔኒ ዴይሃኔ።
- 9 ኑኡኮ ናንጎ ዋዳ ቢያ ኔ ጎሪንቶና ጋፔኔ፤
 ናንጎ ኑኡሲ ኑ ጎኦሺንቴ ጎይሃ ጋፒሳኔ።
- 10 ናንጎ ሌዓ ኑኡኮ ላንካይታሚ ሌዔ፤
 ሚርጌኔ ጌዔያታቴ ሳሊታሚ ሌዔኬ፤
 ዬካፓ ዑሃ ዓኣዴያ ማዔቴ
 ላቢሂና ሜቶና ሌሊ ማዓያኬ፤
 ናንገ ኑኡኮ ዑኬ ጋፓኔ፣ ኑኡኒ ዓዓኣዳኔ።
- 11 ኔኡኮ ዳጎ ዋልቆ ጾኒኒ ዔራይ?
 ዲማ ዲማ ዋዳ ባካ ኔኡኮ ዒጊቺጾጉዴያ ዳኤፒኬ።
- 12 ኑኡኮ ናንጎ ሌዎንሂዳ ዔራቶና ኑ ናንገንዳጉዲ
 ዔራቶ ዓኣ ዒኔ ኑም ዒንጌ።
- 13 ናንገና ናንገ ጎዳሂዮ! ኔኔኒ ማዔ፤
 ሃይ ዓይዲ ሄላንዳኣና ሃኣዲ ማዓንዳይ?

90:4 90:4 2ጴ። 3:8።

- ኔኤኮ ማዳ ዓይሎም ሚጨነቱ።
- 14 ኑኤኮ ናንጎ ዎደይዳ ቢያ ኑ ዎዛዳንዳጉዲ
ኔኤኮ ሚጨነቱ፤ ጉቴና ጉቴና ዲቢሺ ዳዌ።
- 15 ማታሢ ኔ ኑና ዳዌ ሌዎጉዴያ
ፑርቶ ባኮዎ ኑ ዛጌ ሌዎጉዴያ
ኑና ዎዛሴ።
- 16 ማዳ ኔኤኮ ኔ ዓይሎም
ቦንቻኣ ዔያቶኮ ናኣቶም ፔጋዲ ጴዳም።
- 17 ናንጊና ናንጋ ጎዳ ማዔ ኑ ፆኦዛሢኮ ኮሹማ
ኑ ዑፃ ማዎም!
ኑ ማዳ ባኮዎ ኑኤም ዓንጄ፤
ሂዮ ኑኤም ዓኣፒሴ።

91

ፆኦሲኮ ካፒያ

- 1 ናንጊና ናንጋ ጎዳ ፑኖ ካይዚ ማሂ ናንጋ ዓሲ
ቢያ ባኮ ዳንዳዓ ፆኦዛሢ ሺባ ዎርቃ።።
- 2 ታኣኒ ዒዛ፡- «ታኣኮ ፑኖ ካያሢ፣ ዎርዲዮ ቤዛሢ፤
ጊንሣ ሃሣ ጉሙርቆ ፆኦዛሢ ጋዓ።።
- 3 ዒዚ ዓኣቲንቴ ፒራሢና
ዎዳኒ ዳንዳዓ ዶርዓሢናይዳፓ
ኔና ካፓ።።
- 4 ዒዚ ፔ ጋፓኖና ኔና ዓኣቻንዳ፤
ዒዛኮ ጋኣዘ ዴማ ዓኣሺንቶ ቤሲ ኔ ዴንቃንዳ፤
ጉሙርቁንቴፃ ዒዛሲ ጊቴማጉዲ ኔና ቃዛያ ማዓንዳ።።»
- 5 «ዲሞኮ ዲቃሢይይዳፓ
ሮኦሮናኣ ዲኮ ሂኢዢ ኔ ዒጊጫዓኬ።።
- 6 ዲሚና ሃንታ ፑርታ ባኣዚዳፓ
ዓቢ ሮኦሪ ሙካ ባይሲንታኣ ኔ ሂርጋዓኬ።።»
- 7 «ኮይሎይዳ ኔኤኮ ሺያ፤
ሚዛቆ ዛሎና ታጶ ሺያ ሎኦማንዳ፤
ጋዓንቴ ዬይ ኔ ባንሢ ዑካዓኬ።።
- 8 ኔኤኒ ኔኤኮ ዓኣፖና ሌሊ ዬያ ዛጋንዳ፤
ፑርቶ ዓሳ ማታሢ ዔካሢ ዛጊ ኔ ዛጋንዳ።።»
- 9 «ናንጊና ናንጋ ጎዳ ኔኤኮ ዓኣሺንቶ ቤዛሢ

- ዴኔፖ ጾኑዛሢያ ፑኖ ካያሢ
 ኔኔኒ ማሄኔ።
- 10 ዬያሮ ፑሮታ ባኣዚ ኔና ሄላባኬ፤
 ባይዛ ሃይቢያ ኔ ማእሪ ጌላባኬ።
- 11 ኔ ሃንታ ጎይፃ ቢያ ኔና ዒ ካፓንዳጉዲ
 ከኢታንቸ ዒዚ ኔኤም ጌዒ ዓይሃንዳኔ።
- 12 ቶካ ኔኤኮ ሹጮይዳ ዲቂንቱዋጉዲ
 ዔያታ ፔኤኮ ኩጮና ኔና ኬዲ ዓርቃንዳኔ።
- 13 ዘቦንታ ዶርቦ ሸኣኩንታይዳ ኔ ሄርቃንዳኔ፤
 ሃጊ ዔቃ ዓዶ ዘቦንታ ቃራሢያ ኔኤኒ ዒማይዳንዳኔ።»
- 14 ናንጊና ናንጋ ጎዳ ሂዚ ጋዓኔ፡-
 «ታና ዒ ናሽኬሢሮ ታ ዒዛ ሄሊ ዓውሳንዳኔ፤
 ታ ሱንፆ ዒዚ ዔሬሢሮ ታ ዒዛ ጎኦቢ ዓይሳንዳኔ።
- 15 ዒዚ ታና ዔኤላኣና ታ ዋይዛንዳኔ፤
 ዒዛኮ ማታሢ ዋዶና ዒዛና ማዓንዳኔ፤
 ታ ዒዛ ዓውሳንዳኔ፣ ቦንቻንዳኔ።
- 16 ሚርጌ ለዔ ዒዛ ታ ናንጊሻንዳኔ፤
 ታኣኮ ዓውሲፆዋ ዒዛም ዳዋንዳኔ።»

92

- ዓይሁዳኮ ሃውሾ ኬሎና ዓይናዲንታ ዓይነቱ
 ጋላታ ዓይነቱ
- 1 ናንጊና ናንጋ ጎዳ ጋላቲሢ ኮሺኬ፤
 ዴኔፖ ጾኑዛሢያ! ኔ ሱንፆም ዓይናዲሢያ ቃራኬ።
- 2 ሚጪንቲፆ ኔኤሲ ጉቲ ጉቲ
 ጉሙርቂንቲፆዋ ዋንታ ዋንታ ኬኤዚፃ ኮሺኬ።
- 3 ታጶ ሻዡ ዴንሢ ዋርቆ ጎኦሎና
 ዬያጉዴ ዓይነቱም ዓንጎና ዓይናዲ ኬኤዚፃ ቃራኬ።
- 4 ናንጊና ናንጋ ጎዳሢያ!
 ኔኤኮ ማዶና ታ ዋዛዴሢሮ
 ኔ ኩጮና ኔ ማዴ ማዶሮ ዋዛና ታ ዓይናዳኔ።
- 5 ናንጊና ናንጋ ጎዳሢያ!

91:11 91:11 ማጉ. 4:6፤ ሉቃ. 4:10። 91:12 91:12 ማጉ. 4:6፤ ሉቃ. 4:11።
 91:13 91:13 ሉቃ. 10:19።

- ማዳ ኔኤኮ ዋዚ ዴኤፒዳይ!
 ማሊጻኣ ኔኤኮ ዋዚጉዳ ሄሊንቱዋያዳይ!
- 6 ቦኣዛ ዓሲ ዔራኒ
 ዔኤያ ዓሲያ ማሊ ጳቂሣኒ
 ዩያ ዳንዳዑቀሴ።
- 7 ፑርቶ ማዳ ዓሳ ማኣቲጉዳ ባቃላያ ማዔቴያ
 ጌኔ ማዳ ዓሳ ቡኔቴያ
 ናንጊና ዔያታ ባይቃንዳኔ።
- 8 ናንጊና ናንጋ ጎዳሢዮ!
 ኔኤኒ ጋዓንቲ ዴኤፒ ማዒ ናንጋያኬ።
- 9 ናንጊና ናንጋ ጎዳሢዮ! ሞርካ ኔኤኮ ባይቃንዳኔ፤
 ፑርቶ ማዳዘንሢያ ቢያ ላኣሊንታንዳኔ።
- 10 ታኣኮ ካኣሮ ጋዓንቲ ዖሶ ካኣሪጉዳ ኔ ዴጊሴኔ፤
 ሃጊ ጊሲንቲ ዛይቴና ኔኤኒ ታና ቲሽኬኔ።
- 11 ታ ሞርኮኮ ሎኦሚዖ ዓኣፓ ታኣኮ ዛጌኔ፤
 ዋያ ታኣኮ ፑርቶ ሞርኮኮ ባሽንቲዖ ዋይዜኔ።
- 12 ዲሎ ዓሳ ዓዳ ማኤጭጉዳ ጋሞፒንታኔ፤
 ለባኖኦሴ ሚዖጉዳያኣ ዑጋኔ።
- 13 ዔያታ ናንጊና ናንጋ ጎዳ ማኣራ ቱኪንቲኔ፤
 ዓሳ ቡካ ጳኦካኣ ጋሞፒንታንዳኔ።
- 14 ጋርቼ ዋደናታዖ ዔያታ ዓኣፓንዳኔ፤
 ዓኣዓያ ማዒ ዶዴ ጎይሣ ናንጋንዳኔ።
- 15 «ናንጊና ናንጋ ጎዳ ፒዜኬ፤
 ዒዚ ታኣኮ ላላሢኬ፤
 ዒዛኮ ዳቢንቲ ባኣያኬ» ዔያታ ጋዓንዳኔ።

93

- ዖኦሲ ካኣቲ ማዔሣ
- 1 ናንጊና ናንጋ ጎዳ ካኣቲኬ፤
 ዒዚ ዲቃሣ ዴኤፑሞ ማይንቲኔ፤
 ዶዶሞዋ ቱኡቶ ባኣዚጉዳ ቱኡቴኔ፤
 ሰዓ ዓጊጹዋጉዳ ዒ ዶዶሴኔ፤
 ዖኦኒያ ዩያ ዓጊሡዋሴ።
- 2 ኔኤኮ ካኣቱሞ ዖይታ ሚናፓ ዓርቃዖ ዶዶኬ፤
 ኔኤኒ ናኣናና ዓኣያኬ።

- 3 ናንጊና ናንጋ ጎዳሂዮ! ዋራ ዑኩዞ ጳጊዳኔ፤
 ዋኣፃ ጳጊ ጌዒ ጉኡሜኔ፤
 ዋራ ጉኡሜ ጉዳሂ ገብርኮ ዑኩዞ ማኣሚሴኔ።
- 4 ሚርጌ ጉኡሜ ዋኣፃይዳፓ ባሼ
 ባዞ ጉዳሂ ገብርኮ ዑህ
 ናንጊና ናንጋ ጎዳኮ ዋልቃ ጳጊ ጌዔያኩ።
- 5 ዳምባ ኔኤሲ ደዴያኩ፤
 ናንጊና ናንጋ ጎዳሂዮ!
 ጌኤዦ ማእራ ኔኤኮ ደሚዳያና ሚዛጳያ ማዒ
 ናኣናና ናናንጋያኩ።

94

- ጾኦሲ ቢያሂሞ ዋጋያ ማዔሂ
- 1 ናንጊና ናንጋ ጎዳ ማዔ ኮሜ ኮፃ ጾኦዛሂዮ!
 ኮሜ ኮፃ ጾኦዛሂዮ! ፖዒ ፔጋዲ ጶዴ።
- 2 ሳፃይዳ ዋጋያ ማዔህ ዔቁ!
 ፃቶርቃ ዓሶም ዔያቶ ማዳጉዴያ ዒንጌ።
- 3 ናንጊና ናንጋ ጎዳሂዮ!
 ፑርቶ ማዳ ዓሳ ዓይዲ ሄለንዳኣናዳይ ፃካንዳሂ?
- 4 ዔያታ ሄርሺንቲ ዑኩሲ ሚርጊሻኔ፤
 ፑርቶ ዓሳ ሆኦሊንቲ ዲቢሻኔ።
- 5 ናንጊና ናንጋ ጎዳሂዮ!
 ዔያታ ዴር ኔኤኮ ላቢሳኔ፤
 ዓሶ ኔኤሲያ ዋኣዪሳኔ።
- 6 ዜኤርይንደንሂና ቤዛባኣ ዓሶዋ ዔያታ ዋዳኔ፤
 ዜኤር ናኣቶኮዋ ሹምፓሂ ባይዛኔ።
- 7 ዬያይደፃ ዔያታ፡-
 «ናንጊና ናንጋ ጎዳ ኑና ዴንቁዋሴ፤
 ያይቆኑቤ ጾኦዛሂ ዬያ ዔሩዋሴ» ጋዓኔ።
- 8 ዒንሂ ዒዛ ዴር ባኣካ ዓኣ ማሉዋ ዓሳ
 ሂንዳ ኮሺ ማሉዋቴ፤
 ዒንሂ ዔኤዮ ዓሳ ዔራ ዒንሂ ማዓንዳሂ ዓይዲዳይ?
- 9 ዋዮ ደቁሂ ፔኤር ዋይዙዋያዳ?
 ዓኣፖ ማገዢሂያ ዛጉዋዓዳ?
- 10 ዴር ጎሪ ዘሪ ፔ ጎይፃ ባንሂ ማሃሂ

- ዓራቶ ዓሲም ዲንጋሢ ማቶ ዓጋዓዳ?
 11 ናንጊና ናንጋ ጎዳ ዓሲኮ ማሊሢ
 ዓኤቢ ፓሠቀያ ጉሪ ማዕሢ ዓራኔ።
- 12 ናንጊና ናንጋ ጎዳሢዮ! ኔኤኒ ጎሪ ዘራ ዓሲ
 ኔ ዎጎዎ ኔ ዔርዘ ዓሲ ዓንጂንቴያኬ።
- 13 ጎሞ ዓሳ ሎኦማንዳ ዔቴ ቦኦኪንታንዳያ ሄላንዳኦና
 ኔኤኒ ዒዛ ፑርታ ማቶፓ ሃውሺጎንዳኔ።
- 14 ናንጊና ናንጋ ጎዳ ዴሮ ፔኤሲ ኬኤሩዋሴ፤
 ፔ ዓሶዎ ሃሹዋሴ።
- 15 ዎጌ ጊንሣ ፒዜ ጎይሢና ዎጊንታንዳኔ፤
 ዒሮ ፒዜ ዓሳ ቢያ ዬያ ጊንዖ ዓኣዳንዳኔ።
- 16 ፑርቶ ዓሶ ታኣም ቃዘንዳያ ዖናዳይ?
 ፑርቶ ማዳ ዓሶና ታ ዘሎ ሞኦቲንታንዳያ ዖናዳይ?
- 17 ናንጊና ናንጋ ጎዳ ዎንዴ ታና ማኣዲባኣያታቴ
 ቤዘና ታ ሄኤዶ ሃይቄ ዓሶ ሳዖ ኬዴያ ናንዳኔ።
- 18 ታኣኒ «ታና ሃሊፄኔ» ጌዔ ዎዶና
 ናንጊና ናንጋ ጎዳሢዮ!
 ኔኤኮ ሚጨንቴፃ ላባዒ ታና ዓርቄኔ።
- 19 ማሊፃ ታኣኮ ሚርጌ ጎይዖ
 ኔኤኮ ዶዲሺፃ ሸምፓሢ ታኣኮ ዎዛሳኔ።
- 20 ዎጌ ሱንሢና ጊኣጊሺንቴ ጌኔ ማዶና
 ዎቢሲ ዎጊንቴ ዎጌና ፔቴ ኔ ማዓንዳ?
- 21 ዒሎ ዓሶ ዑፃ ጌኔ ጌሰቲ ዔያታ ኬሰካኔ፤
 ጌኤዡ ዓሳ ሃይቃንዳጉዲ ዔያታ ዎጋኔ።
- 22 ታኣም ጋዓንቴ ናንጊና ናንጋ ጎዳ ዎርዲዬ ቤሲ፤
 ታኣኮ ዖኦዛሢያ ፑሮ ካይዚ ማዔኔ።
- 23 ዒዚ ዲቢንቶ ዔያቶሲ ዔያቶም ማሃንዳኔ፤
 ዔያቶ ፑርቱሞሮ ዒ ባይዛንዳኔ፤
 ናንጊና ናንጋ ጎዳ ማዔ ኑ ዖኦዛሢ ዔያቶ ጋጋፒሳንዳኔ።

95

ጋላታ ዓይነቱ

1 ሃኒ ሙኩዋቴ፤ ዎዘና ኑ ናንጊና ናንጋ ጎዳም ዓይናዶም!

94:11 94:11 1&ሮ. 3:20።

- ኩሉኩ ዳቁንቶ ላላሣሞ ኑ ዒላሾም!
- 2 ዒዛም ማዓ ጋላታ ዓይነቱም ዔኪ
ኑ ዒዛ ቤርቶ ሸኢኩም!
ዓይነቱምና ኑ ዒዛ ሄርሾም፤
- 3 ናንጊና ናንጋ ጎዳ ዴኤፒ ያኦሲታሢሮ
ሜሌ ያኦዛፓ ዑሣ ዒ ዴኤፒ ካኦቲታሢሮ።
- 4 ሳዖ ዴማኦ ቢያ ዒዛ ኩጮ ጋራኬ፤
ዲኩኩ ቶኦካኦ ዒዛሲኬ።
- 5 ዒዚ ማኸሣሮ ባዛ ዒዛሮኬ፤
ኩጮ ዒዛኩ ሳዖ ኮሼኔ።
- 6 ሃኒ ሙኩዋቲ፤ ኑ ዒዛ ካኦሽኪ ዚሳም!
ኑና ማኸ ናንጊና ናንጋ ጎዳ ቤርታ ኑ ጉምዓቶም።
- 7 ዒዚ ኩሉኩ ያኦዛሢኬ፤
ኑ ዒዛ ኩጮ ካፒያ ዴማ ዓኦ ማራቶ
ኑና ዒ ሄንቃ ዒዛኩ ዴሮኬ፤
ዬያሮ ዒዚ ሃኖ ሂዚ ጌዒ ኬኤዛሢ ዋይዙዋቲ፡-
- 8 «ዬያ ዓሳ ናንጉዋ ዳውላ ሜሪባና ማሳ ጌይንታ ቤዛ
ዒንሢኩ ቤርታኦ ዓደንሢ ማዴሢጉዲ
ዒንሢያ ዋይዚ ዒፃያ ማዒፖቲ።
- 9 ዔያታ ማዶ ታኦሲ ዛጌያ ማዔያታቲያ
ታ ዋይታቲያ ጌዒ ታና ዔያታ ዛጌኔ፤
ማሂ ማሂ ታና ዔያታ ዋይታቲያ ዛጌኔ።
- 10 ዬኖ ሾይንቶ ዖይዲታሚ ሌዔ ጉቤ ታኦኒ ሻኦኪንቴኔ፤
ዒማና ታኦኒያ፡- <ዒና ዔያቶኩ ታና ሃሼ ዴሬኬ፤
ጎይያዋ ታኦሲ ዔያታ ዔሩዋሴ ጌዔኔ።
- 11 ዬያሮ፡- <ፔቲታዖ ታኦኩ ሃውሾይዳ ዔያታ ጌላዓኬ
ጌዒ ታኦኩ ዳጎና ታ ጮኦቄኔ።»

96

ያኦሲ ቢያሢኩ ዑፃ ማዔሢ
(1ያኦሲ. ዓሃኬ 16:23-33)

- 1 ናንጊና ናንጋ ጎዳም ዓኪ ዓይነቱም ዓይናዲዋቲ!
ዓጮ ቢያ ናንጊና ናንጋ ጎዳም ዓይናዲዋቲ!

95:8 95:8 ዔብ. 3:15፤ 4:7። 95:9 95:9 ኬሲ. ማፃ 17:1-7፤ ፓይ. ማፃ 20:2-13። 95:11 95:11 ፓይ. ማፃ 14:20-23፤ ላሚ. ዋማ 1:34-36፤ 12:9-10፤ ዔብ. 4:3-5።

2 ናንጊና ናንጋ ጎዳም ዓይናደቀቱ፤ ዒዛኮ ሱንፆ ዓንጂቀቱ፤
ዒዛኮ ዓውሲፆ ጉቱ ጉቱ ከኤዙቀቱ።

3 ቦንቾ ዒዛኮ ዴሮ ባአካ
ዲቃሢ ሄርሺሳ ማዶቀ ዓሲ ቢያ ቤርታ ከኤዙቀቱ!

4 ናንጊና ናንጋ ጎዳ ዴኤፒኬ፤
ዒዛ ሄርሻኒያ ኮይሳያኬ፤
ሜሌ ካአሽኮ ፆኦዛፓ ቢያ ዑሣ
ዒዚ ዒጊጨንታንዲያ ኮይሳኔ።

5 ሜሌ ዴሮ ፆኦዛ ቢያ ፃላሄሮኬ፤
ናንጊና ናንጋ ጎዳ ጋዓንቴ ጫሪንጮ ማዜኔ።

6 ቦንቾና ዴኤፑቸዋ ዒዛ ኮራኬ፤
ዒዛኮ ጌኤዮ ማአራ ዶዲሞና ሚዛጹሞና ዓአኔ።

7 ሳፆይዳ ናንጋ ዴራ ናንጊና ናንጋ ጎዳ ጋላቱቀቱ!
ዒዛኮ ቦንቾና ፆልቆናሮ ዒዛ ጋላቱቀቱ።

8 ናንጊና ናንጋ ጎዳ ሱንፆም ቦንቾ ዒንጉቀቱ፤
ዒንጎ ባአዚ ዓርቂ ዒዛኮ ዓሳ ቡካ ጰኦኮ ጌሉቀቱ።

9 ዒዛኮ ዲማዴያ ማዔ ዴኤፑቸዋሮ ዒዛም ዚጉቀቱ፤
ሳዓ ቢያ ዒዛ ቤርታ ጎጋይቁቀቱ።

10 ዴሮ ቢያሢ ባአካ፡- «ናንጊና ናንጋ ጎዳ ካአታዴኔ!» ጎዑቀቱ፤
ሳዔላ ዶዲና ማዢንቴሢሮ ዓጊፆዓኬ፤
ዓሲም ቢያ ዒ ፒዙሞና ፆጋኔ።

11 ጫሪንጫ ፆዛዳቀቱ! ሳዔሌ ኔኤኒያ ፆዛዴ!
ባዘንታ ዩያይዳ ዓአ ባካ ቢያ ዑኡዞ ፆይዚሱቀቱ።

12 ጎዦንታ ጊዳ ዓአ ባካአ ቢያ ዪኩቀቱ!
ያዲ ማዓዛ ካዮ ሚፆ ቢያ ፆዛና ዓይናዳንዳኔ።

13 ዒዚ ሙካንዳኔ፤
ናንጊና ናንጋ ጎዳ ቤርታ ዔያታ ዓይናዳንዳኔ፤
ሳፆይዳ ፆጋኒ ዒ ሙካንዳኔ፤
ሳፆይዳ ዪሉሞና ዴሮ ዑፆ ጎኡሞና ፆጋንዳኔ።

97

ፆኦሲ ቢያፓ ዑሣ ማዒፆ

1 ናንጊና ናንጋ ጎዳ ካአቲኬ!
ሳዔሌ ኔኤኒ ፆዛዴ፤

- ዒንሢ ባዘ ሳዛ ዓኣ ዓጫ
 ቢያ ዎዛዲዎቲ!
- 2 ዒዛኮ ኮሮ ሻኣሬንታ ዲሜ ቃኣዮንታ ካንቂ ዓኣኔ፤
 ካኣቱሞ ዖይታ ሂሉሞና ፒዜ ዎጌና ጌሢንቴኔ።
- 3 ዒዛኮ ቤርታ ታሚ ዓኣዳኔ፤
 ኮይሎ ዒዛኮ ማንጊ ዓኣ ሞርኮዎ ሚቻኔ።
- 4 ዜኤሊንፃ ዒዛኮ ዓጮ ፖዓኔ፤
 ሳዓ ዬያ ዛጋዖ ጎጋይቃኔ።
- 5 ዲካ ናንጊና ናንጋ ጎዳ ቤርታ
 ሳዓኣ ቢያ ዓዳ ሾፒፕዲ ዓልቄኔ።
- 6 ጫሪንጫ ሂሉሞ ዒዛሲ ኬኤዛኔ፤
 ዴሬ ቢያ ቦንቾ ዒዛሲ ዛጋኔ።

- 7 ዓርሲ ኮሾና ማላቶሞ ዚጋዞንሢ
 ሜሌ ካኣሽኮ ዖኦዘና ሄርሺንታዞንሢ
 ቢያ ቦርሲንቶንጎ፤
 ዒንሢ ሃይ ሜሌ ዖኦዛ ዒዛሞ ዚጉዎቲ።
- 8 ናንጊና ናንጋ ጎዳሢዮ!
 ዎጋ ኔኤሲ ፒዜ ማዔሢሮ ሂዮኔ ዴራ ዎይዚ ዎዛዳኔ፤
 ዪሁዳ ዓጮ ካታማኣ ሚርጌና ዎዛዳኔ።
- 9 ናንጊና ናንጋ ጎዳሢዮ! ኔኤኒ ሳዖይዳ ቢያ ዴኤፒኬ፤
 ሜሌ ዖኦዞፓ ቢያ ኮሺ ኔኤኒ ዳጊ ጋዓያኬ።

- 10 ዒንሢ ናንጊና ናንጋ ጎዳ ናሽካ ዓሳ
 ፑርታ ባኣዚ ሻኣኪንቱዎቲ፤
- ጉሙርቂንታዞንሢኮ ዒዚ ሼምፓሢ ካፓሢሮ
 ዎይዞ ዒፃ ዓሶ ኩጫፓ ሄሊ ዒ ዒያቶ ዓውሳንዳኔ።
- 11 ፖዓ ሂሎ ዓሶም
 ዎዛኣ ዒና ፒዜ ማዔዞንሢሞ ኬሰኪ ዴዳኔ።
- 12 ዒንሢ ሂሎ ዓሳ ናንጊና ናንጋ ጎዳና ዎዛዲዎቲ!
 ዒዛኮ ዲሚዳ ሱንፆዎ ጋላቱዎቲ።

98

ዓይነቱ
 ዖኦሲ ዓጮ ዎይሢያ ማዔሢ
 1 ናንጊና ናንጋ ጎዳሞ ዓኪ ዓይነቱ ሺኢሹዎቲ፤

97:9 97:9 ዓይነ. 29:1-2።

- ጾኑሲ ፔ ዋልቁና ማዲንታ ዓኪ ባኣዚ ማዴኔ፤
 ዒዛኮ ሚዛቆ ኩጮንታ ዲማዴ ቃሳኣ
 ዳቂንታ ዔኪ ሙኸኔ።
 2 ናንጊና ናንጋ ጎዳ ዳቂሺያ ፔኤሲ ዔርዘኔ፤
 ዒሉሞ ፔኤሲ ዴሮ ቤርታ ፔጋሴ።
 3 ዒሲራዔኤሌ ዓሶሞ ፔኤኮ ሚጨንቲያ
 ጉሙርቂንታያ ማዒያዎ ማሌኔ፤
 ዓጫ ማዓ ካሮና ቢያ ኑ ጾኦዛሂኮ ዓውሲያ ዛጌ።
 4 ሳዓ ናንጋ ዴራ ቢያ ናንጊና ናንጋ ጎዳም ዒላሹዋቴ!
 ሄርሺሂያ ዒዛም ሚርጊሹዋቴ፣ ዎዛና ዓይናዲ ጋላቱዋቴ።
 5 ናንጊና ናንጋ ጎዳም
 ሚርጌ ሻኩ ዴንሂ ዋርቆ ጎኦሎና ዓይናዲዋቴ፤
 ዓይኑም ዓንጋሞና ዑኡሲ ኬሲ ዒዛም ዓይናዲዋቴ።
 6 ዲንኮና ዛዬ ዑኡሲና
 ናንጊና ናንጋ ጎዳ ማዔ ካኣታሂ ቤርታ ዒላሹዋቴ።
 7 ባዘንታ ዩያይዳ ዓኣ ባካ ቢያ
 ሳጾንታ ዒኣካ ናንጋ ባካ ቢያ
 ዑኡዘ ዋይዚሱዋቴ!
 8 ዎራ ኩጮ ፔኤኮ ባጾንጎ፤
 ዲካኣ ዎሊ ዑፃ ዓይናዲንጎ።
 9 ዩያታ ጾኦዛሂ ቤርታ ዓይናዲንጎ፤
 ዒዚ ሳጾይዳ ዎጋኒ ሙካንዳኔ፤
 ዓጫ ዑፃ ዒዚ ዒሉሞና
 ዴሮ ዑፃኣ ጎኡሞና ዎጋንዳኔ።

99

- ጾኑሲ ዴኤፒ ካኣቲ ማዔሂ
 1 ናንጊና ናንጋ ጎዳ ካኣታዴኔ፤
 ዴራ ጎጋይቆንጎ፤
 ዒዚ ኪሩቤኤሎ ዑፃ ዓኣ ካኣቱሞ ጾይታ ዴዔኔ፤
 ሳዓኣ ዓጊያንጎ።
 2 ናንጊና ናንጋ ጎዳ ዒዮኔይዳ ዴኤፒኬ፤
 ዴሮኮ ቢያ ዑሃ ዒ ዴግ ዴጊ ጌዔኔ።
 3 ኔኤኮ ዩያታ ዴኤፑሞና ዒጊቻ ሱንጾና ሄርሹንጎ፤

99:1 99:1 ኬሲ. ማፃ 25:22።

ዒዚ ዲማዴያኬ።

- 4 ፒዜ ዎጌ ናሽካ ዎልቆ ካኣቲዮ!
ኔኤኒ ፒዜ ባኣዚ ማዲንታንዳጉዲ ማሄኔ፤
ፒዜ ዎጊሢና ዲሉሞና ያይቆኦቤ ዓሰሞ ዔኪ ሙኬኔ።
- 5 ናንጊና ናንጋ ጎዳ ማዔ ኑ ጾኦዛሢ ዴግ ዴጊዲሞቲ!
ቶካ ዒዛኮ ሄርቃ ሳጾይዳ ዚጉዎቲ!
ዒዚ ዲማዴያኬ።
- 6 ዒዛሞ ቄኤሶ ማዔዘንሢ ባኣካ ሙሴና ዓኣሮኔና ዓኣኔ፤
ሃሃ ዒዛ ሺኢቄዘንሢ ባኣካፓ ሳሙዔኤሌ ፔቲሢኬ፤
ዔያታ ናንጊና ናንጋ ጎዳ ዔኤላዛ
ዒዚ ዒያቶሞ ማሃ ዩሄኔ።
- 7 ቱርቱርጉዲ ዔቄ ሻኣሮ ባኣኮይዳ ዒ ጌሰቲኔ፤
ዔያታኣ ዒዚ ዔያቶሞ ዒንጌ ዳምቦና ዎጎና ካፔኔ።
- 8 ናንጊና ናንጋ ጎዳ ማዔ ኑ ጾኦዛሢዮ!
ኔኤኒያ ዔያቶሞ ዩሄኔ፤
ኔ ዔያቶኮ ዳቢንቶሮ ኮሜ ኮፃያ ማዔቲያ
ኔኤኒ ዔያቶሞ ዓቶንጎ ጋዓ ጾኦሲኬ።
- 9 ናንጊና ናንጋ ጎዳ ማዔ ኑ ጾኦዛሢ ዴግ ዴጊዲሞቲ!
ዒዛኮ ዲማዴ ዲካ ዒዛሞ ዚጉዎቲ፤
ናንጊና ናንጋ ጎዳ ማዔ ኑ ጾኦዛሢ ዲማዴያኬ።

100

ጋላታ ዓይኑሞ

- 1 ሳዓ ቢያ ናንጊና ናንጋ ጎዳሞ ዒላሹዎቲ!
- 2 ናንጊና ናንጋ ጎዳሞ ዎዛና ማዲዎቲ!
ዎዛ ዓይኑሞ ዓይናዲሢና ዒዛ ቤርቶ ሺኢኩዎቲ።
- 3 ናንጊና ናንጋ ጎዳ ጾኦሲ ማዔሢ ዔሩዎቲ፤
ኑና ማገፔሢ ዒዛኬ፣ ኑኤኒ ዒዛሮኬ፤
ኑኤኒ ዒዛ ዴሮ፣ ዒዚ ሄንቃ ማራቶኬ።
- 4 ጋላታና ዒዛ ካሮ ባንሢ
ሄርሺሢና ዓሳ ቡካ ጸኦኮዎ ጌሉዎቲ፤
ጋላቱዎቲ፣ ሱንጾዎ ዒዛሲ ዓንጂዎቲ።

5 ናንጊና ናንጋ ጎዳ ኮሺ
 ሚጠንቲግኦ ዒዛኮ ናንጊና ናንጋያኬ፤
 ዒዛኮ ጉሙርቁንቲግ ሾይንቲጋ ሾይንቲ ሄላኔ።

101

ደውቲ ዓይነቱ

ካኣታ ጸኦሲም ጫኦቃ ጫኦቁሞ

1 ኔኤኮ ሚጠንቲግና ፒዜ ምጊጾና ዛሎ ታ ዓይናዳኔ፤
 ናንጊና ናንጋ ጎዳሢዮ! ጋላታ ዓይነቱ ታ ኔኤም ሺኦሻኔ።

2 ዳቢንቲባኦ ጎይጻሎ ዶዲሺ ታ ዓርቃንዳኔ፤
 ኔኤኒ ታ ኮራ ዓይዲ ዩዓንዳይ?
 ታ ማኦር ዓሶና ሞላ ፒዜ ዒኔና ታ ናንጋንዳኔ።

3 ፑርታ ባኦዚ ማዳንቲም ታ ዛጊ ዚቲ ጋዓዓኬ፤
 ጸኦሲዳገ ሃኬ ዓሳ ማዳ ባኮ ቢያ ታ ዒፃኔ፤
 ፔቲታጾ ታ ዒያቶና ሞላ ካኦማዓኬ።

4 ሞሶ ዒና ዓኦ ዓሳ ታ ኮራገ ሺኦኮንጎ፤
 ፑርቲሞና ሞላ ታኦኮ ፔቲሞ ባኦሴ።

5 ፔ ላጋሢ ካሸካሺ ደንካሢ ታ ጎራኔ፤
 ጾቶርቃ ዓኦፒና ሄርሺንታ ዒኔያ ዓኦ ዓሢ ታ ቲኦራሞሴ።

6 ታኦና ሞላ ናንጋንዳጉዲ
 ታኦኮ ዓኦገ ሳጾይዳ ጉሙርቁንቲጋዞንሢዳኬ፤
 ጌኤሺ ጎይሢና ሃንታሢ ዒዚ ታኦም ማዳንዳኔ።

7 ጌሻያ ማዔ ዓይጎ ዓሲያ ታ ማኦርይዳ ናንጋዓኬ፤
 ሉኡዙሞ ጌሰታሢያ ታ ቤርታ ፒዝ ጌዒ ዔቃዓኬ።

8 ሳጾይዳ ፑርቶ ማዳ ዓሶ ቢያ
 ጉቲ ጉቲ ታ ባይዛንዳኔ፤
 ፑርቶ ማዳ ዓሶ ቢያ
 ናንጊና ናንጋ ጎዳ ካታማገ ታ ጋፒሳንዳኔ።

100:5 100:5 1ጾሲ. ዓሃኬ 16:34፤ 2ጾሲ. ዓሃኬ 5:13፤ 7:3፤ ዒዝ. 3:11፤ ዓይኔ. 106:1፤ 107:1፤ 118:1፤ 136:1፤ ዔ.ር. 33:11።

102

ሜታጅ ዓቢ ያዩሢና ናንጊና ናንጋ ጎዳ ሺኢቃ ሺኢጲሢ

ሜታጅ ዓቢ ሺኢቃ ሺኢጲሢ

1 ናንጊና ናንጋ ጎዳሢዮ! ሺኢጲዮ ታኣሲ ዋይዜ፤

ታኣኒ ዒላታ ዒላታ ኔ ኮራ ሄሎንጎ።

2 ታኣኒ ሜታጅ ኬሎና ዓኣፖ ኔኤሲ ታ ጊዳፓ ማሂፖ!

ዋዮ ኔኤኮ ታ ባንሢ ማሂ፤

ታኣኒ ኔና ዔኤላ ኬሎና ሩኡሪና ታኣም ዩሄ።

3 ናንጎ ዋዳ ታኣኮ ጨቢጉዲ ዴንዲ ጋፓኔ፤

ሜጌፃ ታኣኮ ዓዳ ናኣቡጉዲ ያይዴኔ።

4 ዒና ታኣኮ ቃኣያ ዋዴ ማኣቲጉዲ ማሌኔ፤

ካሣ ሙኡዚያ ታ ዋሌኔ።

5 ታኣኮ ዒላታፓ ዔቄያና

ዑፃ ታኣኮ ሜሊ ዓቲኔ።

6 ዓሳ ናንጉዋ ዳውሎይዳ ዓኣ ሙኡታሌ ታ ማሌኔ፤

ደዔ ባዓ ቤሰካ ዓኣ ኩኩቲ ማዔኔ።

7 ጊንዓ ባኣያ ታ ዋርቃኔ፤

ማኣሮኮ ሄላሢዳ ፔኤሮ ዓኣ

ሚኣቫካፒ ታ ማዔኔ።

8 ሞርካ ታኣኮ ሮኦሮ ጉቤ ታና ሚኣጫኔ፤

ታና ፑርቲሳ ዓሳ ሱንፖ ታኣኮ ጋዳንቁንቲያ ማሂ ዛጋኔ።

9 ዲቢንሢ ታኣኒ ዲኢሊጉዲ ኩኡሌኔ፤

ዑዠ ታኣኮ ታኣኒ ዓቢያና ሲኢሬኔ።

10 ኔኤኮ ጎሪንቶና ዳጎናፓ ዔቄያና

ሌካ ታና ኔ ኬሴ ቤዛፓ ለካ ኬኤሬኔ።

11 ናንጎ ለዓ ታኣኮ ዓቢ ጌሊ ዔኤከፔጉዲኬ፤

ታኣኒያ ማኣቲጉዲ ሹሌኔ።

12 ናንጊና ናንጋ ጎዳሢዮ!

ኔኤኒ ጋዓንቲ ናንጊና ኔኤኮ ካኣቲሞ ያይታ ዴዔኔ፤

ሱንፃ ኔኤኮ ሸይቲፓ ሸይንቲ ሄላንዳኣና ናንጋኔ።

13 ኔ ዔቃንዳኔ፥ ዪዮኔያ ሚጨንታ ዓኣፒና ዛጋንዳኔ፤

ዒዞም ኔኤኒ ኮሹሞ ኔኤሲ ዳዋ ዋደ ማዔሢሮ

ኔ ጌዔ ዋደ ሄሌኔ።

14 ኔኤኮ ዓይላ ሹጮ ዒዞኮ ዛጊ ዋዳዳንዳኔ፤

ሳዖ ዓጮማኣ ሚጨንታንዳኔ።

- 15 ዴራ ናንጊና ናንጋ ጎዳሢ ሱንፆ
 ሳፆ ካኣታኣ ቢያ ቦንቾ ኔኤሲ ዒጊጫንዳኔ።
- 16 ናንጊና ናንጋ ጎዳ ጂዮኔ ጊንሣ ማሂ ማዠንዳኔ፤
 ፔኤኮ ቦንቾና ፔጋዲ ደዳንዳኔ።
- 17 ዒዚ ማንቆ ዓሶ ሺኢጲያ ባንሢ ዛጋንዳኔ፤
 ዔያታ ሺኢቃ ሺኢጲያ ዒ ቦሃዓኬ።

- 18 ሃጊ ሾይንቲባኣ ዓሳ ዒዛ ጋላታንዳንጉዲ
 ሃያ ናንጊና ናንጋ ጎዳ ማዴ ዲቃሢ ሄርሺሳ ባኮ
 ሙካ ሾይንቶም ፃኣፑዋቱ።
- 19 ናንጊና ናንጋ ጎዳ ዴጌ ቤዛ ዓኣ
 ናንጎ ማኣራፓ ሊካ ዛጌኔ፤
 ጫሪንጫይዳ ዓኣፆ ሳፆ ዛጌኔ።
- 20 ዩያ ዒ ማዴሢ
 ቱኡቱ ዓሶኮ ዒላቶ ዋይዛኒ
 ሃይቆም ዋጊንቱ ዓሶዋ ዓውሳኒኬ።
- 21 ዩያሮ ናንጊና ናንጋ ጎዳኮ ሱንፆ ጂዮኔይዳ
 ጋላታኣ ዩሩሳላሜይዳ ኬኤዚንታንዳኔ።
- 22 ዩይያ ዳሮንታ ካኣቶንታ
 ናንጊና ናንጋ ጎዳ ካኣሸካኒ
 ፔቱሞና ቡኪንታኣና ማዓንዳኔ።

- 23 ደዳሞ ታኣኮ ጎይፃ ዓይሴኔ፤
 ናንጎ ታኣኮ ዒ ዑኬና ጋፒሴኔ።
- 24 ዩካፓ ታኣኒያ፡- «ፆኦሲዮ ኔኤኒ ናንጋሢ
 ሾይንቲፓ ሾይንቲ ሄላንዳኣናታሢሮ
 ናንጎ ታኣሲ ታኣኒ ጋፒሲባኣንቱ
 ታ ናንጋ ሃጊ ዓኣ ጎይሣ ዓኣንቱ
 ታና ዔኪፖ» ጌዔኔ።

- 25 ኔኤኒ ሚና ቤርታ ሳፆ ማዠኔ፤
 ጫሪንጫኣ ኔ ማዠሢኬ።
- 26 ዔያታ ባይቃንዳኔ፤
 ኔኤኒ ጋዓንቱ ደዲ ናንጋንዳኔ።
 ዩይ ቢያሢ ማኣፆጉዲ ጪንቃንዳኔ፤
 ዓፒላጉዲያኣ ኔ ዔያቶ ላኣማንዳኔ፤
 ዔያታ ቤዞና ኬኤሪንታንዳኔ።
- 27 ኔኤኒ ጋዓንቱ ኔናኬ፤

ለዓክ ኔኤኮ ፔቲታዎ ጋፑዋሴ።
 28 ኔ ዓይሎኮ ናኣታ ዔያቶም ገሊጌም ናንጋንዳኔ፤
 ዜርፃ ዔያቶኮ ኔ ቤርታ ዶዲ ዴዓንዳኔ።

103

ዳውቲ ዓይነቱ

ፆኦሲ ናሹቱ

- 1 ታኣኮ ሸምፔሌ! ናንገና ናንጋ ጎዳ ዓንጄ!
 ታኣኮ ጋር ዑፃኣ ቢያ ዒዛኮ ዲማዴ ሱንፆ ጋላቱዋቲ።
- 2 ታኣኮ ሸምፔሌ! ናንገና ናንጋ ጎዳ ዓንጄ፤
 ኔኤም ዒ ማዴ ባኮ ቢያ ዋሊፖ።
- 3 ጎሞ ቢያ ኔኤኮ ዓቶም ጋዓሂ
 ሃርጎ ኔኤኮ ቢያ ፓሃሂ፤
- 4 ናንጎ ኔኤኮ ባይሲንቶ ዔቶፓ ዓውሳሂ
 ፔኤኮ ሚጨንቲያና ኮሹሞና ኔና ጎኦባሂ፤
- 5 ጋርቹ ዋልቆ ኔኤኮ ዓዳ ኮኦኔ ጎይሂ ዓካሳሂ
 ኔኤኒ ማላ ባኮ ፔ ኮሹሞና ከንሃሂ
 ኔኤም ዒዛኮ።
- 6 ናንገና ናንጋ ጎዳ ሄርቁንቲ ዋርቃዞንሂም ቢያ
 ፒዜ ዋጌ ዋጋኔ።
- 7 ጎይፆ ፔኤሲ ሙሴም
 ማዶዋ ፔኤሲ ዒሰራዔኤሌ ዓሶም ዒ ቤኤዜኔ።
- 8 ናንገና ናንጋ ጎዳ ሚጨንታያና ዓቶም ጋዓያ
 ዲጋዳኒ ሩኡሩዋያና ናሹማኣ ሚርጌያኮ።
- 9 ዒዚ ቢያ ዋዴ ዳቢንቲ ሙሪ ሃንቱዋሴ፤
 ዲጋዴ ጎይሃኣ ዴዑዋሴ።
- 10 ዒዚ ኑም ኑኡኮ ጎሞጉዴያ ማሂ ዒንገባኣሴ፤
 ኑ ዳቢንቶጉዴያኣ ጨገባኣሴ።
- 11 ጫሪንጫ ሳዓፓ ሌካ ዴጋሂጉዲ
 ዒዛኮ ሚጨንቲፃ ዒዛ ዒጊጫ ዓሶም ዴኤፒኮ።
- 12 ዓባ ኬሰካ ባንፃ ጌላ ባንፃፓ ሃካሂጉዲ
 ዳቢንቶ ኑኡሲ ኑፓ ዒ ሃኪሴኔ።
- 13 ዓዴ ፔኤኮ ናኣቶ ሚጨንታሂጉዲ
 ናንገና ናንጋ ጎዳ ዒዛ ዒጊጫዞንሂ ሚጨንታኔ።

- 14 ዒዚ ኑኡኮ ማዢንቶ ዔዔራኔ፤
ኑኡኒ ሲላሊ ማዔሢያ ማላኔ።
- 15 ዓሲኮ ናንሳ ዎዳ ማኣቲጉዳያኬ፤
ካይዚዳ ዑጊ ቡና ቡኒጉዲኬ።
- 16 ካይዚ ቡኒ ዢባሬ ዢባርሻ ዎዶና ቤዘና ዲኢኒ ባይቃኔ፤
ዬይ ዎንዴ ዒኢካ ዓኣያ ማዔሢያ ዔርቱዋሴ።
- 17 ናንጊና ናንጋ ጎዳኮ ሚጨንቲፃ ጋዓንቲ
ናኣናና ዒዛ ዒጊጨዘንሢ፤
ዒዛኮ ፃሉማኣ ናዖኮ ናዖ ሄላንዳኣናኬ።
- 18 ዒዚ ዬያ ማዳሢ ጨኣቁሞ ካፓዘንሢና
ዓይሢያዎ ዶዲ ካፓዘንሢ።
- 19 ናንጊና ናንጋ ጎዳኮ ካኣቱሞ ዖይታ ጨሪንጨ ዶዴ፤
ካኣቱማኣ ዒዛሲ ቢያሢ ዎይሣኔ።
- 20 ዒንሢ ዒዛኮ ቃኣሎሞ ዓይሢንታ ከኢታንታ
ዒዛኮ ዓይሢያ ማዳ ኩንሣ ዎልቆርንሢ
ናንጊና ናንጋ ጎዳ ዓንጅዋቲ።
- 21 ዒንሢ ዒዛኮ ማሊያ ማዳ ኩንሣ
ጨሪንጨ ዓኣ ማዢንታ
ናንጊና ናንጋ ጎዳ ዓንጅዋቲ።
- 22 ዒንሢ ዒዚ ዎይሣ ዓጫ ናንጋ ዓሳ ቢያ
ማዢንታኣ ቢያ ናንጊና ናንጋ ጎዳ ዓንጅዋቲ፤
ታ ሹሞፔሌ! ዒዛ ዓንጅ።

104

ማዤ ዖኣዛሢ ሸኢኬ ጋላታ

- 1 ታ ሹሞፔሌ! ናንጊና ናንጋ ጎዳ ዓንጅ!
ናንጊና ናንጋ ጎዳ ማዔ ታ ዖኣዛሢዮ! ኔኤኒ ኮሺ ዴኤፒኬ፤
ቦንቾና ዴኤፑሞና ኔ ማይንቲኔ።
- 2 ኔ ኔና ፖሲና ካንቄኔ፤
ጨሪንጨ ኔኤኒ ዓፒላጉዲ ዳሬኔ።
- 3 ማኣር ኔኤሲ ኔኤኒ ሎ ዋኣዖ ዑፃ ማዤኔ፤
ሻኣር ኔኤኮ ሳርጌሎ ዖይቶ ማሄኔ፤
ዢባራ ኔኤኮ ጋኣሲ ማዔሞ ኔ ባራናኔ።
- 4 ከኢታንታ ኔኤኮ ኔ ዢባሬ

ዓይሎ ኔኤሲ ታሚ ሎሰቴ ኔኤኒ ማሄኔ።

- 5 ናንጊና ዓገፀዋጉዲ
 ሳዖ ማዢንጉቴ ቤዛ ዶዲሺ ኔ ዴይሣኔ።
- 6 ባዘና ዓፒላጉዲ ሳዖ ኔ ካንቄኔ፤
 ዋኣፃ ዲኮኮ ቶኦኪና ማዔኔ።
- 7 ዔያቶ ኔ ጎሬ ዋዶና ጋዓንጉቴ ቤዘና ሺኢኬኔ፤
 ኔኤኮ ጉጉንፆ ዑኡዘ ዔያታ ዋይዘዖ
 ጳሽኪ ፑኔኔ።
- 8 ዲኮኮ ዑፃ ዔያታ ላኣሊንጉቴ፤
 ኔኤኒ ዔያቶም ገኢጊሽ፥ ዶኦጫዴ ገንፆ ዋቴ።።
- 9 ገንሣ ዔያታ ሳዖ ዔኤዲ ባይዙዋጉዲ
 ዑሣ ኬሰኪያ ላኣሊንጉጉዋጉዲ
 ጌዲ ኔ ጌሣኔ።
- 10 ዓልቃ ዋኣፃ ዶኦጫዴ ገንፆ ዋታንዳጉዲ ኔ ማሄኔ፤
 ዲኮኮዋ ባኣኮና ዔያታ ዋታኔ።
- 11 ካዮ ቦዓ ዒኢካፓ ዑሽካኔ፤
 ኪርሞላ ዒኢካፓ ዴኤቦ ፔኤሲ ዛኣራ።።
- 12 ካፓ ማኣሮ ፔኤኮ ዋሮ ዓጫ ማዣኔ፤
 ሚፆ ካኣፖ ባኣካኣ ዲላኔ።
- 13 ኔኤኒ ሎ ኔ ማኣራፓ ዲኮ ዑሻኔ፤
 ሳዓኣ ኔ ማዶ ዓኣፖ ሙይ ሚሽካኔ።።
- 14 ቆልሞም ሳዓፓ ማኣቲ ኔ ባቃልሳኔ፤
 ዓሲም ሙኡዚ ማኣዳንዳ ዲማ ዲማ ባኣዚ ኔ ኬሳኔ።።
- 15 ዓሲ ዋዛሳ ዋይኔ
 ዓኣፖ ካሮዋ ዓኣዒሳ ዛይቴ
 ዋልቄ ዒንገ ዶዲሻ ሃኣኮዋ ዒኢፓ ጴዳኔ።።
- 16 ዬያጉዲ ሃሃ ናንጊና ናንጋ ጎዳኮ ሚፃ
 ዒዚ ቱኬ ሊባኖኦሴ ሚፃ ዋኣፆ ዑሽኪ ሚሽካኔ።።
- 17 ካፓ ፔኤኮ ማኣሮ ዒኢካ ማዣኔ፤
 ቦኣካሣ ዚቢቆ ባኣካ ዋሮቆ ቤሲ ዴንቃኔ።።
- 18 ፆደዘ ዲካ ዋሻ ናንጋ ቤሲ
 ላሎ ቆኦፓኣ ሾኦና ጌላ ቤሲኬ።።

- 19 ዓገና ወደ ዲማሳንዳጉዲ ኔ ማዴኔ፤
ዓባኣ ፔ ጌላ ወደ ዔዔራ።
- 20 ሳዓ ኔ ዓሚሻዛ ዲሚ ማዓኔ፤
ዒማና ካዮ ቦዓ ቢያ ኬሰኪ ዲርጊ ሺራ።
- 21 ሃጊ ዔቃ ዘባ ሙዖ ኮይ ጉዳኔ፤
ሙዖንዶ ባኮዋ ያኦሲዳፓ ኮዓኔ።
- 22 ዓባ ያርቃኣና ዓኣሺንቲ ካዮ ጌላኔ፤
ፔኤኮ ቡኡላ ቡኡላ ጌሊ ላሃኔ።
- 23 ዬካፓ ዓሳ ማዶይዳ ሶኣፓኔ፤
ሳዓ ዓማንዳያ ሄላንዳኣና ፔኤቃኔ።

- 24 ናንገና ናንጋ ጎዳሢዮ!
ማዳ ኔኤኮ ዎዚ ሚርጋይ!
ዬያ ቢያ ኔኤኒ ኔ ቢታንቶና ኮሺኔ፤
ሳዓ ኔኤኒ ማጐ ማጐንቶና ኩሚኔ።
- 25 ሃይ ዴኤፖ ባዛ ዳልገና ሚጨንቲያኬ፤
ዴኤፒንታ ዳካ ቦዖንታ ፓይዲባኣ ዓገፊ ባኣዚ ዒኣካ ዓኣኔ።
- 26 ዋኣዖ ካኣሚላ ዒኣካ ዑፃ ሃንታኔ፤
ኔኤኒ ማጐ ሌዋታኔያ * ዒኣካ ዴማ ዓማላኔ።

- 27 ዔያታ ሙዓንዳ ባኮ ወደና ኔ ዔያቶም ዒንጋኔ፤
ዬይ ቢያ ዎዛና ኔና ካፓኔ።
- 28 ኔኤኒ ዔያቶም ዒንጋ ወደና ዬያ ዔያታ ቡኩሳኔ፤
ኔኤኮ ኩፎ ኔ ቡላ ወደና
ኮሺ ባኣዚ ሙዒ ዔያታ ሚሸካኔ።
- 29 ዔያቶይዳፓ ዓኣፖ ካር ኔኤኮ ኔ ሺርሻዛ
ዲቃቲሢ ሌሊ ዔያታ ሚርጋኔ፤
ሺምፓሢ ኔ ዔያቶኮ ዔካዛ ሃሃይቃኔ፤
ኬሰኪ ዓፎ ባንሢያ ማዓኔ።
- 30 ኔኤኮ ዓያኖ ኔ ዳካዛ ዔያታ ማማዢንታኔ፤
ሳዖዋ ኔኤኒ ዓኪ ማሃኔ።

- 31 ናንገና ናንጋ ጎዳኮ ቦንቻ ናንገና ዶዲ ናንጎም፤
ዒዚ ፔኤኮ ማዴ ማዶና ዎዛዶንጎ።
- 32 ሳዖ ዒዚ ዛጋዛ ዓዓጊፃኔ፤

* **104:26** 104:26 ሌዋታኔ ሌዋታኔ ጌይንታ ቦዓሢ ጉርጉርጉዴያ ዴኤፒ ቦዖ ዋኣሢዳ ናንጋያኬ። **104:26** 104:26 ዒዮ. 41:1፤ ዓይኑ. 74:14፤ ዒሲ. 27:1።

ዲኮዋ ካኣማዛ ጨጨባኔ።

33 ታኣኒ ሸምፔና ዓኣና ናንጊና ናንጋ ጎዳም ዓይናዳንዳኔ፤
ዔቂ ታ ሃንታ ዎዳ ዒዛ ታ ዓኣሣንዳኔ።

34 ታኣኒ ናንጊና ናንጋ ጎዳና ዎዛዳሢጉዲ
ታ ማሊፃ ዒዛ ዎዛሶንጎ።

35 ጎሞ ዓሳ ሳዓፓ ባይቆንጎ!
ዎይዞ ዒፃ ዓሳ ማይ ሃይፓ ሴካ ጴዳፓ!

ታ ሸምፔሌ! ናንጊና ናንጋ ጎዳ ዓንጄ!
ጋላቲያ ዒዛ ጋላቲ።

105

ጾኦሲና ዒዛኮ ዴሮና
(1ጾኦሲ. ዓሃኬ 16:8-22)

1 ናንጊና ናንጋ ጎዳ ጋላቲዎቲ፤
ሱንጾ ዒዛኮ ዔኤሉዎቲ፤
ማዶዎ ዒዛሲ ዴሮ ባኣካ ፔጋሲ ዳውዎቲ።

2 ናንጊና ናንጋ ጎዳም ጋላታ ዓይኑም ዓይናዳዎቲ፤
ዒዛኮ ዲቃሢ ሄርሺሳ ማዶዎ ቢያ ኬኤዙዎቲ።

3 ዲማዴ ሱንጾ ዒዛኮ ሄርሹዎቲ!
ናንጊና ናንጋ ጎዳ ኮዓ ዓሳ ቢያ ዎዛድንጎ።

4 ናንጊና ናንጋ ጎዳንታ ዶዴሞዎ ዒዛኮ ኮዑዎቲ፤
ቢያ ዎዴ ዓኣፖ ካሮ ዒዛሲ ኮዑዎቲ።

5-6 ጾኦሲ ዓይላሢ ዓብራሃሜ ናይዮቲ!
ዒንሢ ያይቆኦቤ ናኣታ!
ጾኦሲ ማዴ ዲቃሢ ሄርሺሳ ባኮንታ ዒዚ ዒንጌ ዎጎንታ
ዒ ማዴ ዲቃሢ ሄርሺሳ ባኮዎ ማሊ ጰቂሡዎቲ።

7 ዒዚ ናንጊና ናንጋ ጎዳ ማዔ ጾኦዛሢ፤
ዎጋ ዒዛሲ ዓጮ ቢያይዳኬ።

8 ዒ ጫኣቄ ጫኣቄም ዒዛሲ ናንጊና
ዒ ዓይሢ ቃኣሎዎ ሺያ ሾይንቲ ሄላንዳኣና
ማሌ ጎይሣኬ።

9 ዓብራሃሜና ዒዚ ጫኣቄ ጫኣቄም
ዪሳኣቄም ሳላዲ ዒ ዒንጌ ዎዞ ዎሉዎሴ።

- 10 ያይቆኑቤም ዒ ዬያ ዳምቤ ማሂ
ዒሰራዔኤሌማኣ ናንጊና ጩኣቄያ ማሂ ዶዲሼኔ።
- 11 ዒማና ዒዚ፡- «ኔ ዳኔ ማሂ
ካኣናኔ ታ ኔኤም ዒንጋንዳኔ» ጌዔኔ።
- 12 ዬይ ያዳ ማዔሢ ዔያቶኮ ፓይዳ ሚርገባኣንቲ
ዬና ዓጩሎም ዔያታ ሸኦቹ ማዒ ዓኣንቲኩ።
- 13 ዬያ ዳሮ ኮራፓ ማሌ ዳሬ ባንሢ
ፔቲ ዓጩፓ ማሌ ዓጩ ባንሢ
ቤቲ ቤቲ ዔያታ ማታዳኔ።
- 14 ያኣኒያ ጌኔ ማዶ ዔያቶ ዑፃ ማዳንዳጉዲ ዒ ሃሺባኣሴ፤
ዔያቶ ዛሎሮ፡-
- 15 «ታ ዶኦማዘንሢ ሃሊፖቲ፤
ታ ማሊያ ከኤዛዚንሢ ዑፃ ፑርታ ማዲፖቲ» ጌዒ ካኣቶ ጎሬኔ።
- 16 ዓጩይዳ ዒ ናይዚ ዔኤሌኔ፤
ሃኣኮ ጎዖ ባኣዚያ ቢያ ባይዜኔ።
- 17 ዓይሌ ማዒ ሻንቹንቲ ዓሢ
ዮሴፔ ዔያቶኮ ቤርታሲ ዳኩኔ።
- 18 ዒማና ቶካ ዒዛኮ ዓንገ ዲጃና
ዒዛኮ ዑፃኣ ዓንገና ቲኡቲኔ።
- 19 ዒዛም ሎንሢንቲ ቃኣላ ኩማንዳያ ሃላንዳኣና
ናንገና ናንጋ ጎዳኮ ቃኣላ ዮሴፔ ዋይታቲያ ጌዒ ዛጌኔ።
- 20 ዬካፓ ካኣቲ ዓሲ ዳኪ ዒዛ ቡሊሴኔ፤
ዓሶ ዋይሃሢያ ዒዛ ከሴኔ።
- 21 ማኣሮኮ ዓዳሢ
ፔኤኮ ዓኣ ባኮ ቢያ ዋይሃያ ዒዛ ማሃኔ።
- 22 ዬይያ ሱኡጎ ዒ ፔ ዔራ ጎይያ ማዲሻንዳጉዲ
ዳኤፖ ዓሶዋ ዔራቶ ዔርዛንዳጉዲኩ።
- 23 ዒሰራዔኤሌ ገብፆ ዓኣዳኔ፤
ያይቆኑቤያ ካኣማ ዓጩ ሙኩ ዓሲ ማዒ ናንጌኔ።

105:11 105:11 ማኸ. ማፃ 28:13። **105:15** 105:15 ማኸ. ማፃ 20:3-7።
105:16 105:16 ማኸ. ማፃ 41:53-57። **105:17** 105:17 ማኸ. ማፃ 37:28፤
 45:5። **105:19** 105:19 ማኸ. ማፃ 39:20—40:23። **105:20** 105:20
 ማኸ. ማፃ 41:14። **105:21** 105:21 ማኸ. ማፃ 41:39-41። **105:23**
 105:23 ማኸ. ማፃ 46:6፤ 47:11።

24 ናንገና ናንጋ ጎዳ ዳሮ ፔኤሲ ኮሺ ሚርጊሼኔ፤
ዔያቶኮ ሞርኮይዳፓ ባሽ ዶዲ ማሄኔ።

25 ፔኤኮ ዳሮ ዬይ ዓሳ ዒፃንዳጉዲ
ዒዛ ዓሶ 0-ፃ ፑርቱሞ ማላንዳጉዲ
ዒሮ ዔያቶኮ ዲማሰኔ።

26 ዒዛኮ ዓይላሢ ሙሴ
ዒዚ ዶኦሬ ዓኣሮኔያ ዳኬኔ።

27 ዔያታ ጾኦሲ ፔ ዋልቆና ማዳ ማላቶ ዬያቶ ባኣካ
ዲቃሢ ሄርሺሳ ባኮዋ ካኣሜ ዓጮይዳ ማዳኔ።

28 ጾኦሲ ሳፆ ዳማንዳጉዲ ማሂ ዲሚሽኔ፤
ያዲ ማዔቲያ ገብፃ ዓሳ ዓይሢያ ዒዛሲ ኩንሢባኣሴ።

29 ዋኣፆ ዔያቶኮ ዒ ሱጉሢ ማሄኔ፤
ሞላሢያ ዋዳኔ።

30 ዔያቶኮ ዓጮንታ ካኣቲ ማኣራኣ ዓቱዋንቲ
ፓንቃ ኩሚ ካራ ባይዜኔ፤

31 ጾኦሲ ዓይሣዛ፣ ዉፃሌ ሻኣሬጉዴያ ሙኬኔ፤
ጉኡኔያ ዓጮ ዔያቶኮ ባይዜኔ።

32 ዒሮ ዔያቶኮ ዒ ሻቺ ማሄኔ፤
ሳፆ ዔያቶሲ ቢያ ጉጉንሢ ዲኬኔ።

33 ዋይሮ ሚያንታ ቤሌሶዋ ባይዜኔ፤
ዓጮ ዓኣ ሚያ ሚንሢ ዒ ጋኣጩኔ።

34 ጾኦሲ ዓይሣዛ ዓቢሢ ሙኬኔ፤
ሃይማኬ ጌይንቱዋ ማካ ቤዘና ዬዔኔ።

35 ሳፆይዳ ባቃሌ ባኮ ቢያ ሙዔኔ፤
ዔያቶኮ ጎሽኮና ጎዡዋ ፒዲ ባይቄኔ።

36 ዔያቶኮ ዓጮይዳ ዓኣ ቆልሞኮ ቤርቶ ናኣቶንታ
ዓሶኮዋ ቶይዶ ናኣቶ ቢያ ዋዳኔ።

37 ዒማና ዒሰራዔኤሌ ዓሳ ቢሮንታ ዋርቆንታ
ጫኣኒ ዔኪ ኬሰካንዳጉዲ ዒ ማዳኔ፤
ዔያቶ ዜርፃፓ ፔቲታፆ ገንሢሞ ዓቲባኣሴ።

105:25 105:25 ኬሲ. ማፃ 1:7-14። 105:26 105:26 ኬሲ. ማፃ 3:1—4:17።
105:28 105:28 ኬሲ. ማፃ 10:21-23። 105:29 105:29 ኬሲ. ማፃ 7:17-21።
105:30 105:30 ኬሲ. ማፃ 8:1-6። 105:31 105:31 ኬሲ. ማፃ 8:16-17፤
20:24። 105:33 105:33 ኬሲ. ማፃ 9:22-25። 105:35 105:35 ኬሲ. ማፃ
10:12-15። 105:36 105:36 ኬሲ. ማፃ 12:29።

- 38 ጊብጭ ዓሳ ዔያቶ ሚርጌና ዒጊጩሢሮ ኬሰኪ ዔያታ ዓኣዳኣና ዋዛዳኔ።
- 39 ሻኣሮ ዔያቶም ጎኑቦ ዓቢላጉዲ ጌሢኔ፤ ዋንቶ ታሚ ዔያቶም ዒ ፖዒሴኔ።
- 40 ዔያታ ዒዛ ሶኦጫዛ ፑሮ ዔያቶም ዒ ዳኬኔ፤ ጫሪጎጩ ካሦዋ ሙኡዚ ሚሼኔ።
- 41 ላሎ ዒ ዳርዜም ዋኣሢ ጎዔኔ፤ ዓሲ ናንጉዋ ዳውሎይዳ ዋርዚጉዲ ዋቴ።
- 42 ፔኤኮ ዓይላሢ ዓብራሃሚም ዒ ዒንጌ ዲማዴ ዋዘ ቃኣሎ ማሌኔ።

- 43 ዴሮ ፔኤኮ ዋዛና ዒ ደኦሬዞንሢያ ዒላሺሲ ኬሴ።
- 44 ማሌ ዴሮ ዓጮ ዔያቶም ዒንጌኔ፤ ዬያታ ላቤ ላቢያ ሃኣታ ዔኬኔ።
- 45 ዬይያ ዳምቦ ዒዛኮ ዔያታ ካፓንዳጉዲ ዋጎ ዒዛሲያ ማዲ ኩንሣንዳጉዲኬ።

ናንጊና ናንጋ ጎዳም ጋላታ!

106

ያኦሲ ፔ ዴሮም ኮሽካ ኮሹዋ

- 1 ናንጊና ናንጋ ጎዳ ጋላቱዋቴ!
ዒዚ ኮሺታሢሮና ናሹማኣ ናንጊና ናንጋያታሢሮ ዒዛ ጋላቱዋቴ!
- 2 ናንጊና ናንጋ ጎዳ ማዳ ዴኤፖ ማዳ ዛሎ
ያኦኒ ኬኤዛኒ ዳንዳዒ?
ዒዛም ማዓ ጋላቶ ቢያ ያ ኬኤዚ ጋፒሳንዳይ?
- 3 ፒዜ ዋጌ ዋቡዋጉዲ ካፓዞንሢ
ቢያ ዋዴ ዒሎ ማዔዞንሢ
ዓንጂንቴያኬ።

105:38 105:38 ኬሲ. ማግ 12:33-36። **105:39** 105:39 ኬሲ. ማግ 13:21-22። **105:40** 105:40 ኬሲ. ማግ 16:2-15። **105:41** 105:41 ኬሲ. ማግ 17:1-7፤ ፓይ. ማግ 20:2-13። **105:44** 105:44 ዒያ. 11:16-23። **106:1** 106:1 1ያኦሲ. ዓሃኬ 16:34፤ 2ያኦሲ. ዓሃኬ 5:13፤ ዒዝ. 3:11፤ ዓይኤ. 100:5፤ 107:1፤ 118:1፤ 136:1፤ ዔር. 33:11።

- 4 ናንጊና ናንጋ ጎዳሢየ!
 ኔኤኮ ዳሮ ኔ ማኣዳ ዎደና ማሊ ጳቂሣ፤
 ዔያቶ ኔ ዓውሳ ዎደና ታና ማሌ።።
- 5 ዬይያ ኔኤኒ ዶኦሬዞንሢኮ ዎርጎቹሞ ታ ዛጋኒ
 ኔ ዳሮ ዎደና ታ ዎዛዳኒ
 ኔ ዓሶና ዎላ ታ ኔና ሄርሻንዳጉዲኬ።።
- 6 ኑኡኒ ኑ ዓደንሢጉዲ ጎሜ ማዳኔ፤
 ኑ ዳቢንቴኔ፤ ፑርታ ማዳኔ።።
- 7 ኑኡኮ ዓደንሢ ጊብፄ ዓጫ ዓኣዎ
 ኔ ዎልቆና ማዳንታ ዓኮ ባኮ ማሊ ጳቂሣባኣሴ፤
 ኔኤኮ ሚጨንቴፆ ሚርጉሞዎ ዔያታ ማሊባኣሴ፤
 ዘቄ ባዘ ዓጫ ዎይዚ ኔኤም ዒፄኔ።።
- 8 ዒዚ ጋዓንቴ ፔ ዎልቆኮ ዳኤፑሞ ቤኤዛኒ
 ፔ ሱንፆሮ ዔያቶ ዒ ዓውሴኔ።።
- 9 ዘቄ ባዘ ዒ ጎሬኔ፤
 ባዛኣ ሚጨኔ፤
- ዓሲ ናንጉዎ ዳውሌ ቦኦሊና ዓኣዳሢጉዲ
 ዎኣዎ ዔቶኮ ባኣኪና ዔኪ ዔያቶ ዒ ዓኣዳኔ።።
- 10 ዔያቶ ዒፃ ዓሶ ኩጫፓ ዒ ዓውሴኔ፤
 ሞርኮ ኩጫፓኣ ዒ ሄሊ ዓይሴኔ።።
- 11 ሞርኮ ዔያቶኮ ዎኣፃ ሙዔኔ፤
 ዬያ ሞርኮይዳፓ ፔቴታዎ ቶሊ ዓቲባኣሴ።።
- 12 ዬካፓ ዔያታ ዔያቶም ኬኤዞና ቃኣሎ ጉሙርቄኔ፤
 ዓይኑሞናኣ ዒዛ ጋላቴኔ።።
- 13 ጋዓንቴ ዔያታ ዒ ማዳ ባኮ ቤዞና ዎሌኔ፤
 ዒዛኮ ዘሮና ዓኣዳኒ ጊቢ ዳንዳዒባኣሴ።።
- 14 ዓሳ ናንጉዎ ዳውሎይዳ ሱኡካዳሢሢ ዔያታ ዓርቄኔ፤
 ዒኣካ ፆኦሲ ዎይታቴያ ጌዒ ዒዛ ዘጌኔ።።
- 15 ዒዚ ዔያታ ዒዛ ዎኦጨሢሢ ዔያቶም ዒንጌኔ፤
 ጋዓንቴ ዔያቶ ዎኦፒሳ ዶርዓ ዳኪንቴኔ።።
- 16 ጉርደይዳ ዔያታ ዓኣዎ
 ሙሴንታ ዎኦሲም ዲማዳ ዓኣሮኔንታ

106:7 106:7 ኬሲ. ማፃ 14:10-12። 106:12 106:12 ኬሲ. ማፃ 14:31።
 106:12 106:12 ኬሲ. ማፃ 15:1-21። 106:15 106:15 ፓይ. ማፃ 11:4-34።

ማዳ ማዳ ዛጊ «ዬይ ዔያቶም ሌሊ ዓይጋ ማዔይ» ጌዒ ማሌኔ።

17 ሳዓ ዳርዒ ዳኣታኔ ጎሮሢ ዔኤዳኔ፤
ዓቤሮኔንታ ዒዛኮ ማእሮ ዓሶዋ ጉኡፔኔ።

18 ዔያቶኮ ቡሲንቶ ባኣካ ታሚ ዔኤቴኔ፤
ሎሰታሢ ፑርቶ ዓሶ ሚቺ ባይዜኔ።

19 ዔያታ ኮሬቤ ጌይንታ ቤዛ ዓኣፆ ዎርቄና ናኣሪ ኮሼኔ፤
ዬያ ዓንጎ ሼኤሺ ማዦና ያኦዘም ዘጌኔ።

20 ዔያቶኮ ቦንቾ ማዔ ያኦዘሢ ዔያታ
ማኣቶ ሄንቃ ቆልሞ ማላ ባኮና ላኣሚኔ።

21 ጊብፂ ዓጮይዳ ዳኤፒ ባኣዚ ማዳ
ዔያቶ ዓውሴ ያኦዘሢ ዔያታ ዋሌኔ።

22 ዒዚ ጋዓንቴ ካኣሚ ዓጮይዳ ዲቃሢ ማዳ
ዘቄ ባዘይዳኣ ዲቃሢ ሄርሺሳ ባኣዚ ማዳኔ።

23 ዬያሮ ዲማ ዲማ ዎዳ ባኮና
ዔያቶ ዒ ባይዘዋጉዲ ማዳኒ
ዒዚ ደኦሬ ሙሴ ያኦሲንታ ዔያቶንታ ባኣኮ ጌሊ
ዒዛኮ ቤርታ ዔቂባኣያታቴ
ዔያቶ ዒ ባይዛንዳሢ ከኤዜያኬ።

24 ዬካፓ ዔያታ ኮዦ ዓጮሎ ቶኦቹኔ፤
ዒዚ ዔያቶም ዒንጌ ዎዘ ቃኣሎዋ ጉሙርቂባኣሴ።

25 ዔያታ ዓፒሎና ማዦንቴ ፔ ማኣራ ማኣራ ጉንዲ ሜኔ፤
ናንጊና ናንጋ ጎዳሢ ዑኦዘዋ ዎይዚባኣሴ።

26 ዓሳ ናንጉዎ ዳውሎ ቦኦላ ዔያቶ ከኤራኒ
ኩጮ ፔኤሲ ዔቂሲ ዒ ጫኣቄኔ።

27 ዜርያ ዔያቶኮ ዒ ሚሌ ዴር ባኣካ ሃሻኒ
ዲማ ዲማ ዓጮ ዔያቶ ላኣላኒ ጫኣቄኔ።

28 ዔያታ ፔና ቢዔልፔጎሬና ዎላ ፔቴ ማሄኔ፤
ሼምፓባኣ ያኦዘም ሹኮና ዓሽኮዋ ሙዔኔ።

29 ዔያታ ፔ ማዳና ናንጊና ናንጋ ጎዳ ዳጋሴኔ፤
ዲማ ዲማ ባይዛ ባካ ዔያቶ ሄሌኔ።

30 ጋዓንቴ ፒንሃሴ ዔቂ

106:18 106:18 ፓይ. ማፃ 16:1-35። 106:23 106:23 ኬሲ. ማፃ 32:1-14።
106:26 106:26 ፓይ. ማፃ 14:1-35። 106:27 106:27 ሌዊ. ዓከ 26:33።

- ደቢንቶ ማዳ ዓሶ ዎዳ ዎደና
 ዲማ ዲማ ዎዳ ባካ ዎዲያ ሃሼኔ።
- 31 ዬይያ ሸይንቲፓ ሸይንቲ ሄላንዳኣና
 ናንገና ዒዛም ዲሎም ማዒ ፓይዲንቲ።
- 32 ዬያጉዲ ሃሃ ማሪባ ጌይንታ ዎኣያ ዓጫ
 ናንገና ናንጋ ጎዳ ዔያታ ዳጋሴ፤
 ሙሴያ ዬያ ዛሎና ማቶይዳ ኬዴ።
- 33 ሙሴ ዔያታ ዳጋሴሢሮ
 ዒዚ ኮይሱዎ ዑኡሲ ፔ ዳንጋፓ ኬሴ።
- 34 ናንገና ናንጋ ጎዳ ዔያቶ ዓይሢ
 ማሌ ዳሮ ባይዚያ ዔያታ ሃሼኔ።
- 35 ዔያታ ማሌ ዳሮና ዎላ ሲኢሪንቲ፤
 ዬይ ዓሳ ማዲ ሃንታ ባኮ ዔያታኣ ዔሬ።
- 36 ዬያቶኮ ካኣሽኮ ያኦዘዎ ዔያታ ካኣሽኬ፤
 ዬይ ዔያቶም ፒሮ ማዔ።
- 37 ዔያቶኮ ዓቲንቆንታ ዉዲሮ ናኣቶንታ
 ፑርቶ ዓያኖም ዔያታ ሹኬ።
- 38 ዔያቶኮ ዓቲንቆንታ ዉዲሮ ናኣቶንታኮ ጌኤዢ ሱጉያ
 ማሌ ካኣናኔ ያኦዘም ላኣሊያና
 ሳዔሎ ሱጉሢ ሳዓ ማሂ ዔያታ ዒኢሴ።
- 39 ዔያታ ፔ ማዳና ዒኢቲ፤
 ዘኣሰካ ኮኦማ ላኣሊጉዲ ፔ ያኦዘሢም ዔያታ
 ጉሙርቂንቲባኣሴ።
- 40 ዬያሮ ናንገና ናንጋ ጎዳኮ ዳጋ
 ዒዛ ዳሮ ዑፃ ዔኤቲ፤
 ፔ ዓሶዎ ዒ ሻኣከንቲ።
- 41 ዔያቶ ዒዚ ማሌ ዳሮም ዓኣሢ ዒንጌ፤
 ሞርካ ዔያቶኮ ዔያቶ ዎይሢያ ማዔ።
- 42 ሞርካ ሄርቂ ዔያቶ ዎሃያ ማዔ፤
 ፔ ቢታንቶኮ ዳማ ማሄ።
- 43 ዒዚ ማርጌ ዎዳና ዔያቶ ሄሊ ዓውሴ፤

106:33 106:33 ፓይ. ማፃ 20:2-13። **106:36** 106:36 ሱኡጎ. ማፃ 2:1-3፤
 3:5-6። **106:37** 106:37 2ካኣቶ. ማ 17:17። **106:38** 106:38 ፓይ. ማፃ
 35:33። **106:40** 106:40 ሱኡጎ. ማፃ 2:14-18።

- ዓይነቱ ጋዓንቴ ዋይዚ ዲዲሂ «ኑ ሃሻዓኩ» ጌዔኔ፤
 ፔ ጎሞና ዓይነቱ ደውሲንቴኔ።
- 44 ጋዓንቴ ዲላቶ ዓይነቶኮ ዲ ዋይዜ ዋዶና
 ማታሂ ዓይነቶኮ ዛጌኔ።
- 45 ዓይነቶሮ ጌይጋጋ ጫአቄ ጫአቄሞ ዲ ማሌኔ፤
 ዲዛኮ ዓአ ማጠገንቴዎ ማርጉሞጉዴያ
 ደጋጋ ዲ ማዔኔ።
- 46 ዓይነቶ ዲዲ ዓይኩ ዓሳ ቢያ
 ማጠገንጉዳጉዲ ዲ ማዕኔ።
- 47 ናንጊና ናንጋ ጎዳ ማዔ ኑ ያኦዛሂዮ! ዓውሴ ኑና፤
 ኔኤኮ ዲማዕ ሱንዎም ጋላታ ኑ ሺኢሻንዳጉዲ
 ኔና ኑ ኩኤዚ ሄርሻንዳጉዲ
 ዴሮ ባአካጋ ቡኩሲ ኑና ኔ ዔኪ ዩዔኔ።
- 48 ናንጊና ናንጋ ጎዳ ማዔ ዲሰራዔኤሌ ያኦዛሂ
 ናንጊጋ ናንጊ ሄላንዳአና ዓንጂንቶንጎ!
 ዴራ ቢያ ዓአማን ጎዎንጎ፤
 ናንጊና ናንጋ ጎዳ ጋላቱዋቴ!

ደንጋሳ ጋቂያ

107

(ዓይኑ. ማጻ ዓይ. 107—150)

- ያኦሲ ኮሹሞ ዛሎ ጋላቲንቴ ጋላታ
- 1 ኮሺ ማዔሂሮ ናንጊና ናንጋ ጎዳ ጋላቱዋቴ፤
 ማጠገንቴዎ ዲዛኮ ናንጊና ናንጋያኩ።
- 2 ናንጊና ናንጋ ጎዳ ማሂ ሻንቄ ዓውሴ ዓሳ
 ዲዚ ሞርኮ ኩጫጋ ሄሊ ዓውሴ ዓሳ
 ሂዚ ጎዎንጎ፡-
- 3 ዓባ ኬሰካ ባንፃጋ
 ጌላ ባንፃጋ
 ኬዶ ዛሎና ደኦሎ ዛሎናይዳጋ
 ዓጮ ቢያይዳጋ ቡኩ ዓሳ ሂዚ ጎዎንጎ።

106:48 106:48 1ዎኦሲ. ዓሃኪ 16:35-36። **107:1** 107:1 1ዎኦሲ. ዓሃኪ
 16:34፤ 2ዎኦሲ. ዓሃኪ 5:13፤ 7:3፤ ዒዝ. 3:11፤ ዓይኑ. 100:5፤ 106:1፤ 118:1፤
 136:1፤ ዒር. 33:11።

- 4 ፔቴ ፔቴ ዘንሢ ዓሲ ናንጉዎ ዳውላ ዠኣሊ ሃንቴኔ፤
 ዔያታ ናንጋ ካታሞ ሄሊሳ ጎይፆዎ ባይዜኔ።
- 5 ናይ ዲንቴኔ፣ ዴኤቢንቴኔ፤
 ማሊፃኣ ዔያቶኮ ላቤኔ።
- 6 ዔያታ ማታዴ ዎዶና ናንገና ናንጋ ጎዳ ባንሢ ዒላቴኔ፤
 ዒዚያ ማታሢዳፓ ዔያቶ ዓውሴኔ።
- 7 ዔያታ ናንጋ ካታሞ ባንሢ
 ፒዜ ጎይሢና ዔኪ ዓኣዴኔ።
- 8 ናንገና ናንጋ ጎዳኮ ሚጨንቴፆ ዛሎሮ
 ዓሶማኣ ዒ ማዴ ዲቃሢ ሄርቪሳ ማዶሮ
 ዒዛ ጋላቶንጎ።
- 9 ዒዚ ዴኤቢንቴ ዓሶኮ ዴኤቦ ማሃኔ፤
 ናይ ዲንቴ ዓሶዎ ኮቪ ባኣዚ ሙኡዚ ሚሻኔ።
- 10 ፔቴ ፔቴ ዓሳ ካኒ ቢራታና ቴኡቴ
 ሄርቂንቴያ ማታዲ
 ሻኔ ዲሚዳኣ ዴዔኔ።
- 11 ፆኦሲ ቃኣሎ ዋይዘ ዒዲፆና
 ዴኤፖ ፆኦዚኮ ዘሮ ዔያታ ቶኦቼኔ።
- 12 ዬያሮ ዎልቄ ማዶ ማዲሲሢና ዒኖ ዔያቶኮ ዒ ላቤሴኔ፤
 ጋፒ ዔያታ ላቤኔ፣ ማኣዲያ ጴዲ ባኣሴ።
- 13 ዔያታ ማታዴ ዎዶና ናንገና ናንጋ ጎዳ ባንሢ ዒላቴኔ፤
 ዒዚያ ማታሢዳፓ ዔያቶ ዓውሴኔ።
- 14 ሻኔ ዲሞይዳፓ ዔያቶ ዒ ኬሴኔ፤
 ቱኮና ካኖ ቢራቶዎ ማንሣኔ።
- 15 ናንገና ናንጋ ጎዳ ዒዛኮ ጋፑዎ ሚጨንቴፆሮ
 ዓሶማኣ ዒ ማዴ ዲቃሢ ሄርቪሳ ማዶሮ
 ዔያታ ዒዛ ጋላቶንጎ።
- 16 ዒዚ ሞኦኖ ዓንጎና ዎዶና ካሮ ማንሣኔ፤
 ዓንጎ ጋጋርዘዎ ሾኦሌኔ።
- 17 ፔቴ ፔቴ ዓሳ ዋይዘ ዒዲፆፓ ዔቄያና ዔኤያ ማዔኔ፤
 ዲቢንታፓ ዔቄያናኣ ማቶይዳ ኬዴኔ።
- 18 ዑፃ ዔያቶኮ ዲማ ዲማ ሙፆ ሻኣኪንቴኔ፤
 ሃይቃኒ ዔያታ ዑኬኔ።
- 19 ዔያታ ማታዴ ዎዶና ናንገና ናንጋ ጎዳ ባንሢ ዒላቴኔ፤
 ዒዚያ ዔያቶ ማታሢዳፓ ዓውሴኔ።
- 20 ዒዚ ፔ ቃኣሎ ዳቢ ዔያቶ ፓሣኔ፤

- 21 ዲኡካኒ ዔኪ ዓኣድንቴያ ዓውሴኔ።
 ናንጊና ናንጋ ጎዳ ዒዛኮ ጋፑዋ ሚጨንቴያሮ
 ዓሰማኣ ዒ ማዳ ዲቃሢ ሄርሺሳ ማዶሮ
 ዔያታ ጋላቶንጎ።
- 22 ጋላታ ዒዛሞ ዒንጎ ባኣዚ ማሂ ዔያታ ሺኢሾንጎ፤
 ማዶ ዒዛኮ ዋዛሳ ዓይኑሞና ፔጋሲ ዔርዘንጎ።
- 23 ፔቴ ፔቴ ዓሳ ዋኣፆ ካኣሚሎና
 ባዞ ባንሢ ኬዳኔ፤
 ዳኤፖ ዋኣፆ ዑፃኣ ፔ ማዶ ማዳኔ።
- 24 ናንጊና ናንጋ ጎዳኮ ማዶ ዒኢካ ዔያታ ዛጌኔ፤
 ዒዛኮ ዲቃሢ ሄርሺሳ ማዶ ዳኤፖ ዋኣፆዳ ዳንቄኔ።
- 25 ዒዚ ዓይሢ ዓልጎ ዠባሮ ዠባሮሺሴኔ፤
 ዠባራኣ ዋኣፆ ዓጊሢ ዳቕኔ።
- 26 ለካ ጫሪንጮ ኬሰኬኔ፣ ለካ ዳሞዋ ኬዳኔ፤
 ማታሢዳፓ ዔቄያና ጎጳ ዔያቶኮ ዋኣፆኔ።
- 27 ዓዳ ማሢንቴ ዓሲፓዲ ዓኣፓ ሺሬም
 ሴካ ሃንጋ ዔያታ ቡኡዲንቴኔ፤
 ጎፆንዶ ጎይፆንታ ማዶንዶሢኮዋ
 ካራ ዔያቶም ባይቄኔ።
- 28 ዔያታ ማታዳ ዎዶና ናንጊና ናንጋ ጎዳ ባንሢ ዒላቴኔ፤
 ዒዚያ ማታሢዳፓ ዔያቶ ዓውሴኔ።
- 29 ዓልጋሢ ዠባሮ ዒ ዚቴዳኔ፤
 ባዞ ጉዳሢያ ዓጊፆ ላኣጌኔ።
- 30 ዬይ ዚቴዮ ጌዔሢሮ ዔያታ ዎዛዳኔ፤
 ዔያታ ዔቄሳኒ ማሌ ዋኣፆ ካኣሚሎ ቤዞ
 ዒ ዔያቶ ሄሊሴኔ።
- 31 ናንጊና ናንጋ ጎዳ ዒዛኮ ጋፑዋ ሚጨንቴያሮ
 ዓሰማኣ ዒዚ ማዳ ዲቃሢ ሄርሺሳ ማዶሮ
 ዔያታ ዒዛ ጋላቶንጎ።
- 32 ዴራ ቡኪንታ ቤዞ ዒዛ ዳግ ዳጊዶንጎ፤
 ጋርቾ ዓሶ ቡኪንቶይዳኣ ዒዛ ሄርሾንጎ።
- 33 ዎሮ ዒዚ ዓሳ ናንጉዋ ዳውሎ ባንሢ
 ዓልቃ ዋኣፆዎ ደዲ ሳዓ ማሄኔ።
- 34 ዒኢካ ናንጋ ዓሶኮ ፑርቱማፓ ዔቄያና
 ኮዠ ዓጩሎ ሶኦጌና ሲኢሪንቴያ ዒ ማሄኔ።
- 35 ዓሲ ናንጉዋ ዳውሎ ቦኦሎ ዋኣሢ ዳዓያ

- ሜሎ ሳዖታ ዓልቃ ዋላህ ዒ ማህኔ።
 - 36 ናይ ዲንጉቲ ዓሶ ዒ ዒ ኢካ ጌህኔ፤
 - ዒያታ ናንጋ ካታማኣ ማገኛ።
 - 37 ጎዞይ ዒ ዒያታ ዜርቄኔ፥ ዎይኔያ ቱኬኔ፤
 - ሚርጌ ባኣዚያ ካዲሴ።
 - 38 ዒያቶ ዒ ዒንጃኔ፥ ኮሺያ ዒያታ ሚርጌኔ፤
 - ዒያቶኮ ባኣቶ ፓይደዎ ዒ ዳኪሲባኣሴ።
- 39 ካራ ዒያታ ባይዚ ሚታዲ ዎዩህና
 - ፓይዳ ዒያቶኮ ዳኬሞ ቦርሲንቴኔ፤
- 40 ቢቶ ዓሶ ዎኦሲ ዳውሲሴኔ፤
 - ዓሳ ናንጉዎ ዳውሎ ማኣሻሎይዳ
 - ሚታዲ ሃንታንዳጉዲ ማዳኔ።
- 41 ሚታዳ ዓሶ ጋዓንቴ ሚታህዲፓ ጎቹ ዒ ኬሴኔ፤
 - ዒያቶኮ ማኣሮ ዓሶዎ ማራይጉዲ ሚርጌሼኔ።
- 42 ዒሮ ፒዜ ዓሳ ዬያ ዛጊ ዎዛዳኔ፤
 - ፑርቶ ማዳ ዓሳ ጋዓንቴ ቦርሲንቴ ዚቲ ጋዓኔ።
- 43 ዓካሪ ዎኦሲያ ጨንጫ ማዕቴ
 - ሃያ ባኮ ዒሩ ዒኮንጎ፤
 - ዬያይዳህ ናንጊና ናንጋ ጎዳኮ ሚጨንቴዎ ማሊ ጳቂሃንጎ።

108

ዳውቴኮ ጋላቶ ዓይነቱ

ዎኦሲዳፓ ማኣደ ዳንቃኒ ሺኣቂንቴ ሺኣሲህ
 (ዓይነ. 57:7-11፤ 60:5-12)

- 1 ዎኦሲዮ! ዒና ታኣኮ ኔና ጉሙርቂ ሂርጉዎሴ፤
 - ታኣኒ ዓይናዳንዳኔ፤
 - ጎኔ ዒናፓኣ ታ ዓይናዳንዳኔ።
- 2 ሚርጌ ሻዞ ዳንህ ዎርቆ ጎኦሎንታ
 - ሜሌ ዓይነቱ ማንጋማኣ ዒቁዎቴ፤
 - ታኣኒያ ሚኢሪ ዒቃንዳኔ።
- 3 ናንጊና ናንጋ ጎዳህዮ! ዳሮ ባኣ ካ ታ ኔና ጋላታኔ፤
 - ዓሶ ባኣ ካኣ ታ ኔኤሞ ዓይናዳኔ።
- 4 ሚጨንቴዎ ኔኤኮ ጨሪንጫፓ ዑህ ዳኤፒኬ፤
 - ጉሙርቂንቴዎኣ ሌካ ሻኣሮ ሄላኔ።

- 5 ያኦሲዮ! ኔኤኒ ጫሪንጫፓ ዑሣ ሌካ ጳግ ጳጊ ጌዔ፤
 ቦንቻ ኔኤሲ ሳዖ ዑፃ ቢያ ማዖንጎ።
- 6 ኔ ናሽካ ዳራ ዳቃንዳጉዲ
 ኔኤኮ ሚዛቆ ኩጮና ታና ዓውሴ፤
 ታኣሞ ዋይዜ።
- 7 ያኦሲ ፔኤኮ ዲማዳ ማኣራፓ ሂዚ ጌዔ፡-
 «ታኣኒ ባሺ ሴኬሜ ዶኤጮ ፓቃንዳ፤
 ሱኩቴ ዶኤጮ ታ ዳሮሞ ታ ጊሽካንዳ።
- 8 ጌሌዓይንታ ሚናሴንታ ታኣርኬ፤
 ዔፕሪኤሜ ታኣኮ ዖሎሮ ቶኦካ ዓጎ ዓንጎ ቆኦባሢኬ፤
 ዪሁዳ ታኣኮ ካኣቱሞ ኮኦሎኬ።
- 9 ሞዓኣቤ ታኣኮ ዋኣዖ ማሰቶ ጎንጎኬ፤
 ዔዶኦሚይዳ ታ ዲርዘ ታኣኒ ኬሲ ጌሣንዳ፤
 ፒሊሰጻኤሜ ዓሶ ባሺ ታኣኒ ሚርታንዳ።»
- 10 ኬልቂ ዲርቆና ካታሚሎ ባንሢ ዖ ታና ዔኪ ዓኣዳንዳይ?
 ዔዶኦሚያ ዖ ታና ሄሊሳንዳይ?
- 11 ያኦሲዮ! ኬኤሪ ታና ሃሺሢ ኔናቴዋዓዳ?
 ኔኤኮ ዖላ ዓሶና ዋላ ኬዘ ኔ ዒጻ።
- 12 ሃሢያ ዓሲ ዓሲ ዓውሳኔ ጎዖሢ ጉሪኬ፤
 ኔ ሞርኮ ኔ ባሻንዳጉዲ ኔ ኔና ማኣዳ።
- 13 ያኦሲ ኔና ማኣዳዛ ዶዲ ኔ ማዓንዳ፤
 ኔ ሞርኮ ኔ ቶኮ ዳማ ሄርቁሳንዳሢ ዒዛኬ።

109

- ዓይነቱ ሱኡጋሢ ዓይሣ ጎይዖ ዓይናዲንታ ዳውቴ ዓይነቱ
 ሚቶይዳ ዓኣ ዓሲ ሺኢቃ ሺኢጲሢ
- 1 ታ ኔና ጋላታ፡ ያኦዛሢዮ!
 ሃዳራ ዚቲዮ ጌዒፖ።
 - 2 ፑርቶ ዓሶና ጌሻ ዓሶና ታና ማኬ፤
 ታ ጌዳ ሉኡዙሞና ጌሰታ።
 - 3 ዔያታ ታና ዒፃ ዑኡሲና ማንጌ፤
 ታ ማዳ ባኣዚ ባኣንቴ ታና ዔያታ ዖሌ።
 - 4 ታ ዔያቶ ናሽኬቴያ ዔያታ ታና ፑርታ ማሃ፤
 ታኣኒ ጋዓንቴ ዔያቶሞ ሺኢቆ።
 - 5 ታ ዔያቶሞ ኮሺ ማዳሢር ፑርታ

ታኣኒ ናሽኬሠረ ዓዲ ታና ዔያታ ዒፄኔ።

- 6 ዒዛም ዎጋንዲያ ፑርታ ዓሲ ገሠ፤
ዓሲ ዒዛ ዎገና ዓይሠሳንዳጉዲ ማዳ።
- 7 ዎጎና ገሰቶ ቤዛ ዳቢንቴያ ማዒ ዒ ጴዳንጎ፤
ዒዚ ሸኢቃ ሸኢጲፃኣ ዒዛ ዎጋያ ማፆንጎ።
- 8 ናንጎ ዎዳ ዒዛኮ ቃሚቆንጎ፤
ሱኡጋቶ ዒዛሲ ሜሌ ዔኮንጎ።
- 9 ናኣታ ዒዛኮ ዓዴ ባኣያ ማዒ ዓቶንጎ፤
ማቻኣ ዜኤሪንዶ ማፆንጎ።
- 10 ናኣታ ዒዛሲ ካራ ባይዚ ሚታደንጎ፤
ሸኢቁ ሃንታያ ማፆንጎ፤
ዔያቶኮ ሻሂንቴ ማኣራፓ ዳውሲንቴ ባይቆንጎ።
- 11 ዒዛ ባኮ ቢያ ጋሌ ዓኣ ዓሲ ዔኮንጎ፤
ዒዚ ላቢ ዴንቄ ባኮ ፃንጎ ዓሲ ቡርንጎ።
- 12 ጾኢኒያ ዒዛም ሚጨንቶፓ፤
ዒዛኮ ዜኤሮ ናኣቶም ዓይጎ ዓሲያ ማሎፓ።
- 13 ዜርፃ ዒዛሲ ዱማዲ ባይቆንጎ፤
ሱንፃ ዔያቶሲ ሙካ ሸይንቶ ባኣካፓ ዲርካቺንቶንጎ።
- 14 ዒዛኮ ዓደንሠ ዳቢንቶ
ናንገና ናንጋ ጎዳ ዓርቃያ ማፆንጎ፤
ዒንዶ ጎማኣ ባይቆፓ።
- 15 ሳዒፓ ዜርሠ ዔያቶኮ ባይዛኒ
ጎማ ዔያቶሲ ናንገና ናንጋ ጎዳ ቤርታ
ዔርቴያ ማዒ ዴፆንጎ።

- 16 ዓይጎሮ ገዔቴ ዒዚ ሚታዳ ዓሶንታ ማንቆ ዓሶንታ
ሃሠ ዒና ሜቄ ዓሶዎ
ሃይቃንዲያ ሄላንዳኣና ዳውሳንዳኣፓ ዓቴም ሚጨንቴባኣሴ።
- 17 ጋዳማ ዒዚ ናሽኬሠረ ዒዛ ባንሠ ሙኬኔ፤
ዓንጅ ናሽኪባኣሠረ ዒዛፓ ሃኬኔ።
- 18 ጋዳማ ዓዳ ማኣፆጉዲ ዒ ማይንቴኔ፤
ዬይ ዎኣሠጉዲ ዒዛኮ ዑፆ ጋር
ዛይቴጉዲያ ዒዛኮ ሚገፆና ዓኣዴኔ።
- 19 ዑፆ ዒዛኮ ዒ ዓኣቻ ማኣዓሠጉዲ
ቢያ ዎዴ ዒ ቱኡታ ቃልሾጉዲ ዬይ ማፆንጎ።

- 20 ታና ፑርታ ማሃ ዓሰሞ
 ታ ሹሞፓሢዳ ፑርታ ጌሰታዞንሢሞ
 ናንጊና ናንጋ ጎዳ ጨጋንዳ ባካ ዬያ ማዖሞ።
- 21 ኔኤኒ ጋዓንቴ ናንጊና ናንጋ ጎዳሢዮ!
 ኔ ሱንጾሮ ጌዒ ኮሹሞና ታና ዛጌ፤
 ሚጨገቲፃ ኔኤኮ ዴኤፒታሢሮ ታና ዓውሴ።
- 22 ታኣኒ ማንቆ፥ ማታዴ ዓሲኬ፤
 ጋሮ ዒና ታኣኮ ኪፃዴኔ፤
- 23 ዋኣንታኣ ዔኤከፍጉዲ ታ ዛጋማፓ ሺሬኔ፤
 ታኣኒ ዓሲሢጉዲ ሃርፕንቴኔ።
- 24 ሙዖ ሃሺዖ ዳሞቦና ዎልቃ ታኣኮ ላቤኔ፤
 ዑፃኣ ታኣኮ ያኦፒ ዲቢንሢ ማዔኔ።
- 25 ታ ዔያቶኮ ሚኢቸ፤ ማዔኔ፤
 ታና ዔያታ ዛጋዖ ቦሂ ቶኦኪ ዓገሣኔ።

- 26 ናንጊና ናንጋ ጎዳ ማዔ ታ ያኦዛሢዮ! ታና ማኣዴ፤
 ኔ ሚጨገቲዖና ታና ዓውሴ።
- 27 ናንጊና ናንጋ ጎዳሢዮ! ኔ ኩጮኬ ሃያይዴሢ
 ኔኤኒ ማዴያ ማዔሢ ዔያታ ዔሮንጎ።
- 28 ዔያታ ጋጋዳንቃኔ፥ ኔ ጋዓንቴ ዓንጃኔ፤
 ዔያታ ዔቃዖ ዳውሲንታኔ፤
 ኔኤኮ ዓይላሢ ጋዓንቴ ዎዛዳኔ።
- 29 ታና ፑርታ ማሃ ዓሳ ዳውሲንቶንጎ፤
 ቦርሲንቲና ዔያታ ቦኦሪ ዴዖንጎ።

- 30 ናንጊና ናንጋ ጎዳ ታ ዳንጎና ታኣኒ ጋላታኔ፤
 ሚርጌ ዓሶ ባኣካ ታ ዒዛ ሄርሻኔ።

- 31 ዓይጎሮ ጌዔቴ ዎዳኒ ዎጋ ዓሶይዳፓ ዓውሳኒ
 ዬያ ማታዴ ዓሢኮ ሚዛቆ ዛላ ዒ ዔቃሢሮኬ።

110

ዳውቴ ዓይነቱ
 ናንጊና ናንጋ ጎዳ ዶኦሬ ካኣቲ
 1 ናንጊና ናንጋ ጎዳ ታ ጎዳሢሞ (ሚሲሃሞ)

109:25 109:25 ማቲ. 27:39፤ ማር. 15:29።

- «ኔ ሞርኮ ኔኤኒ ቶኪና ሄርቃንዳጉዲ
ታ ኔኤም ማሃንዳ ሄላንዳኣና
ሚዛቆ ዛላ ታኣኮ ደዔ» ጌዔ።
- 2 ናንጊና ናንጋ ጎዳ ኔኤኮ ደዶ ካኣቱሞ
ጃዮኔይዳፓ ኬሰኪ ዙሎ ሄላንዳኣና ዳልጊሻንዳ፤
ዒዚ፡- «ኔ ሞርኮ ኔ ደማ ማሃ ዎይሄ» ጋዓንዳ።
- 3 ያልዚ ያላኒ ኔ ኬሰካ ዎደና
ኔኤኮ ያሎ ዓሳ ናሽኪ ኔኤና ኬሰካንዳ፤
ካሪዎ ዑፃ ኔ ሙኪ
ኔኤኮ ዲቃሂ ሄርሺሳ ዒጊቺዎና ፖዓኣና
ያሎ ዳጌሂ ዓዳ ያዎርቃ ዓቢጉዲ ማዒ ሙካንዳ።
- 4 «ኔኤኒ ሚልኬ ፃዲቆጉዲ
ናንጊና ቁኤሴ ማዒ ናንጋንዳ።» ጌዒ
ናንጊና ናንጋ ጎዳ ጫኣቄ፤
ዒዚ ፔኤኮ ማሌ ማሊያ ሺርሹሞሴ።
- 5 ናንጊና ናንጋ ጎዳ ኔኤኮ ሚዛቃኬ፤
ፔኤኮ ጎሪንቶ ዓቦና ካኣቶ ዒ ጋኣጫንዳ።
- 6 ዳሮ ባኣካ ዒዚ ዎጋንዳ፤
ያሎ ቤዞሞ ሌሲ ሌሊ ማሃንዳ፤
ሳያይዳ ዓኣ ካኣታ ቢያ ጋፒ ባይቃንዳ።
- 7 ዒዚ ጎይዎ ዓጫ ዓኣ ዓልቃ ሞኣዎ ዑሽካንዳ፤
ዬያሮ ዒዚ ዳግ ዳጊ ጋዓንዳ።

111

- ናንጊና ናንጋ ጎዳ ጋላቶና ጋላታ
- 1 ናንጊና ናንጋ ጎዳም ጋላታ!
ፒዜ ዓሳ ቡኪንታ ቤዛይዳ
ናንጊና ናንጋ ጎዳ ታኣኒ ጉቤ ዒናፓ ጋላታንዳ።
- 2 ናንጊና ናንጋ ጎዳኮ ማዳ ዳኤፒኬ፤
ዬያና ዎዛዳ ዓሳ ቢያ ዬያ ማላ።
- 3 ማዳ ዒዛሲ ቦንቺንታያና ዲቃሂ ሄርሺሳያናኬ፤
ጃሉማ ዒዛኮ ደዲ ናንጋያኬ።

110:1 110:1 ማጉ. 22:44፤ ማር. 12:36፤ ሉቃ. 20:42-43፤ ዳኪ. ማዶ 2:34-35፤
1ቆሮ. 15:25፤ ዓፕ. 1:20-22፤ ቆላ. 3:1፤ ዔብ. 1:13፤ 8:1፤ 10:12-13። 110:4
110:4 ዔብ. 5:6፤ 6:20፤ 7:17፤ 21።

- 4 ዲቃሢ ሄርሺሳ ዓኮ ማዳ
 ማለንቲ ናንጋንዳጉዲ ዲ ማዳኔ፤
 ናንገና ናንጋ ጎዳ ኮሺ፥ ሃሣ ሚጪንታያኩ።
- 5 ዲዛ ሚጪንታዞንሢም ሙኡዚ ዲ ዲንጋኔ፤
 ዲዚ ዲያቶም ጫአቄ ጫአቄም ዋሉዋሴ።
- 6 ዲዚ ፔ ዴሮም ማሌ ዴሮ ዴሮ ዲንገሢና
 ፔ ማዳኮ ደዲም ቤኤዜኔ።
- 7 ማዳ ዲዛኮ ጎኔ፥ ሃሣ ፒዜኬ፤
 ዳምባ ዲዛሲ ቢያ ጉሙርቁንታያኩ።
- 8 ዬይ ናአናና ደዲ ዴዳያኩ፤
 ጎኑምና ፒዙምና ማዳንቲያኩ።
- 9 ፔ ዴሮም ዳቁንታ ዲዚ ዳኬኔ፤
 ናንገና ደዲ ዴዳ ጫአቄም ዲ ጫአቄኔ፤
 ሱንፃ ዲዛሲ ደማዴያና ዲገጪንታያኩ።
- 10 ዲራቶኮ ካራ ማዳ ባአዚ
 ናንገና ናንጋ ጎዳ ዲገጪሢኔ፤
 ዳይሢያ ዲዛሲ ማዳ ኩንሣዞንሢኮ
 ማሊ ጳቂሣ ዲኔ ዓኣያ ማዳኔ፤
 ናንገና ናንጋ ጎዳ ጋላቲንቲ ጎይሣ ናንጋንዳኔ!

112

ኮሺ ዓሲኮ ዎዛ

- 1 ናንገና ናንጋ ጎዳም ጋላታ!
 ናንገና ናንጋ ጎዳ ዲገጪያና
 ዳይሢያ ዲዛኮ ኩንሢያና ዎዛዳሢ
 ዎዚ ዓንጂንቲያዳይ!
- 2 ዬያ ዓሢኮ ዜርፃ ሳዓ ዴኤፒ ማዳንዳኔ፤
 ፒዜ ዓሶ ሸይንታ ዓንጂንታንዳኔ።
- 3 ቆሎንታ ያርጎቹምንታ ማኣሮ ዲዛኮ ኩማንዳኔ፤
 ዲሎማ ዲዛኮ ናንገና ናንጋንዳኔ።
- 4 ዲዚ ኮሺ፥ ሚጪንታያ፤ ሃሣ ዲሎ ማዳ ጎይያና
 ፒዜ ዓሲም ዲሞይዳ ፖዲ ፖዳኔ።
- 5 ዴኤቢ ዲንጋያና ሄርጉዋ ታልዳያም
 ማዳ ፔኤሲ ፒዜ ማዳሢም

- ኮሺ ባኣዚ ማዓንዳኔ።
- 6 ዬይ ዓሢ ናንገና ዓገፃዓኩ፤
ዲሎ ዓሲኮ ማዳ ማሊንቲ ጎይሣ ዳዓንዳኔ።
- 7 ፑርታ ሃይሴ ዒዛ ዲቃሠብ፤
ዒና ዒዛኮ ናንገና ናንጋ ጎዳ ጉሙርቂ ዶዴያኩ።
- 8 ዒና ዒዛኮ ዶዴኬ፣ ፔቲታዎ ዒገጩባሴ፤
ጋፒንጾይዳ ሞርካ ዒዛኮ ሎኦማሢ ዒ ዛጋንዳኔ።
- 9 ማንቆ ዓሶሞ ፔ ሸኔና ዒዚ ዒንጌኔ፤
ዲሎማ ዒዛሲ ናንገና ናንጋንዳኔ፤
ዒዚ ቦንቸንቲ ዎልቄና ጴግ ጴጊ ጋዓንዳኔ።
- 10 ፑርቶ ዓሳ ዬያ ዛጋዎ ሮኦጋዳንዳኔ፤
ዓቺ ዳይ፣ ያኦፒ ያኦፒ ዓኣዳንዳኔ፤
ዬያ ዓሶኮ ማሊፃ ጉሪ ማዓንዳኔ።

113

- ናንገና ናንጋ ጎዳኮ ኮሹሞ ዔርዛ ጋላታ
- 1 ናንገና ናንጋ ጎዳሞ ጋላታ!
ዒንሢ ናንገና ናንጋ ጎዳ ዓይላ ጋላቱዎቲ!
ሱንጾ ዒዛኮ ሄርሹዎቲ።
- 2 ሃናፓ ዓርቃዎ ናንገና ናንገ ሄላንዳኣና
ናንገና ናንጋ ጎዳኮ ሱንጻ ጋላቲንቶንጎ።
- 3 ዓባ ያርቃ ካራፓ ጌላ ካሮ ሄላንዳኣና
ናንገና ናንጋ ጎዳኮ ሱንጻ ጋላቲንቲያ ማዎሞ!
- 4 ናንገና ናንጋ ጎዳ ዳራፓ ዑሣ ጴግ ጌዔያኩ፤
ዒዛኮ ቦንቻ ጫሪንጮኮ ዑሣኩ።
- 5 ናንገና ናንጋ ጎዳ ማዔ ኑ ያኦዛሢጉዲ ያኦኒያ ባኣሴ፤
ዒዛኮ ካኣቱሞ ያይታ ቢያፓ ባሸኩ።
- 6 ጫሪንጮና ሳዎናይዳ ዓኣዞንሢ ዛጋኒ
ፔ ቶኦኮ ሄርኪዳይ ያናዳይ?
- 7 ዒዚ ማንቆ ዓሶ ሳዎ ሲላላፓ ዔቁሳኔ፤
ሜታዳሢያ ዲቢንሢፓ ጴግ ጴጊዳኔ።
- 8 ቦንቸንታ ዓሶና ዎላ ሄኮ ማሃኔ፤
ዳሮኮ ሱኡጎና ዎላ ዒዛ ዳይሣኔ።
- 9 ዘኦኮ ላኣሎሞ ማኣሪንዶ ማሂ ዳይሣኔ፤

112:9 112:9 2&C. 9:9::

ዎዛዲያ፡ ሃሣ ናይንደዎ ማሃኔ።

ናንገና ናንጋ ጎዳሞ ጋላታ!

114

ዑሣ ዓኣዲያ ቦንቸ ኬሎ ማሊ ዓይናዲንቴ ዓይኑሞ

- 1 ዒሰራዔኤሌ ዴራ ገብፆ ዓጫፓ
ያይቆኑቤ ማኣራ ፃንጎ ማዔ ሜሌ ዴሮ ባኣካፓ ኬሰኬያና፡
- 2 ዪሁዳ ዴራ ያኦሲኮ ዳማዴ ማኣሮ
ዒሰራዔኤሌያ ዒዛ ዴማ ዎርቃያኬ።
- 3 ባዛ ዒዛ ዛጋያ ገንሢሞ ፑኒ ጳሽኬኔ፤
ዮርዳኖሴ ዎራኣ ገንሢሞ ማዔኔ።
- 4 ዲካ ዓዳ ዓዴ ማራይጉዲ
ጌሜራኣ ዓዴ ማራናይጉዲ ዪኬኔ።

- 5 ባዚዮ! ዓይጋ ኔ ፑኒ ጳሽኬይ?
ዮርዳኖሴ ዓይጋ ኔ ገንሢሞ ማዔይ?
- 6 ዒንሢ ዲካ ዓዴ ማራይጉዲ
ጌሜራኣ ዓዴ ማራናይጉዲ ዓይጋ ዪኬይ?

- 7 ዔዛ ሃይ ሳዓ!
ጎዳ ቤርታ
ያይቆኑቤ ያኦዛሢ ቤርታ
ዒገቹሞና ጎጋይቄ።
- 8 ዒዚ ላሎ ዴዔ ዎኣሢ ባንሢ
ዴኤፖ ሹጮዎ ዓልቃ ዎኣሢ ባንሢ ማሃኔ።

115

ያኦሲሞ ኮይሳ ጋላታ

- 1 ናንገና ናንጋ ጎዳሢዮ!
ኮጋይቴቱዎንቴ ኔኤኮ ናንገና ናንጋ ናሹሞና
ጉሙርቂንቴያናሮ ሱንያ ኔኤሲ ቦንቸ።
- 2 ሜሌ ዴራ፡-

114:1 114:1 ኬሲ. ማፃ 12:51። 114:3 114:3 ኬሲ. ማፃ 14:21፤ ዒ.ያ. 3:16። 114:8 114:8 ኬሲ. ማፃ 17:1-7፤ ፓይ. ማፃ 20:2-13።

- «ዔያቶ ጾኦዛሂ ዎካ ዓኣዖ?» ዓይጋ ጋዓንዳይ?
 3 ኦ ጾኦዛሂ ጫሪንጫኬ፤
 ዒዚ ፔና ዎዛሳ ባኣዚ ማማዳኔ።
 4 ዔያቶኮ ካኣሽኮ ጾኦዛ ጋዓንቴ
 ዓሲ ኩቻ ቢራና ዎርቄናፓ ኮሽንቴያኬ።
 5 ዳንጋ ዔያቶኮ ዓኣኔ፥ ጌሰቲ ጌሰቲዎሴ፤
 ዓኣፒያ ናንጊኬ፥ ጋዓንቴ ዛጉዎሴ፤
 6 ዎይዚ ዓኣኔ፥ ዎይዛያቱዎሴ፤
 ሲኢ ዲ ናንጊታዖ ዴሁዎያኬ፤
 7 ኩቹያ ናንጊኬ፥ ጋዓንቴ ሄሊ ዓርቁዎሴ፤
 ቶኪ ናንጊታዖ ሃንቴ ሃንቴዎሴ፤
 ፔ ሳርዠና ዑኡሲያ ዔያታ ኬሳኒ ዳንዳዑዎሴ።
 8 ዬያጉዴ ባኮ ኮሻ ዓሳ
 ዬያቶ ጉሙርቃ ዓሳኣ ቢያ
 ዔያቶጉዴያ ማዖንጎ።
 9 ዒሰራዔኤሌ ዓሲዮቴ! ናንጊና ናንጋ ጎዳ ጉሙርቁዎቴ፤
 ዒንሂ ማኣዳሂና ጊቲማሂያ ዒንሂኮ ዒዛኬ።
 10 ዓኣሮኔ ዓሲዮቴ! ናንጊና ናንጋ ጎዳ ጉሙርቁዎቴ፤
 ዒንሂ ማኣዳሂና ጊቲማሂያ ዒንሂኮ ዒዛኬ።
 11 ዒንሂ ናንጊና ናንጋ ጎዳ ዒጊጫ ዓሳ ዒዛ ጉሙርቁዎቴ፤
 ዒንሂ ማኣዳሂና ጊቲማሂያ ዒንሂኮ ዒዛኬ።
 12 ናንጊና ናንጋ ጎዳ ኦም ማላኔ፤
 ዓንጂያ ኦና ዓንጅንዳኔ፤
 ዒዚ ዓኣሮኔንታ ዒሰራዔኤሌንታ ማኣሮ ዓንጅንዳኔ።
 13 ናንጊና ናንጋ ጎዳ ዒዛ ዒጊጫዘንሂ ቢያ
 ዴኤፖንታ ዳኮንታ ዓንጅንዳኔ።
 14 ናንጊና ናንጋ ጎዳ ዒንሂንታ ዒንሂኮ ናኣቶንታ
 ዓንጂ ዒዚ ዒንሂ ሚርጊሾንጎ!
 15 ጫሪንጫንታ ሳዖንታ ማገቴ፥ ናንጊና ናንጋ ጎዳ
 ዒንሂ ዓንጅንጎ!
 16 ጫሪንጫኮ ጫሪንጫ ናንጊና ናንጋ ጎዳሮኬ፤
 ሳዖ ጋዓንቴ ዓሲም ዒዚ ዒንጌኔ።
 17 ናንጊና ናንጋ ጎዳ ጋላታዘንሂ

115:8 115:8 ዓይኑ. 135:15-18፤ ዮሃ. ያፔጳ 9:20። 115:13 115:13 ዮሃ. ያፔጳ 11:18፤ 19:5።

ሃይቄ ዓሰቱዋሴ፤
 ዘቲኖ ጌዔ፥ ዲኡፖ ጌሌ ዓሰዋቱዋሴ።
 18 ሃናፓ ዓርቃዎ ዒዛ ዓንጃንዳዘንሢ ኑናኬ።

ናንገና ናንጋ ጎዳም ጋላታ!

116

- ሃይቢፓ ዓቲ ዓሲ ያኦሲም ጋላቲ ጋላታ
- 1 ታኣኮ ዒላቶንታ ሺኢጲዎዋ ዋይዜሢር
 ናንገና ናንጋ ጎዳ ታ ናሽካኔ።
 - 2 ዋዮ ፔኤሲ ዒ ታ ባንሢ ማሄሢር
 ታ ናንጎ ዎዶ ቢያይዳ ታ ዒዛ ባንሢ ዒላታንዳኔ።
 - 3 ሃይቢ ፒራ ታና ዓርቄኔ፤
 ዲኡፖኮ ዒጊቺፃ ታና ሜታሴኔ፤
 ያዩሢንታ ሜቶንታ ታና ባሼኔ።
 - 4 ታኣኒ ናንገና ናንጋ ጎዳ ሱንዖ ዔኤላዎ፡-
 «ናንገና ናንጋ ጎዳሢዮ! ታኣኮ ሸምፓሢ
 ኔ ዓውሳንዳጉዲ ታ ሺኢቃኔ» ጌዔኔ።
 - 5 ናንገና ናንጋ ጎዳ ኮሺ፥ ሃሃ ጂሎኬ፤
 ኑ ያኦዛሢ ሚጨንታያኬ።
 - 6 ናንገና ናንጋ ጎዳ ዒና ሸሌዔዘንሢ ካፓኔ፤
 ታኣኒ ሚርጌና ሜታዲ ዓኣንቴ ዒ ታና ዓውሴኔ።
 - 7 ናንገና ናንጋ ጎዳ ኮሺ ባኣዚ ኔኤም ማዴሢር
 ታ ሸምፔሌ! ኔኤኮ ሃውሾሢ ባንሢ ማዔ።
 - 8 ዒዚ ሸምፓሢ ታኣኮ ሃይቢፓ
 ዓኣፖታ ታኣኮ ዓቢሢዳፓ
 ቶኮ ታኣኮ ዲቆይዳፓ ዓይሴኔ።
 - 9 ዬያር ሸምፔና ዓኣ ዓሳ ናንጋ ቤዛ
 ናንገና ናንጋ ጎዳ ኮራ ታ ናንጋንዳኔ።
 - 10 «ኮሺ ታ ሜታዴኔ» ጌዔ ዎዶናታዎ
 ኔና ጉሙርቂዎ ታ ሃሺባኣሴ።
 - 11 ካራ ታኣም ባይቄ ዎዶና
 «ዓሲ ቢያ ሉኡዚኬ» ታ ጌዔኔ።

- 12 ዲዚ ታኣም ማዳ ኮዥ ባኮሮ ቢያ
ናንገና ናንጋ ጎዳም ታ ዓይጎ ጨጋንዳይ?
- 13 ናንገና ናንጋ ጎዳ ታና ዓውሴህረ ጋላታንዳይ፤
ዎይኖ ዑዥ ዒንገህ ማሂ ታ ዒዛም ሺኢሻንዳይ።
- 14 ቡኬ ዳሮ ቢያህ ቤርታ ኬሰኪ
ታ ናኣቤ ናኣቦ ኩንህንዳይ።
- 15 ጾኦሲም ደማዳ ዓሶኮ ሃይባ
ናንገና ናንጋ ጎዳ ቤርታ ቦንቺንቴያኬ።
- 16 ናንገና ናንጋ ጎዳህረ! ታኣኒ ኔኤኮ ዓይላህኬ፤
ታ ኔ ዓይሌሎ ናኣዚ፣ ኔኤም ማዳህኬ፤
ታኣኮ ቱኡዛፓ ኔ ታና ቡሌኔ።
- 17 ታ ኔኤም ዒንጎ ባኣዚ ማሂ ጋላታ ሺኢሻኔ፤
ሱንጾዎ ኔኤኮ ታ ዔኤላኔ።
- 18 ቡኬ ዳሮ ቢያህ ቤርታ
ናንገና ናንጋ ጎዳም ታ ናኣቤ ናኣቦ ኩንህንዳይ።
- 19 ዬሩሳላሜ! ታኣኒ ኔ ጋራ
ናንገና ናንጋ ጎዳ ማኣሮኮ ዓሳ ቡካ ጸኣካ
ዬያ ማዳንዳይ።

ናንገና ናንጋ ጎዳም ጋላታ!

117

- ጾኦሲ ጋላቶና ጋላታ
- 1 ዒንህህ ሜሌ ዳራ ቢያህ
ናንገና ናንጋ ጎዳ ጋላቱዎቱ!
ዳራ ቢያ ዒዛ ጋላታና ዳግ ዳጊዳዎቱ።
- 2 ዒዚ ኑና ናሽካ ናሹማ ዳዲኬ፤
ጉሙርቂንቴፃኣ ዒዛኮ ጋፑዎያኬ።

ናንገና ናንጋ ጎዳም ጋላታ!

118

- ናንገና ናንጋ ጎዳ ቢያ ዎዳ ሚጨንታያ ማዔህ
- 1 ናንገና ናንጋ ጎዳ ኮሺ ማዔህረ

117:1 117:1 ሮሜ 15:11።

- ዒዛ ጋላቱዋቱ፤
ሚጨገቱፃ ዒዛኮ ናንጊና ዶዲ ናንጋኔ።
- 2 ዒሰራዔኤሌ ዴራ ቢያ
«ሚጨገቱፃ ዒዛኮ ናንጊና ናንጋያኬ» ጎዖንጎ።
- 3 ዓአሮኔ ማአሮ ዓሳ
«ሚጨገቱፃ ዒዛኮ ናንጊና ናንጋያኬ» ጎዖንጎ።
- 4 ዒዛ ዒጊጫ ዓሳ ቢያ
«ሚጨገቱፃ ዒዛኮ ናንጊና ናንጋያኬ» ጎዖንጎ።
- 5 ታአኒ ሜታዳ ዋዶና ናንጊና ናንጋ ጎዳ ዔኤሌኔ፤
ዒዚያ ታአሞ ማሂ ዬሄኔ፤
ኩንዒንቲፃፓ ዒ ታና ኬሴኔ።
- 6 ናንጊና ናንጋ ጎዳ ታአና ዋላኬ፤
ታአኒ ዒጊጫዓኬ፤
ዒሲ ታና ዓይጎ ዋኦታንዳይ?
- 7 ታና ማአዳኒ ዒዚ ታአና ዋላኬ፤
ታ ሞርካ ሎአማሂ ታ ዛጋንዳኔ።
- 8 ዓሲዳ ጌኤቁንቲሂዳፓ ባሽ
ናንጊና ናንጋ ጎዳ ፑኖ ካይዚ ማሂሂ ቃራኬ።
- 9 ዋይሂ ዓሶ ጉሙርቁፃይዳፓ ባሽ
ናንጊና ናንጋ ጎዳ ፑኖ ካይዚ ማሂሂ ቃራኬ።
- 10 ዴራ ቢያ ታና ማንጌኔ፤
ጋዓንቲ ታ ዔያቶ ናንጊና ናንጋ ጎዳ ሱንፆና ባይዜኔ።
- 11 ማንጊፆ ዔያታ ቢያ ዛሎና ታና ማንጌኔ፤
ጋዓንቲ ታ ዔያቶ ናንጊና ናንጋ ጎዳ ሱንፆና ባሽኔ።
- 12 ዓዳ ማሂጉዲ ዔያታ ታ ዑፃ ቁንዳኔ፤
ጋዓንቲ ዓንጊሂ ታሚዳ ዔኤታሂጉዲ ዔያታ ጋፔኔ፤
ጎኔ ናንጊና ናንጋ ጎዳ ሱንፆና ታ ዔያቶ ባይዜኔ።
- 13 ሂዖሞ ሎአማኒ ታ ጋአዲንቲኔ፤
ጋዓንቲ ናንጊና ናንጋ ጎዳ ታና ማአዳኔ።
- 14 ናንጊና ናንጋ ጎዳ ታአኮ ዶዳማሂና ዓይናዶሂናኬ፤
ዒዚ ታአኮ ታና ዓውሳሂኬ።
- 15 ጂሎ ዓሶኮ ማአራ ዒላሽሂና ሶራይቲና ዋይዚንታኔ፤

118:1 118:1 ፆንሲ. ዓሃኬ 16:34፤ 2ፆንሲ. ዓሃኬ 5:13፤ 7:3፤ ዒዝ. 3:11፤ ዓይኑ. 100:5፤ 106:1፤ 107:1፤ 136:1፤ ዔር. 33:11። 118:6 118:6 ዔብ. 13:6።
118:14 118:14 ኬሲ. ማፃ 15:2፤ ዒሲ. 12:2።

ዑኡዛ ሂዚ ጋዓኔ፡-

«ናንጊና ናንጋ ጎዳኮ ዋለቃ ዶዲ ማዶ ማዶኔ!»

16 ናንጊና ናንጋ ጎዳኮ ሚዛቆ ኩጫ ደግ ደጊ ጌዔኔ፤
ዬይ ኩጫ ዶዲ ማዶ ማዶኔ።

17 ቶሊ ዓቲ ሸምፔና ናንጋንዳኣፓ ዓቴም ታ ሃይቂንዲዋሴ፤
ናንጊና ናንጋ ጎዳኮ ማዶ ታ ሃጋኣ ኬኤዛንዳኔ።

18 ጎሪያ ናንጊና ናንጋ ጎዳ ታና ኮሺ ጎሪኔ፤
ጋዓንቴ ሃይቢም ዓኣሂ ታና ዒዚ ዒንገባኣሴ።

19 ዲሉሞኮ ካራ ታኣም ቡሉዋቴ *፤
ዬያና ጌሊ ታ ናንጊና ናንጋ ጎዳ ጋላታንዳኔ።

20 ዬና ካሪላ ዒዛ ካራኬ፤
ዲሎ ዓሳ ዒዛና ጌላኔ።

21 ዋይዚ ኔ ታኣም ማሃኔ፤
ታና ኔ ዓውሳሂ ማዔሂሮዋ ታ ኔና ጋላታኔ።

22 ማኣሮ ሹጮና ማዣ ዓሳ ቶኦቹ ሹጮሂ
ማኣሮኮ ሃላሂ ማዔኔ።

23 ዬያ ናንጊና ናንጋ ጎዳ ማዶኔ፤
ዬይ ኦ ዓኣፖም ዲቃሃያኬ።

24 ናንጊና ናንጋ ጎዳ ማዣ ኬሌላ ሃኖኬ፤
ዬያሮ ኮሺ ኦ ዋዛዶም!

25 ናንጊና ናንጋ ጎዳሂዮ! ሃዳራ ኦና ዓውሴ!
ናንጊና ናንጋ ጎዳሂዮ! ሃዳራ ኦኡም ገኢጊሸ።

26 ያኦሲ ሱንያና ሙካሂ ዓንጂንቴያኬ!
ናንጊና ናንጋ ጎዳ ማኣራፓ ኦ ዒንሂ ዓንጂኔ።

27 ናንጊና ናንጋ ጎዳ ያኦሲኬ፤

* **118:19** 118:19 ዲሉሞኮ ካራ ታኣም ቡሉዋቴ ጋዓዛ ዔብሪ ዓሶ ሙኡጮ ማፃኣፖይዳ ዒማዲ ጋዓያ ማዓዛ ማሊያ ዛጎዛ ጌኤፓ ማኣሮኮ ካሮ ታኣም ቡሉዋቴ ጋዓያ ማላኔ። **118:22** 118:22 ሉቃ. 20:17፤ ዳኪ. ማዶ 4:11፤ 1ጴፂ. 2:7። **118:23** 118:23 ማቲ. 21:42፤ ማር. 12:10-11። **118:25** 118:25 ማቲ. 21:9፤ ማር. 11:9፤ ዮሃ. 12:3። **118:26** 118:26 ማቲ. 21:9፤ 23:39፤ ማር. 11:9፤ ሉቃ. 13:35፤ 19:38፤ ዮሃ. 12:13።

ፔኤኮ ፖፖ ዒ ኑ ዑፃ ፖዔኔ፤
 ዒንሣ ለንቾ ኬሎሮ ዔኪ ሙካ ባኮ
 ዒንጊያ ሺኢሾ ባኮኮ ጉራኖና ዓይሣ ቱኩዋቱ።
 28 ኔኤኒ ታኣኮ ያኦሲኬ፥ ታ ኔና ጋላታኔ፤
 ኔኤኒ ታኣኮ ያኦሲኬ፥ ታ ኔና ጳግ ጳጊዳንዳኔ።

29 ዒዚ ኮሺ ማዔሣረ ዒዛ ጋላቱዋቱ!
 ሚጨነቲፃ ዒዛኮ ናንጊና ደዲ ናንጋያኬ።

119

ያኦሲ ዋጌ

- 1 ናንጋ ናንጎና ዔኤቢ ለሃሳ ባኣዚ ባኣዘንሣ
 ናንጊና ናንጋ ጎዳ ዋጎና ሃንታዞንሣ
 ዓንጂንቴያኬ።
- 2 ዒዛኮ ዓይሣያ ካፓዞንሣ
 ፔኤኮ ጎኔ ዒናፓ ኮዓዞንሣ
 ዓንጂንቴያኬ።
- 3 ጳቢንቲ ባኣዚ ዔያታ ማዲዋሴ፤
 ጋዓንቲ ዒዛ ጎይያና ዓኣዳኔ።
- 4 ዛጊ ኑ ካፓንዳጉዲ
 ዳምቦ ኔኤኮ ኔ ኑና ዓይሣኔ።
- 5 ዳምቦ ኔኤኮ ኑ ካፓንዳጉዲ
 ጎይያ ታኦሲ ደዲ ታኣም ማዔቱ ዓይጎ!
- 6 ኔ ዓይሣያ ባንሣ ታ ዛጋኣና ቦርሲንቴዋሴ።
- 7 ኔኤኮ ጂሉዋ ዋጎ ታ ዔራ ዋዶና
 ፒዜ ዒኔና ጋላታ ታ ኔኤም ሺኢሻንዳኔ።
- 8 ዋጎ ኔኤሲ ታ ካፓንዳኔ፤
 ኔኤኒ ታና ጋፒ ሃሺፖ።

ያኦሲ ዋጎም ዓይሣንቲሣ

- 9 ጳጌሣ ጎይያ ፔኤሲ ዋማይዲ ጌኤሻንዳይፃ
 ኔኤኮ ቃኣላ ጋዓ ጎይያ ናንጊሣናኬ።
- 10 ታኣኒ ጉቤ ዒናፓ ኔና ኮዔኔ፤
 ኔ ዓይሣያፓ ታ ዓጊፀዋጉዲ ታና ካፔ።
- 11 ታ ኔኤም ዋይዞ ዒዳ ጳቢንቴዋጉዲ
 ቃኣሎ ኔኤሲ ታ ዒና ታኣኒ ዓኣቼኔ።
- 12 ናንጊና ናንጋ ጎዳሣዮ! ኔኤኒ ዓንጂንቴያኬ፤
 ዳምቦ ኔኤሲ ኔ ታና ዔርዜ።

- 13 ኔ ዳንጋፓ ኬስካ ዋጎ ቢያ
 ታ ዳንጎና ታኣኒ ኬኤዛንዳኔ።
- 14 ዓሲ ፔ ቆሎና ዋዛዳሢጉዲ
 ኔ ዓይሢያጉዲያ ሃንቲፃ ታና ዋዋዛሳኔ።
- 15 ኔኤኮ ዳምቦ ታኣኒ ታ ዒኖና ማላኔ፤
 ዒኖ ታኣሲ ታኣኒ ኔ ጎይፃ ማሄኔ።
- 16 ዳምባ ኔኤሲ ታና ዋዛሳኔ፤
 ቃኣሎዋ ኔኤኮ ታ ዋሉዋሴ።

ያኦሲ ዋጋፓ ጴዳ ዋዛ

- 17 ናንገና ናንጋኒ ቃኣሎ ኔኤኮ ታ ካፓንዳንጉዲ
 ታና ኔኤኮ ዓይላሢም ኮሺ ማዴ።
- 18 ኔኤኮ ዋጋፓ ዲቃሢ ሄርሺሳ ባኣዚ ታ ዛጋንዳጉዲ
 ዓኣፖ ታኣሲ ቡሌ።
- 19 ታኣኮ ሳይይዳ ቤሲባኣ ዓሲኬ፤
 ኔኤኮ ዓይሢያ ታ ገዳፓ ዓኣቺፖ።
- 20 ቢያ ዋዴ ዋጎ ኔኤኮ ጳቂሥሢና
 ሸምፓሢ ታኣኮ ኮሺ ደጩኔ።
- 21 ኔኤኮ ዓይሢያይዳፓ ዳቢንቴዘንሢ
 ሄርሺንታዘንሢና ጋዳንቂንቴዘንሢና ኔ ጎራኔ።
- 22 ኔኤኮ ዓይሢያ ታ ካፔሢሮ
 ዔያቶኮ ጫዦና ቶኦቺያና ታኣፓ ሺኢሹ።
- 23 ዋይሣ ዓሳ ዴዒ ታና ባይዛኒ ዘርቴያታቴያ
 ኔኤኮ ዓይላሢ ዳምቦ ኔኤሲ ዒኖና ማላኔ።
- 24 ዓይሢያ ኔኤኮ ታኣም ዋዛኬ፤
 ዘሪያ ታና ዘራያኬ።

ያኦሲ ዋጎ ማዲ ኩንሣኒ ዔቂሢ

- 25 ታኣኒ ሳይ ዓጮና ፔቴ ማዒ ዓዲንቴኔ፤
 ኔኤኮ ቃኣሎ ጉዴያ ሸምፔና ማሢ ታና ጌሣ።
- 26 ታ ናንጎ ጎይያ ታ ኔኤም ኬኤዜኔ፤
 ኔኤኒ ታኣሲ ዋይዜኔ፤
 ዳምቦ ኔኤኮ ታና ዔርዜ።
- 27 ኔ ዳምቦ ማሊ ታ ጳቂሣንዳጉዲ ታና ማሄ፤
 ታኣኒያ ኔኤኮ ዲቃሢ ሄርሺሳ ማዶ ማላኔ።
- 28 ማሊያፓ ዔቂያና ዒና ታኣኮ ላቤኔ፤
 ኔ ቃኣሎ ጉዴያ ታና ደዲሹ።
- 29 ሉኡዙሞ ታ ገዳፓ ሺኢሹ፤

ኔ ኮሹሞና ዋጎ ኔኤሲ ታና ዔርዜ።
30 ታኣኒ ጉሙርቁንታያ ማዓኒና
ዋጎዋ ኔኤሲ ካፓኒ ጋፒ ታ ዔቄ።

31 ናንጊና ናንጋ ጎዳሢዮ!
ኔ ዋጎ ታኣኒ ዶዲሺ ዓርቄ፤
ሃዳራ ታና ቦርሲሲፖ።

32 ታ ዒኖ ዓርቃ ባኣዚፓ ኔ ኬሴሢር
ኔ ዓይሢ ጎይዖና ታ ጳሽካንዳ።

ማሊ ጳቂሥሢ ደንቃኒ ሺኣቁንቲ ሺኣጳሢ
33 ናንጊና ናንጋ ጎዳሢዮ! ኔ ዋጎ ጎይዖ ታና ዔርዜ፤
ታኣኒያ ጋፒንዖ ሄላንዳኣና ካፓንዳ።

34 ዋጎ ኔኤሲ ታ ካፓንዳጉዲና
ጉቤ ዒናፓ ታ ዓይሢንታንዳጉዲ
ማሊ ጳቂሥሢ ኔ ታኣም ዒንጌ።

35 ዬያና ታ ዋዛዳሢር
ኔ ዓይሢዖ ጎይዖ ዔኪ ታና ዓኣዴ።

36 ታኣም ኮይሳ ባኣዚዳ ጎይቂሢዳፓ ባሽ
ዒኖ ታኣሲ ኔ ዓይሢዖ ባንሢ ማሃ።

37 ዔኤቢ ፓሠዋ ባኣዚ ዛጊሢፓ ዓኣፖ ታኣሲ ማሃ፤
ኔኤኮ ቃኣሎ ጉዴያ ናንጎ ታኣኮ ዓካሴ።

38 ኔ ዒጊጩንታያ ማዓንዳጉዲ
ታና ኔ ዓይላሢም ኔ ዒንጌ ዋዞ ቃኣሎ ማዲ ኩንሢ።

39 ዋጋ ኔኤሲ ፒዜ ማዔሢር
ታ ዒጊጫ ዳውሲንታፓ ታና ካፒ።

40 ዓይሢዖ ታ ኔኤኮ ካፓኒ ኮዓ፤
ኔኤኒ ዒሎ ማዔሢር ናንጎ ታኣኮ ዓካሴ።

ዖኣሲ ዋጎና ጌኤቁንቲሢ
41 ናንጊና ናንጋ ጎዳሢዮ! ሚጩንቲዖ ኔኤኮ ታ ባንሢ ሙኮንጎ፤
ኔኤኮ ዓውሲዖኣ ኔ ቃኣሎጉዴያ ታኣም ዳኪንቶንጎ።

42 ኔ ቃኣሎ ታ ጉሙርቃሢር
ታና ጫሽካ ዓሶም ማሃ ታ ኬኤዛንዳ።

43 ዋጎ ኔኤኮ ታ ጉሙርቃ፤
ጎኩም ሃይሴ ታ ዳንጋፓ ፔቲታዖ ሺኣሺፖ።

44 ናኣናና ናንጊ ሄላንዳኣና
ቢያ ዋዴ ዋጎ ታ ኔኤሲ ካፓንዳ።

45 ዳምቦ ታ ኔኤኮ ኮዓ፤
ታ ሸኖጉዴያ ሃንጋ ሴካ ታ ሃንታንዳ።

- 46 ዓይህያ ኔኤኮ ታኣኒ ካኣቶም ኬኤዛንዳኔ፤
ዬያ ታ ማዳህረ ሶርሲሳ ባኣዚ ታና ባኣሴ።
- 47 ታ ኮሺ ናሽካ ኔ ዓይህያና ዎዛዳኔ።
- 48 ኩጮ ታኣሲ ታኣኒ ናሽካ ኔ ዓይህያ ባንህ ዔቁሳኔ፤
ዳምቦባ ኔኤሲ ማሊ ታ ጳቂህኔ።

ጾኦሲ ዎጎና ጉሙርቂንቲህ

- 49 ሃጋኣ ዎዛ ታ ማሃህ ዬያይዳ ማዔህረ
ታና ኔኤኮ ዓይላህም ኔ ዒንጌ ቃኣሎ ማሌ።
- 50 ኔኤኮ ቃኣላ ታና ናንጋያ ማሃኔ፤
ዬይ ታኣኮ ሚታህ ዎዶና ዶዶ ማዓያኮ።
- 51 ጾቶርቃ ዓሳ ሚርጌና ታና ሚኢጩኔ፤
ታኣኒ ጋዓንቴ ኔኤኮ ዎጋፓ ዓገግዓኮ።
- 52 ናንጊና ናንጋ ጎዳህዮ!
ሚናፓ ዓኣ ዎጎ ኔኤኮ ታ ማሌኔ፤
ዬያና ታኣኒ ታና ዶዶሽኔ።
- 53 ዎጎ ኔኤሲ ሃሼ ፑርቶ ዓሰይዳፓ ዔቁያና
ዳጋሲ ታና ዳጋሳኔ።
- 54 ታኣኮ ሸኦቹ ሞዓጫ
ዳምባ ኔኤሲ ታኣኮ ዓይኑሞኮ።
- 55 ናንጊና ናንጋ ጎዳህዮ!
ዎንቶና ሱጎጾ ኔኤኮ ታ ማላኔ፤
ዎጎ ኔኤሲያ ታ ካፓኔ።
- 56 ኔ ዳምቦ ጎይጾ ታ ሃንታኔ፤
ዬይ ታኣኮ ማዶ ማዔኔ።

ጾኦሲ ዎጎም ዓይህንቲህ

- 57 ናንጊና ናንጋ ጎዳህዮ! ታኣኒ ኮዓህ ኔና ሌሊኮ፤
ኔኤኮ ዎጎዎ ካፓኒ ታ ጫኣቃኔ።
- 58 ጉቤ ዒናፓ ታ ኔ ዓኣፖ ካሮ ኮዔኔ፤
ኔኤኮ ቃኣሎጉዴያ ኮሹሞ ኔኤሲ ታና ዳዎ።
- 59 ታኣኒ ጎይጾ ታኣሲ ዛጌኔ፤
ታ ሃንቲጾዎ ኔ ዓይህያ ባንህ ታ ማሃኔ።
- 60 ኔ ዓይህያ ታኣኒ ካፓኒ ሩኡሬኔ፤
ኔጊያ ታ ኔጉዋሴ።
- 61 ፑርቶ ዓሰኮ ሱዛ ታና ማሬኔ፤
ታኣኒ ጋዓንቴ ዎጎ ኔኤሲ ዋለባኣሴ።
- 62 ኔኤኮ ጃሎ ዎጎ ዛሎሮ
ሳጾኮ ጊዲሚዛኖ ኔና ጋላታኒ ታ ዔቃኔ።

63 ታኣኒ ኔና ዒጊጫዘንሢም ቢያ
 ዳምቦባ ኔኤሲ ካፓዘንሢኮ ታ ላገኬ።።
 64 ናንጊና ናንጋ ጎዳሢዮ! ሳዓ ኔኤኮ ሚጪንቲዮና ኩሜኔ፤
 ዳምቦባ ኔኤሲ ታና ኔ ዔርዜ።።

ዖኦሲ ዎጋ ቦንቲንቲያ ማዒያ

65 ናንጊና ናንጋ ጎዳሢዮ! ኔኤኮ ቃኣሎጉዴያ
 ኔ ዓይላሢም ኮሺ ባኣዚ ኔ ማዴኔ።።
 66 ኔኤኮ ዓይሢያ ታ ጉሙርቃኔ፤
 ኮሺ ማለሢንታ ዔራቶዎ ታና ዔርዜ።።
 67 ኔ ታ ጊዳ ሜቶ ዓጋንዳሢኮ ቤርታ ጎይያ ዳቢ ታ ዓኣዴኔ፤
 ሃሢ ጋዓንቲ ቃኣሎ ኔኤኮ ታ ካፓኔ።።
 68 ኔኤኒ ኮሺኬ፥ ኔ ማዳ ባኣኣ ኮሺኬ፤
 ዬያሮ ዳምቦ ኔኤሲ ታና ዔርዜ።።
 69 ዖቶርቃ ዓሳ ሱንዖ ታኣኮ ሉኡዙሞና ፑርቲሴኔ፤
 ታኣኒ ጋዓንቲ ዓይሢያ ኔኤኮ ጉቤ ዒናፓ ካፓኔ።።
 70 ዒና ዔያቶኮ ባይቂ ደጩያኬ፤
 ታኣኒ ጋዓንቲ ኔ ዎሳና ዎዛዳኔ።።
 71 ዳምቦ ኔኤሲ ታ ዔራንዳንጉዲ
 ማታሢዳና ኬዛ ታኣም ኮሺ ማዔኔ።።
 72 ፓይዲባኣ ቢራና ዎርቄናይዳፓ ባሺ
 ኔ ዳንጋፓ ኬሰካ ዎጋ ታኣም ኮሺኬ።።

ዖኦሲ ዎሳኮ ፒዙሞ

73 ኔ ኩጫ ታና ማዜኔ፥ ኮሺያ ታና ኮሺኔ፤
 ኔኤኮ ዓይሢያ ታ ዔራንዳጉዲ
 ማሊ ጳቂሥሢ ታኣም ዒንጌ።።
 74 ኔኤኮ ቃኣሎ ሃጋኣ ዎዛ ማሂ ታ ጌሣሢሮ
 ኔና ዒጊጫዘንሢ ታና ዛጊ ዎዛደንሳ።።
 75 ናንጊና ናንጋ ጎዳሢዮ! ኔ ዎጋ ጂሎ ዎጌኬ፤
 ኔ ታና ሜታሴሢያ ኔኤኮ ጉሙርቄንቲዮናታሢ ታ ዔሬኔ።።
 76 ታና ኔኤኮ ዓይላሢም ኔ ጫኣቄ ጎይዮና
 ኔ ሚጪንቲዮ ታና ደዲሻያ ማዖንሳ።።
 77 ኔኤኮ ዎጋ ታኣኮ ዎዘኬ፤
 ሺምፔና ታ ናንጋንዳጉዲ ኮሺማ ኔኤሲ ታኣም ሙኮንሳ።።
 78 ዖቶርቃ ዓሳ ሉኡዙሞና
 ታና ሜቶይዳ ጌልዜሢሮ ቦርሲንቶንሳ፤
 ታኣኒ ጋዓንቲ ዓይሢያ ኔኤሲ ማላኔ።።
 79 ኔና ዒጊጫዘንሢ

ዓይሂዎቹ ነኤሲ ዔራዘንሂ
ሃንጋ ታ ባንሂ ሙኮንጎ።

80 ታኣኒ ቦርሲንቱዋጉዲ
ዒና ታኣኮ ኔ ዋጎ ካፒዖና ፒዜ ማዖንጎ።

ዳቂንታ ዳንቃኒ ሺኢቁንቱ ሺኢጲሂ

81 ታ ሸምፓሂ ኔ ዳቂሺዖ ሚርጌና ኮዔኔ፤
ቃኣሎ ኔኤኮ ታኣኒ ሃጋኣ ዋዛ ማሃንዳኔ።

82 «ዓይዲ ኔ ታና ዶዲሻንዳይ?» ጌዒ ጌዒ
ዓኣፓ ታኣኮ ኔ ቃኣሎ ካፒዖና ላቤ።

83 ታኣኒ ጩቢዳ ሱዲንቱ ዋይኔ ዓርሃ ሱርባጉዲ ማዔያታቱያ
ዳምቦ ኔኤኮ ታ ዋሊባኣሴ።

84 ኔ ዓይላሂ ዋማ ሄላንዳኣና ሜታዲ ዳዓንዳይ?
ታና ዳውሳዘንሂዳ ሜቶ ኔ ዓጋንዳሂ ዓይዲዳይ?

85 ኔኤኮ ዋጋ ጋዓ ጎይዖ ዓኣዲዋያታዖ ዖቶርቃዘንሂ
ዔቲ ታኣም ቦኣኬ።

86 ዓይሂዓ ቢያ ኔኤኮ ጉሙርቁንታያኬ፤
ዓሳ ታና ታ ማዴ ባኣዚ ባኣንቱ ዳውሳሂር
ኔኤኒ ታና ማኣዳ።

87 ሳይዳፓ ዔያታ ታና ባይዛኒ ዳካ ዓቲኔ፤
ታኣኒ ጋዓንቱ ዓይሂዖ ኔኤሲ ሃሺባኣሴ።

88 ኔ ሚጩንቱዖጉዴያ ጊንሂ ማሂ ታና ሸምፔና ጌሂ፤
ታኣኒያ ኔ ዓይሂዖ ካፓንዳኔ።

ዖኦሲ ዋጎና ጉሙርቁንቲሂ

89 ናንጊና ናንጋ ጎዳሂዖ! ቃኣላ ኔኤኮ ጩሪንጩይዳ
ናኣናና ዶዲ ናንጋያኬ።

90 ኔኤኮ ጉሙርቁንቲዓ ሸይንቲፓ ሸይንቲ ሄላንዳኣና ናንጋኔ፤
ሳዖ ኔ ማዦኔ፥ ዬይ ዶዲ ናንጋኔ።

91 ቢያሂ ኔ ዓይሌ ማዔሂር
ኔ ዋጋ ሃና ሄላንዳኣና ዶዲ ናንጋኔ።

92 ዋጋ ኔኤሲ ታኣኮ ዋዛ ማዒባኣያታቱ
ሜታሂ ዋዶና ታ ሄኤዶ ባይቁያ ናንዳኔ።

93 ዬያና ኔ ታና ሸምፔና ማሂሂር
ኔ ዓይሂዖ ፔቲታዖ ታኣኒ ዋላዓኬ።

94 ታኣኒ ኔኤርታሂር ሃዳራ ታና ዓውሴ!
ኔኤኮ ዋጎዋ ታኣኒ ኮዔኔ።

95 ፑርቶ ዓሳ ታና ባይዛኒ ካቲኔ፤
ታኣኒ ጋዓንቱ ዋጎ ኔኤሲ ማሌ።

96 ጥዙፍ ሲያ ዛጸ ዓላሢ ታ ዛገኔ፤
ዓይሢግ ጋዓንቴ ኔኤሲ ኮሺ ዳልጊኬ።

ጾኦሲ ዋጎ ናሽኪሢ

97 ዋጎ ኔኤሲ ታ ኮሺ ናሽካኔ፤
ሮኦሮ ጉቤያ ታኣኒ ማላኔ።

98 ኔኤኮ ዓይሢግ ዓይጎ ዎዴናኣ ታኣፓ ዲማዲዎአሢሮ
ታ ሞርኮይዳፓ ባሽ ታና ኔ ማሊ ጳቂሣያ ማሄኔ።

99 ኔ ዋጎ ታኣኒ ማላሢሮ
ታና ዔርዛ ዓሶይዳፓ ባሽ ማሊ ጳቂሣ ዒኔ ታ ዔኬኔ።

100 ኔኤኒ ኬሴ ዋጎ ጊንጾ ታ ዓኣዳሢሮ
ጋርቹ ዓሶይዳፓ ባሽ ታኣኒ ዔራ ማዔኔ።

101 ኔኤኮ ቃኣሎ ታኣኒ ካፓኒ
ቶኮ ታኣኮ ታ ፑርታ ጎይሢዳፓ ቃዜኔ።

102 ኔኤኒ ኔኤሮ ታና ዔርዜሢሮ
ኔ ዋጎይዳፓ ታ ኬሰከባኣሴ።

103 ቃኣላ ኔኤሲ ዎዚ ዓኣፃይ!
ጾሎሊ ዔኤሲዳፓኣ ባሽ ዓኣፃኔ።

104 ኔ ዋጎይዳፓ ማሊ ጳቂሥሢ ታኣኒ ዴንቄኔ፤
ዬያሮ ሉኡዙሞ ጎይጾ ቢያ ታኣኒ ዒፄኔ።

ጾኦሲ ዋጋፓ ጳዳ ፖሊ

105 ቃኣላ ኔኤሲ ታ ቶኮኮ ጾሞፔ
ታ ጎይጾኮሞ ፖዔኬ።

106 ኔኤኮ ጁሎ ዋጎ ታኣኒ ካፓኒ ጫኣቄሢሮ
ዬያ ታኣኒ ዶዲሺ ዓርቃንዳኔ።

107 ሚርጌና ታ ሚታዳኔ፤
ናንጊና ናንጋ ጎዳሢዮ! ኔ ቃኣሎጉዴያ
ጊንሣ ማሂ ሸሞፔና ታና ጌሣ።

108 ናንጊና ናንጋ ጎዳሢዮ! ታ ሸኔና ታ ኔኤሞ ሺኢሺ
ታኣኮ ጋላቶ ዒንጊጾ ኔ ዔኬኔ፤
ኔኤኮ ዋጎዎ ታና ዔርዜ።

109 ሸሞፔላ ታኣኮ ቢያ ዎዴ ሚቶይዳኬ፤
ጋዓንቴ ታ ኔኤኮ ዋጎ ዋለባኣሴ።

110 ፑርቶ ዓሳ ቡኡዶ ፒሮ ታኣሞ ፒሬኔ፤
ታኣኒ ጋዓንቴ ዳሞቦኮ ዑሣ ዓኣዲባኣሴ።

111 ኔ ዋጋ ናንጊና ታኣኮ ዳካሊ ባኣዚ ማዔኔ፤
ዬያና ዒና ታኣኮ ሚርጌና ዎዛዳኔ።

- 112 ዓይሢያ ኔኤሲ ናንጊና ናንጊ ሄላንዳኣና
 ማዲ ታ ኩንሣኒ
 ዒኖ ታኣሲ ዬያ ባንሢ ማሄኔ።
- 113 ለምዖ ማሊሢና ዓኣ ዓሶ ታ ዒፃኔ፤
 ታኣኒ ጋዓንቴ ኔ ዋጎ ናሽኬኔ።
- 114 ኔኤኒ ታኣኮ ፑኖ ካያሢና ጊቲማሢናኬ፤
 ቃኣሎ ኔኤሲ ታ ዋዛና ካፓኔ።
- 115 ታ ጾኣዛሢኮ ዋጎ ታኣኒ ካፓንዳጉዲ
 ዒንሢ ፑርቶ ዓሳ ታ ኮራፓ ሃኩዋቱ።
- 116 ኔኤኮ ቃኣሎጉዴያ ታና ኬልቂ ዓርቄ፤
 ታኣኒ ሸምፔና ናንጋንዳኔ፤
 ዋዛ ታኣኮ ጉሪ ማዔም ታ ቦርሲንቱዋጉዲ።
- 117 ሄርጋ ባኣያ ታ ናንጋንዳጉዲ ኬልቂ ታና ዓርቄ፤
 ኔ ዳምቦዋ ቢያ ዋዴ ታ ዛጋንዳኔ።
- 118 ማሊፃ ዔያቶኮ ጌኔና ሉኡዙሞና ኩሜያ ማዔሢር
 ኔ ዋጋፓ ዒዲ ኬሰካዘንሢ ቢያ ኔያ ዒፃንዳኔ።
- 119 ሳዖይዳ ፑርቶ ዓሶ ቢያ ቡኡራጉዲ ኔ ሺኢሼኔ፤
 ዬያሮ ታ ኔኤኮ ዳምቦ ናሽኬኔ።
- 120 ዑፃ ታኣኮ ኔና ዒጊቹሞና ጎጋይቃኔ፤
 ኔ ዋጎዋ ማርጌና ታ ዒጊጨፍኔ።
- 121 ፒዙሞና ዲሉሞና ዓኣ ባኣዚ ታ ማዳኔ፤
 ሄርቂ ዋይሣ ዓሶም ዓኣሢ ታና ዒንጊፖ።
- 122 ታና ኔ ዓይላሢኮ ዳቂንቶ ጎናሴ፤
 ጾቶርቃዘንሢ ታና ሄርቂ ዋይሣንዳጉዲ ማሢፖ።
- 123 ዓኣፓ ታኣኮ ኔ ዓውሲጾንታ
 ዲሉሞ ቃኣሎዋ ካፒሢና ላቤኔ።
- 124 ታና ኔ ዓይላሢም ናሹሞ ኔኤሲ ቤኤዜ፤
 ኔ ዋጎዋ ታና ዔርዜ።
- 125 ታኣኒ ኔ ዓይላሢኬ፤
 ኔ ዳምቦ ዔራንዳጉዲ ታና ማሄ።
- 126 ናንጊና ናንጋ ጎዳሢኖ!
 ዋጋ ኔኤሲ ሃሺንቲዳ ዓኣሢር
 ኔኤኒ ማዳ ማዳንዳ ዋዳ ሃሢኬ።
- 127 ዓይሢያ ኔኤሲ ዋርቄይዳፓ ባሼ ታ ናሽካኔ፤
 ጎኔኬ ጌኤሺ ዋርቄይዳፓኣ ባሼ ማጨንታኔ።
- 128 ኔ ዓይሢፃ ቦሃሳ ባኣዚ ባኣያ
 ፒዜኬ ታ ጋዓኔ፤
 ዬያሮ ሉኡዙሞ ጎይጾ ታ ዒዒፃኔ።

ያኦሲ ዋጎ ቦንቻኒ ናሽኪህ

- 129 ዳምባ ኔኤኮ ዲቃህ ሄርሺሳያኬ፤
ዬያሮ ታ ሸምፓህ ዬያ ካፓኔ።
- 130 ኔ ቃኦኮኮ ቡሊፃ ፖፖባኔ፤
ዔሩዋ ዓሶ ማሊ ጳቂህያ ማሃኔ።
- 131 ዓይህያ ታ ኔኤኮ ኮሺ ናሽካህሮ
ሱኡኮና ታ ዳንጎ ታ ዋሊ ዳዓኔ።
- 132 ሱንያ ኔኤኮ ናሽካዘንህም ቢያ ኔ ማዳ ጎይያ
ታ ባንህ ማዒጋፓ ታኣም ሚጨንቴ።
- 133 ሃንቲያ ታኣኮ ኔ ቃኦኮኮዳያ ፒዚሴ፤
ጎሜ ታና ዋይህንዳጉዲ ሃሺፖ።
- 134 ኔ ዓይህያ ታ ካፓኒ ዳንዳዓንዳጉዲ
ዓሲ ታና ማኣሳንህያይዳፓ ዓውሴ።
- 135 ታና ኔኤኮ ዓይህህም ዓኣፖ ካሮ ኔኤኮ ፖሊሴ፤
ዳምቦዋ ኔኤኮ ታና ዔርዜ።
- 136 ዋጋ ኔኤኮ ቦንቻንቲባኣህሮ
ዓቢፃ ታኣኮ ዋኣህጉዲ ዋታኔ።

ያኦሲ ዋጋ ፒዜ ማዔህ

- 137 ናንጊና ናንጋ ጎዳህዮ! ኔኤኒ ዒሎኬ፤
ዋጊፃኣ ኔኤኮ ፒዜኬ።
- 138 ኔ ዓይህያ ኔኤኒ ዒሎሞና ኬሴኔ፤
ዬይያ ኮሺ ጉሙርሳያኬ።
- 139 ታ ሞርካ ቃኦኮ ኔኤሲ ዔኪባኣህ
ኮሺ ታና ሮኦጋሳኔ።
- 140 ቃኣላ ኔኤኮ ኮሺ ጊሶናያኬ፤
ታኣኒ ኔ ዓይህህ ዬያ ናሽኬኔ።
- 141 ታኣኒ ፓሁዋያና ቶኦቹንቴያናኬ፤
ጋዓንቴ ታ ኔኤኮ ዓይህያ ዋሊባኣሴ።
- 142 ዒሎማ ኔኤኮ ናንጊና ናንጋያኬ፤
ዋጋኣ ኔኤሲ ጎኔኬ።
- 143 ሜቶና ዋኣዪህና ታና ሄሌኔ፤
ጋዓንቴ ኔ ዓይህያ ታኣኮ ዋዛኬ።
- 144 ዓይህያ ኔኤሲ ናንጊና ዒሎሞ ዓይህህኬ፤
ሸምፔና ታ ናንጋንዳጉዲ ማሊ ጳቂህህ ታኣም ዒንጌ።

ዋርኬ ኩሽካፓ ዳቃኒ ሺኢቁንቴ ሺኢጲህ

- 145 ናንጊና ናንጋ ጎዳህዮ! ጉቤ ዒናፓ ታ ዒላታኔ፤

- ኔ ታኣም ዋይዜ፤
ዳምቦባ ኔኤኮ ታ ካፓንዳኔ።
 - 146 ታ ኔ ባንሢ ዒላታሢሮ ታና ዓውሴ፤
ዓይሢያባ ታ ኔኤኮ ካፓንዳኔ።
 - 147 ኔ ታና ማኣዳንዳጉዲ
ዓባ ያርቁዋንቴ ጳጪ ታ ዒላታኔ፤
ኔ ቃኣሎዋ ሃጋኣ ዋዛ ማሂ ታ ጌሣኔ።
 - 148 ኔኤኮ ቃኣሎ ታ ማላኒ
ዓኣፓ ታኣኮ ዋንቶ ጉቤ ዲኡሚንቴዋዎ ዋርቃ።።
 - 149 ኔ ኮሹዋጉዴያ ዑኡዞ ታኣሲ ዋይዜ፤
ናንጊና ናንጋ ጎዳሢዮ! ኔ ዋጎጉዴያ
ጊንሣ ማሂ ታና ሹምፔና ናንጋያ ማሂ።።
 - 150 ፑርታ ባኣዚ ታኣም ቱካ ዓሳ ታ ባንሢ ዑኩኔ፤
ጋዓንቴ ዔያታ ኔ ዋጎኮ ዙላኬ።።
 - 151 ናንጊና ናንጋ ጎዳሢዮ!
ኔኤኒ ጋዓንቴ ዑኩኬ፤
ዓይሢያኣ ኔኤሲ ቢያ ጎኔኬ።።
 - 152 ናንጊና ኔኤኒ ዬያ ኔ ዋጎ ደዲሺ ኬሴያ ማዔሢ
ሚርጌ ዋዴኮ ቤርታፓ ታ ዔሬኔ።።
- ያኣሲ ሺኢጲሢ**
- 153 ታኣኒ ዋጎ ኔኤኮ ዋለባኣሴ፤
ዋኣዪያ ታኣኮ ዛጌ፤
ሄሊያኣ ታና ዓውሴ።።
 - 154 ታ ዛሎ ኔ ሞኦቲንቴ፥ ታና ዓይሴ፤
ኔ ቃኣሎ ጎይያ ሹምፔና ታና ናንጊሹ።።
 - 155 ዳምቦ ኔኤሲ ዔያታ ኮዑዋኣሢሮ
ዳቂንታ ፑርቶ ዓሳይዳፓ ሃኬኬ።።
 - 156 ናንጊና ናንጋ ጎዳሢዮ! ሚጪንታ ኔኤኮ ዴኤፒኬ፤
ኔ ዋጎጉዴያ ሹምፔና ታና ናንጊሹ።።
 - 157 ታና ዳውሳ ሞርካ ሚርጌኬ፤
ታኣኒ ጋዓንቴ ኔኤኮ ዓይሢያፓ ሺኢኪባኣሴ።።
 - 158 ዔያታ ቃኣሎ ኔኤሲ ካፑዋሴ፤
ዬያሮ ጉሙርቁንቴዋ ዓሳ ዛጊ ታ ሻኣኪንቴ።።
 - 159 ናንጊና ናንጋ ጎዳሢዮ!
ኔኤኮ ዓይሢያ ታ ናሽካያ ማዔሢ ዛጌ፤
ኔኤኮ ናንጊና ናንጋ ናሹሞና ሹምፔና ታና ጌሢ።።
 - 160 ኔኤኮ ቃኣላ ጉቤና ጎኔኬ፤

ኔኤኮ ዲሎ ማዕ ዋጋኣ ናንገና ናንጋያኩ።

ያኦሲ ዋጎም ዓይሢንቲሢ

161 ሱኡጋ ታኣኒ ዔኤቢ ማዲባኣንቲ ዳውሴኔ፤
ታ ጋዓንቲ ቃኣሎ ኔኤኮ ዒጊቹሞና ቦንቻ።

162 ዔኤቢ ሚርጌ ዲዒ ዔኬ ዓሲጉዲ
ቃኣላ ኔኤኮ ታና ዋዛሴ።

163 ሉኡዙሞ ታ ዒፃ፥ ሻሻኣኪንታ፤
ዋጎ ኔኤሲ ጋዓንቲ ናሽካ።

164 ኔኤኮ ዲሎ ማዕ ዋጎ ዛሎ
ፔቲ ከሌዲ ላንካይ ማይንቲ ታ ኔና ጋላታ።

165 ኔኤኮ ዋጎ ናሽካ ዓሶም ሚርጌ ኮሹሞ ዓኣኔ፤
ዲቃ ባኣዚያ ዔያቶ ባኣሴ።

166 ናንገና ናንጋ ጎዳሢዮ! ዓውሲያ ኔኤሲ
ዋዛ ጌሢ ታ ካፓ፤

ኔ ዓይሢያ ማዲ ታ ኩንሣንዳ።

167 ሸምፓሢ ታኣኮ ኔ ዓይሢያ ካፓ፤
ሚርጌና ዬያ ታ ናሽካ።

168 ጎይያ ታኣኮ ጉቤ ኔ ቤርታ ፔጋኣኩ፤
ዬያሮ ኔኤኮ ዋጎንታ ዓይሢያንታ ታ ካፓ።

ማኣዶ ዴንቃኒ ሸኢቁንቲ ሸኢጲሢ

169 ናንገና ናንጋ ጎዳሢዮ! ታ ዒላታ ኔ ቤርቶ ሄሎንጎ፤
ኔ ቃኣሎጉዴያ ማሊ ጳቂሥሢ ታኣም ዒንጌ።

170 ሸኢጲያ ታኣሲ ኔ ቤርቶ ሄሎንጎ፤
ኔ ቃኣሎጉዴያ ሄሊ ታና ዓውሴ።

171 ኔ ዋጎ ኔ ታና ዔርዜሢሢ
ዲንጋ ታኣሲ ጋላታ ዓልቁሳ።

172 ዓይሢያ ኔኤሲ ቢያ ዲሎም ዓይሥሢታሢ
ዒንዲርዛ ታኣሲ ኔ ቃኣሎ ዛሎ ዓይናደንጎ።

173 ኔኤኮ ዓይሢያ ታ ዶኦሬሢ
ኩጫ ኔኤሲ ታና ማኣዳኒ ገኢጌያ ማዖንጎ።

174 ናንገና ናንጋ ጎዳሢዮ! ዓውሲያ ታ ኔኤሲ ኮዔኔ፤
ኔኤኮ ዋጋ ታና ዋዛሳያ።

175 ታ ኔና ጋላታኒ ሸምፔና ናንጎም!
ኔ ዋጋኣ ታና ማኣደንጎ።

176 ዓዳ ዠኣሌ ማራይጉዲ ታ ማዔኔ፤
ዓይሢያ ታ ኔኤሲ ዋሊባኣሢ

ታና ኔ ዓይላሢ ኔኔኔ ኮዔ።

120

ደዮኔ ከዘ ዓይነቱ

ሉኡቃ ዓሰና ጌሻ ዓሰናፓ ቶላኒ ሺኦቁንታ ሺኦሲሢ

- 1 ሜታዲ ካራ ታኣኒ ባይዘዎ
ናንጊና ናንጋ ጎዳ ባንሢ ዒላቴኔ፤
ዒዚያኣ ታኣኮ ሺኦሲያ ዋይዘኔ።
- 2 ናንጊና ናንጋ ጎዳሢዮ!
ሉኡቃ ዓሰና ጌሻ ዓሰናፓ ታና ዓውሴ።
- 3 ዒንሢ ጌሺ ማልታ ዓሳ!
ያኦሲ ዒንሢ ዋዎዳቴ ኮሺኬ ጎዎንደይ?
ዋዚጉዳ ሜቶ ዒንሢዳ ቃሴቴ ታኣም ጊኦጋንዳይ?
- 4 ዒዚ ዒንሢ ዓጩ ሂኢገና ዲካንዳኔ፤
ታሚ ቄንሢናኣ ዒንሢ ዒ ሚቻንዳኔ።
- 5 ቄዳሪ ዓጩ ዳሮ ባኣካ
ጊንሢ ሃሃ ሜሽኬ ዳሮ ባኣካ
ሙፒ ዓሲ ማዒ ታ ናንጌሢሮ ታና ባዳዔ!
- 6 ኮሹዋ ዒፃ ዳሪና ዋላ
ሚርጌ ሌዔ ታኣኒ ናንጌኔ።
- 7 ታኣኒ ኮሹዋ ኮኮዓኔ፤
ታኣኒ ኮሹዋ ዛላ ጌሰታኣና
ዔያታ ያልዚ ሃይሴ ሌሊ ዔካኔ።

121

ደዮኔ ከዘ ዓይነቱ

ያኦሲ ኑና ፑርታፓ ካፓያ ማዒያ

- 1 ታ ሌካ ዳኤፖ ዲኮ ባንሢ ዛጋኔ፤
ሃንጎሹ፣ ታኣኒ ማኣዶ ዓንካፓ ዳንቃንዳዎ?
- 2 ማኣዳ ታኣም ሙካሢ
ጫሪንጮና ሳዎና ማዜ ናንጊና ናንጋ ጎዳፓኬ።
- 3 ኔና ካፓሢ ቢያ ዎዳ ጳቹ ዳይ ካፓሢሮ
ቶኮ ኔኤኮ ሃርቻቹ ዔኪ ኔና ሎንሣዓኬ።
- 4 ዒሰራዔኤሌ ካፓሢ ፔቴታዎ ጊንዑዋሴ፤
ሃውሻኒ ጌይያኣ ላሁዋሴ።
- 5 ኔና ካፓሢ ናንጊና ናንጋ ጎዳኬ፤

- እኔኮ ሚዛቆ ዛላ ዒ ሺቢ ማዒ ዓኣኔ።
- 6 ርኦሮና ዓባ ኔና ሚቻዓኬ፤
ዒባሮናኣ ዓገና ፔቴታፆ ፑርታ ባኣዚ ሄሊሳዓኬ።
- 7 ናንገና ናንጋ ጎዳ ፑርታ ባኣዚ ቢያይዳፓ ኔና ካፓንዳኔ፤
እኔኮ ሸምፓሢ ኮሺና ዒዚ ካፓንኬ።
- 8 ኔ ማኣራፓ ከሰኪ ኔኤኒ ዴንዳኣና
ገንሣ ኔኤኒ ዩካፓ ማዓኣና
ሃኖ ማፆም ሃገያ ናንገና ዒ ኔና ካፓንዳኔ።

122

- ፀዮኔ ከዘ ዓይነቱ ዳውቴ ዓይናዴሢ
- ዩሩሳላሚ ሄርሺ ዓይናዴንቴ ዓይነቱ
- 1 «ናንገና ናንጋ ጎዳሢ ማኣሪ ኑ ዓኣደም!» ዔያታ ጋዓኣና
ሚርጌና ታና ሞዛሴኔ።
- 2 ዩሩሳላሚ!
ካሮና ኔኤኮ ኑኤኒ ጌሊ ጋራ ዔቄኔ።
- 3 ዩሩሳላሚ ካታማ
ሞላ ካንሢ ጋጋሦናጉዲ ደዲሺ ማዢንቴ ካታማኬ።
- 4 ዒሰራዔኤሌም ዒንገንቴ ዳምቦ ጎይፆጉዲ
ናንገና ናንጋ ጎዳሢም ጋላታ ሺኣሻኒ
ፆኦሲ ፃጳ ቢያ ቡካሢ
ሃኖ ካታሚሎይዳኬ።
- 5 ዳውቴ ፃጳፓ ካኣታዳ ካኣታ ቢያ
ፔኤኮ ዴሮም ሞጎ ሞጋኒ
ሃኖ ካታሚሎይዳ ዴዓኔ።
- 6 ዩሩሳላሚ ካታሞይዳ ኮሹም ዓኣያ ማዓንዳጉዲ
ሂዚ ጌይ ፆኦሲ ሺኣቁሞቴ፡-
«ኔና ናሽካ ዓሳ ቢያ ገኢንጎ፤
- 7 ኔኤኮ ከኤሎ ዲፃ ቢያ ኮሺ ማዒ ዴፆንጎ፤
እኔኮ ካኣቶ ማኣራ ሜታ ባኣያ ኮሺ ናንጎንጎ።»
- 8 ታኣኮ ዒጊኖንታ ታ ላጎንታሮ
«ዩሩሳላሚ! ኮሹም ኔኤም ማፆንጎ!» ታኣኒ ጋዓንዳኔ።
- 9 ዩሩሳላሚ!
ናንገና ናንጋ ጎዳ ማዔ ኑ ፆኦዛሢ ማኣሮ ዛሎሮ
ኔኤም ኮሺ ሙካንዳጉዲ ታ ኮዓኔ።

123

ደኅነት ከዘ ዓይነቱ

የኦሲ ሚጠገንቴ ማኣዳንዳጉዲ ሸኢቁንቴ ሸኢሲሲሂ

1 ጫሪንጫ ካኣቱሞ ያይታ ዳዒ ዓኣሂዮ!

ኔ ባንሂ ታኣኒ ዛጋኔ።

2 ናንገና ናንጋ ጎዳ ማዔ ኑ ያኣዛሂዮ!

ዓይሎ ማዒ ማዳ ዓቲንቃ ማኣሮ ዓዶ ኩጮ

ላኣላ ገንሣ ማኣሮ ዒንዶ ኩጮ

ዛጋሂጉዲ ኔኤኒ ኑና ሚጠገንቴ ማኣዳንዳገ ሄላንዳኣና

ኔ ማኣዳሂ ሙካንዳ ጎይዖማ ኑ ካፓኔ።

3 ናንገና ናንጋ ጎዳሂዮ! ሚርጌና ኑ ጫሸኪንቴሂሮ

ሃዳራ ኑና ሚጠገንቴ ማኣዳ።

4 ያቶሮ ዓሳ ኑና ቦሃ ቦሃፃ

ዖርጎጮ ዓሳ ኑና ቶኦቻ ቶኦቹፃ

ሚሸ ኑና ቴኤቄኔ።

124

ደኅነት ከዘ ዓይነቱ ዳውቴ ዓይናዳሂ

የኦሲ ፔ ዓሶ ካፓያ ማዒያ

1 ናንገና ናንጋ ጎዳ ኑኡና ሞላ ማዒባኣቴ

ኑ ሞዎይታንዳያ ዓቴይ?

ዒሰራዔኤሌ ሂዚ ጎዖንጎ፡-

2 «ሞንዴ ናንገና ናንጋ ጎዳሂ ኑኡና ማዒባኣቴ

ኑኡኮ ሞርካ ኑና ባይዛኒ ሙኬያና፤

3 ዳኤፖ ዳጎና ኑጊዳ ዔያታ ዔቄያና

ሸሞፔና ዔቄ ዓኣንቴ ኑና ዔያታ ዔዔኤዴዖ ዓቴኔ፤

4 ዲጳ ኑና ዔኤዲ ጋፔያታንቴ

ዩይ ሰኤሊንቴ ዴንዳ ሞኣፃ ኑና ሙይ ጋፔያታንቴኬ፤

5 ሩኡሪና ዴንዳ ዲጳ ፒፂ ኑና ዔከ ዴንዳናንዳንቴኬ።»

6 ኑኡኮ ሞርካ ዓጮና ኑና ዳይ ሸኣሉሞጉዲ ካፔ

ናንገና ናንጋ ጎዳሂ ጋላቲንቶሞ።

7 ኑኡኒ ካፒጉዲ ኑኡሞ ፒሮና ፒራሰካፓ ቶኤኔ፤

ዩይ ፒራሂ ሜቄሞ፡ ኑኡኒ ዓዲንቴሞዖ ዓቴኔ።

8 ዩያይዲ ኑና ማኣዳሂ

ጫሪንጫና ጎዖና ማዜ ናንገና ናንጋ ጎዳ ሱንዖኬ።

125

ዓይነት ከዘ ዓይነቱ

ጾኑሲ ፔ ዓሶ ጉሙርሳያ ማዒ ካፓ ካፒሢ

1 ናንጊና ናንጋ ጎዳ ጉሙርቃ ዓሳ

ፔቴታጾ ዓጊጸዋጾ ናኣናና ናንጋ

ዓይነት ዲኮፕዲ ዶዲ ዳዓያኮ።

2 ዲካ ዩሩሳላማኮ ኮይሎ ቢያ ዲርቂ ዓኣሢጉዲ

ሃናኣፓ ዓርቃጾ ዳንዲ ናንጊና ናንጋንዳያና

ጾኑሲ ፔ ዳሮኮ ኮይሎ ዲርቂ ዓኣኔ።

3 ዲሎ ዓሳ ፑርታ ባኣዚ ማዲ ዓርቁዋጉዲ

ፑርቶ ዓሳ ዲሎ ዓሶ ሳጾይዳ ዳይ

ዋይሣንዳሢ ሚርጌ ናንጋዓኮ።

4 ናንጊና ናንጋ ጎዳሢዮ!

ኔኤኮ ዓይሢያ ካፒ ኩንሣ

ኩዦ ዓሶም ኮሺ ባኣዚ ማዳ።

5 ዋሶ ጎይጾ ባንሢ ጊንሣ ማዓ ዓሶ ጋዓንቴ

ፑርቶ ማዳ ዓሶና ዋላ ጾኑሲ ባይዘንዳኔ።

ኮሹሞ ዒሰራዔኤሌም ማጾንጎ!

126

ዓይነት ከዘ ዓይነቱ

ዲዒንቲፓ ማዓጾ ዋዘና ዓይናዲንቴ ዓይነቱ

1 ናንጊና ናንጋ ጎዳ ኑና ዓይነት ዔኪ ማህያና

ዓውቲ ኑኡም ማሌኔ፣ ጎኔ ባኣዚኮ ኑ ጌይባኣሴ።

2 ዳንጋ ኑኡኮ ሚኢቺ ሌሊ ሚኢጫያ

ዋዘና ዓይነቱ ሌሊ ዓይናዳያ ማዓኔ፤

ዬያሮ ሜሌ ዳራ፡-

«ናንጊና ናንጋ ጎዳ ዳኤፒ ባኣዚ ዔያቶም ማዳኔ» ጌዔኔ።

3 ጎኔና ናንጊና ናንጋ ጎዳ ሚርጌ ዳኤፒ ባኣዚ ኑኡም ማዳኔ፤

ዬያሮ ሚርጌና ኑኡኒ ዋዘዳኔ።

4 ናንጊና ናንጋ ጎዳሢዮ!

ዒራ ዋርቃዘ ደኑሎ ዘሎይዳ ዓኣ

ዓሲ ናንጉዋ ዳውሎም ዲጶ ዋኣጾ ዔኪ ሙካ ዋርጉዲ

ኑ ባኮ ኑኡም ማህ ዒንጊ ዋንዴ ኑ ዓኣ ጎይጾ ማህ።

5 ዬኤኪ ዬኤኪ ዜርቁ ዓሳ

ዋዘና ዒላሺ ዒላሺ ማኣሎ ቡራንዳኔ።

6 ዜርዖ ዔኪ ዳንዳኣና ዩኤኬ ዓሳ
ናኣሮ ኬዲ ዎዛና ማዒ ሙካንዳኔ።

127

ጂዮኔ ኬዘ ዓይነቱ ሴሎሞኔ ዓይናዳህ

ጾኦሲኮ ኮሹሞሮ ጋላቲንቴ ጋላታ

1 ናንጊና ናንጋ ጎዳ ኬኤህ ማዢባኣንቴ
ማኣሮ ማዢኔ ጋዓ ዓሳ ለባህ ጉሪኬ።

ናንጊና ናንጋ ጎዳ ካታሞ ካፒባኣንቴ
ካታሞ ካፓኔ ጋዓ ዓሳ ጉሪ ለባኔ።

2 ጉቴ ዲቡርታ ዔቁ
ጊንሣ ሃሃ ዒባኒ ለሆንዶ ዎዶ ዓኣህ
ሳጾይዳ ዓኣ ናንጎሮ ለቢፃ ጉሪኬ።

ናንጊና ናንጋ ጎዳ
ዒዚ ናሽካ ዓሶሞ ሃውሾ ዒንጋኔ።

3 ናይ ናንጊና ናንጋ ጎዳ ዒንጋ ባኣዚኬ፤
ጎኔ ፒዜ ማዔ ዓንጅኬ።

4 ዓሲ ዳጌ ዓኣጾ ሾዓ ዓቲንቁ ናይ
ጾዘ ዓሲኮ ኮሽካ ዓኣ ሂኢሺጉዴያኬ።

5 ካቲላ ዩያጉዴ ሂኢዢና ኩሜ ዓሲ
ጎኔና ባሊቲ ዓኣ ዓሲኬ፤

ፔ ሞርኮና ዎላ ካታሞ ጌሎ ካራ ማርማኣና
ባሽንቲ ቦርሲንቱዎያኬ። *

128

ጂዮኔ ኬዘ ዓይነቱ

ጾኦሲሞ ዓይህንቲና ጴዳ ዓንጅ

1 ናንጊና ናንጋ ጎዳ ዒጊጫዞንህና
ዓይህጾዎ ካፓዞንህ ዓንጅንቲያኬ።

2 ኔ ማዲ ለቤ ጮጋጮ ኔኤሲ ኔኤኒ ሙዓንዳኔ፤
ኔ ዓንጅንታንዳኔ፣ ዔኤቢ ቢያ ኔኤሞ ጊኢጋንዳኔ።

3 ኔኤኮ ለኣሌላ ማኣሮይዳ ዓሚ ካፃ ዎይኔ ማዓንዳኔ፤
ኔኤኮ ናኣታኣ ካሦ ሙዶ ጎንጎ ዓጮይዳ

ፕሪ ኬሰኬ ዛይቶ ሪሚቶ ናኣቶጉዲ ማዓንዳኔ።

* 127:5 127:5 ዬና ዎዶና ማዲንታ ጎይዎ፡- ዬይ ዲቦ ዓቲንቆ ናኣታ ዓዶና ዎላ ዓዶ
ዛሎ ማርማኒ ሙካያ ማዒያ ዔርዛያኬ።

- 4 ናንገና ናንጋ ጎዳ ቦንቸ ዲጊጫ ዓሲ
ያዲ ዓንጃንታያ ማዓንዳኔ።
- 5 ናንገና ናንጋ ጎዳ ጂዮኔፓ ኔና ዓንጃንጎ!
ዩሩሳላሜኮ ምርጎቹሞ ኔ ናንጋ ምዶ ቢያይዳ
ኔና ዳዎንጎ!
- 6 ኔ ናኣቶኮ ናኣቶ ሄላንዳኣና
ኔና ዲዚ ዛገሶንጎ!

ኮሹሞ ዲሰራዔኤሌም ማዎም!

129

ጂዮኔ ኬዘ ዓይነቱ

- ዲሰራዔኤሌኮ ሞርኮፓ ቶላኒ ሺኢቂንቴ ሺኢጲሢ
- 1 ናኣቶፓ ዓርቃዎ ፑርታ ባኣዚ ታና ሄሌኔ፤
ዲሰራዔኤሌ ዓሳ ሂዚ ጎዎንጎ፡-
 - 2 «ታኣኒ ናኣቶ ዓኣንቴ ዓርቃዎ
ታኣኮ ሞርካ ታና ሚጨንቲቃይዶ ዳውሳኔ፤
ጋዓንቴ ታና ዔያታ ባሽባኣሴ።
 - 3 ታኣኮ ዙሎ ዔያታ ዠራፓና ጸርቂ
ጎሺ ጎሽኮማጉዲ ሹኬኔ።
 - 4 ናንገና ናንጋ ጎዳ ቢያ ምዶ ፒዘኬ፤
ዩያቶ ሚጨንቲቹ ፑርቶ ዓሶ ቱኡዛፓ ታና ዲ ቡሌኔ።»
 - 5 ጂዮኔ ዲፃ ዓሲ ቢያ
ቦርሲንቲ ገንሢም ማዎም።
 - 6 ማኣሪ ዑሢዳ ባቃሌ ማኣቲጉዲ
ሃገ ዑጉዎዎ ሹሊ ባይቃያ ማዎም።
 - 7 ዩያጉዳ ማኣታ ምዳ ዓሲኮ ኩጮ ኩሙዎያ
ጌኤቲ ማሂ ቱካኒ ጋዓሢማኣ ኮኣማ ኩሙዎያ ማዎም።
 - 8 ዔያቶኮ ኮይሊና ዴንዳ ዓሲ ቢያ ጂዮኔኮ ሞርኮ፡-
«ናንገና ናንጋ ጎዳ ዲንሢ ዓንጃንጎ!
ኑኡኒያ ናንገና ናንጋ ጎዳ ሱንፆና ዲንሢ ዓንጃኔ!»
ዔያቶ ጋዓዓኬ።

130

ጂዮኔ ኬዘ ዓይነቱ

ያኦሲ ማኣዳንዳጉዲ ሺኢቂንቴ ሺኢጲሢ

- 1 ናንጊና ናንጋ ጎዳሢዮ! ጳጳሪ ያዩሢዳ ዓኣዮ
ኔ ታና ማኣዳንዳጉዲ ኔ ባንሢ ታ ዒላታኔ።
- 2 ጎዳሢዮ! ታ ሺኢቃ ሺኢጲዮ ዋይዜ፤
ኔ ዋያ ታኣኮ ዒላቶ ዋይዛያ ማዖም።
- 3 ኔኤኒ ኩኩኮ ጎሞ ኮጲሳያ ማዔቲ
ያኣኒ ፒዜ ማዒ ማቶ ዔኩዋ ዓታንዳይ?
- 4 ጋዓንቲ ኔና ኩ ቦንቻንዳጉዲ
ኩኩኮ ጎሞ ኔኤኒ ዓቶም ጋዓኔ።
- 5 ታኣኒ ናንጊና ናንጋ ጎዳ ጳቂሢ ካፓኔ፤
ታ ሹምፓሢያ ዒዛ ጊቢ ካፓኔ፤
ዒዛኮ ቃኣሎዋ ታ ጉሙርቃኔ።
- 6 ዛቤ ካፓ ዓሲ ሳዓ ካራንዳጉዲ ኮዓያይዳፓ ባሽ
ታኣኒ ናንጊና ናንጋ ጎዳ ጳቂሢ ካፓኔ።
- 7 ዒሰራዔኤሌ! ዒዛኮ ናሹማ ናንጊና ናንጋያ ማዔሢሮ
ዓሲ ዓውሳኒያ ዋልቄ ዓኣያ ማዔሢሮ
ናንጊና ናንጋ ጎዳይዳ ሃጋ ዋዛ ጌሢ ጉሙርቄ።
- 8 ናንጊና ናንጋ ጎዳ ፔኤኮ ዴሮ ዒሰራዔኤሌ
ዔያቶኮ ጎሞ ቢያይዳፓ ዓውሳያኬ።

131

ዒዮኔ ኬዘ ዓይነቱ ዳውቲ ዓይናዴሢ

- ያኣሲ ጉሙርቂሢ
- 1 ናንጊና ናንጋ ጎዳሢዮ! ታ ዒኖይዳ ያቶርሙዋ ባኣሴ፤
ዓኣፓ ታኣኮ ያቶርሙዋና ዛጌ ጎይሢ ባኣሴ፤
ዒና ታኣኮ ኮይሱዋ ጳኤፓቶ ኮዒባኣሴ፤
ታኣም ሃናኑዋ ባኣዚ ሄላኒ ታ ጨኢዲንቲባኣሴ።
- 2 ዳንሢፓ ጉኡጶ ናይ ዒንዶኮ ዳዳ ሊቶ ጌይ ዴዓሢጉዲ
ታኣኒ ዔኤቢያ ጎውዋዖ ዘቲ ጌዔኔ።
- 3 ዒሰራዔኤሌ! ሃሢፓ ዓርቃዖ ናንጊና ናንጊ ሄላንዳኣና
ናንጊና ናንጋ ጎዳሢ ጉሙርቂ ናንጌ!

132

ዒዮኔ ኬዘ ዓይነቱ

- ጌኤዦ ማኣሮ ዛሎ ዓይናዲንቲ ዓይነቱ
- 1 ናንጊና ናንጋ ጎዳሢዮ!

130:8 130:8 ማቲ. 1:21፤ ቲቶ 2:14።

- ታና ዳውቴያ ማሊ ጳቂሣዎ፤
- ዒዚ ሜታዲ ዓአሄ ሜቶዋ ቢያ ሃዳራ ዋሊፖ።
- 2 ናንጊና ናንጋ ጎዳሢዮ! ኔኤና ዋላ ዒ ጫአቄ ጫአቄሞና
ቢያ ባኮ ዳንዳዳ፣ ያይቆኦቤ ያኦዛሢ፣ ኔኤም
ሂዚ ጌይ ዒ ጫአቄ ናኦቤ ናኦሶ ማሊ ጳቂሣ፡-
- 3-5 «ናንጊና ናንጋ ጎዳሢም ኬኤሢ ታኣኒ ማዠንዳኣና
ቢያ ባኮ ዳንዳዳ ያይቆኦቤ ያኦሲም ማኣሪ ታ ኮሻንዳኣና
ታ ኬኤያ ታኣኒ ጌላዓኬ፤
ታ ዓርሶይዳኣ ታኣኒ ላሃዓኬ፤
ሃውሺ ጊንጾ ጋዓ ባኣዚያ ታ ጊንዓዓኬ።»
- 6 ዔፕራታይዳ ኑ ዓኣዖ
ዒዚ ጫአቄሞ ጫአቄ ሳኣዲኖ ዛሎ ኑ ዋይዜኔ፤
ቀሪያትይዓሪሜይዳ ዬያ ሳኣዲኖ ኑኡኒ ዳንቄ።
- 7 ዬካፓ ኑኡኒ፡- «ናንጊና ናንጋ ጎዳሢኮ ማኣሪ ኑ ዓኣዲም፤
ቶካ ዒዛኮ ሄርቃ ሳዖይዳ ሂርኪ ጌይ ኑ ዒዛም ዘጎም» ጌዔ።
- 8 ናንጊና ናንጋ ጎዳሢዮ!
ኔኤኮ ዋልቆ ፔጋሲ ዔርዛያ ማዔ
ጫአቄሞ ሳኣዲኖና ዋላ ኔኤኒ ሃውሻ ቤዞ
ኔኤኮ ጌኤዠ ማኣሪ ጌሌ።
- 9 ኔኤም ማዳ ቄኤሳ ዲሎ ማዶ ማዶም!
ኔኤም ጉሙርቁንታያ ማዔዘንሢ ዋዛና ኔና ቦንቺ ዓይናዶም!
- 10 ኔ ዓይላሢ ዳውቴ ጋይቲ ጌይጋፓ
ኔኤኒ ካኣታሢኒ ቲሽኪ ዶኦሜሢ ሃሺፖ።
- 11 ናንጊና ናንጋ ጎዳ ዳውቴም
ሂዚ ጌይ ላኣሚንቱዋ ጫአቄሞ ጫአቄ፡-
«ኔ ናኣቶፓ ፔቲሢ ታኣኒ ካኣታሢንዳ፤
- 12 ኔኤኮ ናኣታ ታኣኒ ዔያቶም ጫአቄ ጫአቄሞንታ
ታ ዔያቶ ዓይሢ ባኮንታ ካፒ ኩንሣያ ማዔቲ
ዔያቶኮ ናኣታ ሃሣ ኔና ሄሊሲ
ናንጊና ካኣታዲ ናንጋያ ማዓንዳ።»
- 13 ናንጊና ናንጋ ጎዳ ዲዮኔ ፔኤም ማሂ ዶኦሬ፤
ዒኢካ ማኣሪ ማሂ ናንጋኒያ ኮዔ።
- 14 ሃና ታኣኮ ናንጊና ሃውሺ ናንጎ ቤሲኬ፤
ሃይካ ታኣኒ ናንጋኒ ሚርጌ ኮዔያታሢር
ሃኖ ቤዞ ታ ማኣሪ ታኣኒ ማሂ።

132:10 132:10 2ዖኦሲ. ዓሃኬ 6:41-42። 132:11 132:11 2ሳሙ. 7:12-16፤
1ዖኦሲ. ዓሃኬ 17:11-14፤ ዓይኑ. 89:3-4፤ ዳኪ. ማዶ 2:30።

- 15 ጂዮኔ ታ ኮሺ ዑሣ ዓአሢ ዓንጀንዳኔ፤
ማንቆ ዓሶ ሙኡዚ ታኣኒ ሚሻንዳኔ።
- 16 ቄኤሶ ታኣኒ ዳቁንታ ማኦገጉዲ ማይሳንዳኔ፤
ዒኢካ ናንጋ፣ ጉሙርቁንታ ዓሳኣ ዎዛና ዓይናዳንዳኔ።
- 17 ዳውቲ ዜርፃፓ ካኣቲ ማዓያ ታኣኒ ኬሳንዳኔ፤
ታኣኒ ዶኦሚ ካኣታሣሣሞ ዴኤፒ ዎልቄ ታ ዒንጋንዳኔ።
- 18 ዒዛኮ ሞርኮ ታኣኒ ቦርሲንቲ ዓፒላንቲኖ ማይሳንዳኔ፤
ጋዓንቲ ዒዛኮ ቶኦካ ታኣኒ ዓጋንዳ ቦንቾ ባካ ዓኣፓ ዲካያ
ማዓንዳኔ።

133

ጂዮኔ ኬዘ ዓይነቱ ማጻፈግ ዳውቲ ዓይናዳሣ

ፔቱሞና ናሽኪንቲ ናንጊሢ ዛላ ዓይናዳንቲ ዓይነቱ

- 1 ጾኦሲ ዓሳ ዎላ ፔቱሞና ናንጋዛ
ሚርጌና ኮሺኬ፣ ዎዛሳያኬ።
- 2 ዓኣሮኔኮ ቶኦካ ዎሆዛ
ቡኡጮ ባኣጾና ጌይ
ዓፒሎ ማጨሮ ሄላኒ ሻኣዲ ዴንዳ
ኮሺ ሳውሞ ዓኣ ሪሚቶ ዛይቶ ጉዴያኬ።
- 3 ዬያጉዲ ሃሣ
ሄርሞኔ ዲካፓ ጂዮኔ ጌሚሮ ጎኦባ ጾዳ ጾልኮጉዲኬ፤
ናንጊና ናንጋ ጎዳሢ ባይቁዎያ ማዒ ናንጋ
ኮሺ ናንጊንታ ዓንጀንታ ዒኢካ ማዓንዳጉዲ ዓይሣኔ።

134

ጂዮኔ ኬዘ ዓይነቱ ማጻፈግ

ጾኦሲ ጋላታኒ ዓይናዳንታ ዓይነቱ ማጻፈግ

- 1 ዒንሢ ናንጊና ናንጋ ጎዳሞ ማዳ ዓይላ
ዲሞና ጌኤዢ ማኣራ ዔቄ ዒዛሞ ማዳ ዓሳ ቢያ
ሃኒ ዬይ ናንጊና ናንጋ ጎዳ ጋላቱዎቲ።
- 2 ጌኤዢ ማኣራደዳ ኩጮ ዒንሢኮ ሌካ ዔቄሲ
ናንጊና ናንጋ ጎዳሢ ጋላቱዎቲ።
- 3 ጮሪጌጮና ሳጾና ማዢ፣ ናንጊና ናንጋ ጎዳሢ
ጂዮኔፓ ዒንሢ ዓንጀንታ!

135

ጋላታ ዓይኑም

1 ናንጊና ናንጋ ጎዳ ጋላቱዋቴ!

ዒንሢ፥ ናንጊና ናንጋ ጎዳኮ ዓይላ
ዒዛኮ ሱንፆ ቦንቺ ጋላቱዋቴ።

2 ኑ ጾአዛሢኮ ጌኤዠ ማእሮይዳ
ናንጊና ናንጋ ጎዳኮ ማእሮ ጋሮይዳ
ሙኪ ዔቁ ማዳ ማዳ ዓሳ ዒዛ ጋላቱዋቴ።

3 ዒዚ ኮሺ ማዔሢሮ ናንጊና ናንጋ ጎዳ ጋላቱዋቴ፤
ዒዚ ሚጩንታያ ማዔሢሮዋ ሱንፆ ዒዛሲ ቦንቺ ዓይናዳዋቴ።

4 ዒዚ ያይቆኦ ፔኤም ማሂ
ዒሰራዔኤሌ ፔ ሚኢሺ ማሂ ዶኦሬ።

5 ናንጊና ናንጋ ጎዳ ዴኤፒታሢ
ኑ ጎዳ ሚሌ ጾአዘፓ ቢያ ባሻያ
ዴኤፒ ጾኦሲ ማዔሢ ጎ ዔራ።

6 ናንጊና ናንጋ ጎዳ ጩሪንጮይዳ ሳዖይዳ
ዬያጉዲ ዴኤፖ ባዘይዳ
ኮይሴ ባአዚ ቢያ ዒ ማማዳያኬ።

7 ዒርዚና ዓአ ሻአሬ ሳዖኮ ጋፓፓ ዔኪ ዬዓኔ፤
ዒራ ዋርቃአና ዜኤሊንሢ ዒዚ ዜኤሊንሢ፤
ዠባሮዋ ፔ ኮናፓ ኬሲ ዳካ።

8 ጊብፄ ዓጮይዳ ዓሶንታ ቆሎንታኮ
ቶይዶ ናአቶ ዋዳሢ ዒዛኬ።

9 ጊብፄ! ኔ ጊዳ ኔኤኮ ካአቲንታ
ዒዛም ማዳ ዓሶ ቢያሢዳ ሜቶ ዓጋኒ
ፔ ዋለቆና ማዳንታ ባአዚንታ
ዲቃሢ ሄርሺሳ ባአዚ ናንጊና ናንጋ ጎዳ ዳኬ።

10 ዒዚ ሚሌ ሚርጌ ዴሬ ዋዲ ኩርሴኔ፤
ዴኤፖ ዴኤፖ ካአቶዋ ዋዴ።

11 ዓሞራ ዓሶ ካአቲ ሲሆኔ
ባአሳአኔ ዓሶ ካአቲ ጾኦጌ
ካአናኔ ዓጮ ካአቶዋ ቢያ ዒዚ ዋዴ።

12 ዬያቶ ዓሶኮ ሳዖ ፔ ዴሮ ዒሰራዔኤሌም
ዴኔ ማሂ ዒዚ ዒንጌ።

13 ናንጊና ናንጋ ጎዳሢዮ! ሱንፆ ኔኤኮ ናንጊና ናንጋያኬ፤
ዋዶና ዋዶና ኬሰካ ዓሳ ቢያ ኔና ዋሉዋ ጾቂሣንዳ።

- 14 ናንጊና ናንጋ ጎዳ ፔ ደሮሞ ፒዜ ዎጌ ዎጋኔ፤
 ዒዛም ማዳ ዓይሎማኦ ሚጨንታኔ።
- 15 ሜሌ ደሮኮ ያኦዛ
 ቢራ ዓንጊና ዎርቄናይዳፓ ዲይ ኮሾናያኬ።
- 16 ዬያ ያኦዛኮ ዳንጋ ዓኦፖ ጌሰቱዎያ
 ዓኦፒ ዓኦፖዎ ደንቁዎያኬ።
- 17 ዎይዚያ ዓኦኔ፥ ጋዓንቴ ዎይዙዎሴ፤
 ፔ ሲኢዶና ዑኡሲ ዔካኒ ዳንዳዑዎያኬ።
- 18 ዬያቶ ኮሾ ዓሶንታ ጉሙርቃ ዓሳኦ ቢያ
 ዬያቶ ያኦዛጉዲ ማዒ ዓቶንጎ።
- 19 ዒሰራዔኤሌ ደሬዮቱ!
 ናንጊና ናንጋ ጎዳ ጋላቱዎቱ፤
 ዒንሢ፥ ናንጊና ናንጋ ጎዳም ማዳ ቄኤሳ!
 ናንጊና ናንጋ ጎዳሢ ጋላቱዎቱ።
- 20 ዒንሢ ሌዊ ዓጸ ማዔ ዓሳ!
 ናንጊና ናንጋ ጎዳ ጋላቱዎቱ፤
 ዒንሢ፥ ናንጊና ናንጋ ጎዳሢ ሰንቻ ዓሳ ቢያ ዒዛ ጋላቱዎቱ።
- 21 ናንጊና ናንጋ ጎዳ ዪዮኔይዳ ጋላቱዎቱ፤
 ዒዚ ናንጋ፥ ዬሩሳላሚይዳኦ ጋላቱዎቱ።

ናንጊና ናንጋ ጎዳ ጋላቱዎቱ!

136

ጋላታ ዓይነቱ

- 1 ዒዚ ኮሾ ማዔሢሮ ናንጊና ናንጋ ጎዳ ጋላቱዎቱ፤
 ዒዛኮ ሚጨንታኖ ናንጊና ናንጋያኬ።
- 2 ያኦዛኬ ጌይ ካኦሽኮ ባኮይዳፓ ቢያ ባሾ ማዔ ያኦዛሢ ጋላቱዎቱ፤
 ዒዛኮ ሚጨንታኖ ናንጊና ናንጋያኬ።
- 3 ጎዳቶኮ ቢያ ጎዳ ማዔ ያኦዛሢ ጋላቱዎቱ፤
 ዒዛኮ ሚጨንታኖ ናንጊና ናንጋያኬ።
- 4 ዒዚ ፔኤሮ ሌሊ ዳኤፒ ዲቃሢ ሄርሺሳ ባኦዚ ማዳኔ፤
 ዒዛኮ ሚጨንታኖ ናንጊና ናንጋያኬ።
- 5 ዒ ፔ ዔራቶና ጫሪንጮ ማኾኔ፤
 ሚጨንታኖ ዒዛኮ ናንጊና ናንጋያኬ።

136:1 136:1 1ያሲ. ዓሃኬ 16:34፤ 2ያሲ. ዓሃኬ 5:13፤ 7:3፤ ዒዚ. 3:11፤ ዓይኑ. 100:5፤ 106:1፤ 107:1፤ 118:1፤ ዔ.ር. 33:11። 136:5 136:5 ማኾ. ማግ 1:1።

- 6 ደኤግ ዋእገይዳ ሳጾ ቦኦኮልቁ ዒዚ ደቄኔ፤
ሚጨንቲፃ ዒዛኮ ናንጊና ናንጋያኬ።
- 7 ደኤግ ደኤግ ጫሪንጮ ፖጾ ዒ ማዠኔ፤
ሚጨንቲፃ ዒዛኮ ናንጊና ናንጋያኬ።
- 8 ዓቢ ርኦራ ፖጻንዳጉዲ ዓይሣኔ፤
ሚጨንቲፃ ዒዛኮ ናንጊና ናንጋያኬ።
- 9 ዓጊኖንታ ዠኦጋሣንታ ዲማ ፖጻንዳጉዲ ዓይሣኔ፤
ሚጨንቲፃ ዒዛኮ ናንጊና ናንጋያኬ።
- 10 ጊብፄ ዓጮ ዓሶኮ ቶይደ ናኦቶ ዒ ዎዳኔ፤
ሚጨንቲፃ ዒዛኮ ናንጊና ናንጋያኬ።
- 11 ዒሰራዔኤሌ ዳሮ ጊብፄ ዓጫፓ ዒዚ ዔኪ ኬሴኔ፤
ሚጨንቲፃ ዒዛኮ ናንጊና ናንጋያኬ።
- 12 ዒዛኮ ዎልቁ ዓኦያ፣ ሃሣ ቢታንቶ ዓኦያ ማዒጾና ዬያይዳኔ፤
ሚጨንቲፃ ዒዛኮ ናንጊና ናንጋያኬ።
- 13 ዞቄ ባዞ ዒዚ ፓቄኔ፤
ሚጨንቲፃ ዒዛኮ ናንጊና ናንጋያኬ።
- 14 ዒሰራዔኤሌ ዓሶ ባዞኮ ባኦኪና ዳኬኔ፤
ሚጨንቲፃ ዒዛኮ ናንጊና ናንጋያኬ።
- 15 ጊብፄ ካኦቲንታ ጾሎ ዓሶንታ ዞቄ ባዞ ዱኡኬኔ፤
ሚጨንቲፃ ዒዛኮ ናንጊና ናንጋያኬ።
- 16 ፔኤኮ ዳሮ ዓሰ ናንጉዎ ዳውላ ዔኪ ሃንቴኔ፤
ሚጨንቲፃ ዒዛኮ ናንጊና ናንጋያኬ።
- 17 ደኤግ ደኤግ ካኦቶ ዒ ዎዳኔ፤
ሚጨንቲፃ ዒዛኮ ናንጊና ናንጋያኬ።
- 18 ዎልቆና ዓኦ ካኦቶ ዲርካቺ ባይዜኔ፤
ሚጨንቲፃ ዒዛኮ ናንጊና ናንጋያኬ።
- 19 ዓሞራ ዓሶ ካኦቲ፣ ሲሆኔ ዒዚ ዎዳኔ፤
ሚጨንቲፃ ዒዛኮ ናንጊና ናንጋያኬ።
- 20 ባኦሳኔ ዓሶ ካኦቲ፣ ጾኦኔ ዒ ዎዳኔ፤
ሚጨንቲፃ ዒዛኮ ናንጊና ናንጋያኬ።
- 21 ዬያ ዓሶኮ ሳጾ ቢያ ፔ ዳሮሞ ዳኔ ማሂ ዒንጌኔ፤
ሚጨንቲፃ ዒዛኮ ናንጊና ናንጋያኬ።
- 22 ፔ ዓይላሣ ዒሰራዔኤሌ ዒዚ ዳካልሴኔ፤
ሚጨንቲፃ ዒዛኮ ናንጊና ናንጋያኬ።

136:6 136:6 ማዠ. ማጻ 1:2። **136:9** 136:9 ማዠ. ማጻ 1:16። **136:10**
 136:10 ኬሲ. ማጻ 12:29። **136:11** 136:11 ኬሲ. ማጻ 12:51። **136:15**
 136:15 ኬሲ. ማጻ 14:21-29። **136:19** 136:19 ፓይ. ማጻ 21:21-30።
136:20 136:20 ፓይ. ማጻ 21:31-35።

- 23 ያሎና ኑ ባሺንቴያና ኑና ዒ ዋሊ ሃሺባኣሴ፤
ሚጨንቴፃ ዒዛኮ ናንጊና ናንጋያኬ።
- 24 ኑ ሞርኮ ኩጫፓ ቶሊሲ ኑና ዒዚ ዓውሴኔ፤
ሚጨንቴፃ ዒዛኮ ናንጊና ናንጋያኬ።
- 25 ማዢንቴሞ ቢያ ሙኡዚ ዒዚ ዒንጋኔ፤
ሚጨንቴፃ ዒዛኮ ናንጊና ናንጋያኬ።
- 26 ጫሪንጮ ያኣዛሢ ጋላቴዎቴ፤
ሚጨንቴፃ ዒዛኮ ናንጊና ናንጋያኬ።

137

ዲዒንቴ ዴንዲ ዓኣ ዒሰራዔኤሌ ዓሶኮ ዩኤፖ

- 1 ኑኡኒ ባብሎኔ ዎሮ ዓጫ ዴዒ
ዲዮኔ ማሊ ጳቂሃዎ ዩኤኬኔ።
- 2 ዒኢካ ዓሃይያ ጌይንጎ ሚያ ዑፃ
ጎኦኦ ኑኡኮ ኑ ሱፂ ሃሺኔ።
- 3 ኑና ዲዒ ዔኪ ዴንዲ ማታሳ ዓሳ
ዓይኑሞ ዓይናዲ ኑ ዔያቶ ዎዛሳንዳጉዲ
«ዲዮኔይዳ ዒንሢ ዓይናዳ ዓይኑሞፓ ፔቴ ሂንዳ ዓይናዲዎቴ»
ጌዔኔ።
- 4 ናንጊና ናንጋ ጎዳ ቦንቹ ዓይናዳ ዓይኑሞ
ዓሲ ዓጨዳ ዴይ ዎይቴ ኑ ዓይናዳንዳይ?
- 5 ዩሩሳላሜ! ኔና ታ ዋሌያ ማዔቴ
ታኣኮ ጎኦኦ ዎርቃ ሚዛቆ ኩጫ ዞዲ ዓቶም።
- 6 ዩሩሳላሜ! ታ ኔና ጳቂሁዎዎ ዓቲ፥ ጊንሣ ሃሃ
ታና ጋፒንሢ ዎዛሳያ ማዓሢ ኔና ማሂ ታ ዔኪባኣቴ
ዒንዲርዛ ታኣኮ ሆንጎላሢና ዎላ ዓዲንቶም።
- 7 ናንጊና ናንጋ ጎዳሢዮ! ዩሩሳላሜ ዓዲንቴ ዓቦና
ዔደኦሜ ዓሳ ማዳ ባኮ ማሊ ጳቂሢ፤
«ሹጮና ኬልቆና ዲያ ፃጳፓ ቴጊ ደይሱዎቴ!» ጌይ
ዔያታ ዒላቴ ዒላቶ ጳቂሢ።
- 8 ባብሎኔ! ኔኤኒ ሻሂንቴ ባይቃንዳኔ፤
ኔኤኒ ኑጊዳ ማዳ ጌኖ ማዳ ቢያሢ ዛሎ
ኮሞ ኮፃሢ ጋላቴንቴያኬ።
- 9 ኔኤኮ ናኣቶ ዔኪ ዔኪ
ላሎ ሹጮይዳ ጳዲሲ ዳኣፃሢ ጋላቴንቴያኬ።

137:8 137:8 ዮሃ. ያፔዳ 18:6።

138

ዳውቴ ዓይነቱ

ጋላታ ሺኢጲሢ

- 1 ናንጊና ናንጋ ጎዳሢዮ! ጉቤ ዒኔፓ ታ ኔና ጋላታኔ፤
 ሜሌ ያኦዛ ዛጋንቴ ኔኤም ታኣኒ ጋላታ ዓይነቱም ዓይናዳኔ።
- 2 ኔኤኮ ናንጊና ናንጋ ናሹሞንታ ፒዙሞንታ
 ኔኤኮ ሱንፆ ዳኤፑሞንታ፥ ሃሣ ኔ ዓይሢያ ፑኤፑሞንታ
 ፔጋሲ ኔኤኒ ታኣም ዳዌሢሮ
 ኔኤም ዱማዴ ኔኤኮ ጌኤዦ ማኣሮ ባንሢ ሺሪ
 ሂርኪ ጌይ ዘጊ ዘጊ ታ ኔና ጋላታኔ።
- 3 ታ ኔና ዔኤላዛ ኔ ታኣኮ ሺኢጲያ ዋይዜኔ፤
 ኔ ዶዶሞና ኔኤኒ ታና ዶዶሼኔ።
- 4 ናንጊና ናንጋ ጎዳሢዮ!
 ኔ ጌዔ ቃኣሎ ዔያታ ዋይዜሢሮ
 ዓጮ ካኣታ ቢያ ኔና ጋላታኔ።
- 5 ኔ ማዴ ባኮ ቢያሢንታ
 ኔኤኮ ዳኤፖ ቦንቾንታሮ
 ዓይናዳ ዔያታ ዳኤፒሳኔ።
- 6 ኔኤኒ ሌካ ዳጌ ቤዛ ዓኣያ ማዔቴያ
 ሂርኪ ማዔ ቦሂንቴዘንሢ ኔ ዛጋኔ፤
 ያቶሮ ዓሶ ሃኬ ዓኣ ቤዛ ዓኣያ ኔኤኒ ዔራኔ።
- 7 ታኣኒ ሜቶኮ ባኣኮ ጌሌቴያ
 ኔኤኒ ሸምፔና ታና ጌሣኔ።
 ዳጋዲ ታጊዳ ዔቄ ሞርኮ ኔኤኒ ማካኔ፤
 ኔኤኮ ዳኤፖ ዋልቆና ኔ ታና ዓውሳኔ።
- 8 ናንጊና ናንጋ ጎዳ ታኣም ማሌ ማሊያ ኩንሣንዳኔ፤
 ናንጊና ናንጋ ጎዳሢዮ! ኔኤኮ ናሹማ ናንጊና ናንጋያኬ፤
 ኔ ኩጮና ኔኤኒ ማገፍሢ ዋሊ ሃሺፖ።

139

ዓይነቱ ሱኡጋሢ ዓይሣ ጎይያ ዓይናዲንታ ዳውቴ ዓይነቱ

- ያኦሲ ቢያ ዋዴ ዑኬ ማዒያ
- 1 ናንጊና ናንጋ ጎዳሢዮ! ኔ ታና ሙሪ ዛጊ ዔራኔ።
- 2 ታኣኒ ደዓኣና ማዖም ዔቃኣና ኔ ታና ዔራኔ፤
 ታኣኮ ማሊያ ሃኬ ዓኣያ ኔኤኒ ዔዔራኔ።
- 3 ታ ሃንታ ቤዘንታ ዳይ ሃውሻ ቤዘ ኔ ዋሉዋሴ፤

- 4 ታ ማዲ ሃንታ ባኮ ቢያ ኔ ዔራኔ።
4 ናንጊና ናንጋ ጎዳሢየ! ታኣኒ ሃጊ ከኤዛንዳሢኮ ቤርታ
ታ ዋዚ ጋዓኒ ጋዓቴያ ኔ ዔራኔ።
- 5 ታ ኮይሎይዳ ቢያ ኔኤኒ ዓኣኔ፤
ኔ ኩጮና ጎኦቢ ፑርታፓ ኔ ታና ካፓኔ።
- 6 ኔኤኮ ዔራታ ኮሺ ጨሊል ጋዓያኮ፤
ታኣኒ ማሊ ጸቂሢ ዔራንዳሢኮ ዑሣኮ።
- 7 ዓንኮዋ ታ ዓኣዲ ኔኤፓ ቶላኒ ዳንዳዑዋሴ፤
ኔ ቤርታፓ ዓንኮዋ ታ ዳንዲ ፑናንዳ ቤሲ ባኣሴ።
- 8 ጫሪንጮ ታ ከሰከቶ ኔኤኒ ዒኣካ ዓኣኔ፤
ሳዖ ዳሞ ዓሶ ኮይላ ታኣኒ ጌሌቴያ ኔ ዒኣካኮ።
- 9 ዓባ ከሰካ ባንዖ ታኣኒ ባራኒ ዳንዳቴያ
ባዘ ዴኤፖ ሶፒ ዳንዲ ታ ናንጌቴያ።
- 10 ዒኣካ ኔ ዓኣያ ማዒ ኔ ኩቻ ኔ ታና ጎቹ ሃንቲሳኔ፤
ኔኤኮ ማዘቆ ኩጮና ኔ ታና ደዲሺ ዓርቃኔ።
- 11 ታኣኒ፡- «ዲማ ታና ዓኣቹ ዓይሳንዳኔ፤
ታ ኮይላ ዓኣ ፖዓ ዲሞንጎ» ጌዔቴያ።
- 12 ዲማ ኔኤኮ ዓኣፖ ዳንቂ ላኣጉዋሴ፤
ዲማ ኔ ኮይላ ሮኦሪጉዲ ፖዓኔ፤
ኔ ኮይላ ዲሚንታ ሮኦሪንታ ዲማዲሞያኮ።
- 13 ታና ጉቤና ማዢሢ ኔናኮ፤
ታ ዒንዶ ጎጶ ታ ዑዖ ዋላ ካንሢ ማዢሢ ኔናኮ።
- 14 ዲቃሢ ሄርሺሳ ጎይሢና ታ ማዢንቴሢር ታ ኔና ጋላታኔ፤
ኔኤኮ ማዲ ቢያ ሄርሺሲ ዲቃሢያ ማዔሢ ጋፒ ታኣኒ ዔራኔ።
- 15 ጴዲሞያ ማዔ ዓኣሺንቴ ቤዛ ታ ማዢንቴያና
ሳዖ ዳሞ ማዔ ቤዘይዳኣ ታ ዑፃ ፔቴይዳ ዋላ ካንሢንቴያና
ታ ዑፃ ኔ ዓኣፓፓ ዓኣቹንቴ ማዢንቴያቴዋሴ።
- 16 ታ ዒንዶ ጎጶ ታኣኒ ሱጉሢ ዓኣንቴ ኔ ታና ዳንቂኔ፤
ታኣሞ ጎዖ ኮላ ሃጊ ፔቴ ጌይ ዓርቂንቴዋንቴ
ኔኤኮ ማዢጋቢይዳ ፃኣፒንቴ ዳዔኔ።
- 17 ዖኦሲዮ! ኔ ታኣሞ ማላ ማሊፃ ኮሺ ዴኤፒኮ፤
ፓይዳኣ ኮሺ ዲባያኮ።
- 18 ኔ ታኣሞ ማላ ማሊፃ ፓይዲንቴቴ
ባዚ ዓቹ ማኣሻላፓ ባሻያኮ፤
ታኣኒ ጊንዒ፣ ጊንሣ ጴጫኣናኣ
ሃይሾ ኔ ታ ኮይላ ዓኣ ጎይሣኮ።
- 19 ዖኦሲዮ! ፑርቶ ዓሶ ባይዜቴራ!

- 20 ዓይኑህ ሃይ፥ ሱጉያ ዳኤቤ ዓሳ ታ ኮይላፓ ባይቁዋቴ!
- 20 ዓይኑ ትኤም ፑርታ ጌኤሲ ጌሰታኔ፤
ኔኤኮ ሞርኬ ማዒ ኔ ሱጉያ ፑርቲሲ ዓይኑታ ደንካኔ።
- 21 ናንጊና ናንጋ ጎዳሢዮ! ኔና ዒፃ ዓሶ ዒናፓ ታ ዒፃዓዳ?
ኔኤም ጌኤታዳ ዓሶ ኮሺ ታኣኒ ሻኣከንታዓዳ?
- 22 ጉቤ ዒናፓ ጋፒ ታ ዓይኖ ዒፃኔ፤
ታ ሞርኬ ማህ ታ ዓይኖ ዘጋኔ።
- 23 ያኦሲዮ! ታና ሙሪ ዘገ፥ ታ ዒኖ ዳንቄ፤
ታ ዋዘምታቴያ ዘገ፥ ታ ሜታዲ ማላ ማሊያ ዔሬ።
- 24 ፑርታ ጎይሢ ማላ ዒኔ ታኣኮ ዓኣቴ ዘገ ዳንቄ፤
ናንጊና ናንጋ ጎይፆ ታ ዓኣዳንዳጉዲ ታና ዳቆ።

140

ዓይኑም ሱኡጋሢ ዓይህ ጎይፆ ዓይናዲንታ ዳውቴ ዓይኑም

- ፆኦሲ ማኣዳንዳጉዲ ሺኣቂንታ ሺኣጲሢህ
- 1 ናንጊና ናንጋ ጎዳሢዮ! ፑርቶ ዓሶፓ ታና ዓውሴ፤
ጌኖ ማዳ ዓሶ ኩጫፓኣ ታና ቶሊሴ።
- 2 ዓይኖኮ ዒና ፑርታ ማዳንዳያ ማሊ ቱካኔ፤
ቢያ ዋዴ ዑራ ሌሊ ዓይኑታ ማኸኔ።
- 3 ዓይኖኮ ዒንዲርዘ ፑርታ ሾኦሺጉዲ ዳዳዓያኬ፤
ዓይኑታ ደንጋፓ ኬሳ ባካ ዶርባ ሾኦሺ ማርኬኬ።
- 4 ናንጊና ናንጋ ጎዳሢዮ! ፑርቶ ዓሶ ኩጫፓ ታና ዓውሴ፤
ታኣኮ ቶኮ ቡኡዳኒ ማላ ጌኖ ዓሶፓ ቶሊሴ።
- 5 ያቶሮ ዓሳ ፒሮ ታኣም ዓኣቺ ፒሬኔ፤
ፒሮ ሱሲ ታና ቡኡዳኒ ዓይኑታ ታ ቤርታ ዋሄኔ፤
ፒራሢና ታና ዓይህኒ ታኣኒ ሃንታ ጎይፆ ዓይኑታ ፒሬኔ።
- 6 ናንጊና ናንጋ ጎዳሢዮ፥ «ታኣኮ ኔኤኒ ያኦሲኬ» ታ ጋዓኔ፤
ናንጊና ናንጋ ጎዳሢዮ! ታ ኔና ሺኣቂ ዒላታ ዒላቶ ዋይዜ።
- 7 ዋልቄና ዓኣያ ማዒ ታና ዓውሳ
ናንጊና ናንጋ ታ ጎዳ ማዒ ያኦዘሢዮ!
ያሎ ዓሶና ጊቲማ ማዒ ሂኣዢ ታና ዓይዲዋጉዲ ቃዜ።
- 8 ፑርቶ ዓሶም ዓይኑታ ኮዓ ባኮ ዒንጊፖ፤
ዓይኑታ ማሊ ቱካ ቱኡዘ ዓይኖም ሃኒሲፖ።
- 9 ታና ማንጌ ታ ሞርካ ታና ባሻንዳጉዲ ማህፖ፤
ዓይኑታ ማዳኒ ማላ ጌኖ ማዳ ዓይኖ ባንሢ ሸርሼ።
- 10 ታሚ ቁንሢ ዓይኖ ዑፃ ኬደም፤

140:3 140:3 ርጫ 3:13።

- ዩካፓ ዔያታ ቶሊ ኬሰኩዋጉዲ ታሚዳ ዓገንቶም፤
ኮሺ ዔታዲያ ቶርጴ ዓኣ ዔቴይዳ ኬኤሪንቶም።
- 11 ሉኡዙሞና ዓሲ ፑሸኪ ሃንታ ዓሲ ሳፆይዳ ናንጎ፤
ጌኔ ማዳ ፑርቶ ዓሶ ፑርታ ባኣዚ ኬሚ ባባይዘም።
- 12 ናንገና ናንጋ ጎዳሢዮ! ማንቆ ዓሶም ፒዜ ዎጌ ኔ ዎጋሢንታ
ሄርቁንቲ ዎይሢያና ማታዳ ዓሶ ዛሎ ኔ ሞኦታሢ ታ ዔራኔ።
- 13 ኮዦ ዓሳ ጎኔና ኔና ጋላታኔ፤
ኔ ዓኣ ቤዘይዳ ኔኤና ዎላ ዶዲ ዔያታ ናንጋንዳኔ።

141

ዳውቴ ዓይነቱ

- ፆኦሲ ዓውሳንዳጉዲ ሺኢቁንታ ሺኢጲሢ
1 ናንገና ናንጋ ጎዳሢዮ! ታ ኔ ዎይዘም ዒላታኔ፤
ኔጉዎፆ ዑኩና ታና ማኣዳ፤
ታኣኒ ኔ ዎይዘም ዒላታሢ ዎይዜ።
- 2 ታኣኒ ሺኢቃ ሺኢጲፆ ዑንጃ ኔኤም ጨቢሸያጉዲ
ኔ ባንሢ ዔቁሳ ኩጫኣ ዒባናኣና ዒንጎ ዒንገገፆጉዲ ማፆም።
- 3 ናንገና ናንጋ ጎዳሢዮ! ታ ዳንጎ ካፓ ዓሲ ጌሢ፤
ታ ሙሱርዎ ቃዛንዳ ዓሲ ዔቁሴ።
- 4 ፑርቶ ዓሶና ዎላ ፑርታ ማዶ ታ ማዲዎጉዲ
ታኣኮ ዒኖ ፑርቱሞ ባንሢ ማሊሲፖ፤
ዔያቶና ዎላ ዴይ ሙዎ ሙኡዚያ ታና ሙዒሲፖ።
- 5 ዲሎ ዓሲ ታና ፀንቆንጎ፣ ዬይ ታና ሚጨንቲሢኬ፤
ዒዚ ታና ጎርንጎ፣ ዬይ ታ ቶኣኮ ፆይሲና ቲሸኪሢኬ፤
ጋዓንቲ ታ ቢያ ዎዴ ፑርቶ ዓሶ ማዶ ማኪ ማኪ ሺኢቃኔ።
- 6 ሱኡጋ ዔያቶኮ ዴኤፖ ላሎ ማጋ ኬኤሪንታኣና
ታ ጋዓ ባካ ጎኔታሢ ዔያታ ዔራንዳኔ።
- 7 ሳዓ ጎሸኪንታኣና ቦኪ ቡርሺንታሢጉዲ
ዔያቶኮ ማጌፆ ዴኡፖ ካራ ካራ ዜርቁንታንዳኔ።
- 8 ናንገና ናንጋ ጎዳ ማዔ ታ ፆኣዛሢዮ!
ታኣኒ ጋዓንቲ ኔና ጉሙርቁፆ ሃሻዓኬ፤
ኔ ታና ዓኣቻንዳጉዲ ታ ኮዓሢር ሃይቆም ጌይ ታና ሃሺፖ።
- 9 ዔያታ ዓኣቺ ፒሬ ፒራሰካፓ ታና ቶሊሴ፤
ፑርቶ ማዳ ዓሶኮ ዲቃሰካፓ ታና ዓይሴ።
- 10 ታኣኒ ኮሺና ፆኣኪ ዴንዳዛ

ፑርቶ ዓሳ ዔያታ ፒሬ ፒራሰካ ፔኤሮ ዓዲንቶንጎ።

142

ዳውቴ ዴኖ ዔቶይዳ ዓኣ ዎደና ዔራቶና ካላሌ ካላሎ

ጾኦሲ ማኣዳንዳጉዲ ሺኢቆ ሺኢጲሢሢ

1 ዑኡዞ ታኣኒ ዴጊዲ ናንጊና ናንጋ ጎዳ ዎይዞም ዒላታኔ፤

ታና ዒዚ ሚጨንታንዳጉዲ ታ ሺኢቃኔ።

2 ታ ዒዛ ሃዳርሳ ባኮ ቢያ ዒዛ ቤርቶ ሺኢሻኔ፤

ሜቶዎ ታኣኮ ቢያ ታ ዒዛም ኬኤዛኔ።

3 ዒና ታኣኮ ጋፒ ያያኒ ዑካኣና

ታኣኒ ዓይጎ ዎዳኒ ኮይሳቴያ ዒዚ ዔዔራኔ፤

ታኣኒ ዴንዳ ጎይያይዳ

ሞርካ ታኣም ፒሮ ዓኣቹ ፒሬኔ።

4 ኮይሎ ታ ሺሪ ዛጋንቴ ታና ዓኣቻንዳ ካይዚ ባይቄኔ፤

ፔቴታዎ ታና ማኣዳ ዓሲ ባኣያ ማዔኔ፤

ታና ካፓያና ታ ዛሎ ሂርጋ ዓሲያኣ ባኣሴ።

5 ናንጊና ናንጋ ጎዳሢዮ! ኔኤኒ ታና ማኣዳንዳጉዲ

ታኣኒ ኔ ባንሢ ዒላታኔ፤

ናንጊና ናንጋ ጎዳሢዮ! ኔኤኒ ታኣኮ ፑኖ ካያሢኬ፤

ሺምፖና ዓኣ ዓሳ ናንጋ ዓጮይዳ ታኣኮ ዓኣያ ማዔሢ ኔናኬ።

6 ታኣኒ ጋፒ ዎዛ ቲቁ ዴዔሢሮ

ኔ ታና ማኣዳንዳጉዲ ኔ ባንሢ ታ ዒላታሢ ዎይዜ፤

ዑሣ ዓኣጴ ታኣም ዔያታ ዎልቃጴሢሮ ታ ሞርኮፓ ታና ዓውሴ።

7 ታኣኒ ኔና ጋላታንዳጉዲ ሃያ ቴኡዛፓ ታና ቡሌ፤

ኔኤኒ ታኣም ማጴ ኔኤኮ ኮሹሞ ማጴ ዛጋዎ

ጂሎ ዓሳ ሙኪ ታ ኮይላ ቡካንዳኔ።

143

ዳውቴ ዓይነቱ

ጾኦሲፓ ማኣዳ ዴንቃኒ ሺኢቆ ሺኢጲሢሢ

1 ናንጊና ናንጋ ጎዳሢዮ! ሺኢጲያ ታኣኮ ዎይዜ፤

ታኣኒ ኔና ሺኢቃ ሺኢጲያ ባንሢ ዎይዜ ጌሢ፤

ኔኤኒ ጉሙርቁንታያ፣ ሃሣ ፒዜ ማዔ ጎይያና

ታ ሺኢቃ ባኮ ታኣም ዒንጌ።

2 ኔ ቤርታ ፔቴታዎ ጂሎ ማዓ ዓሲ ባኣሢሮ

142:7 142:7 1ሳሙ. 22:1፤ 24:3።

ታና ኔ ዓይላሢ ዋጌሮ ኔ ቤርቶ ዔኪ ሸኢሸፖ።

3 ታ ሞርካሢ ታና ዋዲኒ ዳውሳኔ፤
ዲሚዳ ጌልዚ ቱኪ ታኣኮ ካራ ባይዜኔ፤
ሚርጌ ዋዴኮ ቤርታ ሃይቂ ዲኡቱ ዓሶጉዲ ታኣኒ ማዔኔ።

4 ታኣኮ ጋሮይዳ ዓኣ ሸምፓሢ ባኣያ ማዔኔ፤
ዒና ዲቃቱም ካራ ታኣኮ ባይቄኔ።

5 ታኣኒ ሚናኣ ዋዶ ጳቂሢ ማሌኔ፤
ኔኤኒ ማዴ ማዶዋ ሸርሺ ሸርሺ ታ ማሌኔ፤
ኔ ዋልቆና ኔ ማዴ ባኮዋ ቢያ ታ ጳቂሌኔ።

6 ታ ኩጮ ኔና ሸኢቁ፥ ኔ ባንሢ ታ ዔቁሴኔ፤
ዳውሌ ዓጪዳ ዋኣሢ ዴኤባሢጉዲ
ታኣኮ ሸምፔላ ዒማዲ ኔና ዴኤቤኔ።

7 ናንጊና ናንጋ ጎዳሢዮ! ሸምፓሢ ታኣኮ ላቤሢሮ
ኔጉዋዖ ታ ሸኢቃ ባኮ ታኣም ዒንጌ፤
ኔ ዓኣፖ ካሮ ታ ባንፃፓ ሸርሺፖ፤
ኔ ዬያይዴቱ ሳዖ ዴሞ ኬዳ ዓሶጉዲ ታኣኒ ማዓንዳኔ።

8 ታኣኒ ጉሙርቃሢ ኔና ማዔሢሮ
ኬላ ኬላ ኔኤኮ ናንጊና ናንጋ ናሹሞ ታና ዔርዜ፤
ታ ሸምፓሢ ሃዳርሲ ታ ኔኤም ዒንጌሢሮ
ታኣኒ ዴንዳንዳ ጎይዖ ታና ዳቄ።

9 ናንጊና ናንጋ ጎዳሢዮ! ታኣኒ ኔና ፑኖ ካያሢ ማሄሢሮ
ታኣኮ ሞርኮይዳፓ ታና ማኣዲ ዓውሴ።

10 ኔኤኒ ታኣኮ ዖኣዛሢኬ፤
ኔ ጋዓ ባኮ ታኣኒ ማዲ ኩንሣንጉዲ ታና ዔርዜ፤
ኔኤኮ ኮዦ ዓያኖና ኮሺ ጎይሢ ታኣም ዳቄ።

11 ናንጊና ናንጋ ጎዳሢዮ! ኔ ቦንቾም ጌይ ታ ሸምፓሢ ካፔ፤
ኔኤኮ ፒዙሞ ማዶና ታኣኮ ሜቶይዳፓ ቢያ ታና ኬሴ።

12 ኔኤኮ ናንጊና ናንጋ ናሹሞ ፔጋሲ ታኣም ዳዋኒ
ታኣኮ ሞርኮ ዋዲ ባይዜ፤
ታኣኒ ኔኤኮ ዓይላሢታሢሮ
ታኣም ፑርታ ባኣዚ ማዴ ዓሶ ቢያ ኩርሴ።

144

ዳውቴ ዓይኑም

- ባሻላዊ ደንቃ። ዓይናዬ ዓይኑም
- 1 ናንጊና ናንጋ ጎዳ ማዕ ታኣኮ ላላሣ ጋላቴንቶንጎ!
 ዒዚ ታና ያልዚ ያሎ ጎይሣ ዔርዚ፣ ያልዚም ገሊጊሻኔ።
- 2 ናንጊና ናንጋ ጎዳ ታና ካፓያ ታኣኮ ገቲማኬ፤
 ታኣኮ ፑኖ ካያሣ፣ ሃሣ ታና ዓውሳሣኬ፤
- ታኣኒ ዒዛ ጉሙርቂ ኮሺ ናንጋኔ፤
 ዴራኣ ታኣም ዓይሣንታንዳጉዲ ማሃሣ ዒዛኬ።
- 3 ናንጊና ናንጋ ጎዳሣዮ!
 ዓሲንሣ ዓይጎኬ ጌይ ኔ ሃያይዲ ቶኣኮ ዛጋይ?
 ሃያይዲ ኔ ሂርጊ ዔያቶም ማላሣ ዓይጎኬ ጌይዳይ?
- 4 ዓሲ ዠባራጉዳ ባኣዚኬ፤
 ናንጋ ዎዳኣ ዔኤዠፍ ሺቢጉዳ ዴንዲ ባይቃያኬ።
- 5 ናንጊና ናንጋ ጎዳሣዮ! ጩራንጮ ዳርዚ ሊካ ኬዳ፤
 ዲኮ ኔ ኩጮና ካኣሚ ጩቢሺ።
- 6 ኔኤኮ ዠኤሊንያ ዠኤሊንሣ ኔ ሞርኮ ዳውሲ ባይዜ፤
 ኔኤኮ ሂኢዠና ዔያቶ ዲኪ ዳውሴ።
- 7 ኔ ኩጮ ሎኣፓ ሊካ ዳኬ፤
 ዴኤፖ ዎኣያ ዴማፓ ታና ጎቺ ኬሲ፣ ዓውሴ፤
 ፃንጎ ማዕ ማሌ ዓጮ ዓሲፓ ታና ዓይሴ።
- 8 ዔያታ ፔቴታፖ ጎኔ ባኣዚ ጌሰቱዎሴ፤
 ሚዛቆ ኩጮ ዔያታ ዔቂሲ ሉኡዙሞና ጩኣቃኔ።
- 9 ያኦሲዮ! ዓኪ ዓይኑም ኔና ቦንቺ ታ ዓይናዳንዳኔ፤
 ታጳ ሻሺ ዴንሣንታ ጎኡሎዎ ዎርቂ ታኣኒ ዓይናዳንዳኔ።
- 10 ያልዚና ባሻንዳጉዲ ካኣቶም ኔኤኒ ዎልቁ ዒንጋኔ፤
 ኔ ዓይላሣ ዳውቴያ ጩንቶ ዓራፖ ዓጩሣፓ ኔ ዓውሳያኬ።
- 11 ፃንጎ ማዕ ማሌ ዓጮ ሞርኮይዳፓ ታና ዓውሴ፤
 ዔያቶኮ ዴንጋ ሉኡዚ ባኣዚ ጌሰታያኬ፤
 ሚዛቆ ኩጮ ዔያታ ሉኡዙሞ ጩኣቁሞር ዔዔቂሳኔ።
- 12 ኦኡኮ ዴጌ ናኣታ ሃጊ ዔቃኣና
 ሃጊ ባቃሊ ዑጊ ዴንዳ ሚሣጉዲ ማፖንጎ፤
- ኦኡኮ ዉዱር ናኣታ ካኣቱሞ ማኣርኮ ጎንጃሣ ዎላ ካኣማ ካርይዳ
 ደቂንቲ ኬኤያ ሚዛጲሳ፣ ዓርሲ ኮሻና ፒዜ ቱርቱርጉዲ
 ማፖንጎ።

144:3 144:3 ዓ.ዮ. 7:17-18፤ ዓይኑ. 8:4።

- 13 ኮና ኑኡኮ ዲማ ዲማ ቶኦኪ ሃኣኮና ኩሚያ ማፖንጎ፤
 ሄንፆሮ ዘኦዘ ከሰከ ኑኡኮ ማራታ
 ሚርጌ ሺያና ፓይዲንታ ማሪናይ ሾይ ዲቦንጎ።
- 14 ባኣታ ኑኡኮ ካኣሽኮንጎ፤
 ቡሉዋፖ ሾይ ሾይ ዲቦንጎ፤
 ኑና ዲዒ ዔኪ ዴንዳ ባኣዚ ባይቆንጎ፤
 ኑ ካታሞኮ ሳዘ ጎይፖ ዴኤፖይዳ ዩኤፒ ዑኡሲ ዋይዚንቶፓ።
- 15 ዩያጉዴ ዓንጃ ዒንጊንቲ ዴሬ ጋላቲንቲያኬ፤
 ናንጊና ናንጋ ጎዳ ዔያቶኮ ፆኦሲ ማዔ ዴሬ ዓንጃንቲያኬ።

145

ዳውቲ ዓይነቱ

ጋላታ ዓይነቱ

- 1 ታ ፆኦዛሦ፥ ታ ካኣቲዮ!
 ታ ኔኤኮ ዴኤፑሞ ሄርሺ ኬኤዛንዳኔ፤
 ናንጊና ታ ኔ ሱንፖ ጋላቲ ጎይሣ ናንጋንዳኔ።
- 2 ቢያ ከላ ከላ ታ ኔና ጋላታንዳኔ፤
 ናንጊና ታ ኔኤኮ ሱንፖ ቦንቼ ጎይሣ ናንጋንዳኔ።
- 3 ናንጊና ናንጋ ጎዳ ዴኤፒኬ፤
 ፑኤፒ ጋላታ ዒዛሞ ኮይሳያኬ፤
 ዒዛኮ ዴኤፑማ ዓሲ ዔራኒ ዳንዳዓያይዳፓ ዑሣኬ።
- 4 ዋዶና ዋዶና ኬሰካ ዓሳ ኔኤኮ ማዶ
 ሄሊሲ ሙካ ዓሶሞ ኬኤዚ ዔርዛንዳኔ፤
 ኔኤኮ ዲቃሢ ሄርሺሳ ማዶዋ ፔጋሲ ዔያታ ኬኤዛንዳኔ።
- 5 ዴራ ኔኤኮ ቦንቹንታ ቦንቹንቶኮዋ ዴኤፑሞ ኬኤዛንዳኔ፤
 ታኣኒያ ኔኤኮ ዲቃሢ ሄርሺሳ ማዶ ማሊ ማሊ ናንጋንዳኔ።
- 6 ዴራ ኔኤኮ ዲቃሢ ሄርሺሳ ዴኤፖ ማዶ ዛሎ ኬኤዛንዳኔ፤
 ታኣኒያ ኔኤኮ ዴኤፖ ማዶ ሄርሺ ዴጊዲ ኬኤዛንዳኔ።
- 7 ዔያታ ኔኤኮ ኮሹሞ ሚርጊያ ኬኤዛንዳኔ፤
 ኔኤኮ ጂሉሞ ዋልቆ ዛሎ ዴግ ጌዔ ዑኡሲና ዓይናዳንዳኔ።
- 8 ናንጊና ናንጋ ጎዳ ኮሺ፥ ሃሣ ሚጪንታያኬ፤
 ዳጋዳኒ ሩኡሩዋያ፥ ናሹማኣ ናንጊና ጋፑዋያኬ።
- 9 ዒዚ ቢያ ባኮሞ ኮሺኬ፤
 ዒ ማዜ ባኮ ቢያ ሚጪንታያኬ።
- 10 ናንጊና ናንጋ ጎዳሢዮ!
 ኔ ማዜ ባካ ቢያ ኔና ጋላታንዳኔ፤

- ኔኤም ዲማዴ ኔ ዳራ ቢያ ኔና ዳኤፒሲ ሄርሻንዳኔ።
- 11 ኔኤኮ ካኣቱሞ ቦንቾ ዛሎ ኬኤዛንዳኔ፤
ኔኤኮ ዋልቆ ዛሎሞ ሄርሺ ጌሰታንዳኔ።
- 12 ዬያይዲ፣ ዓሲ ቢያ
ኔ ዋልቆና ኔኤኒ ማዴ ዳኤፖ ማድንታ
ጊንሣ ሃሣ ኔኤኮ ካኣቱሞ ቦንቾ ዳኤፑሞሞ ዔራንዳኔ።
- 13 ኬሰካ ዋዶ ቢያይዳ ዋይሣ ካኣታሣ ኔናኬ፤
ኔኤኮ ካኣቱማ ናንጊና ባይቁዋያኬ።

ናንጊና ናንጋ ጎዳ ጋዓ ባኮ ጉሙርቁንቲ ኩንሣያኬ፤

- ዒዚ ማዳ ባካ ቢያ ኮሺኬ።
- 14 ሎኦማኒ ቡኡዲንታ ዓሶ ዒ ኬኤሊንቃኔ፤
ሳዓ ሎኦማ ዓኣ ዓሶሞ ዔቁሳኔ።
- 15 ቢያሣ ጉሙርቁ ኔና ዛጋኔ፤
ኔኤኒያ ዔያቶም ኮይሳ ዋዶና
ዔያታ ሙዓንዳ ሙዖ ዒንጋኔ።
- 16 ኔኤኒ ኔኤኮ ኩጮ ቡሊ
ፔቴ ፔቴ ሺምፔና ዓኣ ባኮም
ኮይሳ ባኮ ዒንጊ ዒኖ ዔያቶኮ ሃውሺሳኔ።
- 17 ናንጊና ናንጋ ጎዳ ማዳ ባኮና ቢያ ዒሎኬ፤
ጊንሣ ሃሣ ኮሺኬ።
- 18 ናንጊና ናንጋ ጎዳ ዒዛ ሺኢቃዞንሣም ቢያ
ጎኔ ዒኔፓ ሺኢቃዞንሣም ቢያ ዒ ዑኬኬ።
- 19 ቦንቾ ዒዛ ዒጊጫዞንሣም
ኮይሳ ባኮ ቢያ ዒዚ ዒንጋኔ፤
ሜታዲ ዒላታ ዒላቶሞ ዋይዚ ዔያቶ ማኣዳኔ።
- 20 ዒዛ ናሽካዞንሣም ቢያ ዒ ፑርታፓ ካፓኔ፤
ፑርቶ ዓሶ ጋዓንቲ ዒዚ ዋዲ ባይዛኔ።
- 21 ታኣኒ ቢያ ዋዴ ናንጊና ናንጋ ጎዳ ጋላታንዳኔ፤
ዒዚ ማፔ ባካ ቢያ
ዒዛኮ ዲማዴ ጌኤኩ ሱንዖ ሄርሺ ሄርሺ ናንጎንጎ።

146

ዳቁሻ ያኦሲም ሺኢካ ጋላታ
 1 ናንጊና ናንጋ ጎዳም ጋላታ!
 ታ ሺምፔሌ! ናንጊና ናንጋ ጎዳ ጋላቲ።

- 2 ሺምፔና ዓላ ዎዶ ቢያይዳ ናንጊና ናንጋ ጎዳ ታ ጋላታንዳ፤
ናንጋ ዎዶ ቢያይዳ ታ የክዛህ ታኣኒ ቦንቸ ዓይናዳንዳ።
- 3 ዳቂሻኒ ዳንዳዑዋ፣ ዓሲ ማዢንቲ ማዔ ዓሶና
ሱኡጎ ማዔ ዎይህ ዳኤፖ ዓሶ ጉሙርቂፖ።
- 4 ዔያታ ሃይቃየ ሳኣ ዴሚ ጌላ፤
ዒማ ኬሎይዳ ዔያታ ማዳኒ ማሌ ባካ ቢያ ጉሪ ባይቃ።
- 5 ያይቆኑቤ የኦሲ ዒዛ ማኣዳያ ማዔ ዓህ
ናንጊና ናንጋ ጎዳ ማዔ ፔ የክዛህዳ ጌኤቂንቴህ ዎዛደንጎ።
- 6 ናንጊና ናንጋ ጎዳ ጫሪንጮንታ ሳዎንታ
ዳኤፖ ባዘንታ ጊዳ ዓኣ ባኮ ቢያ ማዢኔህ፤
ናንጊና ጉሙርቂንቴ ጎይህ ናንጋያኑ።
- 7 ሄርቂንቲ ዎርቃ ዓሶም ፒዜ ዎጌ ዎጋ፤
ናይዲንቴዞንህም ሙኡዚ ዒንጋ፤
ናንጊና ናንጋ ጎዳ ቱኡቴ ዓሶዎ ቱኡዛፓ ዒ ቡላ።
- 8 ናንጊና ናንጋ ጎዳ ዓኣፓ ባይቄ ዓሶኮ ዓኣፖ ቡላ፤
ሎኦሚ ዓኣ ዓሶ ሳዓፓ ዔቂሳ፤
ዲሎ ማዔ ዓሶዎ ዒዚ ናሽካ።
- 9 ናንጊና ናንጋ ጎዳ ሜሌ ዓጨፓ ሙኩ ዓሲ ማዔ ናንጋ ዓሶ ካፓ፤
ዜኤሪንዶ ማዔ ላኣሎንታ ዜኤሮ ናኣቶዎ ማኣዳ፤
ፑርቶ ዓሶኮ ጌኖ ማሊያ ጉሪ ማሃ።
- 10 ናንጊና ናንጋ ጎዳ ካኣቲ ማዔ ናንጋያኑ፤
ዲዮ፤ ኔ የክዛህ ኬሰካ ዎዶ ቢያይዳ ካኣታዲ ናንጋ።

ናንጊና ናንጋ ጎዳም ጋላታ!

147

ቢያ ባኮ ዳንዳዓ የኦሲም ሺኢካ ጋላታ

- 1 ናንጊና ናንጋ ጎዳ ጋላቱዎ፤
ኑ የኦሲ ቦንቸ ጋላታ ዓይኑም ዓይናዲህ ቃራኑ፤
ዒዛ ጋላቲያ ዎዛሳያ፣ ሃህ ኮይሳያኑ።
- 2 ናንጊና ናንጋ ጎዳ ዬሩሳሌሜ ጊንህ ዓካሲ ማዢ፤
ዒሰራዔኤሌፓ ዳውሲንቲ ዳንዴ ዓሶ ጊንህ ዒ ማሃ።
- 3 ዒኔ ሜቂ ዎዩ ዓሶ ዒዚ ዳዲሻ፤
ኪዎዎ ኑኡኮ ዒ ፓህኒ ማራ።
- 4 ዡኣጋህኮ ሚርጉም ዒዚ ፓይዲ ዔራ፤

146:6 146:6 ዳኪ. ማዶ 4:24፤ 14:15።

- ፔቴ ፔቴሂኮዋ ሱንጾ ዒ ጌሣኔ።
- 5 ናንጊና ናንጋ ኑ ጎዳሢ ጴኤፒ፣ ሃሣ ዋልቄና ዓኣያኬ፤
ዒዚ ዔራ ዔራታ ሃይማኬ ጌይንቱዋያኬ።
- 6 ዒኖ ሸሌዔ ዓሶ ዒዚ ሶንቹሲ ጴጊሳኔ፤
ፑርቶ ማዳ ዓሶ ጋዓንቱ ሳዓ ኬኤሪ ዳውሲሳኔ።
- 7 ናንጊና ናንጋ ጎዳ ሶንቹ ዓይኑም ዓይናዲዋቴ፤
ጎኦላ ዋርቁ ዋርቁያኣ ኑ ጾኦዛሢ ዓይናዲ ሶንቹዋቴ።
- 8 ዒዚ ሻኣሮ ጫሪንጮይዳ ሚጫኔ፤
ሳጾይዳ ዒርዚ ዋርቁሳኔ፤
ዲኮይዳ ማኣቲ ኬሲ ዓኣዒሳኔ።
- 9 ካዮ ሶጾንታ ቆሎንታም ቢያ ሙኡዚ ዒንጋኔ፤
ሙኡዚ ባይቄም ዒላታ ቁራኮ ናኣቶ ዒ ሙኡዛኔ።
- 10 ዒዚ ዋዛዳሢ ዶዶ ፓራሢንታ
ጾሎ ዓሶንታኮ ዋልቆ ዛጌቱዋሴ።
- 11 ዒዛ ዋዛሳሢ
ዒዛ ሶንቹ ዒጊጫዞንሢና
ናንጊና ናንጋ ናሹም ዒዛኮ ጉሙርቃዞንሢ።
- 12 ዬሩሳላሜ! ናንጊና ናንጋ ጎዳ ጋላቴ!
ዒዮኔ! ኔ ጾኦዛሢ ፑኡፒሲ ዒላሼ!
- 13 ዒዚ ኔኤኮ ማርሾ ካሮኮ ጋጋርዞ ዶዲሺ ካፓኔ፤
ኔ ጋራ ዓኣ ዳሮ ዒዚ ዓንጃኔ።
- 14 ዒዚ ኔ ዓጮኮ ዛጾ ኮሺ ማሂ ካፓኔ፤
ቃራ ዛርጌ ካዒሲ ኔና ዒ ሚሻኔ።
- 15 ሳጾ ፔ ቢታንቶና ዒዚ ዓይሣኔ፤
ዒዚ ጋዓ ባካ ኔጉዋጾ ማዲንቲ ኩማኔ።
- 16 ጴኤፖ ሻጮ ዋዲንቲ ፑኡታጉዲ ሳዓ ዒዚ ሚጫኔ፤
ሊኢሎጉዲ ላሃ ጾልኮዋ ዲቢንሢጉዲ ሳዓ ላኣላኔ።
- 17 ሻጮ ቃንጾጉዲ ሳዓ ዒዚ ዲኢኒሻኔ፤
ዬያ ኬዳ ሻጮ ቤርታ ጾኢያ ጫርቁ ዔቃኒ ዳንዳዑዋሴ።
- 18 ዬካፓ ዒዚ ዓይሥሢ ዓይሣኔ፤
ዬይ ላኣዳዲ ዳይ ዓኣ ሻጮ ዓልቃኔ፤
ዠባሬ ዒዚ ዠባርሺሴም ዋኣሢ ዒኢፓ ጎሳኔ።
- 19 ፔ ቃኣሎ ያይቆኦቤ ናኣቶም
ዒዛኮ ዋጎንታ ዳምሶንታ ዒሰራዔኤሌም ፔጋሲ ዔርዛኔ።
- 20 ዬያ ቢያ ዒዚ ሜሌ ዓይጎ ዳሪማኣ ማዲባኣሴ፤
ዬያታ ዒዛኮ ዋጎ ዔሩዋሴ።

ናንገና ናንጋ ጎዳም ጋላታ!

148

ማዢነቲ ቢያ ጾኦሲ ጋላታንዳያ ኮይሳሢ

- 1 ናንገና ናንጋ ጎዳ ጫሪንጫፓ ጋላቱዋቲ!
 ሎ ዴጌ ጫሪንጫ ዓኣ ማዢነታ
 ናንገና ናንጋ ጎዳሢ ጋላቱዋቲ።
- 2 ዒንሢ፥ ዒዛኮ ከኢታንቻ ዒዛ ጋላቱዋቲ፤
 ጫሪንጫይዳ ዓኣ ዒዛኮ ጾሎ ዓሳ ቢያ ዒዛ ጋላቱዋቲ።
- 3 ዓቦንታ ዓገናንታ ጋላቱዋቲ፤
 ጫሪንጫ ፖዓ ዠኦጋሢያ ዒዛ ጋላቱዋቲ።
- 4 ሌካ ዴግ ጌይ ዓኣ ጫሪንጫ ዒዛ ጋላቱዋቲ፤
 ዴጌ ቤዘኮ ዑፃ ዓኣ ዋኣፃኣ ጋላቱዋቲ።
- 5 ቢያ ባካ ናንገና ናንጋ ጎዳ ጋላቶንሳ!
 ዒዚ ዓይሤም ዩይ ባካ ቢያ ማዢነቲ።
- 6 ኮሰካ ዋዶይዳ ቢያ ላኣሚንቱዋ ዳምቤና
 ናንገና ናንጋንዳጉዲ ማዢ ዶዲሺ ዔያቶ ዒ ጌሤ።
- 7 ባዘይዳ ዓኣ ዴኤፖ ቦጾንታ
 ኮሺ ዔታዳ ቁልቦ ዋኣፃኣ ቢያ
 ሳዓፓ ናንገና ናንጋ ጎዳ ጋላቱዋቲ።
- 8 ዜኤሊንፃ፥ ዳኮ ሻጫ፥ ሻጫ ዴኤፖንታ ሻኣሮንታ
 ዒዛኮ ዓይሢያ ማዲ ኩንሣ ዴኤፖ ዓልጋሢ ቢያ
 ናንገና ናንጋ ጎዳ ጋላቱዋቲ።
- 9 ጌሜሮንታ ዲኮንታ
 ዓኣፓ ሙይንታ ሚጾንታ
 ዴኤሎ ካያ ዓኣ ሚፃኣ ቢያ ዒዛ ጋላቱዋቲ።
- 10 ካዮ ቦጾንታ ጋራ ዓኣ ቆልሞንታ
 ሳጾይዳ ጎቹንቲ ሃንታ ባኮንታ ጋኣዘና ባራና ባካ ቢያ
 ናንገና ናንጋ ጎዳሢ ጋላቱዋቲ።
- 11 ካኣቶንታ ሳጾይዳ ዓኣ ዴራ ቢያ
 ቢታንታ ዓኣ ሱኡጎንታ ዋጎ ዋጋ ዓሳኣ ቢያ ዒዛ ጋላቱዋቲ።
- 12 ዓቲንቆ ዴጌሢንታ ዉድራሢንታ
 ጋርቾንታ ናኣቶንታ ቢያ ዒዛ ጋላቱዋቲ።
- 13 ዒዛኮ ሱንፃ ሜሌ ሱንፃ ቢያፓ ባሻሢሮ
 ዒዛኮ ቦንቻ ሳጾና ጫሪንጫናፓ ባሼ ዴኤፒታሢሮ
 ቢያሢ ናንገና ናንጋ ጎዳ ጋላቶንሳ!

14 ዲዛኮ ዲኖና ዎላ ቱኡቴያ ማዕ ዲዛ ዴሮ
ዲሰራዔኤሌ ዲዚ ዳጊዲ ለንቺሴኔ፤
ጋላታ ጋላታንዳጉዲያኦ ዲዚ ዔያቶ ማሄኔ።

ናንጊና ናንጋ ጎዳ ጋላቱዎቲ!

149

ጋላታ ዓይነቱ

- 1 ናንጊና ናንጋ ጎዳ ጋላቱዎቲ!
ናንጊና ናንጋ ጎዳሢሞ ዓኪ ዓይነቱ ኮሲ ዓይናዲዎቲ!
ያኦሲ ዓሳ ቡኩ ቤዘይዳ ዲዛ ለንቺሞ ዓይናዲዎቲ!
- 2 ዲሰራዔኤሌ ማገፍ ያኦሲና ዎዛዶንጎ!
ጂዮኔ ዴራኦ ካኦቲሮ ኮኦሚ ዎዛዶንጎ!
- 3 ዲዛ ለንቺሞ ዓጊዲ ዓጊዲ ጋላቶንጎ፤
ካራቤ ባዒ፥ ጎኦላኦ ዎርቂ ዎርቂ ዲዛ ጋላቶንጎ።
- 4 ናንጊና ናንጋ ጎዳ ፔ ዴሮ ዛጋያ ዎዛዳኔ፤
ባሺሢ ዲንጊ፥ ዲኖ ሸሌዔ ዓሶ ዲዚ ለንቺሳኔ።
- 5 ያኦሲ ዴራ ዩያ ለንቺንቴ ለንቺሮ ዎዛዶንጎ፤
ዎንቶ ላሃ ቤዛ ቢያ ዎዛዲ ዓይናዶንጎ።
- 6 ጨንቻ ዓራፖ ዔያቶኮ ኩጫ ዓኦኔ፤
ዩያሮ ዔያታ
ዲላሽ ዲላሽ፥ ዴግ ጌዔ ዑኡሲና ያኦሲ ጋላቶንጎ።
- 7 ዔያታ ዩያይዴቴ
ሜሌ ካኦቶ ባሻኒ
ሜሌ ዴሮይዳ ዴኤፒ ሜቶ ዓጋኒ፥
- 8 ዩያ ዴሮኮ ካኦቶ ካኒ ቢራታና
ዴኤፖ ዴኤፖ ሱኡጎዎ ዴዌና ዓርቂ ቱካኒ፥
- 9 ናንጊና ናንጋ ጎዳ ዔያቶይዳ ዎጌ ዎጎ ማዲ ኩንሣኒ
ናንጊና ናንጋ ጎዳኮ ዴራ ባሺሢ ዎልቄ ዴንቃንዳኔ።

ናንጊና ናንጋ ጎዳ ጋላቱንቶም!

150

ናንጊና ናንጋ ጎዳ ጋላቱዎቲ!

- 1 ናንጊና ናንጋ ጎዳሢ ጋላቱዎቲ!
ዲዛሞ ዴማዴ ጌኤዢ ማኦሮይዳ ያኦሲ ጋላቱዎቲ!

ዲዛኮ ዲቃሢ ሄርሺሳ ዋልቃ ዓኣ ጫሪንጮይዳኣ ዲዛ
ጋላቱዋቲ!

2 ዲዛ ማዳ ዲቃሢ ሄርሺሳ ማዶሮ ጋላቱዋቲ፤
ቤቃያ ባኣያ ማዔ ዳኤፑሞሮ ዲዛ ጋላቱዋቲ።

3 ዛዬ ዋርቂ ዲዛ ጋላቱዋቲ፤
ጎኦላንታ ዲቢ ሻሺና ዳንሢ ዋርቆ ጎኦሎዋ
ዋርቂ ዋርቂ ዲዛ ጋላቱዋቲ።

4 ካራቤ ባዲ ዲዛ ቦንቾም ዓገዲ ዓገዲ ጋላቱዋቲ፤
ጎኦላንታ ሹሉንጎንታ ዋርቂ ዲዛ ጋላቱዋቲ።

5 ዑኡቱቡሎ ዋሺ ዋሺ ዲዛ ጋላቱዋቲ፤
ዑኡዛ ኮሺ ሚዛጳ ዑኡቱቡሎናኣ ዲዛ ጋላቱዋቲ።

6 ሸምፔና ዓኣያ ማዔ ማኸንታ ቢያ
ናንጊና ናንጋ ጎዳ ጋላቱዋቲ!

ናንጊና ናንጋ ጎዳ ጋላቲንቶም!

ጌሌዥ ማጻሕፍት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929